

LA
FAVCONNERIE

DE IEAN DE FRANCHIERES,

GRAND PRIEUR D'ACQUITAINE AVEC
tous les autres autheurs qui le font peu trouuer
traictans de ce sujet

DE NOUVEAU REVEUE, CORRIGEE
Et augmentée, outre les precedentes impressions.



A PARIS,
EN LA BOVTIQUE DE L'ANGELIER,
Chez CLAVDE CRAMOISY, au premier pillier de la
grand' Salle du Palais.

M. DC. XXVIII.
Avec Privilège du Roy.

L'auatoune & Michel

L'auatoune & Michel

FAVONIA
DE JARDIN DE FRANCE
GRAND PAVILLON DE VOYAGES
DE VOYAGES
CORRIGES



Handwritten text in a cursive script, likely a signature or a note, written vertically on the right edge of the page.

A PARIS
DE LA TOITTE DE LA TOITTE
DE LA TOITTE DE LA TOITTE
DE LA TOITTE DE LA TOITTE



A TOVS AMATEVRS DV PASSETEMPS ET VERTVEVX

exercice de la Fauconnerie,

Salut.

A Pres auoir imprimé vn traicté de la Venerie, il nos a séblé cōuenable de mettre aussi en lumiere ces presens liures concernans la Fauconnerie: qu'oultre ce que ces deux exercices ont quelque similitude & s'accompagnent l'un l'autre, ils sont aussi inuentez à mesme fin, qui est d'accoustumer les hommes au labeur, & les rendre plus addroicts aux armes: deliurer le peuple des bestes & oiseaux qui luy portent dommage: & quasi par maniere de guerre chasser ses ennemis, & seruir à la Republique. Et sont aussi moyens hōnestes pour éuiter oysiueté, me-re de tous vices, alleguer les ennuis qui suruiennent quelque-fois, & donner plaisir honneste à l'homme, pour lequel Dieu à fait toutes choses.

En la Venerie on pratique plusieurs inuétions pour surprendre les bestes, quelques rusees qu'elles soient. Et n'y en a point de si furieuses, qui ne puissent estre prinsees ou aux rets, ou à force, ou par autre industrie du bon Veneur: & avec ce il n'y a musique plus harmonieuse, que les abbois d'vne meute de chiens, avec la trompe du Veneur, dedans vne forest.

La Fauconnerie aussi n'est pas moins louable & recreatiue: car les Fauconniers ne prennent peu de plaisir à traicter & dresser les oyseaux & les rendre prests à voller. A quoy ils sont si affectiōnez, qu'ils delaissent toutes voluptez deshonestes pour y vacquer: tellement qu'on dit en commun prouerbe, que iamais bon Fauconnier ne fut mal conditionné.

Mais quād ils les voyēt au partir de leurs poings passer les nuës, fédre le ciel, se perdre de veüe & donner pointe, se fōdre en bas

sur fleur gibbier, ou faire les autres deuoirs, qu'ils rédent & donnent cōme par les mains à leurs maistres la proye qu'ils desirēt, se rendans de rechef à leur seruice & subiection: c'est vn passe-temps & plaisir si grand, qu'il ne cede en rien à celuy de la Venerie. Et voilà cōment ceste ancienne contention tāt debatüe entre les Veneurs & Faucōniers, à sçauoir laquelle est a preferer à l'autre, a esté iusques icy indecise. Tāt y a que l'vne & l'autre est si recommandable, que les Rois, Princes, grands Seigneurs & autres esprits nobles & bien nez, ne trouuēt passe tēps plus vertueux, ne plus digne de leur grandeur, que celtuy-cy.

Or nous esperons que ces liures seront d'autant plus recōmandables que les anciens nous en ont donné moins de cognoissance: car il en ont si peu escrit, qu'on doute s'ils l'ont prattiquée. Je laisse le iugement aux plus doctes, qui ont amplement leu & fueilleté les autheurs.

Le premier a esté composé, ou plustost rassemblé & extrait de plusieurs pieces çà & là esparles sans aucun ordre, par lean de Franchiere Cheualier de l'ordre de l'Hospital de S. lean de Hierusalem Commandeur de Choisy en France: retirees non sans grād labour des memoires & brouillards de trois Maistres fort sçauans & renommez en cest art: sçauoir est Molopin, Faucōnier du Prince d'Antioche, frere du Roy de Chipre: Michelin, Fauconnier du Roy de Chipre: & Aimé Cassian, Grec de nation, Faucōnier des grands Maistres de l'Isle de Rhodes.

Le second est vne Faucōnerie de Guillaume Tardif, du Puy en Vellay, Lecteur du Roy Charles 8. & dediée à sa Maiesté.

Le 3. est la Volerie de messire Arthelouche de Alagona, Seigneur de Marauecques, Cōseil. & Chābel. du Roy de Sicile.

Le 4. & dernier est vn recueil de tous les oyseaux de proye qui seruent à la Vollerie & Fauconnerie, par G. B.

Icy dōc sōt recueillis & mis par ordre tous les secrets de cest art, obseruez par lōg vsage & bien experimētez: afin que le tēps gloutō deuorateur de toutes choses, n'en esgare la souuenāce: & que d'autant plus soient aduācez les nobles esprits, addonnez au plaisir du vol du Faucon, & à la chasse oiseliere.




TABLE DE LA FAVCONNERIE DE

F. IEAN DE FRANCHIERES, GRAND

Prieur d'Aquitaine.

Le premier liure.

DE la difference & di-
uerse nature des Fau-
cons. f. 1. u
Du Faucon dit Gœil
& de sa nature. mes. f.
Du Faucon dit Pelerin, & de sa na-
ture. la mesme.
Du Faucon dit Tartaret, & de sa
nature. là mesm.
Du Faucon dit Gersaut, & de sa
nature. 3. a
Du Faucon dit Sacre, & de sa na-
ture. mesm. f. b
Du Faucon dit Lanier, & de son na-
turel. là mes.
Du Faucon Tunisian, & de sa na-
ture. 4. a
De quelques autres oiseaux de leurre
& du poing, & de leur nature. mes.
f. u. b
Quels moyens faut garder pour faire
biē voler les oiseaux, tāt pour rui-
re que pour champs. 3. a
Cōment il faut diure le Faucon à biē
voler par les champs mes. f. b
De la vojerie des champs pour le gros
là mes.
Des moyens qu'on doit obseruer pour
bien instruire & gouverner Fau-
cons & autres oiseaux, soient niāis
ou bagars & les apprendre à voler
& oiseler. 6. b
De la differēce des Faucons & de leur
naturelles conditions. 7. b
D'aucuns Faucons Gentils, differens
des autres. là mes.

De la differēce qu'il y a entre le Fau-
con Pelerin, & le Faucon Gentil &
comme on les pourra remarquer &
discerner l'un de l'autre tant à la
composition du corps qu'à la ma-
niere de voler. 8. b

Le second Liure

Enseignemēs pour conseruer tous oi-
seaux de proie en santé. 10. b
Autre remede pour oster rheumes &
eaux de la teste en lieu de tirer.
12. b
Autre recepte pour garder les oi-
seaux en santé 13. a
Les causes & signes du mal de la tē-
te, qui auient pour auoir donē aux
oiseaux trop grosses gorges, & de
males chairs: & les remedes pro-
pres pour les guerir. mes. fueil. b
Remedes pour guerir l'oiseau qui a
mal aux yeux, à cause du rhume, ou
distillation de cerueau. 14. b
Moyen aisē & propre pour conser-
uer l'oiseau en santé, & en bonne a-
leine là mes.
Remedes pour le mal de rheume ēra-
cinē de long-temps, & qui procede
de froidure. 15. a
Autre remede pour la maladie des-
susdite. 19. a
Autre remede pour descharger l'oi-
seau de rheume de la teste. là mes.
Remede pour le mal des oreilles qui
vient aux oiseaux de rheumes ou
froidure. mesme fueil. b.
Remede pour mal de paupiere, qui

TABLE

- aduiët par froidure de rheume.* 17. a
Du mal de l'ongle qui vient en l'œil des Fauçõs, de ses causes & signes, & des remedes propres pour le guerir. mes. f. b
Remedes pour guerir l'oiseau, qui a en coup en l'œil. là mes.
Remedes pour le mal de la taye en l'œil des oiseaux, qu'aucuns appellent verole. 18 a
Du mal de la couronne du bec, de ses causes & signes, & des remedes propres pour le guerir. 19. a
Remedes pour le mal des narilles, & du bec. la mesme
D'un autre feu qui se dõne aux narilles des oiseaux pour les embellir. mes. f. b
Du mal de barbillõs, qui viët dedäs le bec des oiseaux, de ses causes & signes, & des remedes propres pour le guerir promptement. là mesm.
Du mal de chancre, de ses causes & signes & des remedes, propres pour le guerir. 20. a
Du mal de la pepie qui viët aux Fauçõs, sur la lãgue, à cause du rheume, de ses causes & signes, & des remedes propres pour le guerir. mes. f. b
Du mal de palais, qui enfle aux oiseaux par froidure & rheume de teste de ses causes & signes & des remedes propres pour le guerir. 12. a
Du mal des sang sues, de ses causes & signes, & des remedes propres pour le guerir. mesm. f. b
Du mal des maschoires, qui viët dedans le bec, de ses causes & signes & des remedes propres pour le guerir. 22. a
Du mal de bec, de ses causes & signes, & des remedes propres pour le guerir. là mesme
Du haut mal ou epilepsie, dont les oiseaux tõbent par fois, de ses causes & remedes propres pour les guerir mesm. f. b

Le tiers liure.

Du mal de la pierre ou de la croye, qui aduiët aux boyaux ou bas fõdement des oyseaux: de ses especes, causes & signes, & des remedes propres pour le guerir. 23 b
Du mal des filãdres, qui aduiët aux Fauçõs en plusieurs parties interieures de leurs corps, & des remedes pour le guerir: et des especes, causes & signes, & premierement des filãdres de la gorge. 66. a
D'une autre secõde espece de filãdres qui viennent aux estreines & aux reins des oiseaux: & des remedes propres à les guerir. 27. a
D'une autre espece de filãdres, qui viennent aux cuisses des Fauçõs: & les remedes pour les guerir. mes. f. b
D'une autre espece de filãdres, que l'on nommo vulgairement aiguilles, & sõt pires que toutes les autres & des remedes pour les guarir. là mes.
Des apostumes qui s'engendrent aucunes fois dedäs le corps des oiseaux: de leurs causes & signes, & des remedes pour le guerir. 28. b
Du mal de foye aduenãt aux oiseaux de ses causes & signes, & des remedes propres pour les guerir. 29. a
Du mal de chãcre qui vient de chaleur de foye, & des remedes pour le guerir. mesm. fueil. b
Du mal de pãtais, de trois especes d'iceluy, des causes & signes, & des remedes pour le guerir, nommément de pãtais de la gorge. 30. a

DES CHAPITRES

- De la seconde espece de pantaïs, qui vient de froidure, des causes & signes, & des remedes qui y sont propres. mesm f. b
- De la tierce espece de pantaïs, qui viêt es reins & roignôs, de ses causes signes & accidens : & des remedes propres pour la guerir 32. b
- Du mal de morfondure, qui aduiêt à l'oiseau par quelque accidēt : des signes & causes dudit mal, & des remedes propres pour le guerir. 32. b
- Du mal vulgairēmēt appellé le mal subtil, de ses causes & signes, et des remedes propres pour le guarir. là mesme.
- Autres remedes propres pour l'oiseau qui n'œduit, & ne peut passer sa gorge. 33. b
- Autres remedes pour guerir l'oiseau qui remet sa chair & ne la peut enduire. 34. b
- Autres remedes propres pour remettre l'oiseau degousté, & luy faire reuenir l'appetit de manger. 35. a
- Autres remedes pour remettre sus un oiseau quand il est trop maigre. m. f. b.
- Autres remedes pour un oiseau qui est alenty & paresseux, & n'a volonté de voler. là mes.
- Le quart liure
- Du mal appellé la taigne, qui viêt aux aïles & queïnes des oiseaux, & de ses especes. 36. b
- De la premiere espece de la taigne, & de ses causes, signes & remedes. 37. a
- De la seconde espece de taigne de ses causes & signes, & des remedes propres pour le guerir. m. f. b
- De la tierce espece de taigne de ses causes & signes, & des remedes propres pour le guerir. 38. a
- Si un oiseau à l'aïle rôpüē par quelque accident, quels moyens il faut tenir pour la luy remettre, et le guerir. mes f. b
- Si l'oiseau ne soustient bien ses aïles quelle en est la cause, & quels sont les moyens d'y remedier. 39. b
- Si l'oiseau à l'aïle desloquée & demise hors de son lieu, quels moyēs faut tenir pour la remettre et le guerir. mes. f. b
- Si l'oiseau a de mal auenture l'aïle-ron rôpu, quels remedes sont propres pour le luy raccoustrer. là mes.
- Si l'oiseau à la iambe ou cuisse rôpüē quels moyens il faut tenir pour la remettre & guerir. 40. a
- Si l'oiseau est blessé de comp, quels moyens & remedes sont propres pour le bien traiter & guerir. là mesme.
- Quand l'oiseau à les pieds enflex, quelles en sôt les causes, et les moyēs pour y remedier. 41. b
- Quand les oiseaux ont les cuisses ou iambes enflexes, quelles en sôt les causes, & les moyens esprouuez pour les guerir. 42. a
- Si les oiseaux ont clous ou galles aux pieds quel l'oappelle podagres, qu'elles en sont les causes, & les moyens d'y donner remede. mes. f. b
- Si un oiseau se gratte ou mange les pieds quelle en est la cause, et quels moyēs faut tenir pour y obuier. 43. b
- Quels moyens sont à garder quand on veut serrer ou estoupper les veines des iâbes de l'oiseau, pour le garentir des enflexes, clonds, galles, podagres & demangaisons d'issudites. 44. b

TABLE DES CHAPITRES

- Quels moyens on doit tenir, quand on veut ropre la iambe à l'oiseau, pour le garentir de podagres & autres maladies de pieds. 45.a
- La façon de mettre les oyseaux en muë: & les moyens qu'on y doit tenir pour les conseruer en santé & alegresse. mes. fueil.b
- Quels moyens sont propres pour auancer vn oiseau de muer. 46.a
- Quels moyens sont bons à garder, pour faire que tous oiseaux se portent bien en la muë, & qu'ils en puissent sortir sains & drus. mes. fueil.
- Commēt on doit traiter Faucons apres qu'on les a esteuez hors de la muë. là mes.
- Si quand, & comment on doit donner l'aloës aux oiseaux volans. 47.b
- Si l'oiseau s'est rompu les ongles, quels moyens & remedes sont propres pour les faire reuenir, & les guerir. 48.a
- Quand les Faucons font des œufs en la muë ou dehors, & puis en deuiennent malades & en danger de mourir par quels moyens on y doit remedier. 48.a
- Quels moyens doit tenir le Fauconnier voulant prendre Faucons en l'air ou au nid. mes. fueil.b
- par quels moyens on peut voir si les Faucons ont pouls ou mouches: & s'ils en ont, comment on les peut oster ou faire mourir. 49.a
- Quand loiseau pend & traine l'aïlle par quel moyen on la luy peut faire leuer & soustenir. mes. fueil.b
- Si les oiseaux se sont cassé froissé ou rompu quelques pennes des aïlles ou de la queuë, par quels moyens on les doit accoustrer, & enter s'il en est besoin. là mes.
- Quand vne penne est arrachee par force ou tirée en sang, quel moyen il y a de la faire reuenir sans offense de l'oiseau. 50.b
- l'oiseau a l'alaine puante qu'elle est la cause, & quels moyens sont bons pour y donner remede. 51.b
- Conclusion de l'autheur. mes. fueil.b

F I N.

DE L'ART DE FAU-
connerie liure premier.

De la difference & diuerse nature des Faucons.

CHAPITRE I.

 ELON ce que j'ay peu apprendre des trois maistres Fauconniers dessusdits, il ya sept especes de Faucons de leurre: lesquels ils (ont tout compris sous ce nom general de Faucon) pource que tous bons Fauconniers (lesquels aussi ont pris leur nom du Faucon) ont de tout temps appellé Faucon tout oiseau de leurre & de proye. Et neantmoins ont-ils donné à chacune des dites especes vn nom propre & particulier: comme aussi les ayans ainsi particulierement veuz, cogneuz & nommez, ils les ont puis apres affairtez & introduicts chacun selõ sa complexion & nature. Et pource mettrons nous orendroit premierement leurs noms pour fin de ce premier chapitre: puis aux chapitres ensuyuans declarerons de chacun à part & par ordre la complexion & la nature. Ces sept especes doncques sont.

- Le Faucon, dit Gentil.
- Le Faucon, dit Pelerin.
- Le Faucon, dit Tartaret.
- Le Faucon, dit Gerfault.
- Le Faucon, dit Sacre.
- Le Faucon, dit Lanier.
- Le Faucon, dit Thunisien.



Du faucon dit Gentil, & de sa nature.

CHAP. II.

LE Faucon dit Gentil, de sa nature est bon Haironnier dessus & dessous: est bon pareillement aux Rousseaux ressemblans aux Haironniers, aux Espluquebaux, aux Poches, aux Garfotes, & à plusieurs autres especes d'oiseaux: & principalement est bon pour la riuere. Cestuy Gentil soit prins niais pour mettre à la Gruë, car s'il n'estoit niais il ne seroit pas si hardy: pource que venant du nid il n'a iamais rien cogneu. A ceste cause si vous l'oiselez premierement sur la gruë, il en sera plus vaillant, & en fin deviendra bon Gruyer, pource qu' auparauant il n'auoit point veu d'autre oiseau.

Du Faucon dit Pelerin & de sa nature.

CHAP. III.

LE Faucon dit Pelerin est naturellemēt vailant, hardy & de bō affaire: & est moult courtois à sō maistr. Cestuy faucon est dit, Pelerin, pource qu'il est oiseau de passage: & vade regiō en autre comme qui fait vn pelerinage. Et encores dit on de luy, que iamaï ne se rēcontra homme, fust Chrestien ou infidelle, qui ait peu dire auoir veu ou trouuē, où l'œu où le Faucon fait ses perits, ny son aire: ains se prent tous les ans enuiron le mois de Septembre en la saison qu'il fait son passage. Quand vous en auez recouuré aucun, aduisez premierement à l'affaict, leurrer & assureur comme il appartient: puis le pourrez faire à la Gruē, à l'oiseau de Parads (qui est vn peu moindre que la Gruē) au Hairo, aux Rousseaux, aux Espluquebaux, à Poches, à Garlotte, & à toutes autres sortes d'oiseaux de riuere. Aufin le pourrez vous oiseler & aduire pour les champs à l'Oye sauuage, aux Oustardes, aux Olims, aux Fauſſes perdris, & à toutes manieres d'oiseaux de menu gibier. Car de sa nature il est prompt & propre à tout faire, docile & aisē à apprendre.

Du Faucon dit Tartaret, & de sa nature.

CHAP. IIII.

LE Faucon dit Tartaret, est vn oiseau qui n'est pas commun par tout pays, ains est de passage aussi bien que le Pelerin. Cestuy Faucon est plus grand & plus gros que le Pelerin. roux dessus les aïles, au surplus bien empieté & ayant longs doigts. Aucuns dient que ce sont Pelerins d'autre espee: & de fait les Tartarets sont bien peu differens de ceux que vulgairement on appelle Pelerins. Tant est que Tartarets sont oiseaux bien volans & hardis à toutes manieres d'oiseaux, & se peuvent oiseler & aduire à tout ce qui a esté dit du Pelerin. Or faictes cestuy Tartaret & pareillement le Pelerin, leurrer & voler pour tout le mois de May & de Iuin: car ils sont tardifs en leurs nuës: mais aussi

LIVRE PREMIER

quand ils commencent à muer, ils se despouillent promptement. Cestuy Faucon se dit Tartaret de Barbarie, pource que communément il fait son passage par le pays de Barbarie où il s'en prend plus grand nombre qu'en aucune autre contree. Comme sont' aussi pris les Faucons Pelerinsés Isles de Cypre, Candie, Rhodes, & autres Isles de l'Archipel. Neantmoins en ladite isle de Candie sont en plus grand & frequent usage les Pelerins & Tartarets qu'en tous les autres pays: Pource que les nobles Candiots les font & aduisent plus à la Gruë, qu'à aucuns autres oiseaux. De fait là plus qu'en autre lieu se treuvent Tartarets & pelerins singulierement bons & adroits.

De Faucon dit Gerfault, & de sa nature.

CHAP. V.



DE LA FAVCONNERIE.



31
E Faucon dit Gerfault est vn Faucon de grande force & de rare puissance, singulieremēt bon oiseau, spécialement apres qu'il a mué. Le Gerfault est bien empieté, & à longs doigts, & les serres fortes. Il est fin & hardy de sa nature: & d'autant en est-il plus fort à faire. Car il veut auoir la main douce, & le maistre debõnaire. Cestuy Faucon fait ses petis & son aire és parties de Prusse & de Damnemarc deuers Lubec. Mais communement il se prend és confins del' Alemaigne en faisant son passage. Le Gerfault de sa nature est propre à tout vol: & le pouuez oiseler & mettre à toutes manieres d'oiseaux de riuieres & de champs, comme dita esté du Pelerin & Tartaret.

Du Faucon dit Sacre, & de sa nature.

CHAP. VI.



LIVRE PREMIER



LE Faucon dit Sacre, est vn Faucon assez grand, & plus grand que le Faucon Pelerin: toutesfois laid de pennis, & court empieté. Mais si est il de grande force, & hardy à toutes manieres de voleries, autant ou plus que le Pelerin & le Tartaret: Toutesfois n'est il point si franc pour faire grans efforts sur la Gruë, ou faire vn semblable fort vol, comme est le Pelerin. Maistre Molopin dit que cestuy Sacre est oiseau de passage: & qu'il ne s'est rencontré homme, quel qu'il fust, qui ait peu dire auoir veu, sceu, ny trouué le lieu ou vn Sacre feist son aire & ses petits: Combien qu'és cōtrees où il se prend, l'on die qu'il vient de Roussie & de Tartarie, & delà la mer Majeur. Pource qu'és voyages que l'on fait tous les ans vers les Indes & Isles Orientales, on le prend vers la Natolie, & les contrees de leuant tant en Chipre, Rhodes, & Candie, comme és autres Isles de l'Archipel. Le Sacre encores est plus enclin & plus propre de sa nature pour la volerie des champs, comme pour l'Oye sauage, Butors, Gelines de bois, Phaisans, Perdris, Lieures, & toute autre sorte de gibier: Et est moins d'agereux en son viure: mais aussi est meilleur pour la riuere le Sarrret, que le Sacre forme.

Du Faucon dit Lanier & de son naturel.

CHAP. VII.



LE Faucon dit Lanier, est assez commun en tout pays, spécialement en France & és pays circonuoisins. Car il fait volontiers son aire & ses petits aux bois sur les hauts arbres, ou és hautes roches, selon l'aissance des pays où il se retrouue. Cestuy Lanier est plus petit de corsage que le Faucon gentil: & est fort beau de pennage, principalement apres la muë: & est plus court empieté que aucun des autres Faucons. Et dit Maistre Michelin que le Lanier qui a plus grosse teste, & dont la couleur des pieds tire plus sur le bleu, soit niais ou sot, est meilleur que les autres. De cestuy Faucon pouuez vous voler en riuere, & en plusieurs autres manieres de volerie. Spécialement est bon par les prez pour battre les Lieures, voler Perdris, Phaisans, Chahuans, & toute autre sorte de menu gibier. Il n'est point dangereux en son past ny en son viure: car il supporte mieux son past gras, qu'aucun des autres Faucons de gente penne.



Du Faucon Thunisien, & de sa nature, CHAP. VIII.

LE faucon dit Thunisien, approche assez pres de la nature du faucon Lanier : car il a semblable pennage & semblable pied, toutesfoisa il le corps plus dedié, plus long deuant, & mieux croisé, & la teste plus grosse & plus ronde, Il est appellé Thunisien, pource qu'il fait son aire & ses petis au pays de Barbarie, enuiron la ville de Thunis, qui est l'vne des principales villes de Barbarie, en laquelle le Roy du pays reside avecques ses Gentils-hommes, qui font grand compte de tels oiseaux : qui naissent là, & y sont bien recuillis, comme les Laniers en France, Le faucon Thunisien est bon à riuere, & à tous oiseaux hantans

LIVRE PREMIER.

sur icelle. Encores est il bon aux champs (ne plus ne moins que le Lan-
nier :) bat volontiers les Lieures, & vole tout autre gibier. Cestuy
Faucon n'est pas commun ne cogneu par tout pays, ainsi que sont au-
tres oiseaux: & ne s'en trouue gueres ailleurs que audit pays de Barba-
rie & de Thunis.

De quelques autres oiseaux de leurre & de poing, & de leur nature.

CHAP. IX.

MAistre Aymé Cassian dit, qu'il se trouue encores quelques
autres oiseaux de leurre & de poing, propres au deduit de
la volerie, comme le Hobier, l'Espreuier, l'Autour, & l'Es-
merillon: combien l'esmerillon pour sa petitesse & delica-
tesse ne vole gueres que aux Allouettes & semblables oisillons, & que
rarement il prenne le Cailletteau & le Perdriau. Les trois autres com-
mes ils sont plus grands & plus forts, aussi font ils les vols plus beaux, &
plus hautes entreprises. Quelqu'vns ont voulu dire qu'on pouuoit
dresser & leurrer le Corbeau & le Milan: pource que tous deux sont
oiseaux de proye: lesquels l'on voit iournellement chasser de nature,
& poursuyure le gibier. Mais ce ne sont bestes si nobles comme rau-
cons & espreuiers: lesquels semblent plus s'efforcer à faire vol grad &
hautain pour quelque sentiment de gloire & honneur de la victoire,
que pour appetit de la proye. Oū au contraire Milans & Corbeaux ne
volent & suiuent gibier que pour la cuisine, & pour contenter leur
appetit affamé. Aussi ne se mettent ils iamais à suiure ne Gruë, ne Hai-
ron, ny semblables oiseaux de combat: ains seulement Poulets & Pi-
geonneaux & semblables, qui n'ont ne vol ny autres defenses pour se
sauuer de leur bec & griffes. Et ceste est la cause pour laquelle les Gen-
tils-hommes & nobles esprits ne s'amusent à leurrer & affaïtter tels
oiseaux, villains poltrons & tripiers de nature: & si quelqu'vn s'est
trouué qui en ait voulu prendre la peine, ce a plus esté par curiosité,
que pour plaisir qui en peust reuenir.

*Quels moyens faut garder, pour faire bien voler les oiseaux.
tant pour riuere que pour champs*

CHAP. X.

Maistre

DE LA FAVCONNERIE

Maitre Molopin estoit d'aduis, que l'oiseau volant pour riuere, par celuy qui desiroit luy voir faire bon vol, deuoit estre lasché contre le vent, & au dessus de son gibier, pour luy donner autant d'auantage de sa môtée. Aussi qu'il faut conduire les Faucons à l'endroit des oiseaux de riuere: & quand on les verra bien à leur point, escrier lesdits oiseaux de riuere, & les chasser en sus, en les faisant sortir hors de l'eau. Et s'il auient qu'ils faillēt à se bien dresser vers la proye, il les faudra lancer à quelque poulet ou autre oiseau vif, pour les arrester, & donner bon enseignement à ses oiseaux, que de nouuel on met à voller, tant qu'ils cgonoissent bien le vif, & entendent mieux ce qu'ils doiuent faire. Quant à la volerie du Heron, maistre Michelin dir, que c'est la plus noble de toutes: Aussi que le Faucon qu'on y affecte, doit estre bien instruit à cognoistre le vif, & à sçauoir monter. Quele Faucon Heronnier ne doit point estre employé à autre volerie que celle du Heron: pource qu'en autre volerie quelconque ne se fait telle montee, ny effort si grand, qu'au vol du Heron: partant est bien raison que Faucons Heronniers ne soient mis plus bas, ny au moindre effort de volerie: attendu aussi qu'il doit bien suffire au Gentil'homme, ou au Fauconnier, de voir son Faucon bon Heronnier. Car si on le veut puis apres appliquer à autre legere volerie de commun gibier: il prendra incontinent vn desdain, & vne paresse telle, qu'au lieu qu' auparauant il estoit bon Heronnier, il ne le sera plus & s'appoltronnira de forte, qu'il n'aura plus d'enuie de voler le Heron: & se voudra arrester au commun gibier, qu'il aura trouué le plus aisé, quittant & abandonnant toute violence & courageuse hardiesse: qui reuiert à grand dommage & regret à celuy, qui auoit auparauant vn si bon Faucon Heronnier. Bien est vray, que le Sacre vole à tous oiseaux, plus aisément que tous les autres Faucons, pource qu'il est prompt & franc, & commun à tout: mais il est grossier d'entendement, & mal aisé à façonner, combien qu'en fin il se rende bon, à qui voudra prendre le traual, qui est necessaire.

Comme il faut conduire le Faucon, à bien voler pour les champs.

C H A P. XI.

B

LIVRE PREMIER

MAistre aymé Cassian a dit : pource que quelques seigneurs & Fauconniers prennent plus grand plaisir aux faucons faits pour la volerie des chāps, qu'à ceux qu'on fait voler pour riuere : que pour bien instruire les Faucons au vol des champs, il faut commencer à les faire cognoistre les chiens, & à les aymer, soit pour le poil, soit pour la plume. Car il n'est pas possible se retirer de la volerie des champs, le plaisir qu'on en desire, si les chiens ne cognoissent & aymēt les oiseaux, & les oiseaux les chiens. Et combien que l'oiseau de sa nature soit mal-aisé à appriuoiser, & entrer en cognoissance & amitié avecques le chien, ne s'en faut point estonner. Car avec le temps, & la journaliere communication que faire on pourra de l'oiseau avecques le chien, pour l'en asseurer, auindra qu'en fin ils s'entrecognoistront & s'entraimeront. Aussi les faut-il souuent mener aux champs à la volerie : car ceste hantise fera qu'ils s'entrecognoistront, & s'accoustumeront encores dauantage de l'un à l'autre. Et pourra-on faire bons faucons pour les champs, si on les tient bien curez & accommodez, en leur baillant du premier, du second, & du tiers oiseau qu'on prendra, vne assez bonne gorgee : & apres celà le faudra retirer petit à petit, pour le mettre en plus grand erre : car cestuy est vn bon moyen pour mieux luy faire cognoistre le vif, & en faisant becqueter la teste de l'oiseau prins, & en manger de la ceruelle, & de chacun autre qu'on prendra iusques à ce qu'on le vueille paistre à l'heure accoustumee, & lors luy faudra donner gorgee raisonnable.

De la Volerie des champs pour le gros.

CHAP. XII.

LY a vne autre volerie pour les champs, qu'on appelle, vol pour le gros : comme quand on fait voler le faucon aux Gruës, aux Oyes, aux Butors, à l'oiseau de Paradis (qui est quasi aussi grand que la Gruë) aux Rousseaux, (qui ressemblent aux Herons) aux Espluquebos, aux Valerans, aux Poches, aux Garsottes, & à plusieurs autres sortes d'oiseaux de grossiere nature, & de cuisine. En ceste volerie les faucons peuuent faire bon vol partans du poing, que l'on dit à la source : toutesfois ne se peu-

uent. ils bonnement faire, & bien deduire à ce vol pour le gros, pour prendre Gruës, Oyes, & autres oiseaux de fort, sans Espaigneul, ou leurette, ou autre chien appris & façonné avecques le Faucon: duquel le vol pour le gros requiert prompt & present secours, avecques toute diligence. Si pour ce vol de gros, & pour toute autre volerie que vouldrez faire faire à vostre oiseau, vous le voulez rendre prompt, hardy, courageux & vaillant: il le vous faut souuent & quasi tout le iour tenir sur le poing, & le paistre de poulets (tant que vous en pourrez recouurer) enuiron l'heure de tierce: & apres qu'il sera peu, le mettre au Soleil, en lieu où il ait l'eau deuant luy, afin qu'il s'y puisse baigner, quand il luy plaira. Mesmes qu'il y puisse boire, comme bien souuent il le desire: car le boire luy fait grand bien, & par fois le prend tant à propos, qu'il le preserue de maladie. Toutesfois quelquesfois auient, que l'oyseau beuant apres vne longue maladie, par le boire se donne la mort: d'autresfois que par le boire il se guerit. Apres cela, soit baigné ou non, il le faut encores tenir sur le poing, iusqu'à ce qu'on s'aille coucher: & quand on se va coucher, mettre deuant luy vne chandelle ou lumiere, qui dure toute la nuit. Si d'auanture il s'estoit baigné: le lendemain le faudroit mettre vne heure au Soleil & iusqu'à ce qu'il fust rechauffé: Mais s'il ne s'estoit point baigné, faudroit prendre du vin & de l'eau meslez ensemble, puis l'arrouser avecques la bouche enuiron l'heure de tierce; & apres le remettre au Soleil, & à faulte de Soleil, deuant le feu, tant qu'il soit bien sec: & si on le cognoist bien essuyé, net, & assuré, trente ou quarante iours apres on le pourra seurement mener aux champs, pour le faire voler au gibier. Lors si on void qu'il soit en bonne disposition & volonté de voler, le faudra laisser voler à son aise: & s'il prend, luy donner à manger de l'oyseau qu'il aura prins vne assez bonne gorgee: mais si ce iour-là il ne prend rien, le faudra paistre d'vne cuisse ou aile de poule lauee en eau fresche: en le tenant tousiours sur le poing, ainsi que dit est. Le lendemain le faudra encores porter à la volerie: & s'il prend quelque chose, le traicter comme dessus, & le tenir & conduire en ceste façon, tant qu'il soit bien enoifellé: cependant le gouverner & conduire tousiours, avecques prudence & sage discretion: pour ce que par fois il se pourroit mettre bas, & ne pourroit satisfaire à la force & continuation de son vol. Autres disent, que si l'oyseau se monstre rebelle au Fauconnier, qui prend peine de l'enseigner à bien voler, sera bon l'arrouser de reches

LIVRE PREMIER

d'eau chaude ou tiède, puis le mettre la nuit au ferein, & la matinee ensuiuant le remettre au Soleil ou au feu: & quand il sera bien essuyé, & aura bien tiré, on pourra le porter au deduit de la volerie. Et lors s'il oiselle & prend bien, luy faudra continuer celle trempe: autrement pourroit-il se rendre enclin à quelque mauuais vice. Et si voulez que les oiseaux ayment mieux le gibier, prenez de la canelle, & du sucre candy, autant d'un que d'autre: & en faites de la poudre: & quand vous luy baillerez sa gorgee de l'oiseau qu'il aura prins, saupoudrez-en ce que luy en donnerez, & vous le verrez puis apres bien aymer son gibier.

*Les moyens qu'on doit obseruer, pour bien instruire & gouverner
Faucons & autres oiseaux, soient niais, ou hagers,
& les apprendre à voler & oiseler.*

CHAP. XIII.



Aistre Aymé Cassian a enseigné, que pour bien appriuoiser vn oiseau tout neuf, & le rendre à droit & prompt au vol: est besoin en premier lieu le mettre sur le poing, puis le chapperonner: & le voiller trois iours & nuits, sans le deschapperonner ou descourir, mesmes en luy donnant à manger. Apres ces trois iours & trois nuits passez, il n'y aura point de danger de luy oster le chapperon, ne de le faire manger descouvert: mais apres qu'il sera repeu, le faudra recourir, & ne le descourir point, si ce n'est pour le paistre, iusques à ce qu'il cognoisse bien la chair. Quand il commencera de l'asseurer, il sera bon de souuent le descourir, & souuent le recourir: car c'est le moyen de le rendre bon chapperonnier, pourueu qu'il ait main douce, & gouuerneur patient. Pour mieux assurer vostre oiseau, & plustost aussi, sera-il bon de le porter tousiours, ou le plus souuent que faire se pourra, aux lieux ausquels il y aura grande compagnie, & plusieurs esbastemens. Lors qu'il sera bien assuré, petit à petit faudra le faire venir sur le poing: & en luy monstrant la barre, & le liant sur icelle, mettre avecques luy sur ladite barre quelque pouaille viue, ou autre oiseau vif, le plus souuent qu'on pourra, & luy faire plumer & manger à son aise & plaisir, iusques à ce qu'il en ait prins gorge raisonnable. Apres que vous l'aurez ainsi aduit & façonné, par quelque espace de temps, deux fois le iour, mesmes avec le leurre, le-

DE LA FAVCONNERIE.

7

quel il éognoistra & le vif aussi, vous le pourrez lors lascher à tout la filiere (qu'on surnomme, vn Tien le bien) en le leurrant de plus loing en plus loing deux fois le iour. Et apres qu'il sera bien reclamé & bien leurré, luy faudra apprendre à roder haut en l'air, tant qu'il sçache bié monter & roder. Puis apres luy faudra lascher quelque oiseau vif : & quand il sera descendu, luy laisser tenir & plumer tout à son plaisir, luy en donnant gorge competante, comme a esté dit cy-dessus. Faudra aussi continuer à luy donner plaisir sur le leurré : de maniere que iamais il ne voye, qu'il n'y ait tousiours quelque morselet de chair lié ou autrement attaché dessus iceluy : de fait celà luy fera tousiours aymer son leurre & son maistre, & l'engardera de iamais se perdre : & continuant d'ainssi le traicter, par l'espace de quarante iours ou enuiron, vous le pourrez puis apres faire seurement voler. Mais sera besoing aupara- uant qu'il soit baigné, & nettoyé dedans le corps, & peu de chair bien lauee & bien nette : & que chaque nuit on luy ait baillé les cures, qu'on a de coustume de donner aux oiseaux volans. Au surplus quand vous aurez quelque oiseau niais, vous le faudra souuent paistre de pou- laille, de chair de bœuf, ou de chevre : car les paissant de telle viande, elle les empeschera d'encliner à quelque fascheux & mauuais vice. Et quand ils seront bien arrestez & allongez, les faudra tenir sur le poing enchapperonnez : & les penser & gouverner en la maniere dessus dite au commencement de ce chappitre. Et apres les trenté ou quarante iours, mis là où il faudra voler : & au premier, second, & tiers vol, bien doucement traitez, en les retirant peu à peu, tant qu'ils demeurent en température de vol, en leur arroufant souuent la bouche de vin & d'eau. Car les maistres dessusdits tiennent que les aucuns d'entr'eux se veulent baigner. Toutesfois il doit bien auoir de la discretion, pour le regard du rocher : pource qu'en fin l'oiseau pourroit estre maigre & bas, qui plus auroit besoing d'une bonne gorge, que du bain, du ro- cher, & de la bouche. Ce qu'il faut entendre des Faucons ou autres oiseaux, fiers de leur nature, lesquels ne veulent estre baignez.

*De la difference des Faucons, & de leurs naturelles
conditions.*

CHAP. XIV.

B iij

LIVRE PREMIER



Differenc est le naturel des Faucons & oiseaux de proye. Car les vns veulent oiseler & voler haut & gras, & les autres plus bas & plus maigres. A ceste cause doit le Fauconnier sur ce auoir bonne cognoissance du naturel de son oiseau, & bonne discretion pour le bien gouverner. Car tous Faucons sont pour voler & prédre grands & petits oiseaux, pourueu qu'ils soient selon leur nature bien gouvernez & conduits. Car les Faucons noirs sont d'une nature, les blancs d'une autre, & ceux de roux penna-ge d'une autre. Neantmoins ie trouue & est vray, que les Faucons blancs sont sur tous les plus hauts, & de meilleur affaire: aussi pour bien voler desirēt ils estre tenus plus hauts & plus gras, qu'aucuns autres. Aussi se trouuera le blanc Faucon, past pour past, plus gras & plus haut, que tous autres complexions d'oiseaux: & l'occasion de cela est, que le Faucon blanc est plus doux & gracieux, & plus courtois enuers son maistre en toutes ses actions: & pource s'entretient mieux en bon estat, & plus haut en sa nature & condition, qu'aucun des autres Faucons.

D'aucuns Faucons Gentils differens des autres.

C H A P. X V.



Entre les Faucons Gentils s'en trouue vne espece, qui est ordinairement de grand courage, mais au surplus d'assez peruerse nature. Aucuns les appellent Faucons Gētils d'estrange pays, & dit Molopin que telle espece de Faucons est mal-aisée à garder saine, cōme les autres: ains se veut tenir maigre, & estre bien soignée: Car elle desire estre tenuë sur le poing, & la faut faire souuent voler: pource qu'elle en vaudra, & s'en portera mieux: & s'il auenoit, que tels Faucons fussent trauallez des maladies, desquelles les autres oiseaux sont coustumierement vexe, ne leur faut appliquer ne donner aucune medecine: Seulement est besoing les paistre de quelque pigeon, & leur en faire boire le sang, puis emplissez vn pot neuf plein d'eau, & la faites bouillir au feu, où il n'y ait point de fumee: & l'ayant versée en vn bassin, ou autre vaisseau bien net, apres que elle sera refroidie, & cōme tiede, la faudra presenter à l'oiseau: & s'il en boit, on le pourra curer & medeciner comme on a accoustumé de faire les autres oiseaux: combien que aucunesfois, quand l'oiseau malade se met à boire, ce soit vn vray signe de sa mort: nommément quād



il est griefuement malade, & la bouche luy devient blâche & palle. Tât est, que si vn tel Faucon se peut garder sain : il se trouuera à la fin des meilleurs qu'on puisse souhaitter : pourueu que la nuit il ne soit point tenu dehors : & quand on le voudra faire voler, qu'au parauant il soit peu de quelque poulaille, & qu'il ait eu cure de plume avec vne iointe : s'il se trouue de bonne volonté, & en humeur de voler, lors le faudra-il laisser oiseler tout à son aise, & à son plaisir, & roder çà & là avec les autres oiseaux ainsi qu'il voudra. Et s'il ne fait tant de son deuoir, que son maistre le désireroit, mesmes qu'il ne prenne rien, ne s'en donner autre peine : car en luy continuant le dessusdict traictement, il ne peut manquer à deuenir tres-bon :

LIVRE PREMIER

Et pour bien cognoistre, si le Faucon Gentil sera pour deuenir bon, selon l'aduis de Michelin, faut auiser s'il a la teste ronde, le bec court & gros, le col long, les espaules larges, les penes des ailes subtiles, les cuisses longues, les iambes courtes, & les pieds longs, larges, & grans. L'oiseau qui aura toutes ces conditions, bien le pourra ton tenir pour Gentil, & à cela se pourra bien cognoistre. Le Faucon Pelerin, à la verité, auance & surmonte de beaucoup du pied, le Faucon Gentil; car il a plus grande prise, & plus longs doigts.

De la difference qu'il y a entre le Faucon Pelerin & le Faucon Gentil: & comme on les pourra remarquer, & discerner l'un de l'autre, tant à la composition du corps, qu'à la maniere de voler.

CHAP. XVI.

DE ces deux manieres de Faucons, i'ay maintesfois discouru & disputé avec plusieurs excellens Fauconniers, de diuerses nations, & comme on les peut bien cognoistre, & discerner les vns d'avecques les autres: à quoy faut bien pres auiser: car la cognoissance en est biẽ subtile, & mal aisee à ceux qui n'en ont veu, & souuent tenu des vns & des autres. Et certainement les Fauconniers de Leuant sont fort experts en ceste cognoissance: comme ceux du Royaume de Chypre, de Rhodes, de Syrie, & de plusieurs autres Isles de l'Archipel, où s'en prend grande quantité en la saison du passage: & par ce moyen les Leuantins les sçauent cognoistre & discerner naturellement. Toutesfois pource que ie sçay, que nos François desirent auoir l'adresse de les bien discerner & recognoistre: ie vous en veux icy déclarer quelques enseignes & marques. En premier lieu, le Faucon Pelerin est plus grand, & plus gros que le Faucon Gentil, a les iambes plus longues, les pieds plus grands, les doigts plus longs, le col plus long, la teste plus longue & plus subtile, le bec plus long. Quant aux penes des ailes, il ne les a pas si longues, comme aussi n'a-il pas le col si long, que le Gentil: mais il a la queue vn peu plus grande qu'iceluy. Le pennage du Pelerin grand & petit est tout bordé, & plus que du Gentil for ou mué: & se tiët en for plus qu'en mué. Encores a le Pelerin la cuisse plus platte, & le Gentil l'a plus rōde. Et si on regarde tout au long du plat de la cuisse du Pelerin, & on y trouue tout le duuet entierement blanc, sans aucune macule ou difference: on
se



se peut bien asseurer qu'il est Pelerin. Et ce peu que i'en ay dit doit suffire, pour la seure cognoissance & remarque du Faucon Pelerin. Toutesfois encores sont les Faucons Pelerin & Gentil, bien differens l'un de l'autre quand au vol. Car le Pelerin se tient mieux & plus longuement son aile & en son vol bat plus à l'oisir, & à son aise, que ne fait le Gentil: car le Gentil volant sur aile, bat plus fort & plus viste que le Pelerin. De fait plusieurs Fauconniers experts, discernent l'un de l'autre au seul battement de l'aile: neantmoins dient que le Principal le Gentil passe le Pelerin: mais qu'au long vol, le Pelerin passe tous autres oiseaux, pour bon aile qu'ils puissent auoir. Et se peut dire Pelerin, mesmement pour le passage qu'il fait, comme cy dessus a esté dit. Encores se peut louer le Pelerin d'une grande douceur & courtois.

LIVRE PREMIER.

sie qui est en luy : car quand il aura eu cure au matin , venuë l'heure
 qu'on le deura mettre sur le poing , & le paistre , si on le met sur aisse
 il regardera çà & là à l'entour de luy , où il deura prendre sa contree &
 sa proye : & s'il vnit autres oiseaux de proye le suiuañs derriere ou à son
 costé , abbatra ce qu'il pourra de proye , pour les paistre : puis la lais-
 sera passant outre , pour trouuer autre gibier , duquel il puisse estre peu.
 Et dient lesdits maistres Fauconniers , que plusieurs fois ils ont veu
 maints Faucons Pelerins de la proye par eux prise , faire telle largesse
 & courtoisie aux autres oiseaux de proye , tant ils sont de bonne &
 douce nature. J'ay pareillement ouy dire à plusieurs estrangers Fau-
 conniers , singulierement à ceux des pays , par lesquels ils passent &
 repairent , comme d'Egypte , de Surie , Cypre , de Rhodes , & au-
 tres lieux circonuoifins , qu'en ces contrees de Leuant , és lieux par les-
 quels ils passent , en la saison du passage , se prend si grande quanti-
 té de ces faucons dits pelerins , que les viains qui les prennent ,
 les vendent à d'autre villains du pays , qui les achettent pour man-
 ger. Et sont en ces quartiers à si bon marché qu'ils les ont & don-
 nent par fois pour trois ou quatre medins la piece. Le medin est vne
 piece d'argent monnoyé , qui peut reuenir à la valeur de deux soulds ,
 de monnoye de France. Mais pource que les Mores , Sarrazins & au-
 tres gens des pays où on les prend , sçauent que les Chrestiens en font
 cas , ils leur en enuoyent tant qu'ils peuuent , & leur vendent trente
 ou quarante medins la piece. Les Pelerins faucons , enuiron le mois
 de Septembre & Octobre , passant au pays d'Inde la Majeur , où ils se
 tiennent de trois à quatre mois : puis s'en riuient en les parties Septen-
 trionales , subiettes à la Tramontane , pour faire leur aire , & leurs
 petis : mais on ne peut sçauoir où ils les peuuent faire. De fait ne s'est
 oncques trouué , ne Morene Chrestien , comme dit est deuant , ou
 j'ay parlé du naturel des Faucons , qui ait peu dire auoir iamais veu
 aire ne petis de quelque Faucon Pelerin. Et le mesme se dit du Sa-
 cre. Dient aussi les maistres & experts Fauconniers , qui ont longue-
 ment tenu & nourry ces deux especes de Faucons : que le Faucon ,
 Gentil de sa nature en toutes ses actions est plus prompt , plus ardent
 & plus remuant , que le Pelerin : & pestiment folastre & outrageux , à
 comparaison del'autre. De fait quand ils viennent à voler ensem-
 ble , le gentil est plus tost sur aisse , & plus hastif à monter & à descen-
 dre que le Pelerin. Et quand de mal-heur il vient à faire vne faute
 par desauenture , il commence à se despiter & à se mettre au chan-

ge sur autre gibier, o i oiseau puissant : de manieres que souuen-
 tesfois il est bien mal aisé de les faire reuenir: Mais aucuns di-
 sent que du Pelerin tout le contraire, & qu'il est d'autre
 complexion : car il est posé & attrempé en
 tous les faits, & sçait bien prendre son
 aduantage tout ainsi qu'on veut.

FIN DE CE PREMIER LIVRE.

C ij

LIVRE SECOND



Liure Second.

CHAP. I.

NOUS vous auons cy dessus declaré la diuersité des Faucons & autres oyseaux de leurre & de poing, & leur nature briefuement & sommairement. Pource que les Gentils-hommes qui prennent plaisir à la Fauconnerie pourront d'eux mesmes assez pratiquer & apprendre la nature & complexion de chacun oiseau, sans ce qu'il soit besoin vous amuser à plus long discours de cette matiere. Le ne me suis point aussi voulu arrester à plus lōgs enseignemens de filer, affaitter & leurrer oiseaux: pource qu'en telle petites pratiques ne cōsistent les secrets de l'art de Fauconnerie: & qu'il est aisé à chacun de cognoistre en peu de temps tout ce qui en est: Mais les plus grands secrets que i'y voye, & que i'aye appris des trois maistres dessus dits, sont pour conseruer les oiseaux en santé, & les guerir des maladies & autres petis accidens qui leur peuent suruenir par fortune ou par la negligence & paresse de ceux qui en ont la charge. Tous lesquels secrets ie vous vueil enseigner cy apres. Nōmément en ce second liure les moyens de conseruer les oiseaux en santé & de les guerir des maladies & accidens qui leur peuent suruenir en la teste & parties d'icelles.

Ensignemens pour conseruer les oiseaux de proye en santé.

CHAP. II.

MAistre Molopin dit, que pour conseruer Faucons & toutes autres manieres d'oiseaux de proye en santé, il se faut sur tout garder de leur donner grosse gorge. Specialement de grosse chair, cōme de bœuf, porc, & sēblables chairs de dure digestiō & facheuse concoction. Encores vous faut il bien soigneusement donner garde de paistre vostre oiseau de chair, dōt la beste soit en rut: car vous le verriez tost apres mourir, sans luy en auoir donné autre occasiō. Or tiennēt tous les trois maistres dessus dits que pour auoir donné aux oiseaux grosses gorges, nōmément de telles grosses chairs, & autres chairs froides, ils les ont souuēt veuz se perdre, ou en choir, en maladies plus dāgereuses, que toute autre maladies qui leur puissent suruenir. Et partant vueil ie bien aduiser tous Fauconniers de se don-



ner garde de bailler grosses gorges à leurs oiseaux. Et que si en
 défaut de meilleure chair ils sont contrains les paistre de grosse
 chair, qu'ils la trempent Premièrement en eauë nette, fraîche en esté,
 chaude en huer: puis l'espreigent: toutesfois ne leur donēt trop es-
 printe: car l'eau, qui est laxatiue, sera moyen de la faire plustost passer
 & couler, & leur enduire la gorge: aussi leur tiendra elle les boyaux
 plus larges, lesquels se purgeront encores mieux par bas des phlegmes
 & grosses humeurs que les oiseaux pourront auoir dedans le corps. Et
 ce conuient il entēdre des grosses chairs, dont on est par'fois cōtraint
 paistre l'oiseau à faute d'autres: mais non des autres passez vifs & de
 bonne digestion. Car faut auoir ceste discretion de recompenser &
 refaire quelquesfois son oiseau de quelque bon pas vif & chaud: au-

LIVRE SECOND.

ement on le pourroit bien mettre trop bas. Combien que donner chair lauee à l'oiseau, non trop esprinre toutesfois en esté fresche en huer chaude, est bon & certain moyen de le tenir en santé. Disent aussi lesdits maistres, que pour entretenir tous oyseaux en bõne santé, & les garâtir de maux, leur faut donner de 15. en 15 ou de 20. en 20 iours de l'aloës cicotrin, le gros d'une petite febue, & leur mettre au bec envelopé de quelque petit de chair, ou d'un boyau de geline pour leur ester le goulit & sentiment de l'amertume. Et quãd l'oiseau l'aura mis bas, le faudra tenir sur le poing, apres toutesfois qu'il aura tenu le plus l'g temps que possible sera. Apres ce, le faudra laisser ietter les phlegmes & coles qu'il aura dans le corps tout à son plaisir: en reprenant le reste del'aloës qui ne sera point fondu, car il sera bon pour vne autrefois. Puis soit mis l'oiseau au soleil ou au feu enchapperonné: & ne soit peu de deux heures apres, qu'il lui sera donné de quelque bon pastif, gorge raisonnable. Vous pourres encores à vostre discretion au lieu dudit Aloës faire vser à vostre oyseau de ceste maniere de pillules communes que les hommes prennent communément pour lascher le vêtre & est maistre Michelin d'opiniõ qu'elles sont beaucoup meilleures que ledit Aloës, pource qu'elles chassent par bas, & font plus grande purgation. Toutesfois del'un ou des autres pouuez vser à vostre plaisir: mais choisissant les pillules, vous en baillerez à l'oiseau vne, ou deux à discretion, selon ce qu'elles seront grosses: puis apres le mettez au feu ou au soleil, & ne le paistrez que deux heures apres & lors luy donnerez quelque bõ pastif vis, car il aura tout le corps destrempé.

ITEM par autre moyen paruiendrez vous à ce mesme effect: Prenant d'Aloës cicotrin & de graine de filandres, autant de l'une comme de l'autre le gros d'une febue, & le mettant dedans un boyau de geline du long d'un pouce en trauers lié des deux bouts, puis le faisant aualler à l'oiseau, de maniere qu'il le mette à bas. Puis soit mis au soleil ou au feu, & soit pu de poulaille ou autre pas vis deux heures apres, Ainsi vostre oyseau se tiendra sain. Mais notez qu'à un Autour, il ne luy en faut pstant donner: pource qu'il n'est de si forte complexion cõme les autres oyseaux de proye. Moins encores à l'Espreuier, pour ce qu'il n'est assez fort pour suporter si forte medecine. Ainsi pareillement faut il entendre toutes les choses dessus dites, à fin d'en donner à chacun oyseau selon sa complexion avec la bonne discretion des personnes, qui à ce s'appliquent.

Autre aduisa encores donné M. Molopin pour la santé des oyseaux

qui est, quād aucūs oiseaux tiēēt trop leur curre, ou l'on est en doute s'ils ont cure ou non: en ce cas vous leur pouuez donner vn petit d'Aloes & en defaut d'Aloes, de la racine d'vne herbe, nōmée Chelidoine ou esclere, le gros d'vne febue en deux ou trois lopins: & vostre oiseau puis apres viendra à émeutir, & à ietter flegmes & coles: ce qui fera grand bien à la teste & au corps. Autre aduertissement à d'auantage donné M. Cassian: qui est, que pour tenir oiseaux en santé, & les faire bien voler, on les doit souuent baigner: & les mettre del'eau deuant encores qu'ils ne se vueillent baigner: pource que par ce moyen les oiseaux aucunesfois prennent appetit de boire, & faire boyau, qui leur sert de remede & allegement aux accidens qu'ils peuuēt auoir à cause de l'eschauffemēt du foye ou autre intemperie du corps. Et à lors l'eau qu'on leur presente, est suffisante pour les remettre en meilleur estat. Ce que l'on pourra aisément recognoistre au semblant que fera l'oiseau se monstrant puis apres plus gaillard & allegre. Soient aussi aduiser tous Fauconiers, que quand ils viendront de voler, ou de gibier, ou d'ailleurs, & leurs oiseaux seront baignez par pluye ou autre inconuenient, ils les face essuyer diligemment au soleil ou au feu: car autrement ils se pourroient morfondre & refroidir, ou prendre rhumes en la teste ou au corps: & delà se pourroiet aussi engendrer le mal de pantois: & autres maladies qui de iour à autre suruiennent aux oiseaux par la negligence des Fauconiers. Et apres qu'ils aurōt seiché leurs oiseaux, qu'ils se gardent bien de les mettre en lieu remugle ou rhumatique: ains en lieu chaud & sec, en leur mettant dessouz les pieds quelques draps à la perche ou dessus le bloc. Car bien souuent il aduient que les oiseaux, qui auront battu ou feru le gibier, ou à la riuere, ou aux champs, auront les pieds foullez, froissez ou eschauffez: & à ceste occasion s'engendreront les galles & cloux aux pieds, à cause des humeurs qui y descendent & arrestēt: laquelle maladie (qu'aucuns appellēt Podagre) aduient par la paresse des Fauconiers qui a ce que dessus ne prennent garde. Par ce defaut aussi viennent souuent aux oiseaux les pieds & iābes enflēz qui sont maux perilleux & forts à guerir. Admonnestes aussi M. Michelin, que pour tenir vostre oiseau bien sain, vous le deuez tous les iours faire tirer vers le vespre auant qu'il se mette à dormir. Et apres qu'il aura enduit & passé sa gorge, luy dōner cure à vostre discretion. Et pourrez, si bon vous semble, mettre vn petit d'aloes en la dite cure: ou bien luy bailler vne pillule qui luy pourra descharger la teste: & ce de huit en huit, ou de dix en dix iours.

Il y en a aucuns qui toutesfois leur en donnent bien plus souuent

LIVRE SECON D

quand ils ne veulent point faire tirer leurs oiseaux. Neantmoins faut-il bien entendre que le tirer du matin est moult bon, apres que les oiseaux ont cure. Mais si le tirer est de plume, gardez le bien de prendre plume: afin que ne mettiez rien en cure iusques au vespre. Car deuers le vespre n'y a nul danger. Soient aussi aduertis le fauconniers de faire tirer leurs oiseaux contre le soleil, en les abecquant vn petit, à discretion, selon ce qu'ils sont las & affamez, & en attendant qu'ils voyent aller au desduict.

Maistre Aymé Cassian dit, qu'il a veu & cogneu assez de fauconniers qui iamais ne faisoient tirer leurs oiseaux: disans que ce n'est pas bonne accoustumance, & que le tirer n'est point necessaire, ains que les oiseaux en tirant se greuent le corps & les reims. Toutesfois il est d'opinion contraire, & soustient que en tant que l'oiseau prend exercice à tirer raisonnablement, il en est plus sain de corps, & plus leger de teste: comme on peut apprendre de tous exercices qui se font avec moderation. Di& encores que ceux qui tiennent ces opinions de ne point faire tirer leurs oiseaux sont apoltronis de paresse: qui leur procede du peu d'amour qu'ils portent à leurs oiseaux, ausquels semble par ce moyen qu'ils craignent faire trop de bien.

Letirer doncques soit deuers le soleil, comme cy dessus a esté dit: car l'oiseau s'en deschargemieux des rhumes & eaux qui luy descendent de la teste: & le mettez puis apres au preau ou à la perche au soleil, afin qu'il s'y esgaye & deduise mieux à son plaisir, puis le remettez au lieu accoustumé.

*Autre remède pour oster rhumes & eaux de la teste
en lieu de tirer.*

CHAPITRE III.

Soit pris agaric & mis en poudre, Hiera-piera de ces deux simples soit faicte vne pillule grosse comme vne moyenne febue (Toutesfois sera bon y mettre la tierce partie moins d'Hiera-piera que d'Agaric pour mieux lier ensemble l'vn & l'autre.) Ceste pillule soit baillée à l'oiseau sur le Vespre enuoloppée d'un peu de cotton, apres qu'il aura passé la gorge. Et en default d'Hiera-piera, luy pourrez donner cure du seul Agaric du gros d'une febue, ainsi que dit est. Laquelle luy fera

fera cōtinuée en ceste forme par trois iours consecutifs. Apres le quels vous pourrez voir vostre oiseau deschargé des eaux & rhumes de la teste, & encores de grosses humeurs dont il auoit le corps plein. Et de ceste maniere de cure pourrez vser de mois en mois ou plus ou moins à vostre discretion, & selon la complexion de vostre oiseau. Laquelle a esté experimenté moult profitable, mesmes contre toutes sortes d'aiguilles & filandres qui peuuent aduenir aux oiseaux. Et encores sont d'opinion les trois maistres dessusdits, & plusieurs autres experts Fauconniers, qu'à faute d'autre remede ceste pillule est bonne pour toutes maladies d'oiseaux. L'Agaric & l'Hiera-piera se trouuent aux boutiques des Apothicaires.

Autre recepte pour garder l'oiseu en santé.

CHAP. IIII.

 Oit pris Chamelon surmontain (dit en Latin) Siler montanus, basilicon, mil, fleurs de genest, demie once de chacun: ysope, faulge pouliot, calamitte, quart d'once de chacun: noix muscades, quart d'once, iuiubes, sidrac, borac, mommie, armoise, macis, ruë, tiers d'once de chacune: myrabolans indes, myrabolans belleris, myrabolans emplis, demie once de chacun: aloës cicotrin, vn quart d'once. De toutes ces choses soit faite poudre, de laquelle vous donnerez de huit en huit, ou de douze en douze iours à vostre oiseau (à vostre discretion:) & luy en pulueriferez sa chair iusques à la cōcurence de la grosseur d'vne moyenne febue. Et si l'oiseau faisoit difficulté ou refus d'ainsi la prendre espartie sur la chair, mettez la poudre dedans vn boyau de geline, comme cy dessus vous a esté dit, & ainsi la prendra aisément. Mais faut bien auiser que le tout soit fait nettemēt, & qu'en quelque sorte que ce soit luy soit conuerte ou desguisee l'amertume de la poudre, de façon que l'oiseau la prenne, & la mette en bas. Et si vostre oiseau venoit à rendre sa chair au moyen de l'amertume ou force de la poudre, ne luy en faudra puis-apres plus bailler sur sa chair, mais dedans le boyau de geline, en la forme cy dessus declaree. Et se faudra garder de le paistre d'vne heure ou demie heure apres. Ainsi pourrez-vous donner de ceste poudre à vostre oiseau à vostre discretion, & selon sa complexion & bonne disposition. Car quelques fois les oiseaux sont ords par dedans le corps à l'occasion des mauuaises chairs dont on les a puz, &

D

LIVRE SECOND

qui leur ont fait engendrement & mouuement d'aguiilles & de filandres. A cause de quoy se perdent & meurent plusieurs oiseaux. Partant era b. on d'vser de la poudre dessusdite pour les conseruer en santé.

*Les causes & signes du mal de teste, qui aduient pour auoir donné
aux oiseaux trop grosses gorges, & de males chairs: &
les remedes propres pour les guerir.*

CHAPITRE V.



Es trois maistres Fauconniers dessusdits s'accordent sur ce point, & diēt que le mal de la teste vient & procede d'auoir donné aux oiseaux trop grosse gorge, spécialement de trop grossiere & mauuaise chair, Pource que quand l'oiseau a trop grosse gorge, il ne la peut passer ne digerer: tant qu'elle vient puis apres à se corrompre & empuantir par dedans pour la tenir & garder trop longuement. Et en ce cas prend plustost mal l'oiseau maigre que l'oiseau gras: puis apres il luy est force de la remettre toute puante. Et s'il aduient qu'il la passe ainsi puante & corropuē ceste chair, & la puāteur d'icelle luy vint à estraindre & assecher les boyaux, de façon que les fumees & vapeurs montans à la teste luy causent vn rhume ou catarre qui luy reserre & estoupepe les aureilles, & autres cōduits du col & de la teste: les constipant avecques le temps de telle sorte, que les humeurs qui ont accoustumé de descendre & purger le cerueau, y demeurent arrestez. A ceste cause s'enfle la teste, au moyen de la douleur & repletion: tant que nature cherchant à vuidier, & se descharger de ce qui l'offence, s'efforce de ietter ces humeurs pechans par les aureilles, les narilles, & la gorge, & celà met l'oiseau en grand danger de mourir, si promptement n'y est remedié. Vous pourrez cognoistre ceste maladie de teste à ce que vostre oiseau esternuēra souuent, & sur le vespre fera les grands yeux, fermant par fois l'vn, & puis l'autre, & faisant contenance de dormir, & plus mauuaise chere qui de coustume. Il regarde aussi bien fort les personnes quand il est atteint de ce mal, & est enflé entre l'œil & le bec. Mais quand le rhume fait semblant de yssir par les yeux, les narilles, & les aureilles, lors se faut donner garde de l'oiseau: parce qu'il est en danger de se perdre s'il n'est secouru. Pour guarir ceste maladie, enseigne maistre Aymé Casfian vn bon remede. Et dit que pour purger l'oiseau, & luy allegersom mal de teste, il faut prendre lard de porc, qui ne soit rance ne trop vieil

& du plus gras faire deux lardons, comme pour larder de la chair, ou peu plus menus, puis le mettre tremper dedans eau fresche toute vne nuit, ou plus lōg temps, iusques à ce qu'ils soient suffisamment trempez: en changeant l'eau par trois ou quatre fois cependant qu'ils tremperont: & de la mouëlle de bœuf bien nette, & du sucre de premiere cuitte, autant del'vn comme del'autre, & les batre tres-bien ensemble: puis en faire vne pillule du gros d'vne bonne febue, ou deux plus petites, & les donner à vostre oiseau en luy ouurant le bec par force pendant qu'vn autre le tiendra. Puis soit mis ledit oiseau au feu ou au soleil: & tost apres vous pourrez voir comment il se nettoiera & purgera des grossieres & mauuaises humeurs dont il auoit le corps remply. Et apres qu'il aura bien esmeuti par trois ou quatre fois, soit leué du feu, ou du soleil, & remis en sa place ordinaire: & ne soit pû iusques à vne heure ou deux apres, que vous le paistrez de poullaile, ou de mouton à demy gorge, Et luy soient baillées & continuees lesdites pillules par la forme cy dessus recitee par trois iours consecutifs. Et les trois iours passez apres quel'aurez ainsi purgé, versez vn peu de vinaigre en vne escuelle, avec poudre de poiure bien subtile, & les melez bien ensemble. Puis ouurez le bec à vostre oiseau, & luy frottez le haut du palais de ceste pouldre ainsi destrempee, le mettant puis apres au feu ou au soleil. Ce fait vous apperceurez tost apres qu'il se deschargera fort de la teste. Mais aussi gardez vous bien dedonner de ceste pouldre & vinaigre à oiseau qui soit trop maigre. Car à peine les pourroit il supporter. Tant est quel'oiseau auquel vous en aurez fait prendre, deura vne heure ou deux apres estre pû d'vne cuisse de ieune poullaile: Et le lendemain pu à ses heures deux autrefois de gorge raisonnable. Mais aussi vous faut-il souuenir de ne luy faire plus d'vne fois vser de celle poiurade. Au lieu de laquelle aucuns donnent d'vne graine qu'on appelle Saphisagria. Toutesfois est ladite graine moult forte, qui ne la scait attremper. Mais si vous en voulez donner à vostre oiseau, prenez en seulement trois ou quatre grains. & les liez dedans vn linge, & battez en poudre. Puis versez vn peu d'eau nette en vne escuelle: & mettez vostre poudre dedans, & les meslez ensemble, comme si en vouliez faire lessiue: vous en mettrez puis apres trois ou quatre gouttes esnarrilles de vostre oiseau, lequel ce fait sera mis au feu ou au soleil, ainsi que i'ay dit apres la poiurade: & vne heure apres gorge de quelque bon past, comme de cuisse de ieune geline, ou autre telle viande delicate.

LIVRE SECOND.

Remede pour guarir l'oiseau, qui a mal aux yeux, à cause de rhume, ou distillation de cerneau.

CHAP. VI.

Vand vostre oiseau aura mal d'yeux (ce dist maistre Molopin) prenez marquerite franche, avec deux ou trois grains de sel, & les ayant broyez dedans le creux de vostre main, faites en distiller le ius dedans les yeux de vostre oiseau, tost apres il guarira. Autrement, prenez de la soucie (ce dit M. Michelin) & la pillez: puis faites en distiller le ius dans les yeux de vostre oiseau: & il s'en trouuera bien. Autrement, prenez de la coupperose blanche: ce dit maistre Aymé Cassian (& vn œuf frais. Faites cuire vostre œuf en l'eau, tellement qu'il soit bien dur: puis le coupez par moitié coque & tout, & ostez le moyeu; & au lieu, dudit moyeu mettez en chaque moitié de l'œuf de ladite coupperose blanche aussi gros qu'une noisette, puis l'emplissez d'eau rose par dessus la coupperose, & la faites chauffer pres du feu iusques à ce que la coupperose soit fonduë. En apres espreignez-le tout ensemble, & le passez par vn linge net, & en mettez le ius en vne phiole, duquel vous ferez distiller le plus souuent que vous pourrez dedans les yeux de vostre oiseau continuant par plusieurs fois. Et vous assurez que soit homme, soit oiseau auquel mal d'yeux vous appliquez tel remede, il s'en sentira bien tost guarý.

Moyen ayse & propre pour conseruer l'oiseau en santé & en bonne haleine.

CHAP. VII.

Vous auez aussi à noter, selõ l'aduis de maistre Aymé Cassian, que pour reconforter vostre oiseau & le cõseruer en vigueur & santé, vous luy pourrez dõner au vespre quatre ou six clouds de girofle (selon ce qu'ils seront gros) enueloppez en la cure: car ceste chose est souuerainement bonne à tous oiseaux, cõtre le rhume & eaux de la teste, leur fait auoir l'haleine bonne, & leur garde de puyr, leur reconfortant au surplus tout le corps: mais aussi suffira d'vser desdits clouds de girofle de six en six, ou de huit en huit iours, à la maniere deuant dite.

Remede pour le mal de rhume enraciné de long temps,
 & qui procede de froidure.

CHAP. VII.



Vous auez ouy cy deuant les remedes propres pour al-
 lever & guerir les oiseaux des maux & maladies qui
 leur aduennēt à raison des grosses gorges, c'est à di-
 re, des mouuaises chairs: maintenant verrez & oyrez
 parler des remedes plus conuenables pour guerir le
 mal du rhume qui aduiēt aux oiseaux par froidure de
 cerueau de l'ogues-main enracinee. Or est-il qu'à cause de la douleur
 prouenāt dudict rhume froid, le plus souuēt les oiseaux ne peuent bon-
 nement ouuir les yeux, ne les tenir ouuerts. Et de ce mal renaissent
 quelques-fois plusieurs autres maladies: comme la taye en l'œil:
 (dont plusieurs oiseaux perdent la veuë): l'ongle en l'œil, comme
 aux cheuaux: & par fois aussi leur en vient la pepie en la langue, qui
 s'appelle les efforcillōs. Leur aduient pareillement le mal de palais en-
 flé, & souuent le mal de chancre: qui sont maladies moult perilleuses,
 si tost n'y est remedié. Or dit maistre Cassian que telles maladies se
 concreent & auiennent aux oiseaux à cause des Phlegmes & mau-
 uaises humeurs acumulez dedans leurs corps, ainsi que si deuant a
 esté dit de l'autre rhume. Aussi leur peuent-elles aduenir pour les te-
 nir en lieux rhumatiques & froids: & encores quand quelques-fois
 on reuiet des champs par tēps pluuieux: & on remet les oiseaux bai-
 gnez & mouillez au billot ou à la perche, sās les auoir fait fecher au so-
 leil ou au feu: Pour ces causes donc auiennent souuēt aux oiseaux
 lesdittes maladies, pour ausquelles remediier est besoïn faire ce qui
 en suit. En premier lieu, soit fait faire vn petit fer en forme d'espreu-
 ue ou sonde, qui soit rond par le bout à la grosseur d'vn petit bois:
 soit ce fer mis au feu tant qu'il soit rouge, puis en soit donné le feu
 à l'oiseau malade tout au plus haut de la teste: car coustumierement
 en celieu luy tient la douleur: mais adssi gardez bien que ne luy en
 donnez trop: & luy reuersez vn peu les plumes en cest endroit: Puis
 à l'heure mesmes que luy aurez ainsi doné le feu sur la teste, prenez vn
 autre fer bien subtil: delié & aigu par l'vn des bouts comme vne ai-
 guille, lequel mettrez pareillement au feu tant qu'il soit rouge, puis
 en percerez les narilles à vostre oiseau de part en part: Et au bout de
 deux ou trois iours prenez vn autre fer qui soit plat par l'vn des bouts,
 & enuiron de la longueur d'vn caniuet dont on taille les plumes, le-

LIVRE SECOND

quel mettez semblablement au feu tant quil soit rouge : puis en donnez le feu audit oiseau du taillant dudict fer droictement entre l'œil & le bec : mais entendez bien, quand ie dy du taillant dudict fer: que ce n'est pas à dire qu'il soit tranchant comme pourroit estre vn cousteau ou trancheplume, ains suffit qu'il soit plat de ceste forme, & rabbatu & mouffe par l'endroit que i'appelle tranchant, ou taillant. Mais ce faisant donnez vous bien garde que le feu ne touche au tournat des aureilles ny aux narrilles: aussi vous faudra-il couvrir l'œil de vostre oiseau d'un petit drapeau mouillé, afin qu'il ne puisse estre offensé de la fumee: Et toutes ces manieres de feu se doiuent donner deuers le Vespere: Et puis apres donner à l'oyseau demie gorge (ou moins) de bon past vis. Or ce iour mesmes que le feu aura esté donné à l'oiseau, le Fauconnier debura auoir fait prouision de limaçons qui se trouuent aux vignes ou aux iardins sur les arbres & herbes: toutesfois ceux que l'on pourra trouuer sur le fenail, & qui auront les coquilles rayes seront les meilleurs: & d'iceux en mettra cinq ou six treper dedans lait d'anesse ou de cheure, & en defaut de lait d'anesse ou de cheure, dedans lait de femme: qui sera mis en vn verre couuert, afin que les limaçons n'en puissent fortir, Et le lendemain matin apres auoir rompu les coquilles. & auoir laué lesdits limaçons en autre lait fraichement tiré, en pourrez donner à vostre oiseau quatre ou cinq selon ce qu'ils seront gros: & incontinent apres le mettre au feu ou au soleil, d'où il ne le faudra leuer insques à ce qu'il ait esmeuty quatre ou cinq fois: Toutesfois il endureit bien la chaleur, l'y faudroit laisser plus longuement: pource qu'elle luy feroit grand bien: Et apres midy le paistre d'une cuisse de geline, ou de petis oiseaux, rats, ou fourris qui valent encores mieux: puis le mettre en lieu chaud & non rhumatique avec bien petite gorge, & venu le vespre, qu'il aura enduit & passé sa gorge, prenez cinq ou six clouds de girofle qui soyent rompus en deux, & les enueloppant en vn petit morceau de chair, faites tant qu'il les mette bas, par force, ou autrement en luy ouurant dextrement le bec: Continuez ceste medecine par cinq ou six iours, & vostre oiseau guarira.

Autre remede pour la maladie dessus dite.

CHAP. XI.

MAistre Molopin a enseigné, q̄ pour guarir l'oiseau du rhume fufdit, est bon & biē experiimētē luy faire vser de la medecine qui ensuit. prenez du saffran & de la camomille battus en pouldre de chacun le gros d'un petit poix, & les meslez ensemble. puis soit pris du lard qui ne soit ne rence ne trop fort, & soit fait tremper vne nuit & vn iour, en luy changeant d'eau trois ou quatre fois: si lauerez puis apres le dit lard ainsi tempé en eau fresche & nette: & meslant le dit lard avecques sucre de premiere cuitte & mouëlle de bœuf, aurāt d'un comme d'autre ensemble avecques le dittes poudres, en ferez cinq ou six pillules de la grosseur d'une febre, & chaque matin en donnerez vne à vostre oiseau iusques à ce qu'il les ait toutes vseees. puis le mettez au soleil ou au feu: & ne le paiffiez que vne heure ou deux apres la pillule prise, que vous luy donnerez d'une cuisse de geline, ou peris oiseaux, rats, ou souris, à demie gorge. Et au soir apres qu'il aura bien enduit, luy donnerez quatre ou cinq clouds de girofle enuolopez en quelque petit lopin de chair ou de peau de geline, ainsi que dessus a esté dit: Aussi auant ceste medecine pouuez vous donner le feu à vostre oiseau par la forme cy deuant deduite, & semblablement luy faire puis apres vser de medecine des limaçon: dessus dits.

Autre remede pour descharger l'oiseau du rhume de la teste.

CHAP. X.

DIt maistre Michelin, que vn iour ou deux apres que l'oiseau aura vser des pillules dessus dites, estans par le moyen d'icelles les humeurs ia esmeuz, il sera bon prendre pouldre de poiure avec vn peu de bon vinaigre, & les battre ensemble, puis luy en frotter le hiet du palais, & encores luy en faire entrer ou distiller deux ou trois gouttes dedans les narilles: puis apres le mettre essorer au feu ou au soleil & lors luy pourrez vous voir les phlegmes & mauuaises humeurs issir & couler hors de la teste. ce fait, & vne heure ou deux apres. sera pu de quelque bon past vis. Au lieu de poiure, vous pourrez vser de trois ou

LIVRE SECOND

quatre grains de staphisagria en la forme deuant dite: mais neluy en faudra bailler qu'vne fois. Et si vous voyez quel oiseau ait trop grande peine à vider les humeurs peccantes: iettez luy de l'eau fresche par la teste, & es narilles, & elles passeront plus legerement.

*Remede pour le mal des aureilles qui vient aux oiseaux
de rhume ou froidure.*

CHAP. II.

Aucunesfois aduient aux oiseaux vn mal d'aureilles à cause de froidure & rhume de teste. Et se cognoist ceste maladie quand l'oiseau met l'œil de trauers, & ne fait point si bon ne chere que de coustume, à cause de humeurs qui luy fluent pas les aureilles: comme vous pourrez apperceuoir en y regardant. Pour remede à ceste maladie enseigne maistre Cassian, de prendre le fer cy dessus mentionné, qui a l'vn des bouts rond comme vn petit pois, & de l'huile d'amédes douces, & s'il ne s'en trouue, l'huile rosat: & apres que le fer sera vn peu chauffé, soit ce bout rond trempé dedans l'huile, lequel huile sera fait degoutter dedans les aureilles de l'oiseau, & pour empescher qu'elles ne se constipent & estoupent, sera bon faire entrer tout doucement ce bout de fer rond & ainsi trempé que dit est dedans les aureilles del'oiseau: ce qui profitera aussi pour faire entrer l'huile plus auant. Mais aussi gardez vous bien de mettre le fer trop auant, ou trop chaud: car l'vn & l'autre pourront grandement offenser l'oiseau. Continuez ceste medecin par quatre ou cinq iours consecutifs, en luy ostant & leuant tousiours bien doucement les humeurs fluans aux aureilles, & luy visitant par fois la gorge pour voir si elle sera nette: & vous en cognoistrez vostre oiseau bien tost & bien fort allegé: & sera besoin d'y pouruoir d'heure: car de tel mal aduient aucunesfois le chancre au cerueau de l'oiseau: qui est vn mal incurable, & est force que l'oiseau en meure. Vous en pourrez semblablement en ceste maladie faire vser à vostre oiseau des pillules de lard, sucre, & mouëlle de bœuf, dont cy-dessus au neisuiésme chapitre a esté faite mention: car ie vous veux bien donner aduis des vnes & des autres, afin d'en vser à vostre choix.

Remede

CHAP. XII.

N autre maladie aduient aux oiseaux que l'on appelle mal de paupieres: pource que les humeurs tombent sur la paupiere, & la font enfler au dessus de l'œil. Et si prompt remede n'y est mis, l'enfleure gaigne tout l'entour de l'œil, & par fois croist tant que l'œil mesmes en est offensé, & bien souuent se perd ou creue si l'oiseau porte longuement ce mal: Et de fait en a-on veu mourir plusieurs oiseaux, à faute d'estre à temps secourus. Or enseigne le bon maistre Cassian pour remede à ceste fascheuse maladie: de prendre ce fer rond par le bout, ainsi qu'à esté deuisé cy dessus au huitiesme chapitre: le faire chauffer, & luy en donner le feu sur la teste, ainsi qu'à esté dit audit chapitre, & semblablement de l'autre petit fer pointu & aigu par le bout luy percer les narilles par la forme deuant dite: puis luy donner la medecine des limaçons trempéz en lait d'anesse ou de cheure, ainsi qu'à esté enseigné au mesme endroit. Ou au lieu de ceste medecine, luy pourrez faire vsfer des pillules faites de pouldre de safran & camomille, lard sucre, & mouëlle de bœuf, comme cy dessus a esté monstré. Et si d'auenture il ne pouuoit guerir pour toutes ces choses, vsfer de la medecine que maistre Molopin dit auoir extraicte du liure du Prince, dont la recepte ensuit. Soit prise cascade fistule, & la faites battre avecques l'ecorce, puis la passez par vne estamine avecques le blanc d'un œuf meslé ensemble. De tout cela faites vn emplastre estendu sur vn linge delié, & l'appliquez sur l'œil de l'oiseau par trois ou quatre iours consecutifs. Et là où vous congnostrez qu'il y aura plus grãds amas de phlegmes, dõnez luy en cest endroit là vne touche du cautere ou fer dessusdit. Mais aussi si vous congnossez qu'il n'y ait autre plus apparente enflure, abstenez vous de luy bailler le feu: ains continuez luy seulement ledit emplastre. Et si feu luy voulez donner faites mesches de papier: dont chacune soit de la grosseur d'un fer d'aiguillette, & les ayant allumees au feu, touchez l'en tout doucement sur l'enflure: Mais sur tout donnez vous garde de luy donner le feu trop aspre: & par ce moyen il guarira.

E

LIVRE SECON D

Du mal de l'ongle, qui vient en l'œil des Faucons, de ses causes, & signes, & des remedes propres pour le guerir.

CHAPITRE XIII.

A Vcunesfois adient en l'œil des oiseaux, vn mal qu'on appelle l'ongle, qui vient ainsi comme aux cheuaux, quelquefois de coup, quelquefois de froidure & mal de teste: autrefois au moyen lu chapperon, qui trop longument & rudement aura pressé & foulé l'œil de l'oiseau, & autresfois par autres accidens que l'on ne peut éuiter. Ce mal d'ongle se cognoist & apperçoit, quand l'on voit comme vne petite taye en l'œil de loiseau, qui luy vient comme vne bande couvrir peu à peu le coin de l'œil du costé du bec estant vn peu noire pardeuant: & c'est pourquoy on l'appelle longle. Et adient souuent lors qu'elle surmonte la prunelle del'œil, qu'elle le creue ou perd tout à fait. Pour y donner prompt & seur remede enseigne maistre Cassian, de prendre vne petite aiguille bien subtile enfilee de fil de soie, & en enfiler & enleuer l'ongle bien doucement & dextrement: puis avec vn petit ciseau couper mignonnement ledit ongle, en la forme & maniere que les bons mareschaux ont acoustumé de le couper aux yeux des cheuaux: mais aussi donnez vous bien garde d'en trop couper: car l'œil en demeureroit trop laid & difforme. Ce fait soit l'œil arrousé de bonne eau rose par trois ou quatre iours consecutifs: & par ce moyen l'oiseau guerira.

Remedes pour guarir l'oiseau, qui a eu coup en l'œil.

CHAP. XIII

A Dient par fois que l'oiseau a mal en l'œil à raison de quelque coup qu'il a receu. Et dit maistre Cassian, que si le mal est encoires petit, & resent en luy lauuant l'œil d'eau rose & d'eau defenoil meslées ensemble en egale quantité, il en resentira prompt allègement. Maistre Molopin enseigne, que si l'oiseau a coup en l'œil, il faut prendre de l'herbe aux Harondelles, vulgairement appellée chelidoine ou esclere, la broyer, en tirer le jus, & le metre en l'œil de l'oiseau: lequel par ce moyen

guarira. Et si ne pouuez finer de ceste herbe verte, trouuez en de seiche & en faites pouldre, laquelle avec vn bout de plume vous soufflez dedans l'œil de l'oiseau malade. Et si n'en pouuez recouurer ny verte ny seiche, prenez la semence de Iusquanne & la broyez, & du ius mettez luy dedans l'œil, & il guarira.

Remede pour le mal de la taye en l'œil des oiseau, qu'aucuns appellent, verole.

CHAP. XV.

 Ne maladie aduient aux yeux des oiseaux, appellee plus communement, la taye en l'œil & par aucuns dite verole: qui procede du mal de la teste & de rhume, chéant sur les yeux par frodure. Et encores ce mal peut venir de ce que le chapperon touche trop longuement ou ferre trop fort le dessus de l'œil del'oiseau. Pour remede à ce mal, maistre Cassian ordonne qu'on face & donne à l'oiseau la medecine deuant ditte au chapitre cinquiesme le se second liure, composee de lard, de sucre, & mouëlle de boëui, cy dessus deuisee pour purger & nettoier le corps de l'oiseau. Et faut qu'elle luy soit cōtinuee par trois ou quatre fois à diuersiours. puis le mettre au feu ou au soleil, & puis apres le paistre d'vn bon past vif, vt supra: & le bien garder du vent & de humidité. Apres que vostre oiseau aura esté ainsi purgé, ainsi la taye se montre & descouure, fort lors luy faudra donner le feu au haut de la teste: & pareillemēt l'autre petit feu entre l'œil & le bec, en la maniere ditte cy dessus au chapitre huitiesme de ce liure, où nous auons enseigné les remedes pour guarir le rhume. Puis apres vous luy lauerez l'œil de bonne eau rose: & si voyez que besoing soit, luy pourrez aussi appliquer, comme dessus a esté dit, du ius ou de la pouldre de l'herbe d'Arondelle, appellee Escclere. maistre Molopin a laissé par escrit, que pour remede prompt & seur à ce mal de la taye en l'œil, que luy mesme appelloit, verolle, faut prendre de l'escaille d'vne Tortue, & la mettre bouillir dedans vn pot neuf, puis la bien battre, & metre en pouldre, qui soit puis apres passee au trauers d'vn linge bien delié, ou d'vne estamine. Prendre aussi vne de ces coquille de mer, qui sont longues en maniere d'vn cor, & la faire bien cuire au feu, tant qu'on la

LIVRE SECOND.

puisse battre & en faire pouldre bien subtile : qui soit puis apres passée par vn linge bien delié ou estamine, comme a esté dit de l'autre pouldre d'escaille de Tortuë. Prendre encores succe candy en pouldre, & de toutes cest trois pouldres faire vne composition, y mettant autant de l'vne que de l'autre, & les meslant fort bien ensemble. De ceste composition & mistion mettrés puis apres dedans l'œil de l'oiseau malade, luy continuant ceste medecine iusques à ce que le voyez bien guery.

Le bon maistre Michelin a enseigné encores vn autre remede : qui est de prendre vn œuf frais, & y faire vn petit pertuis par lequel on en puisse tirer tout le blanc de dehors. Le blanc ainsi tiré faut prendre de bonne eau rose & de la pouldre de sang de dragon, & les mettre dedans ledit œuf avec le moyeu qui y fera demeure, & le tout bien battre & mesler là dedans ensemble avecques vn petit baton. Puis prendre de la paste, & en boucher & couvrir tellement ledit œuf que rien n'en puisse sortir: puis le mettre au feu & le faire cuire tant que la paste deuienne noire ou rouge quand le tierez hors dudit feu. Prenez puis apres tout ce qui sera dedans l'œuf, & en faites pouldre bien subtile, que vous passerez par vn linge bien delié ou estamine, & de ceste pouldre mettez dedans l'œil de vostre oiseau malade, continuant iusques à ce qu'il soit bien guery: l'arroufant toutesfois par interualle d'eaux de fenail & de roses meslees, comme cy dessus a esté dit Maistre Molopin à encores laissé recepte d'vne autre pouldre, qui dit estre souveraine pour remedier à ce mal: Prenez, dit-il, fiante de lezart, dit Provençal, & en faites pouldre: prenez, aussi pouldre de succe candy, & de ceste plus que de l'autre, & les meslez bien toutes deux ensemble, depuis en mettez dedans l'œil malade de vostre oiseau, & le lauez & arrousez par fois des eaux de roses & de fenail. comme cy dessus a esté dit. Et est ceste pouldre de singulier effait sur toutes autres, ce dit le dit maistre Molopin.

*Du mal de la couronne du bec, de ses causes & signes,
& des remedes propres pour le
guery.*

Aucunesfois aduient vne maladie sur la courōne du bec de l'oiseau, qui decharne ledit-bec d'avecques la teste, Et dit maistre Aymé que c'est cōme vne fourmiere qui leur mange par dedans ladicte couronne: d'ont l'oiseau est souuent en bien grand danger. Ce mal pourrez vous apercevoir lors que verrez ladite courōne du bec deuenir rousse & peu à peu descharner, & separer d'avecques le bec & la teste. Or enseigne le bō maistre Cassiā que pour remedier à ceste maladie: faut prēdre fiel d'un bœuf, ou d'un toreau (qui vaut mieux) & le rōpre & espādre dedans vne escuelle: puis mesler & deslaier parmy ledit fiel de l'Aloes citrinā discretion, & tant que de raisō: De ceste mixiō oignez la courōne du bec & fourmiere de vostre oiseau deux fois le iour, iusques à ce qu'il soit guery: Mais l'en oignāt gardez-vous biē de toucher à l'œil ny aux narilles: pource que celā luy pourroit beaucoup nuire.

Remedes pour le mal des narilles & du bec.

CHAP. XVII.

ADuēt aussi par fois aux oiseaux vn mal qui leur fait enfler les narilles tout à l'entour: & leur monte aucunesfois iusques à la couronne du bec, & puis se fait vne crouste laquelle se venant puis apres à leuer, le bec se trouue tout descharné par dessous: Encores par le moyen de ce mal eschet bien souuent, que l'oiseau accueille plusieurs petits poulx en la teste, qui luy couurent & descendent iusques sur le bec, & entrent dedans ses narilles: Et adoncques l'oiseau se donne des pieds esdites narilles, dont luy procede ceste maladie. Pour prompt & seur remede à cestuy mal, dit maistre Cassian qu'il faut prendre du papier, & en faictes des petits mesches grosses comme vn fer d'esguillette. Puis prendre & tenir l'oiseau dextrement, & apres auoir allumé lesdites mesches à vne bougie, luy en donner le feu sur l'enflure: mais qu'il ne luy soit donné trop aspre: Apres soit oingt l'endroit auquel on luy aura donné le feu d'un peu de gresse de geline, & par ce moyen il quarira, Aucuns ont esté d'aduis de luy donner le feu d'un fer rond: mais il est plus dangereux que le feu des mesches ou alumettes susdits.

LIVRE SECON D

D'un autre feu qui se donne aux narilles des oiseaux pour les embellir.

CHAP. XVIII.



L serencontre des oiseaux qui de leur naturel ont les narilles fort petites: aucuns Fauconniers qui pour le cuide embellir, leurs y donnent le feu: mais le plus souuent au lieu de les amender ils les gastent, Toutesfois si pour cest effet vous prend fantasia de donner le feu à vostre oiseau, faire le pourrez en ceste maniere. Prenez vn caniuet de moyenne taille, & le faites chauffer bien chaut, puis appuyez-le doucement & dextrement sur le bord de la narille de l'oiseau, en esleuant la main à fin de toucher plus sur le dehors: mais mieux vaudra que ce soit du taillant dudit caniuet, pour luy donner le feu moins paroissant: puis oignez l'endroit eschaudé d'un peu de gresse de geline: & vous sera leur moyen de rendre à vostre oiseau plus belles narilles.

Du mal des barbillons, qui vient dedans le bec des oiseaux, de ses causes & signes, & des remedes propres pour le guarir promptement.

CHAP. XIX.



D uient aux oiseaux aucunes fois à l'occasion de rhume ou froidure descendant de la teste sur le bec & machoires, vn mal appelé, les barbillons, ou fourchillôs: lequel s'engendre dedans le bec de l'oiseau, & luy fait enfler, & puis se rend & s'estend iusques à la langue, de sorte qu'il luy fait perdre l'appetit. Et en fin croist de façõ que les oiseaux ne pouuãt plus ferrer le bec, s'õt forcez de mourir. Qui est vne maladie partant moult dangereuse. Pour laquelle bien cognoistre dès le commencement d'icelle, prenez l'oiseau, & luy ouurez le bec: & luy contemplez bien la langue & les barbillons s'ils sont plus enfléz que de coustume. Et pour vous en esclaireir d'auantage, vous pourrez prendre vn autre oiseau, & luy ouvrir semblablement le bec, pour voir s'il aura la langue & les barbillons en mesme point, que celui que pensez malade: & par ceste conference discerner le point & la grandeur du mal. Pour remede maistre Molopin au liure du prince enseigne, qu'il faut prendre amendes douces ou huille d'olives lauée en quatre ou cinq eaux puis avec vne plume de ceste huille arrouser la gorge & la langue de l'oiseau

trois ou quatre fois le iour, cinq ou six iours durans. cependant si vous voyez que l'oiseau ne puisse paistre, taillez luy la chair en petits morceaux, & luy ouurant le bec dextrement & doucement faictes la luy aualler avec vn petit baston: Mais ne luy donnez que demie gorge de moutõ ou de pouaille. Ces cinq ou six iours passez, luy soit ouuert le bec dextrement & avec vn petit cizeau ou caniuet taillè le bout des barbillons, tant que le sang en sorte: mais aussi gardez vous bien d'en tailler trop: Apres ce soit l'oiseau oingt & arroufè de sirop de meures par dedans la gorge, & quelque temps apres d'huile d'amende douces & d'oliues, & continuez tant qu'il soit guarý.

Du mal de chancre, de ses causes, signes, & des remedes propres pour les guarir.

CHAP. XX.

LE mal de chancre aduient souuent aux oiseaux puz de mauuaises chairs, & de grosses gorges, qui baillèes leur ont esté sans preallablement les lauer ou tremper, ou sans les monder en hyuer d'eau chaude, en esté d'eau froide. Ce qui est bien souuent cause de grosses flegmes & autres mauuaises humeurs s'engendrent dedans le corps & les entrailles des oiseaux: lesquelles venans puis apres à s'esmouuoir, montent ou font monter des fumees en la teste, qui causent vne eschauffaison de foye, & font puis apres paistre & croistre le chancre en la gorge & en la langue de l'oiseau. De cestuy mal vous pourrez apperceuoir, lors que le paissant vous le verrez laisser choir ce qu'il prend avec le bec, ou l'aualler à biẽ grande peine. Et alors luy ouurant le bec vous luy apperceuerez le chancre en la gorge ou en la langue. Pour guarir ce tant fascheux mal, maistre Cassian enseigne, qu'il faut prendre huile d'amendes douces, ou huile d'oliues, lauee ainsi qu'il à esté dit au chapitre precedent, & luy en oindre la gorge & la langue trois ou quatre fois le iour: Puis apres faire vser à l'oiseau des pillules de lard, de succe, & mouëlle de bœuf, ainsi que cy dessus elles ont esté deuisees, & ce par trois ou quatre iours consecutifs. Et ce fait luy donner le past de pouaille ou chair de Mouton gressèe de l'huile dessusdite. Et si ceste huile d'amendes, ne sera point besoin qu'elle soit lauee. Mais vous faudra voir & visiter le chancre: Et si vous le trouuez blanc ayez vn petit fer fait par l'vn des bouts en forme de racloire ou ratissoire, & par l'autre bout taillant. Si la langue est trop chargèe de chancre,

LIVRE SECOND

& tant qu'il ne se puisse tirer avecques la racloire, fendez luy bien dextrement & doucement avecques le taillant du long du costé de la langue, puis dudict racler rascelez toute telle blancheur de chancre que vous y verrez & trouuerez, & gardez bien querien ny demeure: Puis prenez vn peu de cotton pour essuyer le sang de la langue. Et si tant estoit quel'autre costé de la langue fust pareillement chargée de chancre, fendez le tout ainsi que l'autre, puis prenez l'herbe dicte, *Capilli Veneris*, & en tirez le ius, & l'en arrolez: Et si ne trouuez de ladite herbe, prenez vn peu de vinaigre: Mais encores mieux vaudra le ius de limon: duquel lauerez sa langue & sa chair iusques à ce qu'il soit du tout bien guery. Encores enseigne maistre Michelin vn autre remede tel qu'il ensuit. Prenez, dit-il, du sirop de meures, & en oignez bien la langue & la gorge à l'oiseau qui aura le chancre par deux ou trois iours consecutifs. Ayez puis apres du camphre en poudre, du sucre candy, ou autre sucre blanc, autant de l'vn comme de l'autre, & meslez bien tout ensemble: & de ceste poudre mettez-en vn petit dessus le chancre: car si vous en mettiez par trop, il le pourroit manger trop asprement: mais y en mettant mediocrement, encores donnera elle atteinte au fort chancre iusque à la racine: puis apres soit l'oiseau pu de chair bonne & fresche de Volaille ou de Mouton: laquelle ait esté preallablement lauee en bonne huile d'oliues ou d'amendes douces.

Du mal de la pepie qui vient aux Faucons sur la langue à cause de rhume, de ses causes & signes, & des remedes propres pour la guerir.

CHAP. XXI.

LE mal de la pepie vient le plus souuent en la langue des Faucons, à cause qu'ils ont esté puz de mauuaises chairs & puantes, qu'on leur a baillees sans lauer ou nettoyer: à ceste occasion s'engendrent phlegmes & gros humeus dedans leurs corps & entrailles, dont les fumées & vapeurs leur montent puis en la teste: lesquelles puis apres condensees en pituité leur descendent sur la langue, & de leur corruption s'y engendre la pepie au bout d'icelle, tout ainsi que l'on voit aduenir aux poulailles. Vous apperceuerez cestuy mal lors que verrez vostre oiseau souuent esternuer, & apres auoir esternué faire vn cry par deux ou trois fois. Ce que luy voyant faire, le prendrez, & luy visitant la langue trouuerez la pepie au dessous

faubs d'icelle. Pour y donner remede, dit maistre Molopin au liure du Prince, qu'il faut prendre bonne eau rose, & d'un morceau de cott on attaché au bout d'un petit baston & trempé en icelle eau rose frotter & lauer tres-bien la langue à l'oiseau: puis apres d'huile d'amandes douces, ou d'oliues, ainsi lause comme cy dessus a esté enseigné, luy oindre la langue deux ou trois foisle iour par trois ou quatre iours: consecutifs. Ce fait vous verrez la pepie toute blanche & mollifiée: & alors prendrez vn caniuet, & de la pointe d'iceluy soustieuez la pepie en la tirant tout doucement dehors, ainsi que l'on accoustumé de la tirer aux poulailles. Mais donnez vous garde de ne la tirer, tant qu'elle soit bien mollifiée: car autrement vous pourrez faire à l'oiseau grand mal & grand dommage. Et n'oubliez, apres que luy aurez osté la pepie, de luy oindre & arroiser (trois ou quatre fois le iour) la langue de l'une des huilles dessusciées iusques à ce qu'il soit guarý.

Du mal de palais, qui enfle aux oiseaux par froidure & rheume de teste, de ses causes & signes, & des remedes propres pour es guarir.

CHAP. XXII.

ADuient aux oiseaux par fois vne autre maladie, qui est, que e palais leur enfle, pource qu'ils sont morfondus, & chargez le rheume en la tete, Ce mal pourrez vous cognoistre & appercevoir, lo's que verrez vostre oiseau ne pouuant & n'osant bonnement ferrer le bec: & au surplus faire chere triste & mauuaise plus que de coustume, & mettre aueques bien grande peine sa chair en bas. Voyant cela si vous luy ouurez le bec, vous luy trouuez le palais blanc & enflé. Mais aussi ayât trouué quelque commencement de ce mal, il vous faudra bien diligemment visiter le bec de l'oiseau, & regarder sil y a aucune chose qui l'empesche de le ferrer ainsi que de coustume: Car aucunes fois le bec croist & surmonte d'une bande plus que de l'autre, & fait ceste excrecence que l'oiseau ne peut pas resserrer le bec à son droit point.

Pour remede à ce mal enseigne maistre Cassian, qu'il faut faire des pillules de lard, sucre, & moille de bœuf, composees par forme cy dessus enseignée, & en donner à l'oiseau malade chascun matin vne ou deux par l'espace de quatre ou cinq iours. Et ne le paistre iusques à

LIVRE SECOND

vne heure ou deux apres la prise desdites pillules : mais à son past luy donner chair de mouton ou poulaille arrousee des huilles dessusdictes. Ces cinq ou six iours passez, luy faudra ouvrir le bec, & avecques la racloire mentionnee cy dessus au chapitre du chancre, luy racle tout doucement ceste blancheur apparoissant en son palais. Toutesfois si vousapperceuez que l'enfleure soit diminuee, ne sera besoing d'y faire autre chose : ains seulement luy continuer l'arrousement des huilles susdites. Mais si l'enflure se trouuoit haute outre mesure, vous la luy pourriez fendre au long, ou vn peu gerfer sans entrer trop auāt, pource qu'on le pourroit legerement faire mourir. Puis apres ayant espraint du ius del'herbe de Capilli Veneris, l'en pourriez lauer par dessus le mal : & tousiours luy arrouser son past des huilles dessusdites iusques à ce qu'il fust bien guarý.

Du mal des sangsues, de ses causes & signes, & des remedes propres pour le guarir.

C H A P. XXIII.

Aucunesfois il aduient, que les oiseaux se baignans en eaux coyees & croupies, ou en fontaines limonneuses, s'amuse à y boire, & lors leurs entrent petites sangsues dedans la gorge, ou dedans les narilles : lesquelles viennent puis-apres à s'enfler du sang qu'elles boient dedans le corps de l'oiseau : qui bien souuent en chet en peril de mort à faute d'y donner bon & prompt remede. De ce mal vous pourrez appercevoir, voyant la sangsue se remuer dedans la gorge del'oiseau lors que il prend son past, & aucunesfois se monstrer par les trous des narilles. Pour remede à ce mal, dit maistre Aymé Cassian, qu'il faut prendre quatre ou cinq punaises toutes viues, & les mettre sur vn charbon de feu ardent : puis faire ouvrir la gorge à l'oiseau, & luy faire pancher la teste sur ledit charbon, de façon que la fumee de ses punaises bruslantes luy puisse entrer en la gorge & es narilles : car lesdictes sangsues y seront incontinent qu'elles auront senty ladite fumee, cherront dehors. Autre remede extrait du liure du Prince enseigne maistre Molopm : Prenez, dit-il, deux ou trois gouttes de ius delimon, & les faites degoutter dedans les narilles de l'oiseau, verrez qu'incontinent apres il mettra les sangsues dehors. Encores a dit maistre Mi-

chelin, qu'en mettant de la moustarde sur les narilles de l'oiseau, il a par plusieurs fois experimenté que des sangsues en sont issues.

Du mal des machoires, qui vient dedans le bec, de ses causes & signes, & des remedes propres pour les guarir.

C H A P. XXIV.

Aucunefois aduient dedans le bec des oiseaux vn mal, que les Fauconniers appellent vulgairement, le mal des machoires : & procede le plus souuent de trop leur serrer le chapperon, ou de ce que le chapperon est trop petit. Aduient aussi par fois du rheume de la teste, qui leur descend sur le dos du bec. Vous apperceurez ce mal de ce que l'oiseau ne pourra bonnement ouuir ne fermer le bec. Pour remede à ceste maladie enseigne maistre Aymé Cassian, prendre de l'huile d'amandes douces, & en arrouser tres bien la gorge & l'os du bec de l'oiseau par trois ou quatre iours consecutifs. Et au defaut de ceste huile d'amande prendre de bonne huile d'oliues, & la lauer en l'eau deux ou trois fois, & luy en faire semblable arrousement : mesmes luy en oindre & lauer sa chair, comme a esté dit cy dessus. Aussi dit ledit maistre Cassian que pour oster la premiere & principale cause du mal, il sera bon luy faire prendre des pillules de lard, succe, & moüelle de bœuf, par la forme cy deuant plus au long deduire.

Du mal de bec, de ses causes & signes, & des remedes, propres pour le guerir.

C H A P. XXV.

Vn autre mal & fascheux inconuenient aduient par fois aux oiseaux par la faute des Fauconniers qui les gardent & pensent. Qui est vn certain mal de bec, qui le fait rompre & esclatter. Et procede de ce qu'en paissant les oiseaux, aucunesfois il leur demeure quelque petit de chair au dessus du palais pres le bout du bec : laquelle chair se vient puis apres à pourrir, & pourrissant corrompt & gaste le bec de l'oiseau tellement qu'on le void se rompre & cheoir par esclars. Autres fois aduient aussi ce mal à faute d'affiner & appointer le bec à l'oiseau

LIVRE SECOND

ainsi qu'il est requis: car il croist tant d'une part & d'autre, qu'en fin est force qu'il se rompe: & puis s'y engendre vne formiere, qui les fait esclatter & dechoir. Pour remede à ceste maladie, dit maistre Aymé Cassian qu'il faut prendre l'oiseau, & diligemment luy visiter le bec, en le luy taillant & bien nettoyant. Et si on y trouue formiere, la laver & nettoyer aussi tres bien, tant qu'on la mette dehors,

*Du haut mal ou Epilepsie, dont les oiseaux tombent,
par fois, de ses causes & remede propres
pour les guarir.*

C H A P. X.



L'adient quelques fois que les Faucons tombent de l'Épilepsie ou haut mal: & leur procede ce mal, comme dient les maistres Fauconniers, de certaine chaleur de foye qui leur fait monter les fumees au cerueau, & puis apres romber du haut mal. Pour remedier à ce fascheux inconuenient, maistre Molopin au liure du Prince, dit qu'il faut chercher derriere la teste de l'oiseau, & là on luy trouuera deux fossettes, lesquelles il luy faut chauffer d'une verge d'airain ou fil de richard, & il guarira. Et si celle recepte ne profite, faites celle qui cy apres ensuit. Prenez le petit fer rond, duquel a esté cy dessus, & le faites fort chauffer: puis luy en baillez le feu sur la teste par la maniere deuant dicte: mais que ce soit doucement & dextrement: car autrement le pourriez tuer. Ce fait prenez lentilles rouffes, & les mettez secher au four, & en faites pouldre subtile: & encore de la limure de fer la plus deliée que pourrez trouuer, autant de l'un cōme de l'autre, & les mellez & battez fort ensemble avecques du miel de mousches recent. Puis en ayant fait des pillules de la grosseur d'un moyen pois, prenez vostre oiseau, & luy en faites aualler deux ou trois: le tenant puis apres tousiours sur le poing, tant qu'il ait esmenti vne fois ou deux: puis soit mis au feu ou soleil, ne soit pu iusques à deux ou trois heures apres, que vous luy donnez d'une aile de pigeon: luy continuant ceste façon de medecine & regime iusques à sept ou huit iours consecutifs. Et ce pendant soit ledict oiseau tenu de nuit à la frescheur, & de iour en lieu obscur. Autre recepte pour guarir de ce mal à enseigné maistre Aymé Cassian, disant qu'il faut rendre à l'oi-

DE LA FAYCONNERIE

32

seula peau dessus la teste à l'endroit des fossettes dessusdictes, & la font petites veines ou artères qu'il faudra ferrer & hier avec vn petit fil de soye : puis apres oindre & engresser cest endroit de sang ou greffe de poulaille & consequentment luy donner des pillules de lentilles & limure de fer par la forme cy dessus escrite, par l'espace de sept ou huit iours. Et de nuit soit tenu au serain & au vent, & de iour en lieu obscur, comme cy dessus a este dit, & deux ou trois heures apres soit pu d'vne aille de pigeon ou de volatile de moyenne gorge: Mais donnez vous garde de remir autre oiseau pres deluy, ou le paistre sur mesme gand: Car ceste maladie est dangereuse & cōtagieuse, & pourroit prendre à autres oiseaux qui en seroient approchez, ou puz sur le mesme gand.

FIN DE CE SECOND LIVRE.

Fiii

C H A P . II .



Liure Troisieme.

CHAPITRE. I.

AV liure precedent nous vous auõs declaré & enseigné au plus pres de bien qu'il nous a esté possible, tous les moyes laissez par escrit & monstrez par ces trois bons & excellés maistres Fauconniers cy dessus nommez, tant pour cõserver Faucons en santé, que pour les guerir des maladies & accidens qui leur peuvent aduenir en la teste & parties d'icelle : Or reste il maintenant à vous declarer par ordre les maladies qui suruiennent en & dedans le corps des oiseaux, & les remedes propres & requis pour icelles guarir & saner, & remettre les oiseaux au premier & bon estat de leur santé : Ce que i'ay entrepris vous enseigner en ce troisiemeliure : & ne vous rien celer des notables secrets & bons enseignemens que i'ay peu par experience apprendre & sçauoir des trois maistres dessusdits: nommément du bon maistre Aymé Cassien, qui surtout a esté expert & bien experimenté en ce noble art de Fauconnerie.

Du mal de la pierre, ou de la croye, qui aduient aux boyaux ou bas fondement des oiseaux: de ses especes, causes & signes, & des remedes propres pour le guarir.

CHAP. II.

R pour y commencer, vous serez aduertis qu'il aduient souuent aux Faucons vn mal de pierre (qu'aucuns maistres Fauconniers ont voulu appeller, mal de croye) qui les tourmente & vexe merueilleusement. De ce mal de pierre y a deux especes, l'vne se prend & demeure aux boyaux & intestins de l'oiseau: L'autre se tient au bas du ventre pres

DE LA FAVCONNERIE



du fondement : & se peuvent bien guerir & tirer toutes deux ensemble. Si dict maistre Cassian, que le mal de la pierre, dicte Croye, vient à l'oiseau de manger mauuaises viandes & grosses chairs, lesquelles leur opillent & aboutissent tous les boyaux & le ventre ainsi que cy dessus a esté dit en parlant, du mal de rheume qui prend aux oiseaux par la teste, Et de telles ordures & bouttesles leur aduient vn eschauffement de foye: Lequel estant ainsi excessiuement eschauffé, leur desseiche les boyaux de telle façon qu'ils ne peuvent esmeuir, & faut que la mort s'en ensuiue, si on ne leur donne prompt & leur remede. La pierre du bas intestin pres le fondement procede de l'ordure que fait l'oiseau à l'esmeuir : & se conree, ladicte pierre au bout du boyau cullier, ou fondement : & deuiet tant grosse, que l'oiseau ne

la pouuant ietter dehors, deuiet tout maigre, & alongoury, & en fin demeure constipé de telle sorte qu'il luy conuiet mourir, Toutesfois quand le Faucon est de sa nature chaud & gras, il la iette bien dehors. Vous pourrez apperceuoir ce mal de pierre ou croye, lors que vous verrez vostre oiseau esmeutir piece à piece: Car lors se commenceant la croye à engendrer & concreer, le passage des intestins deuiet estroit, d'autant qu'en emporte & estoupe la pierre, qui commence à se former: Et quand vous le verrez esmeutir à deux fois coup sur coup, & à vne autre fois vn peu plus retardee, lors vous pourrez estre assure que la pierre sera formee dedans le corps. Encores veulx-je bien vous aduertir, que luy voyant le fondement eschauffé & sortant vn peu dehors les plumes de son brayer ordés de son esmeutissement, & le voyant pareillement souuent mettre son bec dedans son fondement, & lors pourrez vous bien seurement apperceuoir qu'il aura la pierre ou croye au fondemēt. Encores quand il esmeutit, & fait semblant de se coucher sur le poing du Fauconnier qui le tient, & a les yeux troubles plus que de coustume, scachez qu'il à la pierre pres du fondement: & pource qu'il ne la peut vider, est en danger apparent de mourir. Pour remede à ce mal, dit maistre Aymé Cassian qu'il faut faire vn petit lardon de lard frais & non rance, de la grosseur d'vne plume d'Oye, & de la longueur d'vn pouce en trauers: puis prendre Aloes cicotrin en poudre, & en poudrer entierement le dit lardon: apres auoir pris l'oiseau, & luy auoir dextrement ouuert le fondement, luy mettre là dedans ledit lardon, en la forme qu'on bailleaux hommes vn suppositioire: Et si le lardon est trop tendre mol pour entrer dedans le fondement de l'oiseau, soit embroché d'vne plume de geline, laquelle neantmoins ne debura passer tout outre ledit lardon car passant outre, elle pourroit faire grand mal à l'oiseau. Par le moyen doncques de ladicte plume pourrez-vous plus aisement paruenir à l'effect dudit lardon, mais aussi vous la faudra il tout doucement retirer apres que verrez le lardon entré dedans le fondement de l'oiseau. Ce fait prenez des limaçons, & les ayant preparez & accoustrez en la forme dicte cy dessus au 8. chapitre du second liure, en baillez à vostre oiseau ainsi que audict chapitre a esté plus à plein deuisé: Et luy sera baillee ladicte medecine de limaçons incontinent apres luy auoir mis le lardon dedans le corps. En defaut de limaçons, vous luy pourrez bailler aussi les pillules cōposees de lard, mouëlle de bœuf, & sucre, par la forme cy dessus deduicte au cinquiesme &

en l'oiseau, & luy faire entrer dedans le fondement: & deuenir en l'oiseau, & luy faire

neufiesme chapitres dudit secōd liure. Puis sera mis l'oiseau au feu ou au soleil, & ne se fera pu iusques à vne heure apres midy. et si voyez qu'il endure bien le feu ou le soleil, laissez ley plus longuement, car la chaleur luy est fort profitable: puis soit peu d'vne cuisse de geline à demie gorge ou peu plus, & si pouuez recouurer rats ou souris, ne faillez à l'en faire paistre. Car trop mieux valent que pigeons ou gelines. et ne soit tenu au vens, sinon quand il fera grand chaud. Puis apres au vespre quand il aura enduit, luy soyent donnez cinq ou six clouds de girofle enuolopez en vn petit de cottō ou peau de geline, ou rompus vn peu avecques les dents: Soit ceste forme de medecine continuee par trois ou quatre iours, (excepté le lardō suppositoire qui ne se doit donner qu'vnes fois) & par ce moyen sera fort bien purgé vostre oiseau. Mais aussi donnez-vous bien garde, qu'il ne remette hors les clouds de girofle. Car meilleure drogue ne plus propre ne pouuez-vous donner à l'oiseau malade, spécialement de rhume de la teste: combien qu'en toutes manieres de filandres, & autres maladie, ce luy soit fort idoine secours, Maistre Molopin au liure du Prince a enseigné encores vn autre bon remede à ce mal de pierre: Soit prins, dit-il, le fiel d'vn petit cochon de laid, aagé de quinze iours ou trois semaines, & mis au bec del'oisean de telle adresse & dextérité qu'il le puisse aualler sans le rompre, & sans rien en remettre ou reietter: puis luy soit donné vn petit lopin du cœur d'iceluy cochon de la grosseur d'vne febue moyennement grosse: Et l'ayāt puis apres mis au feu ou au soleil, laissez le ainsi ieusner iusques au vespre. Ceste medecine est moult propre & bien approuuee pour tous aiseaux de proye qui ont mal de pierre ou de croye. Mais si c'estoit vn autour ou vn espreuier qui eust ceste maladie de la croye, ne luy en faudroit dōner qu'vne fois: & aux autres oiseaux estans de plus forte nature & complexiō n'y oura dāger de leur en faire prendre par trois diuers iours. Or l'heure du vespre venue, vous paistrez vostre oiseau de poulaille, ou mou-ton, ou biē de quelques petits oiseaux. Et le lendemain aiez lait de cheure. si en pouuez recouurer, sinon prenez lait de femme, & y trempez la chair dōc voudrez paistre vostre oiseau: Si ainsi le paissez trois iours à petite gorge, sansdoubte il se guarira. Autre remede enseigne encores maistre Michelin, pour cestuy mal de croye ou pierre, disant. Soit faitela medecine dessusdicte de lard, mouëlle de bœuf, & sucre en pouldre de moyenne cuitte: & saffran en pouldre, moins la moitié que de sucre, & des trois autres autant de l'vn que de l'autre: Mais

LIVRE TROISIÈSME

que le lard ait trempé, ainsi que cy dessus a esté dit, par l'espace de vingt & quatre heures, luy changeant l'eau trois ou quatre fois, & soit mis de nuict au serain: Puis soyent faictes vos pillules de la grosseur d'une moyenne febue, & vne ou deux d'icelles (à vostre discretion) donnees à l'oiseau qui soit mis au feu ou au soleil, & puis apres à son heure peu de mouton ou de poullaille par raison: continuez ceste medecine par trois ou quatre iours, luy donnant, si bon vous semble, des cloux de girofle, par la forme cy deuant enseignée, & vous l'en verrez bien fort allegé. Luy mesmes à laissé par escrit & enseigné encores autre bon remede. Prenez, ce dit-il, le cœur d'un mouton, & l'ayant coupé en petis morceaux, mettez-le tremper en lait d'anesse ou de cheure, ou de femme, tout vne nuit: Et le lendemain matin poudrez vostre lait d'un petit de succe de premiere cuitte, puis de ce cœur de mouton ainsi trempé dedans ce lait soit pu vostre oiseau raisonnablement. Si luy continuez par trois iours ceste medecine, vous le trouerez grandement soulagé de son mal de croye, & en pourrez faire vser indifferement à tous oiseaux sans nul danger. Autre recepte pour guarir ce mala enseigné maistre Molopin. Prenez, dit-il, d'une herbe appelée, Nasitort, & la pillez dedans vn mortier: puis en prenez le ius, & le mettez dedans vn boyau de geline long d'un pouce en trauers, qui soit lié par les deux bouts: presentez puis apres ce boyau au bec de vostre oiseau, & faites tant qu'il l'aualle & mette en bas. Et si ne trouuez du nasitort, recourez s'il est possible, d'une autre herbe comme, Theodin, de laquelle vous ferés comme de la precedente: Puis boutez vostre oiseau au feu ou au soleil, & ne soit pu iusques à qu'elque my-iour de quelque bon past vif: pour ce que telle medecine luy aura destrempé tout le corps, laquelle neantmoins vous continuerez par deux ou trois iours: ou moins, selon ce que verrez que la premiere prise aura fait bonne ou moindre purgation. Et par ce moyen vostre oiseau guarira. Autre recepte pour guerir ce mal, encores maistre Molopin, dit au lurre du Prince: Prenez, dit-il, semence de Lambrusque pesant vn tournois, semence d'espargoutte pesant vn tournois, semence de persil pesant vn tournois, semence d'Ache pesant vn tournois, succe de premiere cuitte vne dragme, graine de Staphizagria pesant vn tournois, la moitié de la coquille d'un œuf, vn demy septier ou peu plus d'eau de riuere bien nette, & mettez le tout ensemble en vn petit pot n'euf, & le faites bouillir tant qu'il vienne à la moitié moins.

Après soit coulé & passé par vn linge delié, Puis soit prins casse fistule le pesant d'vn tournois, Turbithile, le pesant d'vn tournais. Hermo-
 daçyles le pesant de deux tournois, Aloes dit cicotrin pesant trois
 tournois: et de tout ce soit fait pouldre subtile, qui soit mise dedans
 ladite eau boullie avec les autres mixtions. Puis mettez ladite eau
 ainsi mixtionnee dedans la vessie d'vn porcelet, au col de laquelle
 vous attacherez bien proprement le tuyau d'vne plume d'oye ou de
 quelque autre oiseau pour ieruir de conduit au clystere que voulez
 bailler à vostre oiseau, & le lierez si bien que rien n'en puisse sortir ou
 eschapper: Puis apres appliquerez tout doucement ledit tuyau
 au fondement de vostre oiseau, & luy ferez peu a peu entrer toute
 ladite eau dedans le corps, par la mesme forme & maniere que vous
 voyez bailler les clysteres aux hommes. Puis soit mis au soleil ou au
 feu: & ne soit pu iusques apres midy, que vous luy donnerez de la
 cuisse d'vne ieune volaille: & par ce moyen il quarira. Or deuez- vous
 sçauoir & noter diligemment, que de toutes les receptes cy dessus
 declarees vous pouuez choisir celles qui vous sembleront mieux à
 propos: & d'icelles vser a vostre bonne discretion, pour donner qua-
 rison à vostre oiseau malade de la pierre ou croye dessus dite.

*Du mal des filandres, qui aduient aux Faucons en plusieurs parties interieures
 de leurs corps, & des remedes pour les guarir: Et de ses especes, causes
 & signes, & premierement des filandres de la gorge.*

CHAP. III.

Les maistres Fauconniers dient & tiennent pour chose as-
 seuree, que tous oiseaux ont des filandres: Dont ils font
 trois sortes ou manieres communes & ordinaires: & en a-
 ioustent vne, 4. espece, pire que les autres (qu'ils nomment
 aiguilles): dont sera cy apres parlé en son lieu & ordre. De toutes ces
 quatre manieres de filandres aucuns oiseaux en sont plus, & aucuns
 moins affligez. Et leur aduient ces maladies pour auoir esté puz
 & nourris de grosses & mauuaises chairs, & aucunes fois puantes
 ou autrement mal nettes: à cause de quoy s'engendent & multi-
 plient en leurs corps les humeurs grosses & vicieuses, qui font les
 dites filandres Par fois aussi leur aduient ce mal, du vol qu'ils peu-

LIVRE TROISIÈME

uent auoir fait, soit aux champs soit en riuere: C'est à sçauoir, quand l'oiseau volant abattre sa prinse, & s'efforçant à l'abbatre s'est rōpu quelques pitites venes dedans le corps: & à ceste occasion s'espand le sang dedans ses entrailles, & là se feiche & caille, dont viennent & s'engendrent ces filandres en grand nombre. Et puis pour la puanteur du sang ainsi caillé & figé, qui est tout corrompu de dans le corps, comme estant le sang hors de ses vases, les filandres viennent à chercher le plus net du corps pour fuir celle puanteur, & montent ou au cœur de l'oiseau ou iusques à la gorge, tellement qu'il en meurt. Lors quelques vns disent que l'oiseau est mort du mal de la teste, ou de croye: mais ils s'abusent, car il est mort de filandres, ou d'aiguilles, qui pis est. Or nous dirons premier des filandres, l'abondance desquelles est aucunesfois si grande, qu'elles viennent à monter iusques à la gorge des oiseaux & iusques au pertuis pres du palais, car où l'oiseau prend & remet son haleine, & par iceluy montent ou cerueau, dont aduiēt qu'ils en peuuent mourir. Et pourrez cognoistre, quel oiseau aura cest inconuenient à la gorge, si quand vous l'aurez pu, les filandres sentans la frescheur de la chair se remuent en telle maniere que verrez vostre oiseau qui se prend à bailler souuentesfois, pensant secourir & ietter ces filandres dehors, dont par fois viennent à ietter leur gorge. Encores pourrez cognoistre que l'oiseau a des filandres en la gorge, quand il s'y grattera du pied: adonc soit pris gentiment, & luy soit regardé dedans la gorge, & vous les verrez remuer dedans icelles. Pour faire mourir lesdictes filandres, dit maistre Aimé Cassian, Prenez vne grosse raue, & faites vn trou dedans, en maniere d'vne fossette. & l'emplissez d'eau, & puis mettez ladicte raue dedans la braise bien chaude, & en luy changeant la braise tant qu'elle soit bien cuitte par l'espace de demie heure ou plus. Et si vostre eau se diminue, remplissez tousiours vostre dite fossette: combien que de sa nature la raue rende assez d'eau. Apres soit mise la raue en vne escuelle, & pressez tout le iustant qu'il ne demeure rien. Puis prenez safran en pouldre du gros d'vn petit pois, & le mettez en la dicte eau, & luy en lauez sa chair quand le paistrez. & ne luy en donnez que demie gorge. Et si d'auenture il ne se peut paistre, gardez la luy iusques à ce qu'il ait plus grand appetit de manger. Si vous luy continuez ceste medecine par trois ou quatre iours continus, sans doubte mourront lesdictes filandres, & guarira vostre oiseau.

D'une autre espece de filandres, qui viennent aux estraines & aux reins des oiseaux: & des remedes propres à les guarir.

CHAP. IIII.



Ly a vne autre espece de filandres, qui s'engendrēt & concreeent pareillement dedans le corps des oiseaux: lors qu'il se retrouuent chargez de grosses humeurs, ordures, & putrefaction: dont naissent lesdites filandres: puis cherchans quelque endroit plus net, montent aux reins & aux estraines des oiseaux, qu'ils percent & gastēt, tellemēt que tost apres on les voit mourir. De ceste espece de filandres vous pourrez appercevoir, lors qu'orez vostre oiseau crier & se plaindre la nuit, avec vne voix lamentable cōme, crac, crac, Encore autrement le pourrez vous descouvrir, quand portant au matin vostre oiseau sur le poing vous sentirez qu'il vous estraindra plus fort qu'il n'auoit accoustumē: & il fera semblant de se coucher sur la main, ou se plumer sur le dos à l'endroit des reins ou estraines. Et lors tenez-vous tout assure que les filandres ou aiguilles des reins le tourmentent: & qu'il est en grand danger de mort, si vous n'y donnez quelque bon & prompt remede. Lequel, si vous en voulez croire le bon maistre Aymē Cassian, fera tel. Vous prendrez des lentilles des plus rouges que vous pourrez recouurer: & les ferez biē essuyer & secher au soleil, ou deuant le feu: & prēdrez aussi de la graine à vers la moitié moins toutes fois que lesdites lentilles, puis de tous ces deux simples meslez ensemble, ferez pouldre bien deliée & subtile, laquelle vous delayerez en huille d'olif: puis en ferez vne emplastre, que vous estendrez sur toile ou cuir, & puis l'appliquerez sur les estraines ou reins de l'oiseau: & la chāgerez apres qu'elle y aura demeuré quatre ou cinq heures. Et par ce moyen ce dit maistre Cassian, mourront lesdictes filandres. Vne autre recepte enseigne maistre michelin pour faire mourir lesdites filandres. Prenez, dit-il, fueilles de pescher, herbe de ruē, & herbe de mente: & apres les auoir bien pillees en vn mortier, tirez & exprimez-en le iust: puis dedans ledit iust delaiez de la poudre à vers: & en faites emplastre sur toile ou cuir, qui puis apres soit appliquee sur les reins de l'oiseau, deux fois le iour: c'est à dire vne fois au matin, & autrefois au vespre, & ainsi continuée par quatre ou cinq iours. Et cestuy vous sera vn bon moyen pour faire mourir lesdites filandres.

LIVRE TROISIÈME.

D'une autre espece de filandres qui viennent aux cuisses des Faucons: & les remedes pour les guarir.

CHAP. V.

Vtre maniere de filandres (lesquelles aucuns ont appellees, vers) viennent aux cuisses des oiseaux. Et s'engendrent à l'occasion de ce que par fois les negligens ou mal aduisez Fauconniers mettent leurs oiseaux sur la perche sans chapperon : qui est cause de les faire debattre à grande force: tellement qu'ils se rompent par fois les venes des cuisses, spécialement les oiseaux Hagars plustost que les fors. Par ce moyen le sang escoulant des venes rompues s'expand au long des cuisses, & encores au long du bas ventre entre cuir & chair: & de ce sang ainsi caillé & corrompu se concreent & engendrent puis apres tant de vers ou filandres: qu'il est force à l'oiseau de mourir. Encores aduient par fois cest inconuenient à l'oiseau, dece que se battant sur le poing du Fauconnier, il le donne aucunes fois forte escouffe, & le Fauconnier qui le porte par colere ou autrement luy en redonne aussi par fois vn autre, qui est cause de luy faire rompre les venes & engendrer (ainsi que cy-dessus est recité) lesdites filandres. Desquelles vous pourrez appercevoir, voyant vostre oiseau se plumer souuent les cuisses & le ventre, & en faire choir des plumes. Pour remede à ces vers ou filandres, maistre Molopin enseigne & commande de faire à l'oiseau malade, la medecine ou emplastre du ius de feuilles de pescher, ruë, & mète & pouldre à vers, dont a esté mise la recepte au chapitre precedent cestuy. Ou bien du ius desdites feuilles & herbes, lauez les cuisses & le ventre de l'oiseau malade deux fois le iour par quatre ou cinq iours: & sans doute mourront lesdits vers & filandres, & vostre oiseau guarira.

D'une autre espece de vers ou filandres, que l'on nomme vulgairement aiguilles, & sont pires que toutes les autres: & des remedes pour les guarir.

CHAP. VI.

Encores ya il vne autre quatriesme espece de vers ou filandres, plus dangereuses & pernicieuses que toutes les autres, qui sont nommees aiguilles, à cause qu'elles sont plus courtes & subtiles que les autres filandres qui montent à la gorge & aux estraines. Les aiguilles s'engendrent & concreent és corps des oiseaux,

à cause des mauuaises humeurs qui y abondent, comme nous auons dit des autres. Mais elles sont beauconp pires, pource que fuis la puâteur des dites humeurs corrompues, & cherchâs lieu plus net, passent au trauers des boyaux, & montent iusques au cœur. Et si plus tost n'i est remedié, l'oiseau ne peut fuir qu'il ne meure. Vous vo' pourrez apperceuoir de ce mal d'aiguilles, lors que voirez vostre oiseau s'escourre dessus le leure Ou quâd le tenant sur le poing, vous le sentirez vous estreindre & serrer beaucoup plus fort que de coustume. Pour remede à ce mal des aiguilles, enseigne maistre Molopin ceste medecine. Prenez dit-il, Staphizagria, & de l'herbe de Barbarie ou rhuubarbe autât de l'vne côme de l'autre: & de l'aloës cicotrin autant que des deux autres ensemble, & ayant tout mis en pouldre, meslez les bié l'vn parmy l'autre: puis enveloppez ladite pouldre en peau de geline, ou en cotton la grosseur d'vne noisette, & la faites aualler à vostre oiseau. Apres ce, donnez luy de la chair aussi gros qu'vne febue: puis le mettez au feu, ou au soleil: & ne le laissez iusques apres midy, que vous luy donnerez demie gorge. Si vous luy continuez ceste medecine par trois iours consecutifs: vous y cognoistrez grand amendement, Mais aussi soiez aduertis de ne faire vser de ceste Pouldre à vn oiseau qui soit meigre: car il ne la pourroit endurer: Soiez aussi aduisez de luy mettre sur la chair du poil de porc taillé bien menu: car il luy pourra grandement profiter. Vn autre bon & seur remede pour le mal des aiguilles, a enseigné maistre Michelin au liure du Prince: duquel vous pourrez aider & accommoder au defaut du precedent. Prenez, dit-il, de la corne de Cerf, & la mettez au feu, tant qu'elle soit tres bien cuitte, & cômme reduitte en charbon, puis apres qu'elle sera bien refroidie, mettez là en pouldre bien subtile. Prenez aussi d'vne grosse graine, que l'on appelle en Latin Intibus, autant comme ladite corne, & la mettez pareillement en pouldre: Prenez encores de la pouldre à vers, autant comme des deux autres: & de l'aloës cicotrin la moitié moins que de la pouldre de corne de cerf: & de la theriaque, qu'on appelle vulgairement triacle, la moitié moins que dudit aloës. Et toutes ces choses bien meslees ensemble, soient destrempees dedans du miel, & les dites pouldres y mixtionnees peu à peu, tant qu'elles soient reduites en masse pour faire pillules: lesquelles vous pourrez former puis apres de la grosseur d'vne noisette, & en donner tous les matins à vostre oiseau par l'espace de cinq ou six iours: & tost apres soit peu à demie gorge. Et si la premiere fois que luy en aurez donné vous

LIVRE TROISIÈME

apperceuez qu'il ait vouloir de remettre dehors les iours ensuiuans vous pourrez enueloper ladite pillule de peau de geline ou de cottõ, comme auons cy dessus remonstré. Et tiennent lesdits maistres Fauconniers, que ceste forme de medecine est vn prompt & seur moyen pour faire mourir lesdites aiguilles. Maistre Aymé Cassia dit, que pour remede à ce mal d'aiguille est propre la medecine cy dessus recitee, & par luy enseignee pour les filandres. Prenez, dit-il, de l'herbe de ruë, & del'herbe d'absinte, (ou encens puant) autant de l'vne que de l'autre, feuilles de pescher autant que des deux autres: pilez tout ensemble, & en espreignez le ius: dedans lequel mettez puis apres vn peu de la pouldre à vers: puis mettez la medecine ainsi cõposee en vn boyau de geline, & en faites vser en la maniere dessusdite à l'oiseau malade des aiguilles. Aussi soyez aduisez que de tous les remedes cy dessus recitez vous pouuez faire vser à vostre oiseau, selon vostre bonne discretion, tant pour les filandres que pour les aiguilles. Mais donnez vous bien garde de donner à vostre oiseau fortes medecines, s'il n'est haut & gras: autrement ils ne les pourroit supporter.

Des apostumes qui s'engendrent aucunes fois dedans le corps des oiseaux: de leurs causes & signes. & des remedes pour les guarir.

CHAP. VII.

Souuent aduient que dedans le corps des Faucons, s'engendrent & forment grosses & dangereuses apostumes: & leur vient ce mal, pour prendre trop les hayes & les buissons: ou pour trop se debatre, soit sur le poing, soit à la perche: de frapper sur leur proye, en quoy faisant ils se froissent, & s'eschauffent, puis se refroidissent, & de ce leur vient l'apostume. De ce mal vous pourrez prendre indice & demonstration quand vous verrez les narines de vostre oiseau souuent s'estouper, & le cœur luy battre bien fort dedans le corps. Pour remedier à ce mal, enseigne maistre Molopin au liure du Prince ceste medecine. Prenez dit-il, le blanc d'vn œuf, & le battez bien fort, & des feuilles de chou, que ferez piller, & en esprendre le ius, puis le meslerez avecque le blanc del'œuf battu, & en cõposerez vne medecine: laquelle vous mettez dedãs vn boyau de geline, & la ferez le matin prendre à vostre oiseau que vous ferez puis apres tenir au feu ou au soleil, & ne le paitez iusques apres midy, que luy donerez d'vn cœur de moutõ, ou d'vne ieune poulaille. Le lendemain prendrez du romarin, q̄ ferez brusler & reduire en cédre & pouldre: de laquelle vous luy poudrez sa chair quand le voudrez

voudrez paistre à discretion. Puis par trois iours luy donnerez du sucre : & le quatriesme iour ensuiuant retournez à luy donner de telle pouldre ou cendre de Rommarin, changeant ainsi le sucre & la pouldre de trois en trois iours, par l'espace de quinze iours : pendant lesquels aduisez soigneusement à le tenir chaudement iour & nuit, & ne le paistre que de bon past à moyenne gorge.

Du mal de foye aduenant aux oiseaux, de ses causes & signes, & des remedes propres pour les guarir.

CHAP. VIII.

M Al ou eschauffement de foye aduient aux oiseaux, par la faute des Fauconniers qui les gouvernent : c'est à sçauoir, pour les paistre de grosses, & mauuaises chairs, le plus souuent vieilles & puantes à faulte de les lauer & nettoyer : ou au defect de ce qu'ils ne sont baignez, & qu'on ne leur donne l'eau commode & necessaire quand il en est mestier : ou par trop & longuement les faire voler à iun : Qui sont tous moyens de faire eschauffer le foye de l'oiseau. De ce mal vous pourrez apperceuoir, voyant vostre oiseau auoir les pieds fort eschauffez, & la gorge changée de couleur, & comme blanchie à cause des fumées montant du foye eschauffé : Mais si vous trouuez que la langue luy deuienne noire, lors le pourrez vous croire en grand danger de mort. Pour remede à ce mal, maistre Aymé Cassian enseigne pour prompt & propre remede, la medecine cy dessus enseignée pour le mal de teste, & le mal de pierre : C'est à sçauoir, de limas detrempez en lait d'anesse ou de cheure, par la forme cy dessus d'escritte au second liure chapitre huitiesme : & luy en donnez au matin par trois ou quatre iours consecutifs : Et si ne pouvez recouurer des simples requis pour ladicte medecine : vous pourrez vser de l'autre medecine, de lard, de mouëlle de bœuf, & de sucre, descritte au cinquiesme chapitre dudit second liure, & en donner par chascun matin à vostre oiseau l'espace de quatre ou cinq iours. Car par la purgation des humeurs vicioux qu'il aura dedans le corps, luy fera diminuer la chaleur du foye : Puis apres vous le pourrez paistre de mouton ou poulaille baignee en lait : & luy continuer ce past huit ou dix iours : Car le lait est vn simple fort propre pour temperer la chaleur du foye : Mais aussi gardez vous bien de luy donner à manger pigeons, ny autre gros past. Apres que vostre oiseau aura esté

LIVRE TROISIEME

purgé par le moyen des medecines dessusdictes, & la langue luy sera amendée: Prenez huile d'amendes douces, & si n'en trouuez, prenez huile d'olives latee deux ou trois fois, & luy en arrousez la langue avec vne plume, & la gorge trois ou quatre fois par iour: puis d'une petite racloire d'argent ou d'autre metal, raclez luy la langue & la gorge iusques à ce qu'il soit bien guarý: mais sur tout souuenez vous de luy lauer tousiours son past dedans du lait. Cependant si tant estoit malade qu'il ne peust manger, gardez vous bien de l'abandonner: mais avec vne petite fourchette ou vergette mettez luy sa chair à petits morceaux tout doucement dedans la gorge, & tant auant qu'il la puisse aualler & mettre bas. Car ce n'est que le mal de la langue enflée, qui le garde de manger: & partant ne doit estre abandonné. Maistre Michelin enseigne encores la medecine qui ensuit pour rafreschir le foy del'oiseau. Prenez, dit-il, de la Reubarbe, & la mettez en lieu frais tremper toute vne nuict en belle eau claire: & de ceste eau lauez le lendemain la chair dont vouldrez paistre vostre oiseau, luy continuant ceste medecine par quatre ou cinq iours, vous verrez que le foye luy retournera en bon estat, & guarira. Mais aussi deuez vous entendre que ceste eau de Reubarbe pourra profiter à l'oiseau qui ne sera tant ord dedans, comme cy dessus a esté déclaré. Car si ainsi estoit qu'il eust bouteffe dedans le corps: mieux luy vaudroyent les autres medecines dessusdictes.

Du mal de Chancre qui vient de chaleur de foye, & des remedes pour le guarir.

CHAP. IX.

AV C V N E S F O I S aduient qu'à l'occasion de l'excessiue chaleur eschauffant le foye de l'oiseau, le chancre le prent en la langue ou en la gorge: Pour à quoy obuier & remedier, dit maistre Aymé Cassian qu'il luy faut faire vser de la medecine dessusdite faite de limaçons: ou de l'autre composée de lard, mouëlle de bœuf, & sucre, le tout par la forme & maniere cy deuant recitée ausdits cinquiesme & huietieme chapitres du second liure. Et luy soit lauee sa chair de lait ou d'huile d'amendes douces, ou d'huile d'olives, au defaut de l'autre: & en soit le chancre arrosé deux ou trois fois le iour tant qu'il soit bien blanc & meurt: puis racle avecques la racloire tant qu'il n'y demeure rien. Et si

chair morte s'y prenoit, mettez y vn peu d'Alum en poudre : & continuez le lait ou huille dessusdicte tantque vostre oiseau soit bien guary.

Du mal de Pantais, des trois especes d'iceluy, des causes & signes, & des remedes pour le guarir nommement le Pantais de la gorge.

CHAP. X.

Ly a de trois sortes de Pantais : qui est vn mal dont les oiseaux sont bien souuent affligez : Cest à sçauoir de pantais de la gorge : l'autre pantais qui vient de froidure : & le tiers qui aduient aux reins & rongnons des oiseaux : comme de chacune d'icelles sera cy apresparlé en son lieu & ordre . Or ce mal de pantalais de la gorge aduient aucunesfois de ce que l'oiseau estant fort, se debat sur la perche ou sur le poing : & se debattant se rond aucunes petites venes du cerueau , puis s'espand sur le goffier le sang escoulant des venes rompues , & se desseche , & estant sec se defait par petites escailles : Puis de rechef l'oiseau se debat, & se debattant esmeut quel-qu'vne desdites escailles, qui luy viennent à couvrir quelques conduis approchans de la gorge , & lors il commence à pantaiser, Puis de rechef viens à se debattre , & se debattant fait approcher lesdictes escailles plus pres de la gorge : lesquelles par fois se mettant de trauers, & luy empeschent tellement la respiration & le cours de l'haleine, qu'en fin il est forcé de mourir. Et à la verite c'est ceste espece de pantais que fait principalement & ordinairement mourir les oiseaux. De fait qui en voudra faire preuue plus certaine , face ouurer & fendre la gorge à l'oiseau que l'on croit mort de ce mal du pantais : & on y trouuera l'escaille ou esclat qui en aura donné l'occasion . Maître Aymé cassian dict que bonnement on ne peut donner remede à ce mal : pource qu'il tient à vn pertuis appellé la quenouille de la gorge, par lequel l'oiseau prend & remet son haleine : Toutesfois dict ledict cassian qu'il a veu resentir quelque allegement aux Faucons malades du pantais de la gorge, les mettant en vne chābre claire & nette, de laquelle toutes les fenestres soyent ouuertes, treillees neantmoins de façon que l'oiseau ne puisse yssir dehors. faut aussi qu'en ladite chābre soyēt mises deux ou trois perches, afin qu'il puisse saillir de l'vne à l'autre : & que la chābre, s'il est possible, soit exposée au soleil

de leuant, Faut aussi que l'oiseau ait toujours de l'eau deuant ses yeux: Et quand on le veut paistre, que sa chair soit taillee en petis morceaux à fin qu'il ne s'efforce point à tirer: mais qu'il ne soit pu qu'à demie gorge, & seulement vne fois le iour: Et sur tout se faut bien donner garde de luy donner bœuf, ou autre grosse gorge. Ainsi le pourrez-vous tenir trois sepmaines ou vn mois, puis aduiserez s'il sera point amendé. Et si le trouuez amendé, soit remis tant qu'il soit bien guarý. Cependant n'oubliez à luy lauer & baigner toujours sa chair dedans du lait, ou en huile d'amendes douces: & celuy pourra estre cause d'un grand bien: Car bien peu d'autres remedes se trouue pour amender ou guarir ce mal de pãtais de gorge, depuis quel'oiseau en est surpris.

De la seconde espece de Pantais qui vient de froidure, des causes & signes, & des remedes qui y sont propres.

CHAP. XI.

Vne autre maniere de pantais aduient aux oiseaux par froidure & morfondure: c'est à sçauoir quand ils se baignent aux champs en volant, & puis apres ne sont sechés ne essuyés à propos, ne mis en lieu sec & chaur, où l'humidité par eux accueillie se puisse esparer & assecher. Aduient aussi aucunes fois le pantais à l'oiseau pour auoir esté mis en lieu remugle & humide, ou auquel il ait fumee ou pouldre remuee: qui sont tous moyens de le faire pantaifer: c'est à dire de luy faire remettre son haleine à peine, qui est le propre accident du Pantais. Maistre Molopin au liure du Prince contre cest espece de pantais, enseigne le remede qui ensuit. Prenez, dit il, limures de fer bien menues, & farine de lentilles, autât de l'un que de l'autre: & meslez tout ensemble avecques miel, de maniere qu'en puissiez faire pillules: lesquelles ferez du gros d'un pois, & en baillerez deux ou trois le matin à vostre oiseau par trois ou quatre iours cõsecutifs: puis le paistrez apres le midy de quelque bon past vif & delicat. Et si au bout desdits quatre iours vous y trouuez quelque amendement, mettez luy puis apres par deux ou trois iours de la pouldre d'orpiment sur sa chair lors que viẽdrez à le paistre, & celuy pourra estre moyen de guarir. Toutes fois où toutes les choses dessus dites ne luy profiteroient, vous pourrez essayer de la medecine qui ensuit, laquelle maistre Aimé cassiã enseigne pour bien fort remediabile à ce mal. Prenez, dit-il d'une herbe qui se nôme

en Latin Pulmonaria: & apres l'auoir fait bien desflecher au soleil, faites en pouldre bien subtile: puis prenez beurre frais trois fois autant que de ladite pouldre, & trois fois autant de miel que de beurre: puis mettez tout ensemble en vn pot neuf, & le faites bouillir, & n'oubliez de l'escumer en bouillant, & apres qu'il sera bien refroidy, faites en pillules qui soient de la grosseur d'vn pois: & luy en donnez deux ou trois tous les matins de quatre ou cinq iours, ainsi que dit à esté en la recepte precedente: & le païssez & gouvernez au surplus en la forme y mentionnée.

Autre medecine enseigne maistre Michelin pour le mal du pantais. Quand l'oiseau pantise, ce dit-il, prenez de l'herbe de Capilli Veneris qui croist aux prez, racines de persil, & racine d'ache, & pommes de sainct Iean vieilles, qui soient parees (ces pommes viennent coustumierement plus-tost que les autres:) toutes ces choses soient mises ensemble en vn pot neuf de moyenne grandeur, & faites bouillir au long du feu: puis en soit l'eau du bouillon coulee par vn linge net, & en icelle mis du succe fin, avec vn peu de mouëlle de boeuf taillée bien menu & le tout bien battu & meslé ensemble. De ceste composition vous baillerez à vostre oiseau vne fois au matin & vne fois au vespre, vne cuillerée, que luy ferez prendre avecques vne cuiller ou avec vn petit entonnoir: comme verrez qu'il vous sera & à l'oiseau plus aisé & commode, & continuez d'ainsi le faire par l'espace de quatre ou cinq iours: pendant lesquels vous ne paistrez vostre oiseau iusques apres midy de poulaille avecques le sang: & tousiours luy arrousez son past d'huile d'amendes douces, ou d'huile d'olifau defaut de l'autre. Apres toutesfois que vous aurez laué ladite huile dedans deux ou trois eaux. Et encores apres que sa chair sera, ainsi que dit est, arrousee, il la faudra poudrer d'vn peu de succe fin, & d'vn peu de saffran, moins la moitié que de succe. Apres lesdits quatre ou cinq iours, si voyez que mestier en soit, vous luy pourrez d'abondant par quatre ou cinq autres iours poudrer son past d'orpigment sans greffe: & puis apres reprendre l'huile dessusdicte iusques à ce qu'il soit bien guarý.

*De la tierce espece de pantais, qui tient és reins & rongnons
de ses causes, signes, & accidens: & des remedes
propres pour la guarir.*

LIVRE TROISIÈSME



Il y a vne tierce autre espece de pantais, qui afflige les Faucons de la part des reins & rongnons. Et leur aduient souuent ce mal, apres qu'ils ont esté vexez de quelque autre griefue maladie: de laquelle neantmoins ils sont reschappez par le bon soing & diligente cure que le Fauconnier en a peu auoir, & par le moyen du reliqua des mauuaises humeurs qui auoient causé ladite maladie, l'oiseau apres qu'il semble en estre guaruy vient à pantaiser. Or gist la cause de ceste maladie és reins de l'oiseau, esquels se concree & engendre ie ne sçay quel mal ressemblant à chancre, qui est de la grosseur d'une febue: qui fait que l'oiseau vient tousiours de plus en plus à s'enfler: & se trouue en fin auoir l'estomac pantais, & empesché de telle façon, qu'il est contraint rendre & reietter son past. Ceste espece de pantais est moult diferente des autres: car vous verrez souuent aduenir que le pantais laissera l'oiseau par l'espace de six ou sept iours, & puis le reprendra plus fort que deuant aucunes fois le lasche & intermet de mois en mois, ou de trois en trois mois: de maniere qu'il le portera quelques fois tout vn an. Vous pourrez apperceuoir de ce mal, lors que verrez l'oiseau pantaisant mouuoir les reins, plustost & plus fort que les espauls: où au contraire aux autres especes de pātais, l'oiseau remuë plustost & plus fort les espauls que les reins. Encores en aurez-vous plus certain indice, quand vous verrez le pantais lascher par intermission huit ou dix iours vostre oiseau, & puis apres le reprendre. Et s'il aduenoit qu'il en mourust: faites le ouurir: & vous trouuerez comme vne glande au dessus de ses roingnons ou estrenes. Pour remede à ce mal, enseigne maistre Aymé Caslian ceste recepte. Prenez, dit-il, racines d'asperges, racines de capres, racines de fenouil, racines de persil, & racines d'ache, & les faites toutes bouillir ensemble dedans vn pot neuf, tant que l'eau en laquelle elles auront bouilly vienne des trois parts aux deux. prenez aussi vne tuille qui soit vieille (car plus sera vieille, mieux vaudra) & en faites poudre bien subtile. puis quand voudrez paistre vostre oiseau, ayez tousiours fresche & bonne chair, & non de bœuf: & la faites tremper en l'eau, en laquelle auront cuit les dites racines, dedans vne escuelle, enuiron vn quart d'heure deuant que le paistre: mais donnez vous garde que vostre eau où vous tremperez vostre chair, soit tousiours nettement gardee. Et quand vous aurez le matin donné à vostre oiseau malade sa chair trempee en ladite eau: donnez luy au soir chair poudree de ladite poudre, changeant ainsi de fois à autre: mais le paissant

ne luy donnez que demie gorge par fois, & autresfois quand le verrez en appetit, donnez luy tant de chair, qu'il en voudra manger & prendre. Continuant ceste medecine par huit ou neuf iours, ou plus si voyez que besoin soit, vous en ressentirez quelque amendement. Toutesfois si ceste maladie estoit trop enracinee, & l'oiseau l'auoit portee longuement, à bien grande peine en pourroit-il guerir: tât est qu'y obuiant & pouruoyant diligemment du commencement plusieurs fauconniers & Gentils-hômes ont trouué & experimenté grand soulagement de la medecine dessusdite. Maistre Cassian a enseigné encores vn autre moyen de guarir l'oiseau de ce mal: lequel est souverain & bien approuué, combien qu'il semble dangereux & difficile. Si vostre oiseau, dit-il, a porté cestuy mal de pantais six ou neuf mois, ou vn an, & vous le voulez guarir, tenez le haut & en assez bon point, & s'il est possible qu'il soit tousiours bien net dedans le corps. Si le prenez tout doucement, & le mettez en maillollet, puis sera ouuert, ainsi que l'on ouure vn coq, quand on le veut chapponner. Et quand aurez fait ceste ouuerture, vous tournerez tout doucement les boyaux de l'oiseau, tant que luy puissiez voir l'eschine à l'endroit des reins. Lors regardât en haut, vous voirez comme vne petite vessie qui commencera à durcir, & sera aussi grosse qu'une febue. Aucunesfois vous y en trouuerez deux, pendans à vn petit filet, esquelles entre aussi par fois quelque chancre & ont la forme d'une glande. Et quand vous les aurez choisies de l'œil, prenez quelques petites pinsettes, & les tirez dehors, en sorte qu'il n'y demeure rien: puis soit recousue l'ouuerture de fil de soie rouge ou blâche, ou au deffaut de ces deux, de quelque autre couleur. Mais la recoufant donnez vous bien garde d'atteindre ou prendre les boyaux de l'oiseau, lequel vous mettrez puis apres sur vn couffin en quelque lieu obscur & haut, qui ne soit point rheumatique: puis le paistrez de bon past vif taillé bien menu: qui luy fera encores plus grand bien, si le voulez arrouser de la bonne huillê d'amendes douces. Toutesfois si vous cognoissiez qu'il fist quelque difficulté d'en manger à cause de l'huile, il se faudroit abstenir de l'arrouser pour ceste fois. Et dit ledit maistre Aymé Cassiã qu'il en a ouuert plusieurs en son temps de la façon cy dessus recitée, qui ont recouuré leur santé. Mais doit estre aduisé le fauconnier, qu'il vaudra mieux faire telle ouuerture au decours de la Lune qu'en son croissant combien que de ce maistre Michelin au liure du Prince n'ait fait aucune mention.

LIVRE TROISIÈME.

Du mal de morfondure, qui aduient à l'oiseau par quelque accident: des signes & causes dudit mal & des remedes propres pour le guarir.

CHAP. XIII.

Les Faucons par fois se morfondēt à l'occasion des trop grosses gorges qu'on leur donne: spécialement quand ils sont mouillez: car ils ne peuuent passer ny enduire leur gorge, à cause du froid qui les restraint:& ne la pouuans bien cuire & digerer, force est que elle se conuertisse en flegmes & autres grosses humeurs, qui font perdre à l'oiseau l'appetit du past,& puis apres vient à mourir, comme dit le liure du Prince. Or vous pourrez vous appercevoir de ceste morfondure, lors qu'apres auoir sur le vespre baillé à vostre oiseau grosse gorge, vous verrez le lendemain matin qu'il aura perdu l'appetit du past, à cause qu'il sera refroidy & lent plus que de coutume. Pour remede à ceste maladie, dit maistre Molopin au liure du Prince, qu'estant l'oiseau ainsi morfondu & degousté il ne doibt estre pu de tout le iour que commencerez à vous en aduifer: ains doit-on seulement mettre de l'eau deuant luy:& s'il en veut boire ou s'y baigner, ne laisser faire à son desir: puis luy ietter vn pigeon vif deuant luy & s'il le prend & tuë, luy en laisser boire le sang tant qu'il voudra, puis apres ne luy en donner à manger sinon vne cuisse pour le plus: apres cela le mettre reposer en lieu chaud & sec, pourueu qu'il y ait tousiours de l'eau deuant luy, & se bien garder de luy donner grosse gorge. Mais sera bon de luy bailler par l'espace de quatre ou cinq iours cinq ou six clouds de girofle enuolopez en peu de cotton.

Du mal vulgairement appellé le mal subtil, de ses causes & signes, & des remedes propres pour le guarir.

CHAP. XIII.

Aucunes fois sont les oiseaux vexez d'vne maladie, que les Fauconniers ont nommee, le mal subtil: ou pource qu'elle rend l'oiseau maigre, delié & subtil, ou pource que promptement & subtilement il passe & esmeutist tout ce qu'on luy baille. Et de ce mal se perdent plusieurs oiseaux, à faute de s'en donner

ner garde de bonne heure. Or le pourrez vous descouvrir & appercevoir à ce que verrez, que quand vous luy aurez le matin donné quelque grosse gorge, il aura incontinent passée. Et si vous luy en donnez puis apres vne autre pareille à midy, il la passera encores plus legement: Encores si luy en donnez vne tierce au vespre, elle sera aussi tost passée. Qui pis est, plus mangera, plus deuiédra megre: Ce mal aduient coustumieremēt de ce, que quand vous voyez vostre oiseau fort megre, vous efforcez de bien tost le remettre sus, & pour y cuider paruenir, vous luy donnez de trop grosses gorges de pigeons, ou autres bonnes chairs, pensans par ce moyen le remettre & rédre gras en peu de iours. Mais il en aduient tout au contraire: par ce qu'ayant l'estomach greué & offencé de si grosses gorges, il ne les peut naturellemēt digerer: pource qu'il a le foye alteré, duquel la chaleur tēperée est cause de toute bonne digestion naturelle. Doncques pourrez vous iuger l'oiseau affligé de ce mal, quand le verrez tel que cy dessus a esté recité: & au surplus fort affamé, & esmeutissant beaucoup plus souuent, & en plus grande quantité que de coustume: Maistre Molopin au liure du Prince, dit que pour prōptement & seurement remedier à ce mal, faut prendre le cœur d'un mouton, & le laisser toute vne nuit tremper dedans du lait d'anesse, ou de cheure, apres toutesfois qu'on l'aura mis en morceaux assez petis: car il en trempera mieux: Et le lendemain matin en donner à manger le quart à vostre oiseau: vn peu apres midy autant, & au vespre le demourant: & luy faire cependant prendre & aualler le plus que vous pourrez du dict lait: Luy continuant ceste forme de viure par l'espace de cinq ou six iours, & iusques à ce que verrez qu'il commencera à faire ses esmeutes plus naturelles. Et apres ce que l'aurez veu plus naturellement esmeutir, vous le paistrez peu à peu & assez raisonnablement de quelque bon past, dont la chair sera arrosée de quelque bonne huile d'amendes douces, & ce par trois ou quatre iours, pendant lesquels il ne sera pu que deux fois le iour. Mais fait à fait que le verrez amender, croissez luy son past peu à peu, afin qu'il puisse en greffer & reuenir en son premier estat. Et luy continuez tousiours le lait ainsi que nagueres vous a esté enseigné. Car le lait d'anesse & de cheure est fort propre à ceste maladie: & comme dient aucūns, à toutes autres maladies d'oiseaux. Maistre Aymé Cassian enseigne encores vne autre recepte pour guarir cestuy mal subtil. Prenez, dit-il, vne tortue de garrigues: c'est à dire, q̄ celles qui viuēt en terre en lieux secs, & qui n'entrent point en l'eau: & apres que vous en aurez séparé

LIVRE TROISIÈSME

la chair d'auec les escailles, mettez la tremper en lait d'anesse, ou de cheure, ou de femme, au defaut des autres: & en païssez vostre oiseau, peu au premier past, plus au second, encores plus au tiers, en augmentant ainsi de peu à peu iusques à six ou sept iours: Puis apres païssez-le de cœur de mouton trempé dedans le lait suldit, cōme cy dessus a esté monstre, luy en augmentât ainsi le past de peu à peu, iusques à ce qu'il soit biē guaray: Et ne le tenez en lieu rheumatique, mais en huiuer en lieu chaud, & en esté en lieu frais, & tousiours enchapperonné. Continuât de le traicter de ceste façon, tenez vous seur qu'il guarira.

Autres remedes propres pour l'oiseau qui n'enduit, & ne peut passer sa gorge.

CHAP. XV.



Lors que verrez vostre oiseau degousté, & ne pouuant enduire ou passer sa gorge, donnez luy petit past: mais qu'il soit de rats, ou de souris. mesmes de grands rats: car ils sont bien plus substancieux que les petis: & ne luy en donnez que demie gorge, car il la digerera mieue, & plus naturellement. Autrefois soit peu de chair de poulaille, ou de bon mouton trempée en lait d'anesse, ou de cheure, ou de femme, ainsi que cy dessus a esté dit, & ne luy en donnez que le quart de sa gorge. Mais quand le voudrez paistre de vis, baignes luy sa chair en sang, & celà luy fera fort grand bien, Continuant ce traitement par quelques iours: vous remettrez sus vostre oiseau. maistre Michelin dit, que quand on void vn oiseau qui ne peut enduire ne passer sa gorge, c'est signe qu'il est refroidy dedans le corps, & luy manque la chaleur naturelle. Et que pour y dōner remede, faut prendre vin blanc bien subtil qui soit chauffé tiede, & dedans iceluy tremper la chair dont on veut paistre l'oiseau, & toutes-fois luy donner peu à manger, deux fois le iour seulement, & augmenter petit à petit à mesure que l'on y cognoistra amendement. Mais aussi sera bon luy changer souuent son past, & de chairs de bon suc, & de legere digestion. Ce traitement debura estre continué iusques à ce que on le voye remis sus: en luy donnant d'abōdant tout les soirs cinq ou six clouds de girofle enuolopez en peu de cotton: pource qu'ils luy eschaufferont la teste & tout le corps, & par ce moyē luy ferōt moult grand bien & plus encores si le cotton sera trempé en vn peu de bon vin blanc vieil. Aucunes fois aduiēt que l'oiseau ne peut enduire ne rejeter sa chair, pource qu'on luy aura donné trop grosse gorge, laquelle

le il n'aura peu digerer : Ou pource que s'estant esgaré avecques la proye, il se lera (estant affamé) pusi gloutement, qu'il n'a puis apres peu enduire ne reietter sa gorge. A ceste cause tout Fauconnier doit estre discret, & bien se garder de donner à son oiseau trop grosse gorge. Pour y remedier, dit maistre Aymé Cassian, qu'il faut mettre eau fresche dedans vn vaisseau net, & la poser deuant l'oiseau, & s'il luy prend enuie d'en boire, l'en laisser boire à son plaisir. Puis prendre lard de porc du plus gros & qui ne soit point rance, le gros d'une febue, de la poudre de poiure les deux parts moins que le lard, cendre la tierce partie moins avecques vn petit de sel, & le tout bien battre & mesler ensemble & en faire vne pillule de la grosseur d'une moyenne febue, la luy mettre au bec, & tant faire qu'il la mette bas : puis soit posé au soleil ou au feu, & tost apres y cognoistrez amédement & qu'il enduira sa gorge. Mais aussi gardez que l'oiseau auquel vous baillerez ceste pillule ne soit trop maigre : car à peine le pourroit-il supporter. Maistre Molopin enseigne encore vn autre remede faisant mesme effaict. Prenez, dit-il, l'oiseau doucement & dextrement, & luy fendez la gorge, puis luy en tirez gracieusement la chair dehors : Et apres quel'aurez essuyée d'un peu de cottõ mouillé en vin, recouvez-la de fil de soye vermeille, puis l'oignez de gresse de geline : & tantost apres païssez-le de quelque cuisse de geline trempée dedans le sang, & la luy taillez en petis morceaux : Par ce moyen vous pourrez sauuer vostre oiseau. Encores ont enseigné ces bons maistres vn autre remede : Qui est, que quand vouldres faire reietter & rendre la gorge à vostre aileau, vous faudra prendre poudre de poiure, & la mettre en peu de vinaigre : puis en frotter le palais de vostre oiseau par le haut avecques le bout du doigt, tost apres la mettre hors. Si vous voulez vous luy en pourrez bien mettre aussi deux ou trois gouttes aux pertuis des narilles, car encores plus tost il la mettra hors. Mais si vous voyez qu'il l'ait mis hors, & neâtmoins que le poiure luy face trop de mal : lauez luy d'eau fraische la bouche, le palais, & les narilles, afin de les luy netoyer. Si ne luy voulez faire vser de celle poiurade, vous luy pourrez mettre du poil de la queuë de cheval dedans les narilles : & s'il remet, par ce moyen, ne sera besoin luy faire autre chose.

Autres remedes pour guarir l'oiseau qui remet sa chair, & ne la peut enduire.

LIVRE TROISIÈME

Aduient parfois que l'oiseau, quand il a esté pu, ne peut tenir sa gorge, ains incontinent la rejette, & en procedel'occasion de ce qu'on le paist de quelque grosse chair non lauee, ou ia toute infectée. Aucunesfois aussi l'oiseau se desgoute pour ce qu'il est plein dedans le corps, & pour ce ne peut tenir sa gorge. A ceste cause tout Fauconnier se doit bien garder de couper la chair de son oiseau de quelque cousteau sale ou mal net, & dont on ait au parauant taillé aux, porreaux, ou oignons, ou autre chose puante: mais sur toutes choses se fault bien garder de luy donner trop grosse gorge. Pour obuier à ce mal, lors que verrez vostre oiseau remettre sa gorge: ne le paisez de tout ce iour, ains le mettez au soleil, avec vn vaisseau net plein d'eau nette deuant luy, & s'il en veut boire soit laissé boire à son plaisir, car cela luy fera grand bien. Et quand puis apres viédrez à le paistre ne luy donnez que vn quart de gorge. Aussi par fois le pourrez vous biē paistre de vit, & en le paissant ainsi petit à petit, il se pourra remettre sus. Toutesfois si vous voyez qu'il ne puisse encores retenir sa chair, donnez luy à mâger petis rats, ou petites souris, ou petis oiselets si rats & souris vous defaillent, & luy continuez ce traitement iusques à ce qu'il soit bien guarý. Et si ce remede ne vous vient à effait ou à gré, vser pourrez du conseil de maistre Molopin, qui dit au liure du Prince, que quãd l'oiseau remet sa gorge, & ne la peut retenir, faut prédre coriandre, & la mettre en poudre, bien subtile, puis la detréper en eau tiède, & ceste eau faire puis apres passer par vn linge delié, & en lauer la chair de vostre oiseau auant que de l'en paistre par l'espace de quatre ou cinq iours: Et si pour cela ne guerissoit, vous pourrez experimenter ceste autre recepte qu'enseigne maistre Michelin. Prenez, dit-il, feuilles de laurier, & apres que les aurez bien lauees mettez les en pot neuf avec du vin blanc, & les y laissez tant bouillir que le vin reuienne à sa iuste moitié, & puis apres refroidir avecques les feuilles. Et quand ce vin sera froid, faictes en tât boire à quelque ieune pigeon qu'il s'en enyure, & en meure: Apres soit pu l'oiseau de la cuisse de ce pigeon, ou d'autât que monte la cuisse. Et s'il ne retiēt iceluy past, ains le remet, faictes ce qui en suit, s'uyuāt le cōseil de maistre Aymé Cassia. Prenez, dit il, des cigales: (cigales sont comme sauterelles ou grandes mouches, qui à la grand chaleur de l'esté se posent, & chantent sur les arbres) & les faictes biē secher au four ou au soleil, puis en faictes poudre bien subtile, de laquelle vous poudrez la chair de vostre oiseau auant qu'en paistre, & par ce moyen il guarira.

*Autres remèdes propres pour remettre l'oyseau desgouste, & luy faire
reuenir l'appetit de manger. CHAP. XVII.*

A Vcunesfois l'oyseau se trouue auoir perdu l'appetit de manger, à l'occasion de ce qu'on luy aura peut estre, donné trop grosse gorge vers le vespere: laquelle il ne peut enduire ne passer la nuit ensuiuant, pource qu'il est plein & ord par dedans le corps: & par ce moyen perd l'appetit de manger. Or dit maistre Molopin, que quand vostre oyseau sera desgouste, & aura perdu l'appetit de manger, il vous faut prendre de l'aloës cicotrin, succe d'vne cuitte, & mouëlle de bœuf, autant de l'vn comme de l'autre, fors qu'il y ait vn peu moins d'aloës: & apres auoir bien tout meslé ensemble, en faire vne pillule de la grosseur d'vne febue, & la donner le matin à l'oyseau: puis le tenir au feu ou au soleil, tant qu'il ait vomy & reietté toutes les colles & superfluites qu'il a dedans le corps: & ne soit peu iusques à midy: luy continuant ceste medecine & traitement par trois ou quatre iours, vous luy verrez tost apres recouurer entierement son bon appetit. Encores vn autre bon remede enseigne maistre Michelin pour donner guarison à cestuy mal. Prenez, dit-il pillules communes: (c'est à dire, de celles que l'on ordonne & donne communement aux personnes malades pour purger le corps) & en donnez le matin deux à vostre oyseau. puis l'ayant mis au feu ou au soleil, avecques le chapperon en teste, laissez le vomir tant qu'il voudra. Si dit le liure du Prince que les pillules susdittes sont bonnes à donner à tous Faucons au commencement du mois de Septembre. Pource que s'ils ont filandres, ou autre mal dedans le corps, ils en sont par ce moyen bien purgez & nettoyez. Mais pour reuenir à nostre propos, apres que par trois ou quatre iours vous aurés fait à vostre oyseau desgouste vser desdites pillules, si pource l'appetit ne luy estoit reuenu, poudrez luy aux trois ou quatre iours ensuiuans sa chair de limeures de fer, & l'appetit luy reuiendra. Dit outre maistre Aimé Cassian, si le Faucon de fortune a perdu son bon appetit, luy soit baillé vn pigeon, lequel on luy laissera tuer & boire le sang à son plaisir: mais apres ce on ne luy en donnera à manger qu'vne cuisse, ou la valeur d'vne cuisse. Et s'il ne vouloit tirer, luy faudra railler en petis morceaux, & l'arrouser de quelque bonne huile d'amendes douces ou d'oliues, ou la poudre de sucre & luy continuer ainsi peu à peu tant qu'il ait recouuré son bon appetit.

LIVRE TROISIESME

Autre remede pour remettre sus vn oiseau, quand il est trop maigre.

CHAP. XVIII.

Enseigne le bon maistre Aymé Cassian, quand vostre oiseau est par trop descharné, si le voulez remettre en gresse, paifsez-le de bonnes viandes, specialement de rats & de souris, si en pouuez recouurer. Car ils sont bons & de leger past, comme aussi sont les petits oisillons: mais ne luy en donnez que demie ou moindre gorge. La poulaille est bonne de sa nature, toutesfois elle n'égresse pas tant, comme la chair de moutó. Le traittant de telles viades petit à petit, vous le verrez reprendre chair: & se mettre en gresse. Le mesme maistre Cassian enseigne encores vn autre remede pour mesme effaiçt. Prenez dit-il, vn pot neuf, & mettez de l'eau dedans que vous ferez bouillir au feu. Dedans ceste eau bouillant mettez deux cuillerees d'huile d'oliues & quatre cuillerees de beurre frais, & faites le tout bien bouillir ensemble. puis prenez chair de porc frais, de laquelle bien lauee & trempee en l'eau dessusdite vous ferez paistre vostre oiseau. Et si pouuez recouurer des limas qui se trouuent en l'eau courante, luy en soit donné au matin. Car ils le purgeront des grosses humeurs qu'il a dans le corps, & luy donneront substance.

Autres remedes pour vn oiseau qui est alenty & paresseux, & n'a volonté de voler.

CHAP. XIX.

Si vn faucon ou autre oiseau est remis & paresseux, & ne vole point de bon hait, dit maistre Aymé Cassian, qu'il doit estre recongneu & reuisité par les maistres Fauconniers, & puis par eux traité & medeciné comme il appartient. C'est à sçauoir, en le baignant, & luy mettant l'eau deuant luy: & s'il est haut & ord, luy soit la chair bien lauee: & faire la medecine deuant ditte, de lard, mouëlle de bœuf & succe: & si l'oiseau estoit deshaitté de voler à cause de quelque accident de maladie, il y faudra pouruoir par les remedes propres à chacune desdites maladies, selon ce qui en a esté cy dessus particulierement enseigné.

FIN DE CE TROISIESME LIVRE.

Liure Quatriefme.

CHAPITRE. I.



VOus auez cy deuant peu entendre les remedes propres pour les maladies qui viennent dedans les corps des oiseaux. & cy apres vous pourrez apprendre les causes, signes & remedes des maladies qui aduiennent aux Faucons par de hors les corps: & partant se descouurent & voyent à l'œil se touchent & manient de la main, & consequemment sont plus aisees à cognoistre, & à guarir: comme celles qu'on voit naistre, croistre, moindrir, empirer, ou amender à veuë d'œil: & desquelles au surplus les signes & causes sont plus certains, & moins secrets, comme aussi sont les remedes. Et neantmoins telles maladies sont autant ou plus de nuisance à l'oiseau, & autant ou plus luy empeschent ses actions & allegresses, comme celles qui luy occupent & vexent les principales interieures parties du corps, & de la teste, & dont a esté parlé bien au long au trois liures precedens. A cestes doncques doit le Fauconnier prendre garde d'aussi pres, comme à toutes les precedentes: & estre diligent à y pouruoir & remedier promptement: d'autant que ces motz exterieurs, desquels nous entendons discourir en ce quatriefme liure, outre ce qu'ils donnent peine & grand traual à l'oiseau. encores luy rendent-ils le corps plus laid & difforme, & d'autant plus mal agreable aux yeux de tous ceux qui le voyent, soient Fauconniers ou autres personnes.



LE plus commun & dangereux de tous ses maux extérieurs qui viennent hors du corps des oiseaux, est celuy que vulgairement tous Fauçonniers appellent, la taigne. Or pour en auoir plus entière & certaine cognoissance, et besoing d'entendre, qu'il y a trois especes de taigne: de chacune desquelles especes nous ferons particulier traité. La premiere espece de taignes, est quand les grosses & grandes pennes des ailes & queuës des oiseaux leur cheent & tombent. La seconde espece est quand la taigne

range

mâge & ronge lefdites grandes pennés tout au long du tuyau, de telle façon que par laps de temps rien n'y demeure. La tierce espece est, quand lefdites grandes pennes le fendent tout au long de la verge, & par ce moyen se corrompent, & empeschent l'oiseau de bien voler. De toutes ces trois especes combien que le nom soit vn, neantmoins les causes, & les signes, & semblablement les remedes sont diuers & differens.

De la premiere espece de la taigne, & de ses causes, signes & remedes.

CHAP. III.

NOus vous auons dit au chapitre precedent, que la premiere espece de la taigne est, quand les plus grosses & grandes pennes des ailes & queuës des oiseaux leur tombent & cheent. Si dit le bon maistre Aimé Cassian, que plusieurs bons oiseaux il a veuz se perdre de ce mal au deffaut d'y donner prôpt remede. Et qu'il leur procede à l'occasion de la chaleur de foye, & autrefois à cause de quelque excessiue ardeur & distemperature de tout le corps. Et de ce font signe les vessies quel'on apperçoit dessus les ailes & queuës denuës de plumes. Cestuy mal est contagieux, & se doit bien garder le Fauçonier d'approcher autre oiseau, ou le percher pres de celuy qui en sera entaché. Mesmes dit iceluy maistre Cassian, qu'il se faut aussi biẽ garder de dõner à manger à autre oiseau dessus le gan du Fauçõ qui aura la taigne. L'on ce peut bien apperceuoir de ce mal, quãd on void l'oiseau souuẽt toucher le bec dessus les tuyaux des grosses pennes de ses ailes & de sa queuë, comme s'efforçant de les faire choir. De fait quand vous luy verrez faire ceste contenance, soit visité: & vous le trouuerez vexé de la taigne. Pour obuier à ce mal faut (ce dit maistre Cassira) prendre l'oiseau, & aduiser aux endroits dont luy seront tombees les plumes: & là vous trouuerez vne ou plusieurs vessies, qui vous feront certain indice qu'il est malade de la taigne. Lors faites vne petite brochette d'vn bois appellé Sapin, qui est de substance grasse, & visqueuse: & n'est point besoing de la faire aiguë par vn bout plus par que l'autre, pource qu'il ne faut pas aussi qu'elle entre ou isse en malaïse & cõme à force, ains doucement & legeremẽt. Et si vous ne pouuez recouurer dudit bois, prenez vn grain d'orge, & luy coupez la pointe, puis l'oignez d'vn peu de theriaque, ou d'huile d'oliues: & le mettez dedans le pertuis d'où sera tombee la penne, de

telle maniere qu'il en sorte vn petit bout au dehors, afin que ledit pertuis ne s'estoupe ou ferme puis apres soit prinse vne lancette, ou vn trancheplume, & luy en percez ladite vessie ou vessies, tât qu'en faciez saillir vne eau rousse qui fera dedans. Apres prenez aloes cicotrin mis en pouldre, & du fiel de boeuf, & mettez l'vn & l'autre dedans vne escuelle, & les battez & meslez tres-bien ensemble, & de cest onguent oignez ceste vessie persee tout à l'entour: mais donnez vous bien garde qu'il n'en entre rien dedans ledit pertuis de la penne: car il en pourroit aduenir grand mal à l'oiseau. Apres celà fait, prenez lentilles des plus rouffes que pourrez recouurer, & limures de fer moins la moitié que de lentilles, & apres que les aurez bien meslees & battues ensemble avecques du miel, faites pillules de la grosseur d'vn poix, & en donnez à vostre oiseau tous les matins deux ou trois puis le mettez au feu ou au soleil: & le païssez apres midy de poulaillie ou de mouton de assez bonne gorge. Et si vers le soir vous voulez donner desdites pillules à vostre oiseau, faire le pourrez. Mais vous souuienne de tremper la chair dedans lait d'anesse, ou de cheure, ou de femme, comme dessus a esté dit: car celà luy fera grand bien: & aussi de souuent visiter les iarsures desdites vessies persees, pour les oindre de rechef dudit onguent, si besoin sera. Luy continuant tout ce traitement par cinq ou six iours, vous verrez qu'il se guarira de ladite taigne.

De la seconde espee de taigne, de ses causes & signes, & des remedes propres pour le guarir.

CHAP. IIII.



La seconde espee de la taigne, comme a esté cy dessus enseigné, prend aussi és grandes penes des ailes & queuë des oiseaux, & les ronge & mange tout du long, de maniere que si on n'y pouruoit de bone heure, à la fin il n'y demeure rië. Et ont laissé par escrit les mesmes Fauconniers dessusdits, que ce mal aduient aux Faucons par la negligence de ceux qui en ont la charge & la garde: c'est à sçauoir, à faute de les baigner, & curer en temps & lieu mesmement de les tenir en lieu net, ains pour les auoir tenus en lieu ord, pleinde pouldre ou de fumee. Et telles ordures leur engendrent vn humeur ou excrement aigre & aigu, qui les ronge & mange ainsi tout le long des grosses plumes des ailes de la queuë. A ceste cause admonestent expressement & diligemment lesdits maistres

tous Gntils-hommes & Fauconniers de iamais ne tenent leurs oiseaux en lieu ord, mais au plus net & honneste que possible leur sera. Ce mal encores peut aduenir aux Faucons pour estre nourris de mauuaises chairs, ordes & puantes : qui sont causes de les charger de poux & taignes, qui leur mangent & gastent le pennage. Pour remede à ce mal enseignent les maistres susnommez la medecine qui ensuit. Prenez, ce disent-ils, cendre de serment de vigne, & en faites la plus forte que vous pourrez, de laquelle vous lauerez vostre oiseau vne fois le iour, & le laisserez tres-bien ressuier : apres ce prendrez bon miel de mousches, en oindrez toutes les pennes entachees de ce mal. Encores apres vous faudra prendre sang de dragon, & alun de glas, & de ces deux battus ensemble faire pouldre bien subtile, dont vous pouldrez puis apres tous les tuyaux, & pennes dessusdites : & par ce moyen vostre oiseau guarira.

Maistre Aimé Cassian dit que pour obuier à ce mal, il s'est souuent bien trouué de la recepte qui ensuis. Prenez, dit-il, vne taulpe, de celles qui fouillent aux prez, & la mettez dedans vn pot de terre tout neuf qui soit bien estouppé & bien lutté, & puis mis au feu tout vn iour : & en ayant retiré la taulpe, en ferez pouldre bien subtile, de laquelle vous pouldrez les grosses pennes & leurs tuyaux entichez & gastez de taigne, apres les auoir tresbien lauez de la laissue de serment par la forme cy deuant dite : & par ainsi vostre oiseau se guarira.

De la tierce espee de taigne, de ses causes & signes, & des remedes propres pour le guarir.

CHAP. V.

LA tierce espee de taigne, dont nous auons cy dessus parlé, est quand l'humeur peccât ne ronge pas la penne de l'oiseau : mais la fait fendre de long en long de la verge mal adient, ce dient lesdits maistres, de ce que les oiseaux ne sont pas tenus nettement, ne curez, baignez, pus, & gouvernez comme ils doiuent : Dont se conree ceste humeur vicieux qui leur fait ainsi fendre & rompre les pennes. Pour remede à cestuy mal enseigne maistre Molopin au liure du Prince, la medecine qui ensuit. Prenez, dit-il, vne canne verte, & la fendez tout du long : puis la raclez par dedans, & il en sortira ius ou suc,

duquel ius suc vous baignerez & mouillerez les pennes fendues de vostre oiseau tout le long des fentes & par ce moyen elles se reprendront refereront tout ainsi qu'elles estoient au parauant ladite taigne. Et s'il tomboit d'auature puis apres quelque vne desdites pennes, soit mise dedans le pertuis du tuyau, la tante du bois de Sapin, ou le grain d'orge, ainsi que cy dessus a esté enseigné: & ce faisant vous verrez que vostre oiseau mettra la plume plus droite.

Si vn oiseau a l'aile rompue par quelque accident, qu'els moyens il faut tenir pour la luy remettre, & le guarir.

CHAP. VI.

S'il aduient par quelque accident que vostre oiseau ait l'aile rompue, vous vserez de ce remede, qu'enseigne maistre Molopin au liure du Prince. Premièrement faut que l'aile rompue soit bien remise & reioincte à son droit point: & puis que l'onguent, dont la composition sera cy apres enseignee, luy soit mis en cataplasme sus l'endroit de la rupture. Et apres luy auoir bien dextrement appliqué ledit cataplasme dessus la rupture, luy remettre & disposer bien doucement les deux ailes croisees dessus le dos, en la mesme forme qu'il a de coustume de les tenir en pleine santé. Puis l'emmailloter d'une bonne bande, de façon qu'il ne puisse remuer les ailes en maniere que ce soit. La recepte ou composition dudit onguët est telle qu'il en suit. Soit pris sang de dragon, terre d'Armenie appelée vulgairement boliarmeni, gomme Arabique, encens blanc, momie, mastic, aloes cicotrin, autant de l'un comme de l'autre, farine bien deliée autant que besoin sera: soyent toutes ces choses destrempees en blanc d'œufs, & fait onguent: lequel sera puis apres appliqué en cataplasme en la maniere dessusdite. Lequel premier cataplasme ne sera remué ne changé de cinq ou six iours apres ledit premier appareil, & quand on y remettra autre cataplasme, se faudra bien songneusement donner garde que l'aile rompue ne soit desmeute ny esbranlee en maniere que ce soit. Car pour petit qu'on la desmeue ou desfloche tout ce qu'au parauant on y pourroit auoir fait, seroit perdu & gasté: & l'oiseau en grand danger de demeurer pareillement perdu & affolé à iamais sans esperance de salut. Or le faudra-il traiter & medicamenter en la maniere dessusdite par l'espace de douze ou quinze iours: & pendant iceux le tenir & faire reposer sur vn

couffin biẽ mol, afin qu'il y demeure plus à l'aise & à son repos. Au past luy faudra aussi tailler sa chair à petis morceaux, & luy en donner assez bonne gorge: car il n'aurapoint mestier d'estre tenu ny gras ny maigre pour plustost recouurer sa guarison.

Si l'oiseau ne soustient bien ses ailes . quelle en est la cause, & quels sont les moyens d'y remedier.

CHAP. VII.

 Vand l'oiseau ne soustient bien ses ailes: c'est pource qu'estant mis sur le poing ou sur la perche, il s'est trop asprement debattu se debattât s'est eschauffe & puis refroidy: & ce refroidissement luy a fait alentir & pendre les ailes: Pour remedier à ce mal, enseige maistre Aymé Cassian, qu'il faut prendre vn pot de terre tout neuf, & l'emplir de fort bon vin: puis mettre dedans ledit vin, saulge, mente, & pouliot, autant de l'vn que de l'autre, & apres auoir mis ledit pot pres du feu, faire le tout bien bouillir ensemble. Et quand ils auront bien bouilly, tirez le pot hors du feu, & le mettez sur charbons & cendre chauds, bien couuert & estouppé de drap ou linge, afin qu'il n'en puisse rien sortir. Apres cela faites vn pertuis assez grandet au melieu du drap ou linge dont aurez couuert vostre pot, par lequel pertuis en puisse fortir la fumee. Puis mettez vostre oiseau sur le poing, & apres luy auoir releué les ailes, le tenant droit sur ledit pertuis, laissez-le parfumer de celle fumee & chaleur issant dudit pot: & ly tenez si longuement, qu'estant bien reschauffé & parfumé d'icelle fumee, il en soit comme baigné & en sueur. Apres ce tenez-le pres du feu ou en autre lieu chaud: car s'il venoit à se refroidir, ce seroit mal pire que le premier. Tant est que luy continuant ce traitement trois fois le iour par l'espace de quatre ou cinq iours, vous y apperceurez grand amendement, & le verrestost apres bien quary.

Si l'oiseau à l'aile disloquee & demise hors de son lieu, quels moyens faut tenir pour la remettre, & le quarir.



Quand vostre oiseau en volât trop rudemēt, ou don-
nāt atteinte à la proye qu'il poursuit, se sera démis
l'aile hors de son lieu & siege naturel, vous luy don-
nerez prompt & seur remede, le traittant de la façō
qui ensuit, & qui enseignee a esté par maistre Aymé
Cassia: Soit, dit il, prins l'oiseau doucemēt, & luy soit
l'aile disloquee, dextrement remise en son lieu. Puis
sur l'endroit de la dislocature soit mis vn cataplasme de l'onguent de
fang de dragon, boliarmeni, nommé, &c. ainsi composé comme a esté
monstré cy dessus au chapitre 6. de ce quatriesme liure, auquel est parlé
de l'aile rompue, puis soit emmaillotté, & laissé en ceste maniere trois
ou quatre iours. Au past luy soit sa chair taillée en petits morceaux, afin
qu'en mangeant il ne se contourneny efforce.

*Si l'oiseau a de mal-aventure l'aileron rompu, quels remedes.
sont propres pour luy racoustrer.*

CHAP. IX.

Si vostre oiseau de fortune auoit l'aileron rompu: maistre
Molopin au liure du Prince conseille vser des mesmes re-
ceptes, remedes & traitemens, qui n'agueres ont esté
monstréz pour remettre & racoustrer son aile rompue.
Et si besoing est, en l'vne & en l'autre rupture, apres auoir reioint &
reuni dextrement le membre rompu, le faudra lier avec petites lat-
tes, afin de l'affermir d'auantage: Aussi faudra-il au past luy bailler sa
chair en petits morceaux, comme aux chapitres precedens a esté
monstré: afin que tirant il ne se contorne, & desmeue les pieces ioin-
tes: & au surplus le tenir & faire reposer emmaillotté sur vn couffin
pour les mesmes causes cy dessus deduites.

*Si l'oiseau a la iambe ou cuisse rompue, quels moyens il faut tenir
pour la remettre & guarir.*

CHAP. X.

S Il aduenoit par quelque accident que vostre oiseau eust iambe ou cuisse rompuë, maistre Aymé Cassian donne aduis de le traiter & medicamenter en ceste sorte. Premièrement, si c'est la cuisse qu'il ait rompuë, luy faudra plumer ladite cuisse: & puis apres auoir doucemēt & dextremēt reioint la rupture, y appliquer vn cataplasme de l'onguent qui ensuit: Soit prinse escorce de chelne sechee, battue, & mise en pouldre, & avec vn peu de sang de dragon, icelle pouldre meslees & delayees en blanc d'œufs: & de cest onguent couurez le dessusdit emplastre: lequel emplastre ayant appliqué sur la rupture, bandez ladite cuisse ou iambe d'une bande de linge bien propre: mais gardez-vous bien de la trop serrer ou estreindre: car celà pourroit estre cause de faire secher le pied à vostre oiseau: Or bien pourrez-vous laisser ledit emplastre de premier appareil cinq ou six iours sans le renouveler: mais puis apres le pourrez changer de deux en deux, ou de trois en trois iours, iusques à ce que vostre oiseau soit bien guarý. Au past luy faudra tailler sa chair en petis morceaux, & tousiours le tenir sur la perche avecques le chaperon en la teste.

Si l'oiseau est blessé de coup, quels moyens & remedes sont propres pour le bien traiter & guarir.

CHAP. XI.

 Vand vostre oiseau sera blessé de coup, comme de ferrement baston, bec de Hairon, ou a autre chose semblable, maistre Aymé Cassian a laissé par eserit le remede, qui ensuit. Prenez, dit-il, de l'herbe vulgairement appellee pied de colomb, autrement herbe Robert, & l'ayant pillée en vn mortier, exprimez en le ius. Puis soit prins l'oiseau, & sa playe visitée: & si le coup est grand & noir à l'entour, & neantmoins il n'y ait pas grand pertuis, en faudra faire l'ouerture plus grande, ainsi que l'on verra en estre besoin, & dedans ladite playe mettre du ius de l'herbe susdite, & dessus icelle puis apres en appliquer le marc en forme de cataplasme, & le bander bien mignonement, & puis n'y toucher de 24. heures. Aussi doit estre le Fauconnier aduertý d'arracher les plumes de l'entour de la playe, en tant qu'il les verra faire nuisance & empeschement à l'application du medicament. Or a ladicte herbe Robert telle vertu que la playe, a laquelle est appliquee en la matiere des-

LIVRE QUATRIESME

susdite n'apostume point : qui est vn admirable soulagement pour les
 oiseaux. Toutesfois au deffaut de pouuoir recouurer de ceste herbe
 de pied de colomb ei sa verdeur & vigueur, & consequemment du
 ius d'icelle, prendra peine le rauconnier d'en auoir de la seche & la
 mettre en pouldre: & d'icelle poudre se pourra aider ne plus ne moins
 que du ius: Appliquant l'vn ou l'autre (à son aisance & commodité)
 à la playe par la forme cy dessus desseignée, apres auoir neantmoins
 bien nettoié & laué ladite playe de vin blâc: car l'vn des grands secrets
 & moiens de bien tost guarir l'oiseau blessé, est de luy tenir tousiours
 sa playe nette. Encors a enseigné maistre Molopin au liure du Prince,
 vn autre bon & seur moyen pour guarir promptement le coup ou
 plaie du faucon blessé. Prenez, dit-il, huile rosat, & gresse de geline
 autant de l'vne comme de l'autre, vn peu moins d'huile violat, & la
 moitié moins de terbensthine, si les meslez & fondez toutes ensem-
 ble. Puis prenez encores, de l'encens blanc & du mastic autant de
 l'vn comme de l'autre, & en faites poudre: Et si vous pouuez d'avan-
 tage finer de celle poudre de ladite herbe Robert, mettez toutes ces
 trois pouldre ensemble parmy lesdites huiles & gresse, & les remuez
 & battez fort ensemble auecques vn baston, iusques à ce que les voyez
 bien viues & incorporees, & reduites en forme d'onguent. Et si la
 playe de l'oiseau seragrande & fort ouuerte, aduisez premierement de
 la recouldre bien doucement & dextrement, laissez toutesfois au
 plus bas vn pertuis, auquel puissiez appliquer & faire entrer vne tente
 de cherpie oincte de l'onguent dessusdit. Duquel ferez aussi cataplas-
 me, qu'appliquerez puis apres sur ladite playe. Par iceluy pertuis (le-
 quel demourera outert par le moyen de la tente que souuent vous y
 renouuellerez) se purgera peu à peu ladite playe: & par la vertueuse
 efficace de cest onguent, l'oiseau recouuera bien tost sa santé. Autre
 recepte a enseigné maistre Michelin pour guarir coup ou playe de
 Faucon: Si vostre oiseau, dit-il, a playe par Gruë, ou Hairon, ou au-
 tre oiseau semblable, ostez luy la plume tout à l'environ de la playe.
 Laquelle estant si profonde qu'elle ne puisse bonnement estre recou-
 sue: mettez dedans icelle promptement de la pouldre dont la com-
 position ensuit. Soit prins sang de dragon, encens blanc, aloes
 cicotrin, & mastic, autant de l'vn que de l'autre, & le tout bien battu
 ensemble soit reduit en poudre bien subtile: & de ceste poudre
 mediceutez ladite playe ainsi que a esté predict: Puis soit ladite plaie
 aux enuirs & par dessus oincte d'huile rosat ou d'huile d'olistiede
 pour

pour l'adoucir, Mais si la place n'estant profond; qu'elle ne se puisse bien couldre, soit recousue: en y laissant toutesfois au plus bas endroit d'icelle vn petit pertuis pour la purger, ainsi qu'i esté cy deuant remonstré. Puis soit pris le blâc d'vn œuf, & appliqué dessus la playe par forme d'emplastre, apres toutesfois qu'elle aura esté arrousee d'huile de roses. ou d'oliues, comme nagueres a esté dit: & que pareillement sur la cousture auez mis de la pouldre susdite: & encores mis audit pertuis la petite tente pour tousiours le tenir ouuert: & par ce moyen mondifier la plaie à quoy proffitera modt l'onquent dessusdit, duquel ladite tente sera oincte. Continuant teste façon de traitement à vostre oiseau, vous le verrez tost guarý. Encores autres médicament à ce mesme effait a conseillé le bon maistre Aymé Cassian. Si vostre oiseau, dit-il, a eu coup de bec de Gruë, Hairon, ou autre oiseau, prenez demie-once de mastic, quart d'oncede boliarmeni, demie-once gresse de geline, vne once d'huile rosat, vne once d'huile violat, vn quart d'oncede terebenthine, vne once d'herbe pied de coulomb, & vn quart d'oncede cire vierge: Soyent toutes les choses liquides susdites mixtionnées, fondues & battues ensemble: & les pouldres de mastic, boliarmeni, & herbe Robert (que vous auez ia au parauant faites) meslees parmy lesdites huiles, gresses, & cire mises sur le feu, & remuees avec vn baston peu à peu, ant que le tout soit bien incorporé ensemble, & reduit en forme d'onguent, Mais gardez-vous en mixtionnant deluy donner le feu trop aspre: Puis mettez duduit onguent) qu'aurez ainsi fait chauffer en vn pot net & neuf) sur linge ou cuir, & en appliquez le cataplasme sur la playe de vostre oiseau: apres qu'aurez mis la tente oincte de cedit onguent en la maniere cy dessus deduite. Et s'il aduenoit que l'oiseau eust coup orbe avec contusion sans playe ouuerte. Prenez, dit le dit maistre Cassian, mommie en pouldre, & la delayez en sang de coulomb, ou de poulaile, & luy mettez dedans la gorge: & ne laissez de deux heures apres, queluy donnerez gorge raisonnable: Toutesfois si la contusion ou froissure paroist & se monstre à l'œil, n'oubliez del'arroser d'huile rosat ou violat à vostre aisance, & commodité, Vous fouuienne aussi en toutes les blessures cy dessus declarees de bander & emmaillotter vostre oiseau, si vous cognoissez qu'il en soit besoing.

CHAP. XII.

Aveunefois les pieds enflent aux oiseaux par quelque froi-
 dure: à l'occasion de ce que s'estans eschauffez à battre
 le gibbier, ils se font puis apres morfondus, à faite de
 leur mettre quelque drap sous les pieds quand ils sont
 retournez de la volerie. Autrefois ce mal de podagre leur aduient
 à cause qu'ils se trouvent pleins de grosses & mauuaises humeurs, les-
 quelles au travail s'esmeuent. & de uallans sur les pieds y font l'en-
 flure. Ceste maladie vexe plus souuent les Faucons surnommez, Sa-
 cres, que toutes autres especes d'oiseaux: pource qu'ils sont pesans,
 & ont les pieds gras de leur nature. Or enseigne le bon maistre Lymé
 Cassian, quand l'oiseau a les pieds enfléz, de commencer son traite-
 ment par purgation, en luy faisant vser de la medecine de lard, suc-
 cre, & moelle de bœuf, dont la recepte a esté descrite au cinquies-
 me chapitre du second liure, & si souuent mentionnee par tout ce
 discours. De ceste composition donques seront faites trois pillues de
 la grosseur d'une moyenne febue, & puis donnees à vostre oiseau par
 trois diuerses matinees: lequel sera puis apres mis au feu ou au soleil,
 & deux heures apres pu de quelque bon past: Puis ayez vne once
 de boliarmeni, & demie once de sang de dragon, & les faites battre
 & mettre en pouldre, laquelle vous destremperez & melleriez fort
 dedans le blanc d'un œuf, & de cest onguent oindrez les pieds enflés
 de vostre oiseau deux fois le iour, par l'espace de trois ou quatre
 iours: pendant lesquels vous n'oubliés aussi de luy mettre quelque
 drap dessous les pieds pour le tenir plus chaudement. maistre Mo-
 lopin au liure du Princee donne aduis d'un autre remede qu'il dit e-
 stre souuerin & bien aisé. Si vostre oiseau, dit-il, a le pied ou les pieds
 enfléz seulement, sans ce qu'avecques l'enflure il y ait des chuds:
 prenez cizeaux ou pincettes, & luy raillez les ongles des pieds ou
 du pied qui sera enflé de si pres que le sang en sorte, de façon qu'il
 saigne tres bien: Puis prenez gresse de geline, huile rosar, & huile vio-
 lat, autant de l'un que de l'autre, & un peu de cire vierge, & fondez
 tout cela ensemble: Apres ce ayez pouldre d'encens blanc, & de ma-
 stic, autant de l'une que de l'autre, & de pouldre de boliarmeni deux

fois tant: & battant & meslant bien fort le tout ensemble, faites en onguent: duquel vous luy oindrez les pieds enflés deux fois le jour iusqu'à ce qu'il soit bien guarý: Et sont ces deux dernieres receptes bien & experimentees & esprouees.

*Quand les oiseaux ont les cuisses ou iambes enflées, qu'elles en sont les causes,
& les moyens pour les esprouer pour les guarir.*

CHAP. XII.

ADvient par fois que les iambes des oiseaux enflent, comme aussi font les cuisses: aucunes fois toutes les deux ensemble, autre fois les vns sans les autres. Cestuy mal surpřet les Faucons à cause du trauail qu'ils ont prins au vol, ou au battre de la proye ou gibier qu'ils ont pourſuiuy, où ils se sont eschauffez, puis refroidis & morfondus: ou bien à cause que se trouans pleins d'humeurs dedans le corps, ils les ont esmeuz au trauail du vol & de la chasse, & descendans sur les iambes ou cuisses, y font l'enfleure susdite. Pour y remedier, Maistre Cassian conseille de purger & curer premierement l'oiseau malade, en luy bailant les pillules composees de lard, moëlle de bœuf, & succe, par la forme diuisee au chapitre precedent cestuy. Et apres ladite cure bien & deuëment faite, prendre huit ou dix œufs, & les faire cuire avecques la coque tant qu'ils soient bien durs: puis les laisser refroidir & leur oster les coques, & les rompant en retenir les moyeux seulement: lesquels faudra qu'ils soient bien fort durs, autrement ne seroient pas propres à faire la medecine qui ensuit: Puis prendrez vne petite poille de fer, qui soit bien nette & bien claire, la mettre sur vn bon feu cler, & dedans icelle rompre & esmenuiser avec la main lesdits huit ou dix moyeux, & avec vne cuiller de fer les mouuoir sans cesse. Et quand verrez qu'ils deuiendront fort noirs, & lors que les cuiderez tous gaster, les ramasserez tous ensemble: & apres les auoir fait bouillir en vin blanc, les exprimerez, & en tirerez de l'huile que vous receurez en vn verre net, puis de rechef les chaufferez & mettrez en presse, & en tirerez tout ce que vous pourrez. Et quand voudrez vser dudit huile pour es enfleures dessusdites, prenez dix gouttes de cest huile de moyeux d'œufs, & les meslez parmy trois gouttes de vinaigre, & trois autres gouttes d'eau rose: puis en frottez doucement l'enfleure des iambes & cuisses de l'oiseau. Dit ledit maistre Cassian, que ceste medecine a esté par luy maintes fois esprouee, & qu'il s'en est fort bien trouuée en la cure des oiseaux des grands Maistres de Rhodes: & quelle

LIVRE QUATRIÈME

est singuliere pour conforter & assouplir les nerfs des iambes & des pieds des Faucons. De fait continuant à l'oiseau malade des enfleures dessusdites la friction dudit huile avecques le traitement susdit par l'espace de sept ou huit iours, vous y verrez prompt amendement & entiere guarison.

Si les oiseaux ont clouds ou galles aux pieds, que l'on appelle Podagres, quelles en sont les causes, & les moiens d'y donner remede.

CHAP. XIII.

SI clouds ou galles viennent aux pieds de vostre oiseau (aucuns appellent ce mal, Podagre) cest chose facheuse & dangereuse, & à laquelle sera bien besoin de promptement remedier. Ce mal suit volontiers les enfleures des iambes & cuisses, dont n'agueres a esté parlé: & procede communément des mesmes causes. Aussi dit maistre Aimé Casfian qu'il est besoin de proceder à la cure de ceste podagre par la mesme forme cy dessus deduite: c'est à sçauoir, de commencer par la purgation del'oiseau malade, en luy faisant prédre par trois diuerses matincez consecutiues les trois pillules composees de lard, de mouële de bœuf, & sucre dont nagueres a esté parlé. Apres ladite purgatiõ, Prenez, dit il, du papier, & en faites des melches de la grosseur d'un fer d'aiguillette, desquelles allumees vous donnerez le feu aux clouds ou galles de l'oiseau. Et si lesdits clouds estoient fort apparens & eminens dessus le pied, seroit bõ de les fendre tout du long avec quelque trancheplume ou autre fer taillant venant du feu & fort chaud: Et apres les auoir fendus bien doucement & dextrement, mettre dedãs la fente & ouuerture de chacun d'iceux vn petit morceau de lard gras, pour empescher qu'il ne se ferre & recloe, puis mettez l'oiseau sur vn morceau de sel menu: & s'il aduenoit aucune chair morte, mettez-y dessus de la pouldre dont le tiers soit de verd de gris, & les deux parts d'hermodactyles: Puis quand l'ulcere sera mōdifié, oignez le de teing de porc & de miel meslez ensemble: Et le mettez tousiours sur ledit mōceau de sel menu iusques à ce qu'il soit bien guarý. Vne autre belle & bonne recepte a enseignée. Maistre Molopin pour guarir ceste maladie: Prenez dit il, trois onces des feuilles de la Rhubarbe, des moines, trois onces de feuilles de chou rouge, vne once de terebenthine, trois onces d'huile violat, trois onces de miel, cinq onces de

gresse de mouton, vne once & demie de gresse de ieune geline, vne once de mastic, vne once d'encens blanc, vne once de poiure long, deux onces d'Alum, & vne once de cire vierge. Et premierement des herbes faudra tirer & exprimer le ius, puis les huiles, gresses, & autres liquides meslez ensemble & fondue au feu en vn pot neuf, les remuant tousiours avecques vn baston: & apres qu'aurez fait pouldre du mastic encens, poiure, & alum, & meslé toutes icelles pouldrees ensemble, vous le coulerez peu à peu dedans le pot avecques le ius desdites herbes, remuant tousiours avec le baston, iusques à ce que le tout bien meslé & incorporé ensemble soit reduit en forme d'onguent. Lequel vous estendrez puis apres sur cuir ou linge, & en appliquerez le cataplasme sur les pieds podagres par l'espace de quinze iours, le changeant toutesfois de deux en deux iour. Et si les clouds par le moyen dudit onguent ne se fendoient & ouuroient d'eux mesmes, les faudra fendre d'vn fer tranchant & chaud par la forme dite au precedent chapitre. Et en ceste mesme forme luy faudra pareillement oster toutel'ordure & chair morte que l'oïseau pourra voir dedans lesdits clouds & galles, tant qu'il n'y demeure rien, & iusques à ce qu'il soit bien guarý. C'est onguent, ce dit maistre Molopin, a souuent esté esprouvé, & experimenté bon par luy: & peut durer en sa bonté deux ans. Encore vne autre bonne recepte a, enseignee Maistre Cassian pour remedier à cestuy mal. Prenez, dit-il deux onces de terebenthine, & vn once de saun blanc mis en pouldre, & demie once de cendre de ferment de vigne: mettez tout ensemble en vn pot neuf dessus le feu, & le mouuez avec vn baston peu à peu tant qu'il soit bien meslé & incorporé l'vn avecques l'autre, & reduit en forme d'onguent: duquel estendu sur cuir ou linge vous ferez emplastre, que vous appliquerez dessus les galles ou clouds que l'oïseau aura dessus les pieds: & lierez ledit emplastre par entre les doigts de l'oïseau, de façon qu'il ne le puisse arracher ne tirer dehors: Ce qu vous luy continuerez par l'espace de qu'inze iours, changeant ledit cataplasme de deux en deux iours, iusques à ce que les clouds soient bien molifiez. Et si ce pendant lesdits clouds s'ouuroient d'eux mesmes, tant mieux vaudra: sinon, il les faudra fendre avec le fer tranchant & chaud, en la maniere dessusdite. Et puis apres qu'ils seront ouuerts, y pourrez appliquer de l'onguent, dit Diaculum, lequel assouplira le pied de l'oïseau, & en tirera les humeurs si aucuns y

LIVRE QUATRIÈME

ena. Et où il se trouuera de la chair morte, mettez y vn peu de verd de gris puluerisé en la maniere susdite. Pour remede à ce mal enseigne maistre Cassian encore vne autre bonne recepte, Prenez, dit-il, limure de fer le gros de deux febues, & limure d'acier le gros d'vne febue : escorce de chesne, dont vous leuerez le dehors, & du dedans bien asseché ferez pouldre bien subtile, & pour la faire bien subtile la passerez par vn sas ou par l'estamine, & en meslerez le gros de deux febues parmi les limures susdites : puis tout ensemble mettez bouillir dedans vn pot neuf avec vne chopine d'eau & autant ou enuiron de vinaigre blanc, tant qu'ils diminuent du tiers ou de moitié : apres ce tirez du pot tout ce que vous pourrez escouler de cler de ladite eau & vinaigre, & le fond ou marc qui restera le ferez encores espurer le plus qu'il vous sera possible : puis le mettez en vn sachet de linge de telle longueur & largeur que l'oiseau puisse reposer ses deux pieds dessus ledit sachet. De ce sachet donques plein dudite marc vous ferez comme vn coussin, sur lequel ferez tenir vostre oiseau cinq ou six iours : pendant lesquels vous luy pourrez arroser les pieds du cler ou bouillon de ladite composition (que vous aurez à cest effai & gardé dedans vn verre ou autre vaisseau) trois ou qurtre fois par chacun iour : & en rafraichir pareillement & remouiller le sachet dessusdit, afin qu'il s'en tienne plus frais, & qu'il en face meilleure operation : laquelle s'il ne peut auoir acheuee au bout de six iours, luy faudra laisser plus longuement & iusques à ce qu'il soit du tout guarý : Et est ceste recepte fort bonne pour toutes eschauffeures ou galles de pieds & de iambes.

*SI VN OISEAU SE GRATTE OV MANGE LES
pieds, qu'elle en est la cause & qu'els moyens faut
tenir pour y obuier.*

CHAP. xv.



Vand vous verrez que vostre oiseau se grattera ou mangera les pieds, sachez que c'est vne maniere de fourmiere qui les luy gaste. Et adient ce mal aux Esmerillons plus souuēt que aux autres oiseaux. Conseille maistre Cassiã pour y remedier, de prédre vne demie fueille de papier, & en faire vn collier à l'oiseau, afin qu'il ne se puisse

roucher les pieds. Puis ayez vn fiel de bœuf, & le rompez en vne esuelle, & puis meslez parmy iceluy pouldre d'aloës cicotrin autant que iugerez estre besoing, & les battez tres bien ensemble avec vn baston, tant qu'ils soyent bien incorporez, & reduits en forme d'onguent: duquel onguent vous oindrez puis apres les bieds de vostre oiseau par l'espace de cinq ou six iours deux ou trois fois par chacun iour, & iusques à ce qu'il soit bien guarý. Autre medecine a enseignee maistre Molopin pour cestuy mal. Prenez, dit-il, la fiente d'vne truie ou d'vn porceau, & la mettez dessus vne tuile au feu ou au four tant qu'elle soit bien affectee, & que l'on en puisse faire pouldre. Puis ayez fort bon vinaigre blanc, & en lauez tres bien les pieds de vostre oiseau, & apres qu'ils en seront bien laués, mettés dessus de la dite pouldre, tant qu'ils en soyent tous couverts, continuant ce traitement deux fois le iour par l'espace de douze ou quinze iours, ou iusques à ce que le verrez du tout bien guarý, & ayant perdu l'enuie de se gratter ou manger les pieds.

QUELS MOIENS SONT A GARDER QUANT

on veut serrer ou estoper les Venes des iambes de l'oiseau, pour le guarantir des enflures, clouds, galles, podagres, & demangeaisons dessus dites.

CHAP. XVI.



Es Maistres Fauconniers dessusdits experts & bien entendus en l'art de Fauconnerie, ont curieusement recherché tous moyens & secrets pour guarir & garantir, les oiseaux Faucons de tout genre & espece de maladie. Entre autres ont descouuert deux beaux secrets pour garantir les oiseaux de tous les maux de cuisses, iambes, & pieds dont n'aguères a esté deuisé: lesquels sont fondez sur apparence raison de medecine: pour ce que par ces deux moyens on retranche l'occasion & la cause desdits maux, qui est le deuallement & cheute des humeurs abondans & superflus au corps.

LIVRE QUATRIESME

de l'oiseau, és cuisses & autres parties inferieures. Et combien que de prime face ils puissent sembler tous deux cruels & dangereux pour l'oiseau: toutesfois doit-on croire que lefdits maistres ne les ont enseignez & laissez par escrit sans les auoir bien esprouez du temps qu'ils seruoient leurs maistres (grands seigneurs) en l'art & exercice de Fauconnerier. Le premier est de serrer ou couper les venes des iambes de l'oiseau, qui portent les humeurs aux pieds, & sont causes de dites enflures & podagres, duquel sera parlé en ce chapitre. Le second est, de rompre tout à fait la iambe à l'oiseau, duquel sera parlé au suiuant chapitre. Quand doncques vous voudrez à vostre oiseau podagre ou enflé par les pieds serrer & couper les venes qui abreuuent & imbuent lefdits pieds des mauuaises humeurs, dit maistre Aimé Cassian: soit pris l'oiseau, & tenu bien dextrement, & luy soit plumé le dedans de la cuisse au plus pres du genouil: puis luy soit cherchée & trouuée la vene, qui est grosse assez, vn peu au dessoubz dudit genouil, où estreignant vn peu avecques les doigt congnoistrez & trouuerez incontinant ladite vene. L'ayant trouuée prenez vne aiguille, & en soubleuez vn petit la peau, laquelle vous coupperez autant que verrez bon estre à vostre discretion pour faire ouuerture, vous gardant bien neantmoins en couppant ladite peau, de toucher ou offenser en rien la vene. Estant l'ouuerture ainsi faite, ayez vn ongle de Butor ou de quelque autre oiseau, duquel vous faudra dextrement soubleuer ladite vene: puis passer par dessoubz icelle vn fil de soye, & l'en serrer & lier bien estroitement: puis apres couper la vene au dessus de l'ongle, & du costé deuers la iambe: (car si vous la couppiez du costé de la cuisse, vostre oiseau seroit en grád danger de mort) Et n'y soit fait autre chose, ains la laissez saigner tant qu'elle voudra. Toutesfois le landemain vous pourrez oindre ladite ouuerture de quelque peu d'huile rosat, ou de gresse de geline pour l'adoucir & conforter. Ceste façon de serrer ou couper venes, est fort bonne & profitable: car iamais depuis ne deualent les humeurs és iambes & pieds de l'oiseau, & consequemment deslors en auant ne peut plus estre trauaillé d'enflures, clouds, galles, podagres, & de mengeisons dont a esté cy dessus parlé.

Quels

Quels on doit tenir, quand on veut rompre la iambe a l'oïseau, pour le garentir des podagres & autres maladies des pieds.

CHAP. XVII.

MAistre Aimé dit, si pour garder que les humeurs ne deualent és iambes & pieds de l'oïseau, vous luy voulez rompre ou l'vne ou toutes les deux iambes. Prenez vn tronçon de canne, ou vn baston de sureau, que les Latins appellent Sambucus: & en faites deux petites lattes ou estayes du long d'vn trauers de poulce, & au surplus de telle largeur que la iambe del'oïseau puisse estre enclose entre les deux bien à son aise: puis d'vn linge faites vne bande qui puisse faire quatre ou cinq tours enuiron ladiçte iambe. Ayez aussi boliarmeni mis en pouldre, & bien meslé & battu avecques glaire d'œufs. Voz preparatifs estans ainsi bien dressez, prenez l'oïseau doucement & dextrement, & luy rompez la iambe par le milieu entre voz deux mains avec voz deux poulces le plus promptement que faire se pourra, & la ployez depart & d'autre tant que soyez bien asseuré que le gro: oz sera rompu tout à fait: mais en ce faisant donnez vous bien garde de ne blesser ou offenser l'oïseau en quelcōque autre partie de son corps. Ce fait appliquez luy sur la rupture, bien dextrement reünie & remise, vn emplastre enduit dudit onguent préparé de boliarmeni & glaire d'œuf, & par dessus aiustez gentiment voz deux lattes ou estaies lessusdites, que vous lierez de ladite bande en luy faisant faire quatre ou cinq tours: de telle façon neantmoins qu'il n'y ait rien trop estroitement serré, ains que la iambe y demeure à son aise. Car si autrement estoit, le feu pourroit prendre en la iambe ou au pied de l'oïseau. Et partant afin de plus seurement y proceder, & garder que l'oïseau ne se puisse tourmenter & debatre, sera bon qu'il soit emmailloté auant que la iambe luy soit rompuë, & iusques à ce qu'elle soit bien reprise: & puis mis reposer sur vn coussin mollement. Cependant luy faudra au past tailler sa chair en petis morceaux, afin qu'il ne face aucun effort qui le puisse offēcer. Puis apres ayez moüelle de bœuf, avec huile rosat ou violat, & les ayât bien meslez & battus ensemble oignez en la iibe & le pied de l'oïseau deux fois le iours par l'espace de quinze iours: car cest onguent epeſchera que le feu ne s'y mette. Les quinze iours passez soit l'oïseau

LIVRE QVATRIESME.

demailoté, delié, & tenu sur le poing tousiours enchapronné. Et quand il fera guarý de celle iambe, autant en pourrez-vous faire de l'autre. Mais aussi y faut-il bien penser auant que le faire: pour ce que c'est chose bien dangereuse de rompre la iambe aux oiseaux, à raison du feu qui s'y mettr oit par mesgarde & mauuaise conduite.

La façon de mettre les oiseaux en mue: & les moyens qu'on doit tenir pour les conseruer en santé & alegeresse.

CHAP. XVIII.

Quand le temps est venu de mettre vostre oiseau en muë faites le premierement purger & curer de toutes les mauuaises humeurs & ordures, qu'il peut auoir dedans son corps de longue main amassees, à cause des salles & mauuaises chairs dont il aura par fois esté pu, qui luy pourroient engendrer siandres, aiguilles, & autres semblables maladies, voire la mort, si n'y estoit pourueu à temps Et partant, maistre Michelin à donné conseil qu'auant que mettre son oiseau en muë, qu'il est bon de le purger par le moyen de la recepte dessusdite: cest à sçauoir, de la cõposition faite de lard trépé, moüelle de bœuf, succe d'vne cuitte, ou succe fin, (car autant vault à dire) & safran battu & mis en pouldre, autant de l'vn comme de l'autre: de laquelle faudra faire trois pillules de la grosseur d'vne moienne febue, & les faire prendre à l'oiseau prest de muer par trois diuerses matinees cõsecutiues: puis le mettre au feu ou au soleil, & ne le paistre par deux heures apres, qu'on luy donnera quelque bon past. Les autres trois iours ensuiuãs, luy faudra (apres la cure) donner de l'aloës cicotrin du gros d'vne febue: puis le tenir au feu ou au Soleil, & ou luy verra rejeter ledit aloës auecques des flegmes. Et ce fait le pourrez mettre en muë. Autre moyen de bien nettoier & purger l'oiseau auãt la mue à baillé maistre Aimé Cassian. Prenez, dit-il, Hierepicre le gros d'vne petite noix muscade, & la mettez en la gorge du Faucon de façon qu'il la mette bas: & afin qu'il ne face difficulté de l'aualler, vous la pourrez enuelopper en vn boyau de gelinelié des deux bouts. Apres qu'il l'aura prinse, vous le pourrez tenir sur le poing, ou au feu, ou au Soleil, tant qu'il soit bien purgé. Puis ne le paistrez iusques apres midy, que luy donnerez gorge raisonna-

ble de quelque bon past vif. Et le lendemain le paistrez deux fois: puis après le pourrez mettre en muë.

Quels mayens sont propres pour auancer vn oiseau de muer.

CHAP. XIX.



Vand vous aurez mis vostre oiseau en muë, & verrez qu'il sera long & lent à muer: si voulez auancer la muë, allez au lieu où l'on tuë les moutõs au mois de may ou de Iuin, & prenez de ces glandes que les moutõs ont deffoubs l'aureille, à l'endroit du bout de là maschoire, grosses enuiron comme vne amande, prenez-en, dy-ie, iusques au nombre de dix ou douze, & les luy donnez hachees menu avec sa chair. Et s'il faisoit difficulté de les manger, pource qu'elles sont vn peu ameres, trouuez facon de les luy faire prendre, & mettre en bas. Et donnez vous bien garde quand il commencera à muër & ietter ses plumes: car lors ne luy en faudra plus donner. Pour ce qu'il pourroit aussi bien ietter les nouvelles comme les vieilles,

Autre recepte enseigne maistre Michelin pour ce mesme effect. Prenez, dit-il, vne couleure, & en faites tronçons: puis la mettez bouillir en vn pot neuf plein d'eau: & apres qu'aurez tiré ceste eau du feu, & qu'elle sera refroidie: mettez y tremper du grain de fourment. De ce fourment ainsi trempé nourrissez puis apres quelques Pigeons, Tourterelles, & autres semblables oiseaux, desquels vous paistrez vostre oiseau tardif à muer: & incontinent apres il muera. Maistre Aimé Cassian dit à ce propos. Si vostre Faucon est lent à muer, prenez souris-chauues, & les mettez secher au four, tant qu'en puissiez faire pouldre. De ceste pouldre poiurez la chair de vostre oiseau lors que le voudrez paistre, & tost apres il muera. Autre recepte encores enseigne maistre Molopin pour faire tost muer l'oiseau. Prenez, dit-il, petits Chiens de lait, & les ouurez, & au lait que vous trouuez dedans leurs mulettes ou estomacs, trempez-la chair, donc voudrez paistre vostre oiseau. Apres prenez laditte mulette, taillez-la en petits morceaux, & la luy faites manger: & vous le verrez

LIVRE QUATRIESME

toft apres bien muer. Aussi donnant past bon & vif à tous oiseaux, vous les rendrez prompts à la muë, pour ce que tel past est naturel & bien à propos.

Quels moyens sont bons à garder pour faire que tous oiseaux se portent bien en la muë, & qu'ils en puissent sortir sains & drus.

CHAP. XX.

SI vous voulez auoir bonne entree & bonne issuë de la muë de vostre oiseau : aduises premierement à ce que entrant en la muë il soit haut, gras, & en bon point, & au surplus tres bien purgé & curé auant qu'y entrer, par la forme quin'agueres vous a esté enseignée. Aussi estant en la muë il le vous faudra paistre de bonnes chairs, comme de petits poulets, & autre semblable bon past vif, qui soit laxatif. Ne faillez semblablement de luy bailler l'eau deux ou trois fois la sepmaine : pour ce qu'il en pourra boire aucunesfois, & par ce moyen se descharger des humeurs du corps, & des rhumes de la teste : & s'il s'y baigne, le pennage en sera meilleur & plus beau. Vous luy pourrez aussi à la fois faire past de rats & souris grands & petis, qui sont laxatifs : & sur tout les faudra tenir en lieu propre, honneste, & net.

Comment on doit traiter Faucons apres qu'on les a leuez hors de la muë

CHAP XXI.

MAistre Molopin dit, que quand on leue Faucons hors de la muë, s'ils sont hauts & gras, iamais ne les deuez porter sans chappron : car quand ils sentent l'air, le Soleil & le vent, ils se battent volontiers, & s'eschauffent : puis apres se refroidissans ils tombent en grand danger de mort. Aussi veulent-ils estre gouvernez doucement & paisiblement : & au past manger chair lauee peu à peu & a gorge raisonnable. Et s'il aduenoit qu'apres la muë l'oiseau se trouuast degousté, & perdist l'appetit de manger : lors faudroit prendre de l'aloës cicotrin en pouldre & le

mesler avecques ius de Rhubarbe : & apres luy en auoir fait prendre vne cure ou pillule, le tenir sur le poing iusques à ce qu'il fust bien purgé: Puis ne le paistre iusques apres midy, & lors luy donner de quelque bon past vis: Et le lendemain luy bailler à manger d'une geline: & puis luy bailler l'eau & le baing. Or deuez vous croire que ces medecines & traitemens susdits sont bons & profitables à l'oiseau, tant pour le remettre en appetit, que pour luy faire vider filandres & aiguilles, & autres choses mauuaises qu'il peut auoir dedans le corps. Maistre Michelin de sa part a donné aduis à ce mesme effect: disant que quand on a mis l'oiseau hors de la muë, on luy doit lauer sa chair, & luy en bailler petit à petit ou plus ou moins selon ce qu'on le verra en goust: Toutesfois est bon de luy bailler au commencement quelques chairs laxatiues, afin de luy adoucir & eslargir les boyaux: & aussi afin que plus aisément il les puisse passer & mettre bas. Cela seruira pareillement pour luy oster la fierté & l'orgueil dont il est plein lors qu'il sort de la muë: Disant d'auantage qu'il les faut tousiours porter sur le poing avecques le chappron: & quinze ou dix huit iours apres qu'ils sont sortis de la muë, les purger & curer auant que les faire voler: Ce qui se pourra commodément faire en leur faisant prendre par trois matinees consecutiues les trois pillules, dont cy dessus a esté parlé, composees de lard, moüelle de bœuf & succe: Et ne sera bon que d'y mesler quelque peu d'aloës: car si en mettiez en quantité, il les pourroit faire remettre par dessus, qui viendroit mal à propos: & par chasque iour qu'il aura pris desdites pillules, le faudra puis apres mettre au feu ou au Soleil: & ne le paistre iusques à deux ou trois heures apres, queluy donnerez poullaille ou mouton. Maistre Aymé Cassian souloit apres auoir tiré ses Faulcons de la mue, & deux ou trois iours auparauant que de les faire voler, leur faire prendre vne pillule, dont la composition ensuit. Prenez, dit-il vn petit de lard, du poiure en pouldre, & de la cendre passée par sas ou estamine, autant de l'vn comme de l'autre, vn petit de sel menu & vn peu d'aloës cicotrin: & apres auoir tout bien meslé & battu ensemble, faites en vne pillule, que mettez au bec de vostre oiseau, & ferez en sorte qu'il la puisse aualler & mettre bas: puis le couronnerez du chappron, & le tiendrez au feu ou au Soleil, luy laissant regarder ladite pillule le plus longuement qu'il sera possible Et s'il vient puis apres à vomir, vous le laisserez rejeter tant qu'il voudra: Si luy verrez vider flegmes & grosses humeurs, se purgeant

LIVRE QUATRIESME

parce moyen tout le corps pour puis apres se trouuer sain & al egre, & bien faire son deuoir au voler. Apres qu'il sera ainsi purgé, enuiron vne heure ou deux, vous le pourrez paistre de poullaille, ou autre past chaud & vis: pource qu'etant ia esmeu dedans le corps, il ne pourroit pas faire son profit d'autre viande. Mais soit aduisé le Faucon uier de ne donner ceste pillule aux oiseaux bas & maigres, ains aux gras & hauts, qui sont pleins de chair & de gresse.

*Si, quand, & comment on doit donner l' Aloes
aux oiseaux volans.*

C H A P. XXII.

AVcuns Fauconiers sont d'opinion, & dient, que l'on doit donner de l'Aloes cicotrin aux oiseaux volans de mois en mois, & de la grosseur d'une petite febue: & qui leur doit estre mis au bec euuelopé en vn petit morceau de chair de peau de geline, afin qu'il ne goustel'amertume, & leur faire tenir le plus longuement que faire se pourra: puis apres le tenir au feu ou au Soleil, tant qu'il ait remis ledit Aloes, avec les flegmes & colles qu'il luy fera vider. Aussi que pour garentir l'oiseau de filandres & aiguilles, il est bon de luy en donner de huit en huit iours dedans sa cure le gros d'un pois & que ce luy sera moien d'estre sauué & net desdites filandres & aiguilles, & autres telles maladies qui tous les iours luy peuuent suruenir. Ils conseillent encores donner au Faucon refroidy cinq ou six clouds de girofle rompus avec les dens: & dient que par ce moyen il sera deschargé des rheumes de la teste: & mesmes qu'ils valent contre les filandres, estans donnez deuers le vespres enueloppez en peu de cotton, Entre autres le bon maistre Aimé Cassian est de ceste opinion: & dit souuent auoir experimenté telles cures au grand profit & aduantage de ses oiseaux. Autant en dit maistre Michelin au liure du Prince: & n'est maistre Molopin de contraire aduis.

*Sil'oiseau c'est rompu les ongles, quels moyens & remedes sont propres
pour les faires reuenir & le guerir.*

C H A P. XX III.

DE LA FAVCONNERTÉ

S'Il aduient que vostre Faucon se soit rompu l'ongle du pied, ou qu'il l'ait du tout perdu, il y a remede à l'un & à l'autre: Cars'il l'a du tout perdu, & n'y soit demeuré que le petit tendron ou cartilage de dedans, maistre Molopin dit, que deuez prendre du plus delié & subtil cuir que pourrez recouurer, & en faire vn doctier à l'oiseau, lequel emplirez de gresse de geline, puis mettez dedans iceluy l'orteil au doigt d'ot l'ongle sera perdu, & l'atacherez dextrement à la iambe de l'oiseau avecques deux petites courroies de mesme cuir, & le remuerez de deux en deux iours iusques à ce qu'il soit endurcy & bien reuenu. Mais si l'oiseau s'estoit seulement rompu & emporté quelque bout de l'ongle, tellemēt qu'il en fust demeuré ou peu ou assez, lors luy faudra oindre de gresse de serpent & ledit ongle luy croistra & reuiēdra doucemēt, si bien qu'au bout de quelque iours, il s'en pourra ayder & seruir tout ainsi cōme des autres. Aussi quand l'oiseau s'est par quelque force ou vehemence grande offencé l'ōgle, de façon qu'il soit separé d'avec la chair, & qu'a ce moyen il saigne: vous pourrez lors prendre sang de dragon en poudre, & en mettre dessus la plaie saignante, & soudain le sang estāchera. Mais si puis apres il y venoit quelque enflure, la faudroit oindre de gresse de geline, & tost apres se desenfleiroit. Toutesfois si à l'occasion des humeurs dont l'oiseau pourra estre plein, ou par quelque autre accident, la iambe à cause de l'ongle rompu ou perdu ou le pied luy venoit en tumeur & inflammation notable, lors y faudroit appliquer & cataplayer l'onguent duquel cy deuant a esté parlé, qui est cōposé de gresse de geline, huile rosat, huile violat, terebentine, & des poudres d'encens blanc, & de mastic, & laisser reposer l'oiseau iusques à ce qu'il fust bien guarý.

Quand les Faucons font des œufs en la mue ou dehors, & puis en deuiennent malades & en danger de mourir: par quels moyens on y doit remedier.

CHAP XXIIII.

Avcunes fois aduient qu'aux oiseaux estans en la muē, ou en estans ja leuez, se concreent & engendrent des œufs dedans le corps: qui les font tost apres deuenir si fort malades, qu'ils en tombent souuent en danger de mort, s'il n'y est pourueu de prompt remede. Lequel a enseigné maistre Aymé Cassian, disant que la chair que luy donnerez au past, doit estre trempee ou lauee en l'vrine de quelque ieune enfant mal-

LIVRE QVATRIESME

le aagé de six ou sept ans: luy continuant ce traitement l'espace de huit ou dix iours, il ne fera puis apres aucuns œufs. Autre remede encor a monstré maistre Molopin: si vous voulez, dit-il rompre ou diminuer les œufs estans au vêtre de l'oiseau lors qu'il est en la muë: prenez del'eau qui degoutte de la vigne quand au mois de Mars elle a esté taillée & soit receuë de la vigne pleurante en vn verre ou phiole: & de celle eau lavez la chair que donnerez à l'oiseau par l'espace de huit ou dix iours: & par ce moyen se rompront & diminueront les œufs quelques gros qu'il les puisse auoir au ventre.

Quels moyens doit tenir le Fauconnier voulant prendre Faucons en l'air ou au nid.

CHAP. XXV.



L'Expert Fauconnier qui voudra prédre les Faucons en l'air ou au nid, se scaura bien donner garde de les enleuer trop petis. Car s'ils estoient ainsi ieunes & petis leuez du nid, ils ne pourroient puis apres sentir si peu de froid, qu'ils ne prinsissent vn mal de reins tel qu'ils ne se pourroient soustenir sur les pieds, & tomberoient en grand peril de mort. Et pource ne doit-il les leuer de l'air sinon tant grans & tât forts, qu'ils puissent bien resister au froid, & se soustenir sur les pieds. Et le doit on soudain mettre sur perche ou billor de bois, afin qu'ils puissent mieux tenir & mener leur pennage, sur le degaster & froisser contre la terre. Nommement doiuent estre puz de chairs bonnes, fraisches & viues, tant qu'on en pourra recouurer: car c'est le seur & certain moyen de leur faire auoir beau pennage. Si dit maistre Michelin, que pour bien gouverner vn Faucon niais & le garder de ce mal de reins, il faut mettre dessoubz luy en la forme d'une herbe qui ressemble à du seuz, ayât graine noire, qui vulgairement est nommee Hieble: pour ce qu'elle est chaude de sa nature: & au surplus est fort souueraine contre le mal de goutte & de reins qui pourroit par delicatesse ou froidure aduenir à ces oiseaux qui sont prins ieunes en l'air ou au nid.

Par

Par quels moyens on peut voir si les Faucons ont pouls ou mousches: & s'ils en ont, comment on les peut oster, ou faire mourir.

CHAP. XXVII.

SI vous voulez esprouer quand vostre oiseau aura pouls ou mousches: pour bien tost vous en appercevoir, le vous faut seulement mettre & exposer au Soleil de midy lors qu'il est en sa grande ardeur, & au dessus du vent: & s'il a pouls, incontinent sentans la chaleur ils ne faudront à sortir & se montrer pardessus les plumes: Ordit maistre Cassian, que pour oster ou faire mourir lesdits pouls, faut auoir orpiment, & en faire pouldre bien subtile, & ceste pouldre mesler avecques pouldre de poiure bastu, en moindre quantité toutesfois que l'orpiment: Puis prendre dextrement vostre oiseau, & le tenir de maniere qu'il ne se puisse en rien offencer ne rompre le pennage: & de ces pouldres, ainsi que dit est, mixtionnees, luy pouldrer l'une des ailles, & puis l'autre, & puis le demourant du corps doucement & gracieusement: Ce fait le mettre sur le poing, & l'arroser, en forme d'aspergement, avecques la bouche d'un peu d'eau nette & fresche: puis le tenir au feu ou au Soleil iusques à ce qu'il soit bien sec. Puis apres quand le voudrez paistre, arrosez luy vn peu le beq avec eau fresche, afin de luy leuer & faire perdre la saueur de l'orpiment. Mais soit aduisé le Fauconnier, que son oiseau ne soit trop maigre & affamé, lors qu'il le voudra orpigner: car l'orpiment luy pourroit nuire, s'il le trouuoit bas. Aussi dit Maistre Molopin que pour ce mesme effait, vous pouuez pareillement vser de l'orpiment tout à part soy, & du poiure aussi sans orpiment: mais que vstant du poiure seul, sera bon d'y mesler vn tiers de cendre, pour rompre la pointe & force dudit poiure pourueu qu'icelle cendre soit bien passee & meslee avecques le poiure. Ce faisant vous pourrez tenir vostre oiseau garenty des pouls & mousches pour toute l'annee.

Quand l'oiseau pend & traine l'aile, par qu'el moyen on la luy peut faire leuer & soustenir.

CHAP. XXVII.

N

LIVRE QUATRIESME

A Duient souuent qu'oiseaux nouuellement prins, & mis sur le poing, ou sur la perche, ou en mains de personnes qui ne les sçauent pas bien gouverner, ils se debattent, & eschauffent: & puis se refroidissent, entreprennent, & roidissent: de maniere que puis apres ils ne peuuent plus redresser ne soustenir leurs ailes. Pour remede à ce mal enseigne maistre Molopin la medecine qui ensuit; Prenez, dit-il, de fort bon vinaigre, & en arrosez vostre oiseau avecques la bouche dessus & dessous: mais gardez qu'il ne luy en entre aux narilles: puis le mettez au feu ou au soleil, & luy continuez ce traictement deux ou trois iours. Au bout desquels, si voiez qu'il luy soit amendé, ne luy faites autre chose: Mais si pour tout cela il ne sera en rien amendé, mettez-le dedans vn eau: & par force de se debatre releuera & redressera ses ailes. Sortant de l'eau le faudra mettre au soleil, & le tenir chaudement: car si vous le laissez refroidir, il seroit pis que deuant.

*Si les oiseaux de fortune, se sont cassé, froissé, ou rompu quelques penes
des ailes, ou de la queuë par quels moiens on les doit
racoustrer, & enter s'il en est besoing.*

CHAP. XXVIII.

S Ouuent eschet que les oiseaux se froissent cassent, ou rompent les grosses penes des ailes ou de la queuë, par la faute des Fauconniers, ou autres qui les gouvernent: Lesquels les ayans mis sur la perche, les attachent long, & laissent le gand pendre au bout des longes: & par ce moyen s'empeschent & empestrel'oiseau en se debattant, tellement qu'il ne se peut redresser, & à force de se debatre se froisse, casse, ou rompt quelque penne. Autrefois leur aduient ce mesme inconuenient, quand s'estans iettez sur la proye par eux poursuiuie, suruiennent les chiens, qui chauds & gourmands se iettent de violence sur la proye & sur l'oiseau, & luy rompent ou arrachent quelque penne, En plusieurs autres manieres se peut aussi l'oiseau gaster le dites penes, qui seroient longues & superflues à reciter: Mais le principal est, quand le mal est aduenu, d'y sçauoir donner bon & prompt remede. Or dir maistre Cassian que si vne penne estoit seulement ploice & froissée par quelque for-

ce, sans qu'il y eust autre cassure ou rupture : faut prendre eau chaude, & en lauer la penne froissée, de façon qu'elle deuienne bien tendre à l'endroit dela froissure : puis l'estindre avecques les dents à fin de la redresser & remettre en son premier estat. Puis soit prinse vne coste de chou, & mise sur les charbons tant qu'elle soit bien chaude, puis fondue & mise sur la froissure, en l'estraignant de façon que la penne se puisse voir toute redressée & reuenue en sa premiere forme, Mais si la penne estoit tellement rompue qu'il fust besoing de l'enter, toutesfois fust la coste de dessus seulement froissée, & autrement entiere sans rupture, ou cassure, & tout le surplus du dedans de la penne rompu, & couppeé iusques à ladite cote ou cottes de dehors : en ce cas vous la pourrez enter de la façon qui ensuit. Vous ferez avec vne aiguille vn pertuis de chascque costé de la rupture, rapportant droictement & iustement l'vn à l'autre : puis prendrez vne autre aiguille enfilee, laquelle mettrez & ferez passer par lesdits trous ou pertuis le cul deuant avecques son fil : & la pousserez tant auant, que vous faciez venir aboutir la pointe del'autre part : puis l'ostez, & tirez tout bellement le fil, de façon que tout vienne à ioindre & serrer ensemble. Lors pourrez couper le fil au plus pres : & par ce moyen demeurera la penne entee à son droict fil, & se portera beaucoup mieux que si elle estoit couppee tout outre : Car la coste ou cottes demeurant par dessus entiere, sera cause que la penne sera mieux soutenue. Autre moien a enseigné M. Michelin pour enter penes rompues tout à fait, & lors qu'il les faut reioindre & enter de deux pieces : Prenez, dit-il, des aiguilles que tous Fauconniers cognoissent, & ont expres pour enter penes : Et si le bout de la penne rompue, qui est demeuré vers l'oiseau, est d'auenture fendu, sont relié avecques du fil : & soient voz aiguilles mouillées dedans eau salée, ou fichees dedans vn oignon, afin qu'elles prennent mieux & afin, que la penne entee se maintienne. Encores a monstré M. Cassian vne autre belle maniere d'enter penes en tuyaux : Si vne penne, dit-il, est rompue en tuyau, & vous y voulez faire rentrer & racommoder la penne mesme qui en a esté rompue (pource qu'elle reprendra & s'accommodera mieux qu'vne autre penne estrangere) : prenez vn autre tuyau plus menu, & qui puisse entrer dedans le tuyau qui tient à l'oiseau : & l'entrez & faites entrer de l'autre part pareillement dedans le tuyau du bout de la penne rompue, & separee du corps de l'oiseau de telle façon que les deux extremittez se viennent bien iustement à serrer & ioindre ensemble : Puis apres

LIVRE QUATRIESME

d'une grosse aiguille ou d'un alefne bien menuë faites deux pertuis de part & d'autre de la iointure : & d'une petite plume d'aile de perdrix ou de coulom (que vous aurez escorchée par dessus, tant qu'il n'y sera demouré que le tuyau net & simple) & du plus menu bout d'icelle vous emplirez les pertuis fufdits, de la mesme façon que l'on ferre vne aiguillette : ce que ferez en sorte que la dite petite plume ainsi passée au trauers desdits pertuis soit bien tirée & apparente de part & d'autre : & apres l'auoir dextrement coupée & bien riuée , afin qu'elle ne puisse eschapper , vous pourrez lors asseurer que vostre penne sera bien entee.

Quand vne penne est arrachée par force, ou tirée en sang, quel moien il y a de la faire reuenir sans offense de l'oiseau.

CHAP. XXIX.



Vand à l'oiseau aura esté arrachée penne par force, M. Aimé Cassian a enseigné d'y remedier par le moien qui ensuit. Prenez, dit-il, vn grain d'orge ou d'auoine, & le coupez vn peu par le bout, puis l'engressez ou oignez d'un peu de Theriaque, & le mettez dedans le pertuis de la penne arrachée, à fin qu'il ne vienne à se clorre, & que la penne nouvelle puisse sortir plus à son aile: neantmoins deuez-vous croire que telles pennes ne reuiennent iamais ne si belles ne si fortes que les autres. Or si vne penne a esté tirée en sang, ledit M. Aimé Cassian conseille, prendre promptement le grain d'orge ou d'auoine dessusdit engressé de Theriaque, & coupé par le bout comme dessus, & le mettre dedans le pertuis de la penne tirée, de façon que le bout en faille & se voie par dehors : afin que au bouter que fera la nouvelle penne il soit plus prompt & prest à yssir. Combien que ce soit bien grand auéture d'en voir iamais sortir penne qui vaille: de fait, tirer penne en sang est beaucoup plus dangereux que les tirer en toute autre maniere.

Si l'oiseau a l'alefne puante, quelle en est la cause, & quels moyens sont bons pour y donner remede.

CHAP. XXX.



L'aduient aucunes fois que les oiseaux ont l'haleine puante: & ce leur prouient de deux causes. L'une pour ce qu'ils ont esté pus de chairs, salles, puantes, & non lauees: & lesquelles auparauant les paistre, n'ont pas esté trempées, en hyuer en eau chaude, en esté en eau fresche & nette. Et à ceste occasion & de la corruption desdites chairs, qui se corrompent en leur estomach, leur montent fumees puantes en la gorge & au cerueu, qui leur rendent l'haleine ainsi mauuaise & puante. L'autre est à cause de quelques grosses & mauuaises humeurs concreées & assemblees de longue main au corps & en la teste de l'oiseau, à faute de le curer & purger en temps & saison conuenable. A ceste cause seroit besoin que iamais chairs grasses ne se donnassent aux Faucons, sans tremper vne heure ou deux auant que les paistre: car cela leur seroit grand moyen de ce maintenir en santé.

Si dit M. Aimé Cassian que pour remedier à telle puanteur d'haleine, faut en premier lieu faire la composition de la medecine dessus dite, qui se faiet de lard, de mouëlle de bœuf & sucre, & en former trois pillules qui seront de la grosseur d'une febue, baillees par trois diuerses matinées à l'oiseau: lequel sera puis apres tenu au feu ou au soleil, iusques à ce qu'il ait esmeuty par trois ou quatre fois, & par ce moyen se soit bien purgé: puis deux ou trois bônes heures apres, sera pu de quelque bon past vif. Ces trois iours passez, & apres ladite purge, soit pris Romarin, & seché au feu ou au four, puis mis en pouldre, prenez aussi deux ou trois clouds de girofle, & les rompez & froissez vn peu avecques les dens: & de ces deux simples bien meslez ensemble faites vne pillule, laquelle vous ferez sur le vespre prendre à vostre oiseau enue-loppée en peu de cotton: & la luy mettant en la gorge ferez tant qu'il l'aualle & mette bas: luy cōtinuant ainsi par quatre ou cinq iours. mais soit mis puis apres l'oiseau en lieu où la cure se puisse retrouver & voir la matinée ensuiuante. Ces quatre ou cinq iours passez, vous luy en pourrez puis apres faire prendre autant de cinq en six iours, iusques à ce qu'il soit bien remis en sa bonne haleine. Encores luy vaudra ce traitement pour le descharger des rheumes de la teste, & le garentir de toutes manieres d'aiguilles & filandres qu'il pourroit auoir dedans le corps. Mais sur tout en tout temps, & en toute disposition que puisse estre vostre oiseau gardez-vous de luy donner chair froide qui ne soit trempée & bien lauee.

LIVRE III. DE FAVCONNERIE,

Conclusion de l'Auteur.

CHAP. XXXI.

Jusques icy, mes bons seigneurs, vous ay-ie redigé par escrit en petit ce traité, les principaux secrets de ce noble art de Fauconnerie, selon ce que i'en ay peu apprendre & recueillir de ces trois excellens & experts Fauconniers cy dessus nommez. Lesquels i'ay veus & cogneus si bons maistres, estant renommez en cest art, que i'ay tousiours creu & pensé faire tort à vous autres mes bõs seigneurs, & à toute la posterité des Gentils-hommes soy delectans à la Fauconnerie, si ie n'en laisoie quelques memoires par escrit pour les adresser & redresser en toutes choses qui peuuent concerner la santé & le bon traitement des oiseaux Vray est que ie ne me suis pas beaucoup amusé à faire particuliere & entiere enumeration de tous oiseaux qui chassent & prennent le gibier & la proye: ny pareillement à enseigner les moyens de les affaier & rendre adroits & prõpts au vol & à la chasse du gibbier: pource que ce ne sont pas des plus exquis points de la maistrise: & que plusieurs gens de bien en ont ja deuisé, & en pourront d'oresnauant faire entendre par leurs escrits, ce qu'ils en ont en la phantasie. Ains me suis singulierement arresté à monstrier les moiens & subtilitez de conseruer les Faucons en leur santé, lors qu'ils sont sains: & de les guarir & remettre en bon estat lors qu'ils sont malades. Quoy faisant, si vous trouuez lisant ce traité, que ie vous aie donné quelque bõne adresse, sachez en gré aux trois maistres dessusdits. Mais aussi prenez en bonne part le labeur que i'y ay tres volontiers employé à la faueur & soulagement de vous tous, noble & gentils esprits, qui aymez le deduit du vol de l'oiseau, & l'adresse qui par l'art s'y peut retrouver pour la perfectiõ & auancement du plaisir que chacun de vous en doit receuoir. **A Dieu.**

Fin de ce quatriesme Liure.

La Fauconnerie de Guillaume Tardif,
du Puy en Vellay, Lecteur du feu
Roy Charles huitiesme du
nom, & à luy dediée.

AV ROY TRES-CHRESTIEN
CHARLES HVICTIESME, GVILLAVME
Tardif du Puy en Vellay, son Liseur, tres-
humble recommandation supplie
& requiert.



ESLORS que Dieu vous doüa du nom de tres-Christien Roy de France SIRE, mon naturel, souverain & unique Seigneur, ie vostre tres-humble & tres-obeissant seruiteur, vous dedie mon mediocre engin & science. Car apres plusieurs œuures qu'à vostre nom ay composees par vostre commandemēt, & pour recreer vostre Royale Majesté entre ses grans affaires, vous ay, en vn petit liure, redigé tout ce que i' ay peu trouver seruir à l'art de Fauconnerie. Lequel liure ay translate en François, des liures en Latin du Roy Daucus, qui premier trouua & escriuit l'art de Fauconnerie, & des liures en Latin de Moamus, de Guillinus, & de Guicennas, & colligé des autres bien scauans audit art, briefuement & clairement en ordre par rubriques & chapitres, laissant les medecines difficiles à trouuer, ou à faire, ou dangereuses pour l'oiseau, ou non approuuee par les experts, & par l'art de medecine. Les noms des medecines, qu'on nomme drogues, qui ne sont en l'usage François, sont escrites en la langue de laquelle vsent les Apothicaires. C'est œuure a deux parties, la premiere enseigne à cognoistre les oiseaux de proye desquels on vse, les enseigner & gouverner, & les medecines pour les entretenir en santé. La seconde enseigne les maladies desdicts oiseaux & les medecines d'icelles.

53

TABLE DE LA FAVCONNERIE DE
Guillaume Tardif.

PREMIERE PARTIE.

- | | |
|---|--|
| <p>E Spece des oiseaux , & du malle & de la femelle. 54.a</p> <p>Especes de l'Aigle , & de sa nature. mesme fueiller. b</p> <p>Du Faucon , & de ses especes , & de sa condition & forme. 55. b</p> <p>Del'Esmerillon. 57. e</p> <p>Du Lanier. mes. fueil. b</p> <p>Du Sacre. 58. a</p> <p>Du Gerfaut. 59. a</p> <p>Del'Autour grand & petit. mes. fueil. b</p> <p>Del'Esperuier. 60. b</p> <p>Comme on cognoist sa bonté. 61. a</p> <p>Comme il le faut chiller. mes. fueil. b.</p> <p>Comme il le faut affaier. 62. a</p> <p>Maniere de le faire voller. 63. a</p> <p>En quel temps on prend les oiseaux de Fauconnerie au nid & en l'aire. mes. fueil. b</p> <p>Que c'est nyais brancher , ramage , & for. là mes.</p> <p>Pour desgluer l'oiseau. 64. a</p> <p>Pour froissure & enteure des pennes, mes. fueil.</p> <p>Du past , & de la chair bonne ou mauuaise , du lauement des chairs , & de leurs natures. mes. fueil. b</p> <p>Remede à l'oiseau qui mange trop tost. 65. a</p> <p>Remede au bec rompu ou desioinct. mes. fueil. b</p> <p>La cause de la foif de l'oiseau, là mesme.</p> <p>Si l'oiseau ne peut esmutir. mes. fueil.</p> <p>La maniere de l'entretenir en santé & le garder de maladie. 66. a</p> <p>De la cure qu'on donne à l'oiseau. mesme fueil.</p> <p>Pour le purger , & faire bon ventre. 67.</p> | <p>Pour luy eslargir le ventre & le boyau. mes. fueil. b</p> <p>Maniere de baigner l'oiseau. là mesme. S'il est enuenimé pour se baigner. mes. fueil.</p> <p>Comme on cognoist la santé de l'oiseau. 98. a</p> <p>Comme on cognoist s'il digere mal. mes. fueil.</p> <p>Quand il n'enduit bié sa gorge. là mes. b</p> <p>Pourquoy il la rend. mes. fueil.</p> <p>S'il a l'appetit perdu. 69. a</p> <p>Recepte pour mettre l'oiseau sus , & les signes de maigreux ou mala die. mes. fueil.</p> <p>Maniere de porter l'oiseau & l'accouter avec les Chiens. là mes. b</p> <p>Pour luy faire soustenir les ailles. 70. a</p> <p>Pour faire l'oiseau au leurre , & au gibbier. mes. fueil.</p> <p>Renouueler ongle rompu. là mes. b</p> <p>A bien faire reuenir l'oiseau. là mes.</p> <p>Pour luy faire auoir faim. 71. a</p> <p>Afin qu'il ne perche en arbre. mes. fueil.</p> <p>Quand il n'a volonté de voller. mes. fueil.</p> <p>A oiseau egaré qu'il est de faire. là mes. b</p> <p>Pour rendre l'oiseau hardy à sa proye. mes. fueil.</p> <p>A faire le Lanier Gruyer. mes. fueil.</p> <p>A faire hayr à l'oiseau vne proye. 72. a</p> <p>De la mué de l'oiseau de proye. mesme fueillet.</p> <p>S'il engendre œufs en la mué ou ailleurs. 73. a</p> <p>S'il sort gras de la mué & orgueilleux. mesme fueil.</p> |
|---|--|

Quand il pert le manger apres la muë.	là mesme.
mes. fueil. b	Empeschement de se battre en perche.
Muer le pennage de l'oiseau en blanc.	mes. fueil.

SECONDE PARTIE,

C ommuns signes des maladies des oiseaux.	74. b	Pour estancher la veine.	mes. fueil.
Contre rheume.	mes. fueil.	Remede à oz rompu, ou hors de son lieu.	80. a
Si le rheume est sec au cerueau.	75. a	De l'oiseau qui a le foye eschauffe.	mes. fueil.
Remede au rheume engendré par fumee, ou par poudre.	mes. fueil.	Maladie du poulmon.	80. b
Contre l'epilepsie & haut mal.	là mes. b	Contre asma & pantais.	mes. fueil.
Pour resfeuillel l'oiseau.	mes. fueil.	Du sang figé.	81. a
Contre opilation & surdité.	76. a	Des filandres.	mes. fueil. b
A l'enfleure & viscosité des paupieres.	mesm. fueil.	Des aiguilles,	82. a
A l'enfleure des yeux.	là mes.	Apostumes dedans le corps.	mes. fueil.
Au mal des yeux.	mes. fueil. b	Contre le mal subtil.	mes. fueil. b
Du mal de chancre.	mes. fueil.	Pour refroidir grande chaleur de l'oiseau.	83. a
Remede à la pepie.	mes. fueil.	Contre les sieures.	là mes.
Contre le flegme du gosier.	mes. fueil.	Contre les ventositez.	mes. fueil
Des sangsues.	77. a	Contre la Pierre.	là mes. b
Des filandres, & leurs especes.	mes. fueil.	A l'enfleure de cuisse ou de iambe.	mes. fueil.
Si l'oiseau a raucité seche.	là mes. b		
Si l'a l'haleine puante.	mes. fueil.	Aux Filandres des cuisses, le remede.	84. a
Remede aux pouls.	78. a	Aux enfleures des pieds.	mes. fueil.
Remede à la taigne.	mes. fueil.	Contre cloux des pieds.	là mes. b
Si l'oiseau herissonne, le remede.	79. a	A la podagre & galle remede.	mes. fueil.
Quand il tremble & ne se peut soustenir.	mes. fueil.	Quand les ongles se descharnent.	85. a
S'ils est heurté.	mes. fueil.	Si l'oiseau se roge les pieds.	mes. fueil. b
Quand il s'est blessé en heurtant & y a playe.	là mesme b	Si l'a vessie en la plante des pieds.	mes. fueillet.

Fin de la Table.



La premiere partie de la Fauconnerie
PAR GVILLAVME TARDIF DV
PVY EN VELLAY.

*En laquelle est traitté comme on cognoist les oiseaux de
proye, comme on les enseigne, & gouverne, &
comme on les entretient en bon point &
bonne santé.*

*Des especes des oiseaux de proye, desquels on vse en l'art de Fauconne-
rie, & de la nature du masle & de la femelle.*

CHAPITRE I.



ES oiseaux de proye, desquels on vse en l'art de Fauconnerie, sont de trois especes: qui sont l'Aigle, le Faucon, & l'Autour. Desquels oiseaux nous parlerons cy apres separément, & par chapitres.

La femelle des oiseaux viuans de rapine est plus grande que son masle, plus forte hardie, fine & caute. Le masle des oiseaux qui ne viuent point de rapine, est plus grand & plus beau que sa femelle.

Oij

PREMIERE PARTIE



De l'Aigle, de ses especes, de sa couleur & forme des noms diuers d'elle selon
diuerses langues: quand elle doit estre prinse, quand elle doit fuir
ou nom, & le remede a ce: de la proie d'elle. Le remede
aux Aigles gastans le gibbier

CHAP. II.

Aigle a deux especes: l'une est appellee Aigle absolument, l'autre est nommee Zimiech. Rouge couleur en l'Aigle, & les yeux profonds, principalement si elle est nee es montagnes Occidentales, est signe de bonte. Rousse Aigle est bonne, sans doute. Blancheur sur la teste, ou sur le dos de l'Aigle, est signe de meilleure Aigle, laquelle est appellee en langue Arabique Zummach, en

Syriaque Meapan, en Grecque Phidalephe, en Latine Milion, l'Aigle doit estre prinse petite, car la cōdition d'elle, est d'accroistre en audace & astuce. Quand l'Aigle part du poing, & volle autour d'iceluy, ou en terre, c'est signe qu'elle est fugitiue. Au temps que les oiseaux sont en amour & s'apparient pour faire generation, l'Aigle communēmēt fait avec les autres: pourtant mettez au past d'elle vn peu d'arsenic rouge, autrement nommē orpiment, lequel luy mortifiera ce desir. Quand l'Aigle voulant espanouir la queuë, tournoie autour d'icelle, & monte vers aucune partie, est signe qu'elle est disposée de fuir. Le remede est, lors luy ietter son past, & la fort rappeler, & s'elle ne descend à son dit past, c'est pour auoir trop mangé, ou pour estre trop grasse. Remede à ce. Cousez les plumés de la queuë, tant qu'elle ne les puisse espanouir, ne d'icelles voler: ou plumez le tour du fondement tout autour: lors par la froideur qui est en la sommité de l'air, ne taschera plus de voler si haut: mais adōc on doit doubter les autres Aigles, lesquelles elle ne pourroit pas bien euter ne fuyr, pour ce qu'elle a ainsi la queuë cousuë.

Quand l'Aigle vollant, tournoye sur son maistre, sans s'esloigner, c'est signe qu'elle ne fuira point.

L'Aigle prend l'Autour, & tout autre oiseau de rapine, parce qu'elle les voit porter les gets, lesquels elle cuide estre past: & pour ceste cause tache de les prendre, & n'y sçait on autre cause: veu que quand elle est au desert, elle ne fait pas ainsi.

Pour euter l'Aigle, on doit oster les gets de son oyseau, quand on le veut faire voller: autrement l'oyseau, par quelque industrie qu'il eust, ne se sçauroit deliurer de l'Aigle. L'Aigle dicte Aigle absolument, prend le Lieure, le Renard, la Gazele.

L'Aigle nommée Zimiech, prend la Grue, & oiseaux moindres. Quand il y a Aigles, gastât le gibbier, le remede est: Cousez les yeux à vne Aigle, en luy laissant peu d'ouuerture pour voir la clarté: & dedans le fondemēt mettez vn peu d'assa-fœtida, puis cousez ledit lieu. Et aux iambes d'elle, liez aïsse, ou chair, ou drapeau rouge, lesquelles Aigles cuideront estre chair, la faites voller, & en vollant, & se defendant iettera les autres bas, ou s'en fuïront: laquelle chose elle ne feroit, n'estoit la douleur que luy fera ce que dit est, mis de dans son fondement.

PREMIERE PARTIE



Du Faucon, quand il doit estre prins, de sa bonne forme & condition, de ses especes, couleurs, gouvernement & proye: & comme on le doit tenir hors du poing.

CHAP. III.

Faucon qui est prins petit devant la muë, est le meilleur. La bonne forme du Faucon, est teste ronde, & pleine sur le haut, le bec gros & court, le col fort long, la poitrine bien large, grosse charnuë & nerueuse, dure & forte d'ossemens: & pour ce se

confiant à sa poitrine, frappe d'icelle, & ayant les cuiffes menues & foibles, il chasse des ongles hanches pleines, ailes longues, & sur la queuë croiffans, queuë courte, & tost volubile, cuiffes grosses, iam-
bes courtes, plante large, molle & verte, plumes legieres, occultes,
peu & parfaites. Tel Faucon prendra les Grues, & grands oiseaux.
La condition du Faucon est, qu'il est plus qu'autre oyleau hardy, vi-
ste à voller, & à reuenir: fugitifs toutesfois & auaricieux aussi de proie,
pour laquelle cause il volle roidement & soudainement, & frappe
souuent en terre & se tue. Le Faucon a dix especes: qui sont, Obuier,
Emerillon, Lanier, Tunicien, Gentil, Pelerin, de Passage, Montai-
gner, Sacre, & Gerfaut. De l'Emerillon, Lanier, Sacre & Gerfaut est
cy apres separémēt par chapitres escrit. Faucon Tunicien est ainsi ap-
pellé par ce qu'il naist communémēt au pays de Barbarie, & que Tun-
nes est la principale cité d'iceluy pays, en laquelle abonde la vollerie
dudict Faucon. Il est aussi de la nature du Lanier, vn peu plus petit
sur tels pieds de tel pennage, mieux croyant, plus long de vol, teste
grosse & ronde, bien montant aile, bon à riuiera & aux champs, aux
lieures & autres gibbiers.

Faucon Gentil est bon heronnier dessus & dessous, & a toutes au-
tres manieres d'oiseaux: comme aux Rousseaux, ressemblans au He-
ron, Esplugnebaux, Poches, Garfottes & specialement aux oiseaux
de riuiera. Pour estre bon Gruier, faut qu'il soit prins nyais, car
autrement ne seroit si hardy. Pour estre plus hardy l'oifeleras pre-
mierement sur la Gruë, veu qu'il n'a encore cogneu autre oiseau.
Faucon Pelerin est ainsi nommé, pource qu'on ne sçait où il naist,
& qu'il est prins en Septembre, faisant son pelerinage ou passage es
Isles de Cypre, & de Rhodes. Le bien bon est de Candie, il est
hardy, vaillant, & de bon affaire: il est bon à la Gruë, à l'oiseau de
Paradis, qui est vn peu plus petit que la Gruë, ou au Heron, Rou-
seaux, Esplugnebaux, Poches, Garfottes, & autres de riuiera: à
l'oye sauage, Ostarde, Oliues, perdrix, & autres menus. Fau-
con de passage, autrement dict Tartarot de Barbarie, est dit de passa-
ge comme est le Pelerin. Et est dit de Barbarie, pour ce qu'il fait son
vol & passage par le pays de Barbarie, & qu'on en prend là plus qu'ail-
leurs. Le bien bon est de Candie, il est vn peu plus grand & gros que le
Pelerin, roux dessous les ailes, bien empieté, longs doigts, bien vo-
lant hardy à toute maniere de gibbier, comme dict est du Pelerin.
Le Pelerin & de passage peuuent voller tout le mois de May, & de

PREMIERE PARTIE

Iuin, pour ce qu'ils font tardifs en leur muë: & quand ils commencent à muer, se despouillent prestement.

Faucon montaigner est de brune couleur, & s'il est sain, il est des autres le meilleur: il est grand & hardy, prenans grans & non petis oiseaux difficile à gouverner & garter. Il le faut plus porter & faire veiller qu'autre Faucon, & doit estre entre tenu entre gras & maigre. Quand il sera malade, faictes luy bouillir bien fort au four eau nette en pot de terre, & la mettez deuant luy, & l'induissez à en boire. Quand le voudrez purger & amaigrir, ferez trois cures de peau de geline, lesquelles trois iours luy donnerez. Pour le garder sain, oingdrez vostre gand de musc. Et quand le voudrez faire voler, iettez-le deuant que les autres: combien qu'il ne prenne rien, si reuiendra il au vol des autres. Noir faucon, comme dunt les Alexandrins, est le meilleur, ne luy donnez point chair mouillée, sinon qu'il soit orgueilleux, portez-le sur le poing, plus qu'autre faucon, ne l'ennuyez point outre son vouloir, & le traictiez benignement: gardez qu'il ne voye Aigle, car apres ne prendroit oiseau, & qu'on ne luy prenne les pennes. Quand le ietterez sa proye, gardez de mal duire vostre main, car il perdrait lors courage. Rouge faucon est ouuent trouué es lieux plains, & en marais: il est hardy, mais difficile à gouverner, pourtant deuant qu'il volle, donnez luy trois purgations de cuir de geline lauee en eau, puis le chauffez, & le metez en lieu obscur par aucun espace de temps, puis apres faictes le voler.

faucon qui a plumes blanches est hardy, & bon: quant il est for: ne le fais point voler qu'il n'ait mué car apres la muë il est bon.

De



*Del Emerillon, de sa forme, de son vol, de sa proye,
& quand il doit estre oiselé.*

CHAP. IIII.

L'Emerillon est de forme de Faucon, plus petit que l'Esper-
nier, plus vollant qu'autre oiseau: prenant toute volatille que
prend l'Esperuier, principalemēt, petis oiseaux, comme moy-
neaux, alouettes, & semblables, & les poursuit de merueilleux
courage. Il doit estre oiselé en huitiours, car apres ne vaut rien.

PREMIERE PARTIE



Du Lanier, de sa naissance, de sa forme, de son past, & de sa proye.

CHAP. V.



LE Lanier est assez commun en tous pays. Il est plus petit que le Faucon Gêtil, beau de pènage, plus court empieté qu'autre Faucon. Celuy qui a la teste grosse, les pieds plus sur le bleu soit, niais ou sot, est le meilleur. Il n'est point d'agereux en son viure. Il est cõmun pour voler sur terre & sur riuere.



*Du Sacre, de ses especes & naissance,, des noms d'icelles especes, quand
il doit estre prins, de sa forme, condition & proye.*

CHAP. VI.



L y a trois especes de Sacres. La premiere est appellee Seph, selon les Babylo niens & Assyriens. Il est trouué en Ægypte, & en la partie Occidentale, & en Babylone; Il prend Lieures & Biches. La seconde espece est nommee Semy, qui prend petites Gazeles. La tierce, est dicte Hynair, & Pelerin, selon les Ægyptiens & Assyriens: il est dit de passage, pource qu'on ne sçait où il naist, & qu'il fait son passage tous les ans vers les Indes ou vers le midy. Il est prins és aisles de Leuant, en Cy-

PREMIERE PARTIE

pre Candie, & Rhodes, pource dit on qu'il vient de Ruffie, de Tartarie, & de la mer Maior. Le Sacre prins apres la mue, est le plus vifte, & le meilleur. Le Sacre est plus grand que le Pelerin, laid de pennage, cour empieté, & hardy. Le meilleur est, celuy qui a couleur rouge, ou tannée, ou grise: & qui est en forme semblable au Faucon, qui a grosse langue, & pied leger, ce qu'on trouue en peu de Sacres, doigts gros, & tendans à couleur de bleu effacé. Le Sacre est des oiseaux de proye le plus laborieux, paisible, & traictable, & qui fait meilleure digestion de gros pass. La proye du Sacre, sont grands oiseaux, comme Oye sauvage, Grue, Heron, Butor, & singulierement bestes à quatre pieds siluestres, comme Gazeles & autres.



DE LA FAVCONNERIE

59

Du Gerfaut, de sa naissance, de sa forme, condition, & proye.

CHAP. VII.

E Sparties froides, & en Dacie, Nouergue, & Prusse, naist le Gerfaut: mais il est prins communément en faisant son passage en Allemaigne. Il est bien empieté, doigts longs, grand, puissant, beau specialement quand il est mué, & si est fier & hardy, dont il est plus difficile à faire: car il desire main & maistre paisible. Il est bon à tout gibbier.



De l' Antour, de ses especes & generation, de sa bonne forme & conditions,
les signes d'audace & de force: & du bon petit Antour, de
ses mauvaises formes & conditions, & de sa proye.

PREMIERE PARTIE

C H A P. VIII.

Ly a cinq especes d'Autour. La premiere & plus noble est l'Autour qui est femelle. La seconde, est nommee demy Autour, qui est meigre & peu prenant. La tierce, est le Tiercelet, qui est le masle de l'Autour, & prend les perdrix, & ne peut prendre les Grues. Il est nommé Tiercelet, car ils naissent trois en vne nyée, deux femelles & vn masle. La quarte espece est l'Esperuier, qui prend toute volatille que prend l'Autour, excepté les grans oiseaux. La cinquiesme est nommee Sabech, lequel les Egyptiens nomment Baidach, qui ressemble à l'Esperuier, & est moindre que luy, & a les yeux celestes comme bleuz. Autour d'Armenie & de Perse est le meilleur, & apres celuy de Grece, & dernièrement celuy d'Afrique. Celuy d'Armenie a les yeux vers, & le meilleur d'iceux, est celuy qui a les yeux & le dos noir. Celuy de Perse est gros, bien emplumé, les yeux clairs, concaues, & enfoncez, sourcils pendans. Celuy de Grece à grand teste, col gros, & beaucoup de plume. Celuy d'Afrique à les yeux & le dos noir, quand il est ieune, & quand il muë les yeux luy deuiennent rouges. Au temps que les oiseaux sont en amour, quand ils s'appariët pour faire generation, toutes especes d'oiseaux de proye s'assemblent avec l'Autour: comme Faucon, Sacre, & autres viuans de rapine: à ceste cause les conditions des Autours sont diuerses, en bonté, audace & force, selon leur diuersé generation. La meilleure forme d'Autour est telle: vn bon Autour doit estre pesant, comme ceux de la grande Armenie. En Syrie, on achapte les oyseaux de proye & de Fauconnerie, au bois, & le plus pesant vaut mieux: de la couleur & condition d'iceux ne leur chaut. Blanc Autour est plus gros, beau facile à enseigner & plus foible entre les autres, car il ne peut prendre la Grue. Et pour ce qu'il est nay en lieu haut, & qu'il endure mieux le froid, qui est en l'air hault, il est bon pour voller oiseaux de telle condition. Autour tendant à noir, & qui a plume superflue sur la teste, descendant sur le front, comme vne perruque, est bel, mais il n'est pas fort. La bonne forme d'Autour est, d'auoir teste petite, face longue & estroitte, comme le Vautour, & qui ressemble à l'Aigle, le gosier large, par lequel passe le past, yeux grands, parsons, & en iceux petite rondeur noire, narilles, aureilles, croupe, & pieds larges & blancs, bec long & noir, le col long, la poitrine grosse, la chair dure, les cuisses longues, charnues, & distantes les os des jambes & des genoux doibuent estre courts, les ongles gros & longs. La forme des le fondement

de l'Autour iusques à la poitrine, doit estre cōme en rondeur accroissant. Les plumes des cuisses vers la queuë doivent estre larges, & celles de la queuë doivent estre courtes, peu rouffes, & molles. La couleur qui est sous la queuë, est cōme celle qui est en la poitrine, & sur chacune plume, ou lignes noires, qui sont sur la queuë a aucune trancheure: la couleur de l'extremité des plumes qui sont en la queuë, doit estre noire en la partie des lignes. Des couleurs, la meilleure est rouge, & tendant à noir, ou à gris clair: Signe de bon Autour est, astuce de courage, desir & abondance de manger, bequer souuent son past, prinse soudaine de son past sur le poing, comme si on le iettoit, digestion longue, force d'assailir: Le signe d'audace en l'Autour est tel, lie-le en lieu clair puis obscur de clarté, apres touche le soudainement, & s'il faut, & s'assure sur le poing, c'est signe d'audace. Le signe de force en l'Autour est tel, lie les Autours en diuerses parties de la chambre, & celuy qui esmutira plus haut, est le plus fort. Le signe de bons petis Autours, est d'auoir les yeux clairs & larges, & le cercle des oreilles & du bec, teste petite, col longs, doigts longs, plumes courtes & cachees, chair dure, pieds vers, ongles larges & descharnez. digestion legere, la vuydange de la digestion large, esmutir loing. Si au bout du bec, y a aucune noirté, c'est bon signe. La mauuaise forme d'Autour, tāt en petits qu'en grands, est quand il a la teste grande, col court, les plumes du col mellées & inuolues, fort emplumé, chacun est mol, cuisses courtes & gresles. iambes longues, doigts courts, couleur tannée, tendant à noir, & aspre sous les pieds. Autour qui en saillant de la maison, semble qu'il saille de la muë & qui a plumes grosses, les yeux rouges cōme sang, qui sans repos se debat, & quand il est sur la perche, tache saillir au visage: s'on l'ameigris, il ne le peut porter: s'on l'engraisse, il s'enfuit: pourtāt tel Autour rien ne vaut. Paoureux Autour est difficile à enseigner: car la paour luy fait fuir le poing & le leurre, ou rappel. Autour qui a plumes pendans sur les yeux, & le blanc d'iceux fort blanc, couleur cōme rouge, ou tannée clair, a les signes de mauuaises conditions, & de non reuenir au rappel: si Autour de telle forme est trouué de bōne condition, il sera tres-bon. aucunes fois, mais peu souuēt, est trouué Autour de mauuaise forme & condition: tout au contraire au bons signes de Autour, qui sera leger, frais peu souuent las, & qui prendra les grands oiseaux. La proye de l'Autour est, Faisand, Malard, Cane, oye sauuaige, Corneille, Connis, Lieures: Il fiert petit Cheureul, & l'empesche tant que les chiens le prennent plus facilement.

PREMIERE PARTIE



Del'Esperuier, & de sa nature.

CHAP. XI.

LE m'amuſeray vn peu à parler de l'Esperuier, pour autant qu'il ſt fort noble, & fort viſité en France: & auſſi que qui ſçaur bien voller, gouverner & affaiter l'Esperuier, il ſçaura aiſément tout le traitement, & la volerie des autres: ioint qu'õ s'en peut ayder hyuer & eſté, & avec grand plaisir, pour les beaux vols qu'il fait: car chacun a endroit ſoy de quoy voler: & auſſi qu'on en peut voler à toutes manieres d'oifeaux, car il eſt commun à tout, plus que tous les autres Faucons & oifeaux. Car l'Esperuier d'hyuer quand

quand il est bon, prend la Piele, l'ay, la Chouette, la Grefille, le Vanel, le Videcaille, le Merle, le Coulon, & beaucoup de sortes d'autres oiseaux.

De l'Esperuier, de sa bonne forme & bonné

CHAP. X.



Es Esperuiers sont de plusieurs plumes. Les vns sont de menues plumes tousiours blâches: les autres sont grosses plumes que nous appellôs mauuaises. Si vous dirôs tât de leur façon, que de leurs plumes, lesquds sont les meilleurs. L'Esperuier qui est de bonne forme, est grand & court, & a la teste petite, espaulles larges & grosses, iambes grosses, pieds estandus, pennes noires. Le niais est bon, & reuient volontiers à son maistre. Le tor est difficile à affaiter, & sera bon s'il ne fait les gers: pource qu'il a accoustumé la proye, parquoy il est plus courageux. Le meilleur de tous les Esperuiers, est celui qui a esté prins hors du nid, & a esté vn peu à soy, lequel nous appellons Branchier. Faut pouestre bon, qu'il ayt la teste rōdette par dessus, le bec assez gros, les yeux vn peu cauez, le cerne d'êtour la prunelle de l'œil de couleur entre vert & blâc, le col lōguet & grosset, grosses espaulles, & vn peu bossues, & ouuert vn peu endroit les reins, & affilé par deuers la queue, & que les ailes soient assises en allant au long du corps, si que le bout de les ales voise soubs la queue, & que la queue ne soit trop longue, mais qu'ele soit de bōnes pennes larges, qui soient affilees comme le bout d'vne espee: & qu'il ne soit trop haut assis, c'est à dire, qu'il n'ayt les iambe trop longues, mais soient plattes, & les pieds longs & deliez, & de couleur entre vert & blâc, & les ongles poignâs, bien noirs & petits. Que ses plumes trauerfaines soiēt grosses & bien coulourees de vermeil, & les menues ensuiuent les plumes de la poitrine. que les pennes scyent larges: & qu'il ait le bruel meslé de mesles trauerfaines, ainsi comme le corps, & que ses sourcils soient blâcs, & vn peu coulourez de vermeil, & qu'ils prennent le tout iusques derriere la teste. Aussi est fort bon l'Esperuier, quand il est familieux.

Comme il faut chiller l'Esperuier nouueau, & les mettre en donnance.

CHAP. XI.

Q

PREMIERE PARTIE

ESperuier de nouveau affaitement, doit estre chillé en ceste maniere. Prenez vne aiguille enfilee de delié fil, qui ne soit retors: fais le tenir, & le prens par le bec, & luy boute l'aiguille parmy la paupiere del'œil, non pas droit à l'œil, mais plus pres du bec, afin qu'il voye derriere. Et se donnant bien garde de prendre la toile, qui est dessoubs la paupiere. Puis mettre l'aiguille en l'autre paupiere, del'autre part, & tirer les deux bouts du fil, & noier sur le bec, non au droit nœud mais couper le fil pres du nœud, & le tor dre tellement, que les paupieres soiēt si hautes leuees, que l'Esperuier ne puisse rien voir. Et quand le fil laschera, qu'il voye derriere, & par ce est mis le fil pres du bec: car l'Esperuier doit veoir derriere, & le Faucon deuant. Que si l'Esperuier voyoit deuant, il plumeroit aual le poing, quand il battroit contremont, & prendroit bons esbats, & si verroit trop à plain les gens, & l'esbateroit trop souuent.

Pour bien mettre vostre Esperuier en arroy: vous luy debuez bailler gets de cuir, lesquels doiuent auoir les bouts vn peu renuersez & mesmement decoupez, & si doiuent auoir demy pied de long, à pied main, entre la boite du get, & le nouveau qui est au bout, à quoy on le tient. Il doit auoir deux bōnes sonnettes, afin qu'il en soit mieux ouy, & aussi que l'Esperuier prenāt vn oiseau il se mettra en si espois buisson pour se paistre qu'il ne pourra estre veu ne ouy: & en le plumāt: la plume souuēt luy couure l'œil, & pour l'oster il se gratte de l'vn des pieds & fait ouïr la sonette: & s'il n'auoit qu'vne sonette, il se pourroit gratter du pied où elle ne seroit point, parquoy ne seroit pas ouy. L'Esperuier qui est affaité au chapperon, & qui souffre qu'on luy mette, vaut mieux que celuy qui ne le veut endurer: car ils'en bat moins: il se porte mieux quand il est chapperonné en temps de pluye & de vent, ou en mauuais tēps, car lors on le peut cacher soubs le manteau: d'auantage, il en vole mieux, & plus roidement, car il est moins desprisé que celuy qui n'a point de chapperon, lequel est las de se debatre: & si on luy garde mieux ses vols & son auantage, parce qu'il ne se debat pas iusques à ce qu'on veut qu'il vole, dont il a meilleur courage, & si on le porte par tout sans ce qu'il se debate ou bouge.

Comme on doit affaiter vn Esperuier, & comme il doit estre mis en arroy.



Arce que les Esperuiers sont de diuers plumages, & de diuerses tailles, aussi y a-il diuerses manieres de les affairer, & y à moins d'affaire aux vns qu'au autres. Tant plus l'Esperuier est familieux, & à bõne faim, plustost est affecté. Pour le faire manger, frottez luy les pieds de chair chaude, en pipant & touchant la chair au bec: & s'il ne veut mager, frottez luy les pieds d'un oiseau vif, & l'oiseau criera: & si l'Esperuier empreint le poing des pieds, c'est signe qu'il mangera: alors descouure la poitrine de l'oiseau, & luy mets au bec, & il mordera en chair, car vn oiseau qui mäge tãost qu'il est prins, c'est signe qu'il est familieux & qu'il mangera bien: & luy en dõne autant au vespre, & aucunes fois sur iour, mais qu'il n'ait rien en gorge. Et quand il sera bien en chair, & il mordera quãd on pipera, si luy mets le chappron, qui soit assez profond & large, qu'il ne luy serre endroit les yeux. Et quand il voudra endurer à mettre & oster le chappron, sans se debatre, & qu'il magera chapproné, alors luy faut diminuer sa vie, en luy dõnant moins de chair à manger, & luy en dõne au matin: & quãd il aura enduit (c'est qu'il ait mis a val sa viãde, & qu'il n'ait rien en la fofette de la gorge) le pourras abecher sur iour, en luy mettãt & remettãt le chappron pour luy faire mordre: car il est bon de luy donner vne bequee ou deux de chair, toutes les fois que luy mettras le chappron en la teste. Et quãd ce viendra au vespre, tu le paistras pour la nuit, & luy donneras des sourcils de pouille, iusques au lendemain. Puis quãd tu verras qu'il sera chu en bõne faim si lasche le fil de quoy il est chillé, mais qu'il soit duit quand tu le feras, & qu'il voye par la derriere, cõme dit est. Et s'il peut bien voir les gens, si le veille toute la nuit qu'il sera lasché, & qu'il ait le chappron hors la teste, afin qu'il oye les gens, & qu'il les accoustume. Et quand tu luy remettras le chappron, donne luy deux ou trois bechees de chair, & le l'edemain au point du iour, mets luy vn oiselet aux pieds: & s'il le prent a premẽt & qu'il morde en la chair si luy oste le chappron en paix: que s'il se debatoit, remets luy, & le veille encores, tant qu'il soit mat. Que s'il mäge deuant les gẽs sans le chappron, & est assure de deuant eux, ne soit plus veillé, mais le faut tenir vne partie de la nuit entre les gẽs, en le faisant plumer, & luy donnãt aucunes fois vne bequee ou deux de chair, en luy mettãt & ostant le chappron. Et quãd tu t'en iras coucher, mets tõ oiseau pres de tõ cheuet, sur vn treteau, afin que le puisse souuent refueiller la nuit. Puis te leue auant que il soit iour, & le mets sur ton poing, & luy tiens le chappron hors de la teste, afin qu'il voye les gens autour de luy: & quand il les verra, mets luy au pied vn oiselet tout vif, comme dit est, & ainsi qu'il mangera,

PREMIERE PARTIE

mets luy le chappron, en luy donnant le demourant de ton oiseau, le
 chappron en la teste. Et sur le iour, regarderas s'il n'a rien engorgé, & si
 tu vois qu'il n'y ait rien, tu luy doneras vne bequée, petit & souuet, de-
 uant les gens, en luy ostant & remettant son chappron: mais sur le soir
 doit toujours auoir le chappron hors de la teste, pour voir & accou-
 stumer les gens en luy donnant à manger d'une poulette. Et pour faire
 mieux sa chilleure, afin qu'il voye mieux quand tu le mettras coucher,
 si le tien en lieu obscur, & luy eclisse vn peu d'eau au visage, afin qu'il
 frotte ses yeux aux ioinctes de ses ailes: le lendemain, qu'il trouue le
 iour & la chair chaude sur ton poing, & qu'il soit lasché, afin qu'il voye
 deuant & derriere, & fasse signe d'estre seur entre les gés, puis l'a faite
 comme dessus est dit, et retien, que le iour que tu luy auras donné chair
 lauee, ne luy donne point plume: & ne luy donne plume qu'il ne soit
 bien assure, car s'il n'estoit seur, il ne l'oseroit ietter. Dóc si tu veux as-
 seurer ton Esperuier, & le tenir en bonne faim, mets le bien matin sur
 le poing, & va en lieu où ne suruienne personne, & abecque-le d'un
 oiselet vif puis le descharne, & le mets sur aucune chose, & luy tends
 le poing, en luy donnât vne becquée: & s'il y vient volotiers, si le relâ-
 ce au vespre, & au matin de plus loin, & deuant les gens, pour le mieux
 assure, en luy attachant vne longue ligne au bout de sa longe, & s'il
 fait beau temps, & que le Soleil raye, on luy doit offrir l'eau pour soy
 baigner pourueu qu'il soit sain, qu'il soit seur, qu'il soit trop maigre,
 & qu'il n'ait gorge, car c'est vne chose qui bien assure ton oiseau que
 le bain & luy donne bon courage: mais que toujours apres le bain, tu
 luy donnes à paistre bons oiseaux vifs. Et toutes les fois que paistras
 ou reclameras tu dois piper & siffler, afin qu'il s'accoustume de venir
 à ton siffler. Il le faut paistre entre les Chiens & Cheuaux, afin qu'il s'a-
 coustume avec eux. S'il a volé, & tu le vueilles mettre au Soleil, mets-
 le à terre sur vn tronchet: & là s'afferra, & ne sera iamais qu'il n'aye
 mieux se seoir à terre. Apres le bain, si tu trouue ton Esperuier en bon
 courage, tu le peux bien voller le lendemain au vespres: mais que par
 auant tu l'aye reclamé à reuenir des arbres, & reclamé à cheual, ayant
 fait provision d'un pigeon, afin de le reprendre plus aisément: car il
 faut à vn Esperuier auât qu'on en vole, qu'il soit bien assure par veil-
 ler, par porter, par faire tirer, & par plumer deuant les gens: qu'il ay-
 me la main, le visage, les Cheuaux, & les Chiens: qu'il soit net de-
 dans, tant par chair lauee, que par plumes: qu'il soit bien affamé, &
 bien reclamé de terre & d'arbres.

La maniere de faire voler son Esperuier nouveau.

CHAP. XIII.



Vi veut voler de son Esperuier nouveau affairé, qu'il en vole au vespre vn peu deuant soleil couche, parce que c'est l'heure qu'il a le plus grand faim. Secondement, la chaleur du soleil, si on vouloit au matin, fait esmouoir l'oiseau par sa chaleur, & luy fait esleuer le cœur, & le rend gay, parquoy il pert sa faim, & ne luy en souuient, & ne tache & pense qu'à se resoudre & iouier contremõt, qui le feroit perdre. Qui plus est, il ne se peut tant esloigner de toy sur le vespre, s'il te fait ennuy, comme il feroit le iour contre la chaleur du Soleil, à cause de la nuit que le contraindra de se percher. D'auantage, pour faire voler ton Esperuier nouveau faut chercher large campagne, loin des arbres. Qu'il soit deschapponné quand les Espagneux querront: que si les Perdriaux faillent, & il s'embar, laisse le aller s'il faut de pres: que si le prend donne luy à manger contre terre de la poictine d'vn Perdriau, avec la ceruelle. Quand il aura mangé vn peu, oste luy, & le descharne, & monte sur ton cheual, loin de luy, puis siffle, & l'appelle, & s'il reuiet à toy, si le paiz. Sur tout il se faut bien donner garde, qu'il ne faille au premier vol à gros oiseaux, afin qu'il n'emporte & l'accoustume aux menus, que s'il est bien apprins aux gros oiseaux, tu peux bien le faire voler aux Alouettes & petis oiseaux, & si tu voy qu'il y vole volontiers, si luy meine, & en soit repu, car c'est le plus beau vol & plus plaisant que la volerie de l'Esperuier aux Alouettes. Et parce que la chair & le sang des Alouettes est chaud & ardent, il est bon, quand il y volera, de luy donner deux fois la sepmaine de chair lauee, & la plume bien souuent, mais ne luy donne la plume le iour qu'il aura mangé chair lauee, ne le iour qu'il se fera baigné. Quand on est en bonne compagnie, & chacun a son Esperuier si on voit voler le sien avecques les autres, celà renforce bien le deduit, & si s'asseurent ensemble: & c'est le plaisir de prendre vne Alouette à l'escourse, & qu'vn bon Esperuier a chassé vne Alouette bas, & si haut qu'on la peut regarder, & vn autre Esperuier la va requerre si roidement en volant contremont, qu'il est cõtraint de l'environner, ne la pouuant prendre: & lors l'Alouette plonge & vient

Quij

PREMIERE PARTIE

à terre, & l'Esperuier aussi, laquelle s'aime mieux mettre entre les iam-
bes d'hommes & cheuaux, pensant se sauuer, que tomber entre les
griffes de son ennemy naturel, toutesfois le plus souuent elle y est
prinse. Qui veut faire apprendre à gouverner Fauçõs, faut bailler à af-
fai-ter Hobreaux ou Hobiers: si on veut qu'il scache gouverner Ger-
faults, baillez luy Esmerillons. Qui scait gouverner & affai-ter Esper-
uier, il scait affai-ter les Autours. Ainsi par les vn on peut scauoir les
autres.

*Quand on doit prendre au nid, ou en l'aire l'Oiseau de Fauconnerie.
& comme on le doit lors traicter.*

CHAP. XIII.

LAut que l'oiseau de Fauconnerie soit prins au nid ou en l'ai-
re, quand il est fort pour se soutenir sur les pieds. Mets le sur
vn billot de bois, ou sur vne perche, afin qu'il puisse mieux
demeurer son pennage, sans le gaster en terre. Mers sous
luy vne herbe, qu'on nomme hieble, laquelle, pource qu'elle est chau-
de, & est tres-bonne contre toutes maladie de reins, & de goutte, qui
luy pourroit aduenir. Paiz-le de chair viue le plus souuent que pour-
ras, car elle luy fera bon pennage, Si tu le prens petit, & le mets en lieu
froid, il prendra mal au reins, parquoy ne se pourra soustenir, & sera
en danger de mort.

De ces mots, brancher, ramage, & sor.

CHAP. XV.

LOiseau niais, est celuy qui est prins au nid. Brancher est
celuy qui suit la mere de branche en branche, qui est aus-
si nomé ramage. Sor est appellé (à sa couleur forette) ce-
luy qui a volé & prins deuant qu'il ait mué. Et pour ce
qu'on prend souuent l'oiseau au glu, ou en le prenant on
luy froisse ou rompt les pennes: s'ensuyt la maniere de le desgluer, &
de ses pennes rabiller.

Pour desgluer oiseau.

CHAP. XVI.

Pour desgluer oiseau, prens sablon menu & sec, & cendre nette, mets ensemble, & les mets sur les lieux où est la glu, & laisse ainsi l'oiseau vne nuit. Apres battras fort trois moyeux d'œufs, & avec vne penne en mettras sur lesdits lieux, & laisse ainsi l'oiseau deux nuits. Puis prens du gras de lart, aussi gros qu'une prune, & autant de beurre, tout fondu ensemble, dequoy oindras lesdits lieux, & laisse ainsi l'oiseau vne nuit. Le lendemain le laveras avec eau tiede, & nettoyeras avec linge bien net, tant que rien n'y demeure.

Pour penne froissée redresser, ou rompue enter desioinète reserrer ou perdue renouveler.

CHAP. XVII.

Situ veux redresser vne penne froissée, trempe en eau chaude le lieu qui est froissé: & quand elle sera amollie & tédre audit lieu froissé, redressela hors de l'eau: apres prens vn gros tronc ou cotton de chou, & le chauffe fort sur la braise puis le fend au long, & dedans celle fente mets le froissé de ladite penne, & estrains d'un costé & d'autre le chou, iusques qu'il aura redressé la dite pêne. Le tronc de l'herbe de couleure, autrement nommée Tinthimale, a en ce l'effect du chou.

Pour penne rompue d'un costé, & qui tient de l'autre.

Prens vne aiguille languette, & la trempe en vinaigre, ou en eau salée, pour rouiller, afin qu'elle tienne mieux dedans la penne, puis l'enfile de fil delié, & la mets dedans les deux bouts de la froissure de la penne: apres la tire par le filer, iusques à ce qu'elle sera tant d'un costé que d'autre & que la penne sera ioincte, & la garde du travail iusques à ce qu'elle soit ferme. Si elle est des deux costez rompue, coupe là, & près vne aiguille pointue par les deux bouts, trachâte cōme celle d'un pelletier, trépee comme dit est, & fais cōme dessus. Pour pêne froissée ou rompue au tuiau, prens vn tuiau plus menu, afin qu'il entre dedans le tuiau froissé ou rompu: puis coupe en ce lieu la penne, & l'ente du tuiau mis de dans les deux bouts de la penne coupee: apres, cous les deux parties avec le ravau qui est mis dedans & couvre le lieu de la ioincture de la pêne de cottō, ou de petites plumes avec colle. ou si ne veux coudre ladite pêne, colle la. Si la pêne estoit perdue, mets y en vne par-

PREMIERE PARTIE

reille en quantité & couleur. Pour plume desioincte reserrer prens estoupes bien menu taillees, & meslees avec le rouge d'un œuf bien batu, mets les sur linge bien delié, duquel lieras dedans & dehors le lieu de la penne desioincte: ou emplastre ledict lieu de myrrhe, & de sang de bouc, meslez ensemble. Pour faire renouueller penne perdue par batterie, ou autrement, & principalement en la queuë, prens huile de noix, & huile de laurier, autant d'une que d'autre, meslez ensemble, & les distileras au lieu: duquel est saillie ladite penne, & cela fera renouueller ladite penne.

Du past & chair bonne & mauuaise pour paistre oiseau, du lauement de la chair, de la maniere de paistre l'oiseau, & de la nature des chairs qu'on donne aux oiseaux.

CHAP. XVIII.



AST & chair bonne, outre l'ordinaire de l'oiseau, est luy donner vn peu de la cuisse ou du col d'une poule, car il engraisse l'oiseau. Les entrailles de poule, avec les plumes, dilatent le boiau qui vuid de la digestion de l'oiseau, & seche l'humidité superflue, laquelle ne peut saillir par l'egestion & esmutissement de l'oiseau. Les chairs mauuaises pour paistre l'oiseau, sont, chairs froide, & chair de bœuf, & autres de forte digestion, & singulierement de beste qui seroit en ruth, laquelle est pour faire mourir l'oiseau, s'as sçauoir à quelle occasion. Chair de poule est mauuaise pour l'oiseau, car pour ce qu'elle est froide, elle luy trouble le ventre: aussi pour ce qu'elle est douce & delectable & qu'on trouue communément par tout poules, à ceste cause l'oiseau affriandé de telle chair de poule, quand en volant en verroit, pourroit laisser sa proye, & voler vers la poule. Si tu te doutes ou voit que l'oiseau soit poullailler, paist-le de petis oiseaux, de petis coulomb commençans à voler, ou de petites airondelles. Chair de coulomb vieil, & chair de Pie, luy est amere & mauuaise. Chair de Vache luy est mauuaise, car elle est laxatiue, non pas par sa bonne nature, mais par sa ponderosité, par laquelle fait indigestion, & par ainsi est laxatiue. S'il est necessité de paistre l'oiseau de grosse chair par faute de meilleure, soit trempee & lauce en eau tiede, & apres espraite, si c'est en hyuer: & en froide, si c'est en esté, & que la
chair

chair ne soit point trop esprainte, car la pesanteur de l'eau, qui est laxative, & luy fera plus tost passer & enduire sa gorge, & luy tiendra les boyaux larges, & l'espurgera mieux par dessous les grosses humeurs, qu'il pourroit auoir dedans le corps. Le lauement de chair, se doit entendre de grosse chair, & quand il est necessité d'en vser pour purger ou mettre bas l'oiseau, & non pas de chair de bonne digestion: car il faut entretenir l'oiseau de quelque bon past vis & chaut, autrement on le pourroit mettre trop au bas. La maniere de paistre l'oiseau est telle au past & chair que doit manger l'oiseau, ne doit estre ne graisse, ne veine ne nerfs: & en le paissant ne le laisse pas manger selon son desir, mais par poses, & le laisse reposer en mangeant, lors mangera suauement. Par fois luy musseras & cacheras la chair deuant qu'il soit saoul, & luy retarderas son manger, & fais qu'il ne voye la chair, afin qu'il ne se debate. Fais le plumer petits oiseaux, comme il faisoit au bois. Les chairs de quoy on paist les oiseaux, sont de diuerses natures, car les vnes font les oiseaux gras, les autres les rendent orgueilleux, les autres les font attrempez. Le passereau, le pinçon, la chair d'un Char, les Sourits, & la gresse de Geline, la chair de Porc, & de bœuf, rendent les oiseaux gras. La chair de Poulets, de Lievre, de Geline, de Vache, mouillée en l'eau, font les oiseaux maigres. La chair de Cheures & Cheureaux, les font orgueilleux. Mais si vous voulez que vostre oiseau soit bien attrempe, ne trop gras, ne trop maigre ne trop orgueilleux, donne luy à manger vieille Geline. Et par ce, muë luy souuent la chair, selon la commodité que tu verras.

*Le remede contre le mal qui aduient à l'oiseau par trop
hastiement manger.*

CHAP. XIX.



Si l'oiseau mange par trop hastiement, quelque piccette & petit morceau de chair, & qu'elle soit tombee au lieu par lequel l'air va au poulmon, prends vn long canon de plume bien mol & doux à manier; ou vn pareil de metal, & le mets par ledit lieu, & succe par ledit tuyau en tirant bonne haleine, iusques à ce que ce qui est tombé audit lieu reuienne: car s'il y demeure, sera perilieux pour l'oiseau.

R

P R E M I E R E P A R T I E

Pour renoueller le bec rompu, ou resserer le bec desioin &c.

C H A P. XX.



Le bec de l'oiseau serōpt, ou pource qu'il est mal gouuerné car l'on n'affaite le bec ainsi qu'ō doit, parquoy croist tāt des deux costez, qu'il rōpt: ou parce que quand l'oiseau paist, il demeure quelque chair sous la partie haute du bec, laquelle chair se pourrist, & seche tant le bec qu'il tombe par esclats: pourtant nettoye le bien, & le polis, en taillant ce qui est de tailler: puis oindras la couronne dudit bec, de sang de serpēt, & de geline, & 15. ou 20. iours apres que le bec luy commencera à croistre, romps le bec dessus, afin que celuy de dessous puisse croistre à sa raison. Ce temps durant, son past soit couppé en petits morceaux, car autrement il ne se pourroit paistre. Ne cesse pourtant le faire voller. Pour bec desioin & reserrer mets dessus la desioincture, de la paste fermentée, & de la poix-resine.

Quand l'oiseau a soif, la cause & le remede.

C H A P. XXI.



Vand l'oiseau à soif, c'est ou par aucune alteration ou qu'il est trop gras, & a ceste cause à chaleur dedās le corps: ou c'est par indigestion. S'il a soif par alteration, donne luy eau en laquelle ait trempé succe, safrā. & spodium, ne luy en donnāt que pour rafraichir la gorge. S'il a soif pour estre gras, ainsi par chaleur qu'il a dedans le corps, mets avec les choses desusdites, terre seellee. S'il a soif par indigestion, cuits en eau, graine de cumin doux, & luy mets en la bouche, ou cuits zinzibre, ou grand polieu, en via vieil, ou en eau de clou de girofle, & y trempe son past. S'il a tousiours soif, mets en son eau vne dragme de boli-armeni, & le poix de dix grains de canfre la luy baillant à boire

Quand l'oiseau ne peut émutir, les signes, & le remede.

C H A P. XXII.



Vand l'oiseau ne peut émutir, le signe est qu'il gratte sa queuë & boit eau. Donne luy chair de porc chaude, avec vn peu d'aloës. Ou fais secher vers de terre sur tuille chaude, & en fais pouldre: & luy donne chair chaude, de leger digestion, poudroyee de ladite poudre.

Pour entretenir l'oiseau en santé, & le preseruer de maladie,

CHAP. XXIII.



Our entretenir l'oiseau en santé, & le preseruer de maladie, quatre choses sont necessaires: c'est à scauoir, le faire tirer, l'essuyer quand il est mouillé, le purger, & le baigner. Fais le tirer past nerueux a matin, & au soir, deuant qu'il mange & quand le voudras faire voler. Le tirer en attendant le gibbier luy est bon. Si le tirouer est de plume, garde quil n'en aualle, afin qu'il ne mette rien en cure iusques au vespre, car au vespre il n'y a point de danger. Combien qu'il semble que le tirer luy soule les rains, toutesfois en tirant il s'exercite. Essuye l'oiseau quand il sera mouillé, ou au soleil, ou aupres du feu: car il se pourroit refroidir, morfondre, enrheumer, & engendrer la maladie qu'on dit asme ou pantais. Quand il sera sec, mets le en lieu sec, & chaut, & non moite & froid. Mets luy soubs les pieds, au billot ou à la perche, quelque chose molle, comme drap, ou autre chose pour luy soulager les pieds: car aucunesfois, & bien souuent, pour frapper au gibbier, pourroit auoir les pieds froissez, desrompus & eschauffez, parquoy par humeurs descendans en bas se pourroient engendrer aux pieds dudit oiseau, cloux galles, ou podagre, & aussi enflures aux iambes, lesquelles choses sont mauuaises, & fortes à guarir. Tu purgeras ton oiseau par cure, ou par medecine purgatiue, & le feras baigner: comme de chacun est cy apres en son chapitre escrit.

De la cure de l'oiseau, quelle doit estre, quand on luy doit donner, quelle

est son effect, comme elle & l'esmont de l'oiseau monstrent la

santé ou maladie d'iceuy, & pourquoy l'oiseau la garde trop,

le signe & remede pour la luy faire rendre.

CHAP. XXIIII.



Ne cure d'oiseau doit estre de plume, ou d'osselets d'oiseaux froissez, ou de Pie, de Connins, ou de Lieure rompu, les ongles & gros oz ostez. Cure de cotton n'est pas bonne à vser, car elle vse & ard le poulmon, & fait mourir l'oiseau, & specialement: quand ladicte cure de cotton donnée audict oiseau, sans estre lauee & baignee. En necessité, & qu'on n'a point les cures dessusdictes

Rij.

PREMIERE PARTIE

on peut bien donner ladite cure de cotton, baigne vn iour, & autre non, quand on fait ou refait l'oiseau. Tous les iours au soir donne quelque cure audit l'oiseau, ou la dessus dite de cotton, ou celle de plume, ou de chair lauee, s'il n'y a cause au contraire. L'effect de ladite cure est, que quand elle est trempee & baignee en eau, elle eslargist plus qu'autre chose le boyau de l'oiseau, & seche la superfluité & excessiue abondance des humeurs d'iceluy oiseau, lesquelles ne peuuent saillir avec l'esmont de l'oiseau. La cure ietee au matin par ledit oiseau, qui est nette, & non seiche, & qui est sans mauuaise odeur, demonstre l'oiseau estre sain. L'esmont de l'oiseau doit estre blanc, clair, & le noir qui est parmy doit estre bien noir: quand ledit esmont en son blanc est glueux & tient au doigt, quand on le touche, signifie bonne digestion, & santé en l'oiseau. La cure molle, pasteuse, & puante, denote flegme & indigestion en l'oiseau. L'oiseau garde trop sa cure, & ne la peut aisément ietter, quand il a dedans le corps chair superflüe, ou postules, ou humeurs sur ladite cure. Le signe quel'oiseau garde trop sa cure, & qu'il l'a encores, est quand il tremble sur le poing. Le remede pour la luy faire ietter & rendre est, ne le paistre point iusques à ce qu'il l'aura renduë: & si ce iour-là il ne la iette, le lendemain fais la luy ietter & rendre, par la façon & maniere que iete vois' mettre & dire. Prends du gras de lard bien rafraichy en deux ou trois sortes d'eaux bien fraisches, & vn peu de sel menu, & de poudre de poiure, & en fais vne pilule, laquelle luy feras aualler, puis apres attends qu'il l'ait ietee: & s'il ne iette ladite cure prends ce qu'il aura ietté, & le broye & mouille, & mets en vn drappeau, & le fais fleurir à l'oiseau, & lors il rendra ladite cure. Ou autrement, donne luy le gros d'vne feve en deux ou trois tronçons de la racine de l'herbe appellee esclaire, enuelopee en bonne chair, pour celer l'amertume de ladite racine, puis mets l'oiseau au Soleil ou aupres du feu, & s'il ne rend ladite cure, paist-le au soir d'vne cuisse de geline, chaude & sucree.

Pour purger l'oiseau en tout temps, & luy faire bon appetit, & bon ventre.

CHAP. XXV.



ET pour purger l'oiseau en tout temps, luy faire auoir bon appetit, & bon ventre, donne luy de huitaine en huitaine, ou de quinzaine en quinzaine vne pillule, de celles qu'on dit pillules cōmunes: ou le gros d'vne feve d'aloes cicotrin, enueloppé en bonne chair, pour celer l'amertume dudit aloes. Puis l'enchapperonne, & le mets en lieu chaut, comme au Soleil ou aupres du feu, & le laisse ainsi par l'espace de deux heures, dedās lequel temps il puisse vider ses flegmes. Et quand il aura ietté ledit aloes ou pillules (car il ne sera pas si tost fondu) reprens ledit aloes pour seruir vne autres fois: puis prens l'oiseau sur ton poing, & le paist de bon past & vif, car il aura adonc le corps destrempé. L'aloes ainsi donné, ou de dans la cure, & au soir, vaut beaucoup contre filādes & aiguilles. Lesdites pillules donnees à l'oiseau à l'entree du mois de Septembres, sont bonnes & profitables contre filandres & autres maladies estans dedās le corps. Ceste medecine toutes fois doit estre trempee & moderee selon la force & qualite des oiseaux: car si c'est pour autour, ladite medecine doit estre moindre que pour vn autre, & par ainsi elle doit estre moindre pour l'Esperuier, qui est des autres le plus delicat. Autremēt, prens du gras de lard de porc, trempé vn iour, & mué en eau fraische, succe, safran en poudre, aloes, moüelle de bœuf, autant de l'vn que de l'autre, & en si grande quantité & largesse que tu en puisses faire trois ou quatre pillules, ou plus largement, à ta discretion, puis au plus matin donne en vne à l'oiseau, apres mets le au Soleil, ou aupres du feu. Tu ne le paistras iusques à deux heures apres, lors tu luy donneras ou geline, ou petits oiseaux, ou souris, ou rats, & petite gorge. Au soir quād il aura enduit sa gorge, donne luy quatre ou cinq cloux de giroffe, froissez & enueloppez en vn peu de bonne chair: & quand il aura vsé lesdites pillules, & que ses humeurs seront par icelles esmeuës, donne luy vne fois au palais du bec, & aux narilles du vinaigre, avec vn peu de poudre de poyure, puis s'il est de necessite, soit l'oiseau refroidy d'eau soufflee en ses narilles, & les mets au Soleil ou aupres du feu, & il mettra hors les humeurs de la teste.

Pour estargir le ventre & boyan de l'oyseau.

PREMIERE PARTIE

Si tu veux faire eslargir le ventre & boyau de l'oiseau, donne luy leger past, trempé vne nuit en du vinaigre : & sur iceluy past mets succe ou miel escumé, ou luy donne eau succree.

Pourquoy, quand, & comme on doit baigner l'oiseau, comme apres on le doit traiter

CHAP. XXVII.

Avcunesfois baigner l'oiseau de proye luy est sain, & le fait bien voller: car souuent á desir de boire, ou de prendre l'eau pour quelque eschauffement de corps ou de foye, & l'eau le rafraichist. Le bain fait à l'oiseau auoir faim, bon courage, & l'asseure, & par la contenance de l'oiseau cognoistras combien luy profitera le baigner. Baigne-le de quatre en quatre iours, car le baigner plus souuent le fait orgueilleux & fugitif. Et quand le feras baigner mets le sur bois sec, & l'eau soit bien nette, qu'il n'y ait quelque venin: de laquelle maladie la medecine est cy apres escrite. Apres le baing donne luy past vis, comme petits oiselets, & mets sur son past vn peu de succe ou de theriacle, & aux narilles del'oiseau. Quand le Faucon apres son baing se frotte & s'oingt, est dangereux le toucher, car il a l'haleine veneneuse, & les pieds pourtāt si tu le veux lors porter, garde avec fort gand qu'il ne blesse ta main. Quand l'oiseau sera baigné, ne luy donne chair trempée: & si tu le veux faire voller tost apres le baing, arrouse le vn peu d'eau bien nette.

Quand l'oiseau est enuenimé par se baigner en eau enuenimée par Serpent ou autrement.

CHAP. XXVIII.

Quād l'oiseau est enuenimé pour se baigner en eau enuenimée, par Serpent ou autrement, broye trois grains de genere, & mesle avec theriacle, & le fais aualler à l'oiseau, & le garde d'eau huit iours, & mets de la poudre d'aloës sur de la chair de chat de laquelle paistras l'oiseau.

Les signes communs de santé en l'oiseau de proye.

CHAP. XXIX.



Es signes cōmuns de santé en l'oiseau de proye sont, quād ion esmont est digeré, continué. & non entrerompū à terre, delié & non espois, quand sa cure est telle comme est escrit au chapitre de la cure: quand il se tient paisiblement sur la perche, quand demeine la queuē la ventille, quand il esplume & nettoye du bec ses ailes, commençant dés la croupe iusques au haut, quand il prend quel que petite gresse sur la croupe, de laquelle s'oint, quand l'oiseau ressemble gras, clair, & en couleur, comme s'il auoit les plumes oingtes, quand il tient ses cuisses esgallement, quand les deux veines qui sont aux racines des ailes ont leurs pouls & mouuement moyen entre continuation & discontinuation de pouls.

Quand l'oiseau digere mal, les signes, la cause & le remede.

CHAP. XXX.



Es signes quand l'oiseau digere mal sont, quand souuent il baye & respire en plumant son past, & ne le mange point, mais le laisse, ou vomit. Quand son esmont est alteré de gros, noir & iaune. Quand il ne rend sa cure en temps deu. Quand en ouurant à deux mains fermement son bec, & en luy secouant la teste, sentiras puantir sa gorge. Il digere mal par ce qu'il est pū trop matin, deuant qu'il ait fait sa digestion, ou trop tard, ou a trop grosse gorge. Le remede est, ne le paist iusques à ce que il aura bien fait sa digestion, & qu'il aura bon appetit. Puis prens du noir, qui est engendré de fumée, & du feu, au cul du pot, & le mets tremper en eau l'espace d'vne heure: apres coule l'eau, la fais tiede, & en icelle trempela chair du past de l'oiseau couppee en morceaux, & la luy donne. Et ne le pais plus iusques au soir, que luy donneras trois morceaux de chair sucree: ou luy donne sur son past de la semente qu'on treuue aux cloux de girofle puluerisez.

PREMIERE PARTIE

*Quand l'oiseau n'enduit bien sa gorge, la cause, & le remede pour
la luy faire enduire ou rendre.*

CHAP. XXXI.

ET quand l'oiseau n'enduit pas bien sa gorge, pour ce qu'on luy donne si grosse gorge qu'il ne la peut enduire ne rendre, ou pour ce qu'il s'engorge trop fort de sa proye, ou pour ce qu'il est refroidy: lors donne luy petit past, ou demy past à la fois, & de chair legere, trempee en vin blanc riede: ou luy donne past vif, baigné en son sang, lequel le remettra sus. Au soir donne luy quatre ou cinq clouds de girofle, froissez, & mis en cotton trempé en vin vieil, car ils luy chaufferont la digestion & la teste. Pour luy faire rendre sa gorge quand il ne peut enduire: prens vn peu de poudre de poyure, & que elle soit trempee en bon & fort vinaigre, & luy laisse reposer longuement, & d'iceluy vinaigre reposé, laue luy le palais de la bouche, & luy en mets trois ou quatre gouttes dedans les narilles: puis s'il iette sa gorge, arrouse d'vn peu de vin lesdites parties eschauffees par le vinaigre. Le vinaigre ne soit point donné à oiseau trop maigre, car il ne le pourroit supporter, puis le mets au Soleil ou au feu, & il iettera sa gorge.

Quand l'oiseau enduit sa gorge, mais apres illarend, la cause, & le remede.

CHAP. XXXII.

Vous devez entendre que sil'oiseau enduit sa gorge, & apres illarend, c'est ou par quelque accident qui luy est suruenu, ou par corruption d'estomach. Si c'est par accident qui luy soit suruenu, l'haleine de l'oiseau, & ce qu'il aura jetté ne pura point. Lors luy donneras vn peu d'aloës cicotrin, & ne le paistras de six heures apres, & luy donneras bon past, & peu. S'il iette sa gorge par corruption d'estomac, l'haleine de l'oiseau & ce qu'il aura ietté pueront, & c'est pource qu'il est pû de chair grosse, ou mal nette ou puante: pourtant soit sa chair nette, & taillee de cousteau net, & nettement: & puis le mettras au Soleil, l'eau deuant luy, pour boire s'il veut, & ne le paistras iusques au soir, & à petit gorge, & de past vif, & arrousé de vin, ou puluerisé de limaille d'acier, ou de pouldre d'yuoire, lesquelles font retenir le past à l'oiseau: & s'il ne le retient, donne
luy

luy petits oiseaux, ou souris, ou rats, iusques à ce qu'il fera guaray, ou destrempe en eau tiede pouldre de coriandre, & en icelle eau coullee laue quatre ou cinq iours le past de l'oiseau, ou fais bouillir en vin fueilles de laurier, tant que le vin reuienne à moitié, puis laisse le refroidir avec les fueilles: de ce vin, fais boire à vn colomb tant qu'il en meure, de la chair duquel donneras vne cuisse à l'oiseau.

Quand l'oiseau n'a appetit de manger, la cause, & le remede,

CHAP. XXXIII.



Vād l'oiseau n'a appetit de māger, cest pour ce qu'o luy a donné au soir grosse gorge, auquel past l'oiseau s'est trop saoulé, ou qu'il est ord dedans le corps. Baille luy vn coulomb, & luy laisse tuer à son plaisir, & boire le sang, apres ne luy en donne qu'vne cuisse, ou autant qu'elle monte: & si l'oiseau ne vouloit tirer ladite chair, donne luy taillee en petis morceaux sucree, ou arousee d'huile d'oline, ou d'amādes, & ce peu à peu luy continue iusques à ce qu'il soit guaray. Ou luy donne vn passerat, trempé en vin, ou arousee de miel, ou pouldroyé de pouldre de mastic, ou luy donne deuers le matin vne pillule de celles qu'on nomme pillules communes, & le tiens enchapperonné au Soleil, ou aupres du feu, & le laisse vomir tant qu'il voudra. Quand il aura vsé trois ou quatre iours desdites pillules, & qu'il aura appetis, donne luy trois ou quatre iours limure de fer sur la chair de son past.

Pour oiseau maigre mettre sus, & le signe de meigreux, ou de maladie

CHAP. XXXIIII.

Le oiseau on cognoist la meigreux, ou maladie, quand son esmont n'est ne blanc ne noir, mais est messé comme gris. Pour le mettre sus, donne luy chair de mouton, souris, & rats, à petites gorgees, ou fais bouillir en pot neuf vne pinte d'eau, vne cuilleree de miel, & trois de beurre frais, & en past ton oiseau à petite gorgee deux fois le iour. Ou prens cinq ou six limaçons qu'on treuve aux vignes, ou aux herbes, ou au fenail, trépe les en lait, vne nuit, en vn pot couuert, qu'ils ne s'en faillent: le lendemain au

PREMIERE PARTIE

matin romps les coquilles, laue les limaçons de lait frais, & apres les effuye, & les donne à l'oiseau, puis mets l'oiseau au Soleil, ou apres du feu, iusques à ce qu'il ait esmeuti quatre ou cinq fois, & s'il endure bien la chaleur, elle luy est bonne. Apres midy soit pu de bon past, & à petite gorge, & le mets en lieu chaut & sec. Au soir quand aura passé sa gorge, donne luy clous de girofle, comme il est escrit au chapitre xxvii. quand l'oiseau n'enduit bien sa gorge, pour la luy faire enduire ou rendre. Aucuns luy donnent à manger petits oiseaux de bray, hachez & mouillez en lait de Cheure, en le paissant trois ou quatre fois le iour, & ne luy en baille à la fois qu'un peu. Ou prenez limaçons rouges, qui soient bruslez, & en faites pouldre, qui soit mise en petite quantité sur sa chair

De porter & contregarder l'oiseau, & luy accoustumer les chiens

CHAP. XXXV.

LE porter d'oiseau sur le poing dextre, & meilleur & plus seur pour l'oiseau, que sur le fenestre, pour ce qu'il est plus agilement ietté pour voller partant de la main dextre, & en est plus leger & soudain, & en montant & descendant du cheual, l'oiseau est plus seurement sur la dextre que sur la fenestre, & le mue souuent en diuerses mains, afin qu'il l'asseure. Quand il se debattra & volatillera sur le poing, remets le agilement & paisiblement, afin qu'il accoustume de te cognoistre & aymer. Quand tu luy osteras son chapperon, ne regarde point la face, qu'il n'en prene mauuaise accoustumance. Contre garde l'oiseau quand passeras les portes, & approcheras des murs, afin que s'il se debaroit, qu'il ne se gatast, ou ses pennes, & le garde de fumee & de pouldre. Accoustume-le à ne fuir les chiens, mais à les suiure, & qu'il les ait deuant & au tour de luy quand il paistra, & l'accoustume à iouyr & veoir tout ce qui est de chasse.

Quand l'oiseau ne soustient bien ses ailes, la cause & le remede.

CHAP. XXXVI.



Ote, que quand l'oiseau ne soustient bien ses ailles, c'est pour ce que quand il est nouvellement mis sur le poing, ou sur la perche, il n'est gardé de se debatre, & de se chauffer: parquoy se refroidit, & ne peut bonnement soustener ses ailles. Lors lie l'oiseau de l'eau, & qu'il soit contraint d'entrer en ladite eau, afin que par se debatre sur ladite eau, il retire & redresse ses ailles. Apres mets-le au Soleil, ou aupres du feu, & le tiens chaudement, qu'il ne se refroidisse, ou pisse trois iours sur les ailles de l'oiseau, & il les soustiendra bien.

Pour bien faire l'oiseau au leurre, & pour le bien faire voller au gibbier.

CHAP. XXXVII.



Ote, que pour bien faire l'oiseau au leurre, il ne le faut point deffiler iusques à ce qu'il reuiendra bien sur le poing, & qu'il y mange bien, lors deslie-le sur le soir, afin qu'il ne s'en fuie, & luy souffle vn peu de vin aux yeux. Et quand tu t'iras coucher, mets le pres de toy, sur vn treteau, ou autrement, seurement, avec chädelle allumée assez pres de luy, puis deuant iour soit enchapperonné, & mis sur le poing. Et le traictes ainsi iusques à ce qu'il soit bien leurré, & asseuré des gens. Apprens le à descendre à terre sur la proye, & à oster paisiblement ses ongles de sa proye, afin qu'il ne les rompe: de laquelle rompure d'ongle, est cy apres escrit en son chapitre. Garde qu'il n'accoustume en reuenant, cheoir à terre, mais l'accoustume à reuenir sur le poing. En le leurrant, quand il sera remonté, iette le leurre sous les gens, afin qu'en poursuiuant le leurre, il s'accoustume de suiuir, & non pas de fuir les gens, & quand il sera descendu, referre le bien, & luy fais aimer le leurre: car s'il ne reuiet bien au leurre, combien que autrement il soit bon, si ne sera-il rien prisé. Ietter l'oiseau pour voller pres des riuieres, ou pres des lieux ausquels on ne le peur suiure, fait perdre souuent l'oiseau. La premiere proye que luy feras voller, soit Caille, Perdrix: puis Lieure, apres grans oiseaux. Soule-le de marger de ce qu'il aura prins, & principalement de sa grand proye. Pour bien faire voller l'oiseau au gibbier, trois choses sont necessaires, bon maistre, bonne compagnie d'oiseaux bien volans, & bon pays de gibbier.

PREMIERE PARTIE

Pour ongle rompu renouveler.

CHAP. XXXVIII.



Aut si l'ongle del'oiseau est rompu en partie, qu'il soitoint de gresse de Serpent, & il croistra en maniere qu'il s'en pourra ayder comme des autres. Si l'ongle est tout rôpu, & qu'il n'y demeure que le tendron, fais vn doigtier de cuir, & l'employ de gresse de geline, & mets le doits de l'ongle rôpu dedans, & attache seulement du mesme cuir le doigtier à la iambe de l'oiseau, en remuant & rafraichissant le doigtier de deux iours en deux iours, & ainsi le gouerne iusques à ce que ledit tendron soit endurcy. Si par violence de la rompure de l'ongle la chair du doigt seigne, mets dessus poudre de sang de dragon, & estanchera le sang. Si le doigt est enflé, soit engressé de gresse de geline iusques à ce qu'il soit guery: Si le pied ou la iambe luy enfle, fais oignement de gresse de gelin, d'huile rosar, d'huile violat, de therebentine, de poudre d'encens & de mastic, duquel oindras l'enflure iusques à ce qu'il soit guery. De reparer l'ongle descharné, ou qui vient droit & non crochu, est escrit en la seconde partie de ce liure, au tiltre du pied.

Pour faire bien reuenir l'oiseau quand il a vollé, & la cause pourquoy ne reuient.

CHAP. XXXIX.



Aut entendre que si l'oiseau ne veut ou oublie à reuenir, qu'il luy faut ietter vn oiseau: & celui qui luy est le plus agreable, est le Coulomb blanc. A ceste cause, doibs auoir en ta gibbeciere vn Coulomb, ou autre oiseau blanc, pour rappeler ton oiseau quand ne voudre reuenir. La chair de poulle, comme est dit au chapitre du past de l'oiseau, ne luy est pas assez bone. La cause pourquoy l'oiseau ne reuient est, qu'il est peu souuēt tenu & porté, parquoy n'est accoustumé: ou pource qu'il hait son maistre, quand il le traite rudement: ou pour aucune douleur qui luy est suruenue. Le niais n'est pas si fugitif que le mué, car il n'est pas si astut & chaut. Si l'oiseau ne veut reuenir, prens le gros d'une petite febue de gresse du nombril de cheual, de nuit en oingt le bec de l'oiseau, & il aimeras son maistre

& reuiendra à luy facilement : ou trempe en eau toute vne nuit , pou-
dre de reguelice, & en icellè eau coulée, fais tremper chair de Vache
couverte en laifches, de laquelle paistras l'oiseau. La chair de vache,
côme est dict au chapitre du past de l'oiseau, n'est pas bonne pour pas,
mais est pour ceste medecine: ou prens herbe nomée cost, ou selon au-
cuns baume, seche la, & puluerise, & d'icelle pouldre, mettras sur la
chair que mangeras l'oiseau. Si par orgueil ton oiseau ne veut reuenir,
prens du sel rouge, la quantité d'un bien gros pois, & le mets sur
son past, lequel luy fera ietter toute sa superfluité & son orgueil corriger.

Pour faire auoir faim à l'oiseau qui est trop pu, quand on le veut faire voller.

CHAP. XL.

Pour faire auoir faim à l'oiseau qui est trop pu, quand on
le veut faire voller, donne luy au soir en sa cure vne pillule
d'aloës avec ius de choux rouges: ou luy donne trois mor-
ceaux de chair, où il y ait dedans chacun morceau, aussi
gros de sucre qu'un pois, & bien tost apres esmutira
deux ou trois fois, & aura faim.

Pour des-accoustumer l'oiseau de soy percher en arbre,

CHAP. XLI.

Si tu veux des-accoustumer l'oiseau de soy percher en arbre,
laisse le percher en arbre trois ou quatre fois, quand le temps
sera nebuleux, pluuieux, & quand il fera rofee, & par tel eu-
ny craindra de se percher.

Quand l'oiseau n'a volonté de voller, & le remede pour le faire voler.

CHAP. XLII.

Quand l'oiseau n'a volonté de voler, baille luy l'eau pour soy
baigner, & luy laue son past en eau riede, ou luy donne vne
pillule de gresse de lart.

PREMIERE PARTIE

Quand l'oiseau est esgaré, ou on ne peut ouyr ses sonnettes, ce qu'il est de faire.

CHAP. XLIII.



Quand l'oiseau est esgaré, ou on ne peut ouyr ses sonnettes, c'est pour ce que les oiseaux de proyes, par leur astuce portent souuent leur proie és cauernes, ou pres des eaux, parquoy on ne peut ouyr les sonnettes : lors regarde où verras les oiseaux voller, & crier, car là doit estre le tien, qui est cause du cry des autres. Ou si tu ne le vois, ou ne le peux ouir, monte en lieu haut, & mets ton oreille contre terre, & clos l'autre dessus, & oyras lesdits oiseaux. Si c'est en lieu plein & descouuert, mets ton fronc contre terre, en clouant vne oreille, & apres l'autre, & de quelque costé entendras où doibt estre oiseau.

Pour faire l'oiseau hardy à sa proye, & voller grans oiseaux & comme lors doit estre porté.

CHAP. XLIIII.



Pour faire l'oiseau hardy à sa proye, & voller grands oiseaux, trempe en vin pour son paist, duquel luy donneras quand seras au gibbier. Si c'est pour Autour, fais-le tremper en vinaigre, & luy en donne le gros d'une amande : & quand tu le voudras faire voller, donne luy trois morceaux de chair trempée en vin : ou prens vn petit coulomb, & luy ouure le bec, remplissant ledict coulomb de vinaigre, puis fais voller ledict coulomb iusques à ce que le vinaigre entre dedans la chair, de laquelle donneras à ton oiseau quand tu seras au gibbier. Quand il est hardy ne le porte point sur le poing qu'en lieu solitaire.

Pour faire Lanier gruiet.

CHAP. XLV.



Faire vn Lanier gruiet, fais vne cauerne & chambrette obscure soubz terre, & y mets le Lanier, qu'il ne voie point de lumiere, sinon quand le paistras, & ne le tiens point sur le poing que de nuit. Quand voudras qu'il volle, fais feu en sadite cauerne, & quand elle sera chaude oste le feu, & baigne l'oiseau en vin pur, & le mets en icelle cauerne, puis le paist de cerueau de ge-

ne & le meine voller deuant iour, & quand le iour apparoitra, iette le de loing aux Grues, lequel iour il ne prendra riē si n'est d'auēture, mais les autres iours ensuiuans, il sera bon, & principalement depuis la my-Iuillet, iusquas à la my- Octobre, & si sera meilleur apres la mue, que par- auant. En temps froit, comme en huiuer, ne vaut rien.

Quand l'oiseau volle autre proye qu'il ne doit, pour la luy hayr.

CHAP. XLVI.

MAis si l'oiseau volle autre proye qu'il ne doit, comme Coulom, corneille, & autre, pour la luy faire hayr: porte en ta gibbeciere fiel de geline, duquel oingdras la poiētrine de l'oiseau qu'il aura prins de laquelle luy laisseras vn peu manger, car par celle amertume, il haïra, les oiseaux de telle sorte.

Pour muer l'oiseau de proye, en quel temps il mue, & pour le muer, ou sur le poing sans chair, ou en mue avec chair: & comme il doit estre purgé & dispose quand on l'y met du bon past pour luy en la mue, & pour le faire tost & bien muer, & le remede quand il mue mal.

CHAP. XLVII.

N dit que l'Esperuier mue en Mars ou en Aueil, & à muē en Aoult. Le Faucon mue à la my-Feurier. Pour muer l'oiseau sur le poing, qu'il soit mieux assure. & ne craigne les gens, paist-le sur le poing, & luy mue souuent son past, & luy donne de celuy qu'il mangera plus volontiers: porte-le matin & soir: en temps chault, mets-le en chambre fraische où il ait vne perche sur laquelle il puisse voller quand il voudra: s'il se debat là si l'enchapperonne, ou le porte en lieu frais enchapperonné: s'il se debat sur le poing, souffle luy au bec, sous les ailes, & par le corps, il ne se depattra si non tant qu'il commencera à ietter. Quand il iettera bien ses plumes, mets-le en la dicte chambre, & dessous luy vne motte d'herbe verte, & sablon, & luy offriras l'eau chacune sepmaine: & ainsi muera bien, & sera bon. Pour muer l'oiseau sans chair, fais bouillir vn moyeu d'œuf, qu'il soit duret, & le refroidiras en eau froide, puis l'essuieras: quand premierement le donneras à l'oiseau, pour l'accoustumer, tu mixionneras le dict moyen avec le sang de geline, ou d'autre oiseau, & le donneras à l'oiseau. Pour le faire

PREMIERE PARTIE

bien tost muer, mets vn Lefart vert, en vn pot sans eau, & en fais pou-
 dre que tu mettras sur sa chair. La mue de l'oiseau doit estre vne mai-
 sonnette en lieu solitaire, sans poudre, & fumees, & ou les poulles ne
 puissent venir, afin que les pouls ne tombent dedans la mue, qui ga-
 steroient l'oiseau. La mue soit claufe deuant midy, pour le vent chaut
 & pluuieux. Mets dedans la mue sablon, & de trois iours en trois iours
 herbe fraiche, fueilles & branches: & deuant l'oiseau vne tinette
 pleine d'eau pour boire & se baigner. Quand on veut mettre l'oiseau
 en mue, il le faut premierement purger des pouls, & quand on le met
 hors, soit purgé comme est escrit au chapitre, pour purger l'oiseau en
 tout temps. Aguiseluy le bec, & luy oings, plume desoubz le col, &
 sous la queuë paist le sept iours en la mue de petits colombs, avec
 leur sang, puis trois iours de chair trempee en vrine. Il aduient sou-
 uent qu'vn oiseau ne prent pas mue en temps deu, & se mue si tard que
 la saison de voller, aux oiseaux de riuere se passe, auant qu'il soit prest
 de voller, parquoy est bon de le haster, qui veut charner en voller la
 saison d'hyuer. Que si ton Faucon ne iette nul de ses plumes, au mois
 de Iuillet, tu en peux voller tout le mois d'Aoult aux Pies, & aux Per-
 drix: le mois d'Aoult passé, mets le en chambre assez chaude, sus vne
 cloue, ou sus vn plot, à quoy il fera attaché, qui soit si obscur qu'on
 n'y voye goutte, & le garde ainsi, en luy baillant oiseaux vifs à manger,
 iusques à ce qu'il soit gras & en bon point, principalement petis oy-
 seaux de riuere, qui ont longue queuë, qu'on appelle Bergeronnettes,
 pour le moins deux fois la sepmaine, puis baille iour à ton Faucon de
 peu à peu. Pour le faire tost & bien muer, paist le de chair de Henffon
 sans graisse, ou prens des glandes qui sont au col de mouton dessous
 l'aureille, & les hache menu, & luy donne avec son past, & trouue fa-
 çon qu'il les auale, s'il ne les vouloit manger. S'il se met à ietter plu-
 mes, ne luy en donne plus, car il pourroit aussi bien ietter les neufues
 que les vieilles: ou luy donne par trois iours, au lieu des dites glandes
 chair de rats, ou de tauupes, oingte de beurre. Apres donne luy
 vne piece de chair de Serpent. avec la peau, entre la teste & la queuë,
 & trois petites grenoilles. Pour faire bien muer toute espece d'oiseau,
 paist le de chair de petits chiens de lait, trempee au lait de la mulette
 du chien, apres donne luy la mulette couppee en morceaux, car ce
 past luy est naturel. Quand les plumes dudit oiseau commenceront à
 faillir, oings la chair de son past d'huile nommee Sisaminum, car elle
 luy fera les plumes grossettes & molles: & si elles failloient seches, se-
romproient

romproient ou dedans ou dehors la chair de l'oiseau. Ne le mets hors de la muë iusques à ce qu'il aura bien mué toutes ses plumes. Quand les plumes saillent maigres, seches, courtes, ou vieilles, c'est pour ce qu'elles saillent trop tost, & l'oiseau n'a pas gresse suffisante pour les nourrir, lors le nourriras de chair de petits coulombs, & d'autres chairs chaudes. S'il y a aucune penne ou penne mauuaise, qui ne cheent point, ou qu'il saillent mauuaisement, oint les d'huy-le de l'aurier, car elle les fera cheoir, & naistre bonnes. Si lesion aucune suruiennent à l'oiseau estant en la muë, le meilleur est differer toute medecine iusques à ce qu'il sera hors de maladie: car les medecines ordonnées pour sa muë, sont contraire à sa nature.

Quand l'oiseau engendre œuf dedans le ventre, en la muër ou ailleurs, les signes & le remede pour l'en preseruer, ou les luy faire soudre.

C H A P. XLVIII.

SI l'oiseau engendre œufs dedans son ventre, en la muë ou ailleurs, il est malade & en peril de mourir. Les signes quand il engendre œufs sont que le fondement luy enfle, & deuiet roux, les narilles & les yeux luy enflent. Pour l'en preseruer, donne luy depuis le mois de Mars dedans son past del'orpiment, aussi gros qu'un pois, lequel luy refroidira ce desir. Et la chair que luy donneras huit ou dix iours, soit lauée d'eau de vigne, laquelle degoutte quand elle est nouvellement taillée.

Pour oiseau saillant de la muë, gras & orgueilleux, rendre familier, qu'il ne s'ensuye.

C H A P. XLIX.

MAIS quand l'oiseau partant de la mue est gras, & il sent l'air & le vent chault, à donc il se debat & s'eschauffe, pourquoy est en danger de se refroidir, & de mourir, pourtant porte le paisiblement enchapperonné, & hors du chaut. Et pour ce qu'il est gras & orgueilleux, & qu'il s'en pourroit fuir, purge le par pillule de gras de l'art, ordonnée cy dessus, au chapitre 21. Pour purger l'oiseau en tout temps, paist-le de chair de poulmon de mouton, taillée en lopins, & lauee, tant qu'elle perde tout le sang, & la plus part de sa substance; car elle amaigrira l'oiseau. Mets & lie sur la perche de l'oiseau boue grasse. ou engresse la perche, & de nuit lie dessus l'oi-

PREMIERE PARTIE

seau: car pource qu'il gliffiera, il trauuillera, & ne pourra dormir, par quoy il s'ameigrira, & se rendra plus familier. Leurre le bien, qu'il ne s'enfuye: car si l'est trop gras, & n'est bien purgé il s'enfuyra.

*Quand l'oiseau per le manger apres la mue, le remede pour luy donner
appetit de manger. CHAP. L.*

E si l'oiseau pert le manger apres la mue: le remede pour luy donner appetit de manger est, prendre aloes cicotrin en poudre, & ius de choux rouge, tout meslé & mis en boyaux de geline, liez au bout, & luy faire aualler: puis le tient sur le poing iusques à ce qu'il soit purgé, & ne le laisse iusques, apres midy: lors donne luy past vif & bon, & le lendemain de geline: apres baille luy l'eau pour se baigner. Ceste medecine est bonne contre les aiguilles & filandres.

Pour muer le pennage de l'oiseau en blanc.

CHAP. LI.

Vous pouuez muer le pennage de vostre oiseau en blanc, en mouillant premierement sa chair en sang de Mille, les autres disent Milet, par cinq fois. Et quand viendra au tiers iour, muez sa chair en sang de Mille ou Miller, & en donnez à manger à vostre oiseau.

Quand l'oiseau se bat trop à la perche. CHAP. LII.

De peur que l'oiseau ne se debate par trop à la perche, mais se repose, cuisez Myrrhe en eau, & puis luy en lauez tout le corps. Et mouillez aussi sa chair en celle mesme eau, iusques à neuf fois, & luy donnez quand il voudra enduire.

Fin de la premiere partie de Fauconnerie.

La seconde partie de Fauconnerie,

PAR G V I L L A V M E T A R D I E

DV P V Y E N V E L L A Y .

*Contenant les maladies des oiseaux, &
les medecines d'icelles.*



T II

SECONDE PARTIE

En donnant les medecines aux oiseaux on doit considerer la disposition d'iceux, & la qualite du temps pour les bailler. Les signes communs de la maladie en oiseau de proye.

CHAP. I.

Signes de chaleur exterieure en l'oiseau sont, quand il tiert la bouche ouuerte, la langue tremblant, respire soudainement, les yeux luy engrossissent, joint les ailes, les plumes dessus le col descouurent la chair, les penes des ailes grosses, qu'on nomme coutteaux, sont laschenr & penchans. Les signes de froideur exterieure en l'oiseau sont, quand il clost en partie ou du tout les yeux, & leue vn pied, & herisse les plumes. Les signes qu'il est las, ou malade sont, quand il a la bouche close, les ailles abbaistues & respire souuent par les nariles. Le signe qu'il est debile est, quand il s'appuye aucunement sur la perche. Le signe qu'il est mal gouuerné, & qu'il est meigre est, quand il espluche souuent ses plumes. Les signes de mort en l'oiseau sont, quand l'esmont est vert, & quand en saillant il ne peut remonster sur la perche.

Contre rheume au cerueau de l'oiseau, les signes, la cause, & le remede,

CHAP. II.

Les signes pour cognoistre le rheume au cerueau de l'oiseau sont, quand il iette eau des narilles, & a larmes, cōme vne nue aux yeux, & au soir clost vn œil, puis l'autre puis tous deux, & les couure tant qu'il semble à voir qu'il dorme. Ce rheume luy engendre aucunes fois la taye en l'œil, & l'ongle, la pepie en la langue, luy fait enfler le palais, luy engendre le chancre. Quand il semble que le rheume sort par les yeux, ou par les narilles, ou par la bouche, l'oiseau est en danger de mort. La cause dudit rheume est, que l'oiseau est pu de chair grosses, ou mauuaise, à grosse gorge, & plus tost luy vient quand il est meigre, que quand il est bien gras. Et pour ce qu'il ne peut enduire tel past, mais le tient longuement, il deuiet puant, & celle puanteur montant au cerueau del'oiseau, luy clost les aureilles narilles & conduits, tellement que les humeurs ne peuuent vider comme elles ont accoustu-

mé. Le remede est, purger l'oiseau, ainsi qu'il est escrit au chapit. vingt-
vniésme. Pour purger l'oiseau en tout temps: Quand l'oiseau demene
souuent les paupieres par le rheume du cerueau, mets en ses narilles
huile violat, le iour apres donne luy en son past vn peu de sel armoniac,
méslé avec beurre, le tiers iour soufflé en ses narilles vn peu de theria-
cle méslé avec huile violat.

Contre rheume sec au cerueau de l'oiseau, les signes, & le remede.

CHAP. III.

Les signes du rheume sec au cerueau de l'oiseau sont, quand
l'oiseau esternue beaucoup, & rien ne luy sort des narilles.
Pour lequel rhume guerir, faut souffler Obsomogarum a-
vec vin vieil, aux narilles de l'oiseau, & apres mets l'oiseau
au Soleil, ou au pres du feu. Quand l'esternuer luy sera passé, donne
luy chair nerueute, pour le faire traouiller en tirant, afin que par tel la-
beur ledit rheume descende du cerueau aux narilles, & sorte dehors.
Quand l'oiseau a la teste enflée pour ledit rheume, mets luy sous ses
pieds drap de laine mouillé en eau froide, tellement que l'oiseau sente
la froideur. Quand il frotte ses plumes, & se gratte à cause de ceste ma-
ladie, donne luy en son past mauues broyees. Quand il bée souuent
& respire fort pour ledit rheume, prens trois gouttes d'huile de laurier,
& vne once d'huile d'olive, trois moyeux d'œuf, & du cost, autre-
ment nommé baume, méslé tout ensemble, & donne sur le past de
l'oiseau.

*Contre rheume engendré au cerueau de l'oiseau, parfumeé, ou par
pouldre, le signe, & le remede.*

CHAP. IIII.

Le signe de rheume engendré au cerueau de l'oiseau par fu-
mée ou par pouldre est, quand il iette flegme & eau des na-
riles. Le remede, soufle vin vieil aux narilles & face dudir
oiseau, ou bien huile violat meslée avec laict de femme, si le
temps est chaud: ou broye des aux sauages avec vin vieil, & de ce
mouille les narilles de l'oiseau, & qu'il entre dedans, & cela luy fera
ietter le flegme.

SECONDE PARTIE

Contre le haut mal, dt Epilence, les signes, la cause, le remede
& la contagion de celle maladie.

CHAP. V.



N'esprouuee haut mal d'Epilence en ceste maniere, quand loiseau chet soudainement, & gist par quelque tens comme mort, & cela luy vient souvent au main, & au vespre. Il a les yeux clos, les paupieres enflés, l'haleine puante, & s'efforce d'esmutir. La cause de ceste maladie est, chaleur & fumée du foye, laquelle monte au cerueu & le lie & trouble. Le remede est, purger l'oiseau, cōme est escrit en la premiere partie de celiure, au chapitre vingt vniesme. De purger l'oiseau en tout temps. Tu luy donneras dedais peu de chair le gros de deux poix d'aureau alexandrine, puis apres fais pouldre de lentilles rousses & premlimure de fer bien menue, tart d'vn que d'autre, & lie tous les deux en miel, & en fais pillules du gros d'vn poix, desquelles deux ou trois feras aualler à l'oiseau, Apres tien ton oiseau sur le poing au soleil, ou au pres du feu, iusques à ce qu'il ait esmeuty vne fois ou deux, & ne soit pu iusques apres midy, brs donne luy bon pas, & petite gorge. Ou fais pillules de poudre de Garapigre, avec ius d'aluyne, lesquelles donneras à l'oiseau en sa cure. Ou luy donne poudre de gomme, Balsami & Castorei, avec ius de mentastre, autrement nommée herbe contre les puces: soit l'oiseau tenu de iour, en lieu obscur, & l'eau deuant luy, laquelle luy est necessaire, & de nuit soit tenu à la fraischeur & fais ainsi six ou huict iours. Ceste maladie est contagieuse, pource garde qu'autre ne luy touche

Quand l'oiseau dort souuent, pour l'esueiller.

CHAP. VI.

Quand l'oiseau dort souuent, pour l'esueiller, paist-le de queue de mouton, oingte d'huile d'oliue.

Contre oppilation & surdité des oreilles de l'oiseau, le signe, la cause & le remede.

CHAP. VII.

LE signe d'oppilation & surdité des oreilles de l'oïseau est, quand il pose la teste de trauers, & est tout mat. La cause, est le rheume qu'il a en la teste. Le remede est, le purger ainsi qu'il est esrit au chapitre vingt vniésme. De purger l'oïseau en tout temps. Apres pou-droye la chair du past d'iceluy de poiure blanc, icelle chair mise en lesses.

Contre enfleure & viscosité des paupieres de l'oïseau, le signe, la cause, & le remede.

CHAP. VII.

Signe d'enfleure & viscosité des paupieres de l'oïseau est, qu'il a enfleure dessus l'œil, & que les paupieres deuiennent noires. La cause est, le rheume du cerueau, & de celuy peut venir la maladie nommee l'ongle, & pourrant croistre qu'elle creue l'œil à l'oïseau. Le remede est, purger le cerueau de l'oïseau, ainsi qu'il est souuent dit. Quand les paupieres sont si visqueuses, qu'elles se bignent ensemble, laue les de vin vieil, & paist l'oïseau de chair chaude, & puluerise fiante de vache, laquelle souffleras avec vn tuyau aux yeux & narilles de l'oïseau.

Contre enfleure des yeux de l'oïseau les causes & le remede.

CHAP. X.

Enfleure des yeux de l'oïseau vient pour trois causes, ou par ventosité, ou par coup, ou par playe. Si par ventosité les yeux sont enflez, destrampe moustarde en eau, de laquelle oindras l'enfleure. Si par coup les yeux sont enflez, laue le coup d'eau rose, & d'eau de fenail, autant de l'vn que de l'autre. Si par playe les yeux sont enflez, en heurtant quelque espine, ou ailleurs, melle arsenic rouge avec lact de femme

Contre le mal des yeux de l'oïseau.

CHAP. XI.

S E C O N D E P A R T I E



I ton oiseau a mal aux yeux de coup ou de taye, prens vne herbe qui s'appelle Filago, elle croit pres de terre, & est chauue & crespuë de fueilles, & mets le ius d'icelle herbe en l'oeil de ton oiseau.

Comme on guerit l'oiseau de chancre.

C H A P. XI.



Autprendre miel & vin blanc, & faire le tout bouillir ensemble, & apres luy en lauer la boucher, apres l'essuier & mettre dessus la poudre de cerfueil, & il guarira.

Contre la pepie en la langue de l'oiseau.

C H A P. XII.



Epie en la langue de l'oiseau est, quand il esternuë souuent & ce faisant crie. La cause est, la chair mauuaise & orde qu'il a peu. Le remede est, premierement laue la langue & la pepie d'eau rose, mise en cotton lié au bout d'un petit baston, apres oingts luy par trois ou quatre iours la langue d'huile d'oliue, & d'huile d'amendes, meslées ensemble, & la pepie se blanchira & molifiera. Et quand elle sera bien meure, oste la comme on fait aux gelines. Apres oingts la langue de l'oiseau trois ou quatre fois le iour, desdites huiles iusques à ce qu'elle soit guerie.

Contre flegme engendré au gosier de l'oiseau, le signe, & le remede.

C H A P. XIII.



Le signe de flegme engendré au gosier de l'oiseau est, que tu y verras le flegme gros comme crachat, & ceste maladie engresse l'oiseau, le remede est tel, prens le pois de trois grains de sel armoniac, meslé avec miel, & en frotte le gosier de l'oiseau, & ce à trois heures apres midy. Puis prens reguelice & des penites, sept dragme, tant d'un que d'autre, de paille d'orge quatorze dragmes, & dix liures d'eau: faits tout bouillir, couler & refroidir, iusques à ce que il sera tiede, & le mets deuant l'oiseau, & ne soit pu iusques à neuf heures au sois, apres le paistras d'alle de geline: & si ce ne le guarist, prens
Stafisagre

gibbier ou par eschauffement qu'il a prins par trop roidement voller, ou par se debatre sur la perche, s'est rompu aucunes petites veines du foye, & le sang d'icelles saillant, s'est endurcy & monté pres de la gorge. Il y a deux especes de pātais, l'un est en la gorge, l'autre es reins. Le remede au pātais en la gorge est, premierement soit purgé l'oiseau, comme dit est au chapitre, pour purgér l'oiseau en tout temps. Apres mets-le sans gets & sonnettes dedans chambre nette & claire, les fenestres ouuertes & treillisées tellemēt qu'il n'ē puisse sortir, & que le soleil ou grand air puisse entrer dedans, auquel lieu y ait perches, sur lesquelles il puisse voller, & l'eau deuant luy. Tu le paistras de bōne chair taillee en morceaux, & arrousee d'huile d'amendes douces, ou de lait, & à demie gorge à la fois. Ou luy donne sur sa chair, liment d'acier, mellee en miel ou en poudre de boliarmenic. Et s'il iette moruats durs des narilles, est signe de guarison. La cause du pātais qui est es rains est, pource que l'oiseau a esté fort malade puis guary, puis recheut: parquoy s'engendre es reins vne maladie du gros d'une febue en maniere de chancre, laquelle eschauffe tellemēt l'oiseau qu'il iette son past. Les signes de ce pātais sont, que ce mal ne trauaille point l'oiseau cōtinuellement, cōme l'autre qui est en la gorge, mais de huit iours en huit iours, ou de quinze iours en quinze iours, ou de mois en mois, & l'oiseau remue plus les reins que les espauls. Le remede est, fais bouillir en eau & en pot neuf, racines d'asperges, de fenail, & de capres: puis d'icelles racines fais pouldre sur vne tuille vieille, laquelle y est meilleure que la neufue, & en icelle eau trempe de bonne chair, de laquelle paistras l'oiseau à demy gorge. Et au soir ne la trēperas point, mais mettras dessus de la poudre desdites racines, & cōtinue ainsi par dix ou douze iours. Autres dōnēt à l'oiseau qui a grosse halaine & brute, de la poudre sur sa chair, qui est faite du poumon bruslé d'un Regnard. Si l'oiseau a longuemēt pantilé, & il est meigre, il est incurable.

Contre sang assemblé & figé au ventre de l'oiseau, le remede.

CHAP. XXIX.



I l'oiseau a sang assemblé & figé au ventre, le remede est, mets succe en eau de grenades, & en eau de soulfre, & y trēpe vn morceau de chair, lequel donneras à l'oiseau, & quand il l'aura digéré, parfais son past. Ou mets en eau poudre d'Asa-fetida, & des racines de Capres, & quand l'eau sera reposesee, trempe y morceaux de chair, desquels paistras l'oiseau.

SECONDE PARTIE

Contre filandres dedans le corps de l'oiseau, les signes, la cause & le remede.

CHAP. XXX.

Des Filandres qui sont en la gorge, & que c'est que filandres, & des signes pour les cognoistre, est escrit au chapitre treiziesme, & icy est escrit des Filandres qui sont dedans le corps de l'oiseau. Les signes pour les cognoistre quand elles y s'ont, quand l'oiseau se plaint de nuit, & crie crac crac, & quand tu le portes au matin, il estraint ton poing, ce qu'il ne faisoit parauant, & fait semblant de se coucher sur le poing, qui est le signe de grande vexation que luy font les Filandres, & est lors en danger de mort, il plume son ventre, & en sa cure apparroissent & se montrent vers, ou chair rouge, qui est le ver. Et aussi vous le scaurez esmues, qui sont pleines d'une maniere de filets de chair longue, qui luy pendent quelquefois au fondement. La cause des Filandres est, le debattre qu'il fait contre sa proye, ou autrement & se rompt quelque veine dedans le corps, par laquelle le sang se respand par les entrailles, & se caille & seche, duquel s'engendrent lesdictes Filandres, lesquelles pour fuyr la puanteur dudit sang, cherchent lieu net par le corps, & montent aux entrailles & au coeur de l'oiseau. Le remede pour les faire mourir est, fais poudre de lécilles des plus rouffes, & en icelle mesle moins de poudre de vers, & les lie en miel & en fais emplastre, apres plume le ventre de l'oiseau, & y mets ledit emplastre. Puis fais ius d'herbe de ruë, & de faeilles de pescher, avec lequel mesle pouldre de vers, & en fais emplastre, & le mets sur les reins de l'oiseau, lesquels reins plumeras parauant, & renouuelleras l'emplastre par cinq ou six iours. Apres mets dedans vn boiau de geline, du thiriacle, poudre d'aloës, & pouldre de vers, & lie le boiau aux deux bouts, & le fais aualler à l'oiseau, & trempe la chair de son past en ius fait d'herbe verte de froument. Ou bien prens vn franc Pinpenel, escorche-le, & le coupe au dessous du nombril, & prens la partie vers la queuë, & la mouille en vin blanc quand tu luy donneras en mangeant sa premiere viande, & ce par trois ou quatre fois.

Contre aiguilles, autrement nommées lumbriques, qui sont plus petits vers que Filandres: & contre Vers qui sont dedans le corps de l'oiseau, les signes, la cause, & le remede.



N dit que les signes des aiguilles, autrement lumbriques, sont tels que ceux des filandres, joint que l'oiseau qui a aiguilles plume souuent son brayeul, & s'escout cessus le leurre. La cause est, celle mesmes est des filandres. Le remede est, il faut que tu prenne poudre de Stafisagre, & poudre d'alces cicotrin meslez ensemble, le gros d'une petite noisette, mis en cuir de geline, & le fais aualler à l'oiseau, puis luy donne le gros d'une feve de la chair de mouton ou de pouffin, apres mets l'oiseau au Soleil ou aupres du feu, & ne soit pû iusques apres midy, à demie gorge. Continuë luy icelle poudre trois ou quatre iours, & garde que l'oiseau a quitu donneras ceste medecine ne soit meigre, car il ne l'a pourroit endurer: ou faits pillules du gros d'une noisette, de poudre de corne de Cerf, & de poudre de vers, liee en thiriacle, desquelles donneras à l'oiseau cinq ou six iours vne enuolpee en peau de geline, ou en peau de bonne chair, & apres bien tost soit l'oiseau pû d'une gorge, ou de paist de chair de porc poudroyee de limeure de fer, ou de chair de pouffin trempee en ius de mente, avec vinaigre. On cognoist le Faucon auoir vers au corps, quand il fait tout vn iour esmeut vert & iaune, & tremble trois ou quatre fois l'une apres l'autre, sans trop croller le corps en regardant tousiours à terre. Pour le guarir, prens aussi gros d'aloës qu'un pois, broyé en vne escuelle, puis soit destrempé d'eau claire, tiede, pleine vne coquille de noix, & le verse dans la gorge de l'oiseau malade, au matin à ieun. Et long temps apres donne luy vne cuisse de ieune geline trempee en eau & sucre: car le sucre oste l'amer de la gorge. L'autre iour apres, donne luy vne cuisse de poulle trempee en vin de pommes de grenades. Puis luy donne à manger, par trois iours, la chair de ieunes Couloombs, & il guarira.

Contre apostume dans le corps de l'oiseau, les signes, la cause, & remede.



Ote que les signes que l'oiseau a apostumé dedans le corps sont tels, quand ses narilles s'estoupent, & le cœur luy debat. La cause est, le debat qu'il fait à la perche fort & souuent, ou les coups qu'il prend à sa proye ou ailleurs & s'eschauffe, & apres se refroidist, & de ce s'engendre apostume. Le remede est, lasche fort le ventre de l'oiseau par paist de chair de Vache, trempee en eau emmiellee. Apres duit.

SECONDE PARTIE

Abstinence en eau, en laquelle mesle miel & cendre d'orge, & de ces choses assemblees faits Trociscques, qui sont comme morceaux plats, desquels paistras l'oiseau trois iours, & il iettera l'apostume. Ou prens ius de fueilles de choux, meslez avec le blanc d'un œuf, & mis en un boyau de geline, lié aux deux bouts, & le donne au matin à l'oiseau. Et apres soit mis au Soleil, ou aupres du feu, & ne soit pû iuques apres midy, & de poullaille ou mouton. Le lendemain, brusle à feu clair rosmarin, & en fais poudre, de laquelle mets sur le past de l'oiseau, & continuë cela par quinze iours, puis d'un, puis d'autre, & letiens chaudement, en luy baillant moyenne gorge, & de bon past vif

*Contre le mal subtil, qui est quand l'oiseau est tousiours affamé
les signes, la cause & le remede.*

CHAP. XXIII.

NOte que les signes du mal subtil sont, quand l'oiseau est tousiours affamé, combien que tu luy donnes souuent à manger, toutesfois si est-il tousiours affamé, & plus mange & plus veut manger, & esmutist souuent, & plus qu'il n'a accoustumé. La cause est, qu'il est fort meigre, & tu le veulx mettre sus prestement, & le cuides faire gras par grosses gorges que luy donnes, par lesquelles il estaint la chaleur de la digestion. Le remede est, prens un cœur de mouton, mis en trois parties, & le trempes une nuit en lait, duquel trois fois le iour, au matin, apres midy, & au Vespres, paistras l'oiseau. Et continuë cinq ou six iours, ou iusques à ce qu'il amende & esmutisse comme il doit. Apres soit pû quatre iours deux fois le iour, & de bon past, arrousé d'huile d'amendes douces.

*Contre chaleur grande dedans le corps de l'oiseau, pour celle
refroidir, les signes, & le remede.*

CHAP. XXIV.

DE LA FAVCONNERIE.

83

POurcognoistre les signes des grandes chaleurs qui sont dedans le corps de l'oiseau, faut regarder quand il a la bouche ouverte, & respire souuent leue les ailes, & les ventile, & semblent que ses yeux faillent dehors de la teste, joint ses plumes, & entre-ouure les pennes qu'il herissonne, & met les plumes dessus la teste, le col luy ameigrise, & a le courage remis. Le remede est, mets l'oiseau en lieu frais, & mets succe, & vn peu de canfore en eau rose, de laquelle tu luy arrouseras la teste, & souffle en ses narilles vn peu d'huile viola: mise en eau fraische, & le paist de chair trempee en eau succee.

Contre fièvre, le signe, & le remede.

CHAP. XXXV.

EAut cognoistre que l'oiseau a la fièvre quand il a les pieds chauds. Le remede est, trempe en vinaigre gresse de geline, & aloes, & luy fais aualler, & luy oingts les pieds de musc, melé avec gresse de geline.

Contre ventosité engendree au corps de l'oiseau, les signes & le remede.

CHAP. XXXVI.

ET les signes de ventosité engendree au corps de l'oiseau sont, qu'il baisse & espluche son dos, luy estant sur la perche, & quand il met au bec son paist. Le remede est, purger l'oiseau, ainsi qu'il est escrit au chapitre, pour purger l'oiseau en toustéps. Apres prens vn poulmon d'aigneau, coupe-le en morceaux, & le cuis en beurre, iusques à ce que la saueur du poulmon soit incorporee avec le beurre, & d'iceluy beurre luy donneras au matin sur son paist, autant qu'il enduira bien: à midy luy donneras pouldre de senence de Lusquiami, avec bonne chair, & luy presenteras l'eau pour boire, le lendemain le paistras d'entrailles, du poulmon & du sang de Coulomb ieune. Quand son ventre gargoüille par ventosité, donne luy paist d'ail sauuage, & le mets à la perche.

Contre la pierre, autrement nommee craye, & les signes la cause, & le remede.

CHAP. XXXVII.

X iij

SECONDE PARTIE

E Aut que tu entendes que les signes de la pierre, autrement nommee craye, sont, que l'oiseau a les yeux & les pieds enfléz, clost l'œil, & le frotte du haut de son aile, & les deux veines qui sont entre les yeux luy pouffent fort. Il a les narilles estouppees, & leuë la queuë deux ou trois fois deuant qu'il puisse esmutir. Quand il esmutit, il fait son comme petis pets, son esmont est mol, comme eau trouble, & aucunes fois visqueux comme chaux endurcie. Il a l'orifice du fondemēt cōstipé, & luy deult, à ceste cause il esfriche avec le bec, tant qu'il en fait saillir sang, & l'escorche, & sort vn peu hors, & les plumes de son brayeul, & son esmont sont ords. La cause est, & indigestion & ventosité. Le remede est, purger l'oiseau, comme il est escrit au chapitre: Pour purger l'oiseau en tout temps. Apres donne luy du blanc d'œuf dedans son past par trois iours, l'vn iour tré-pé en vin, & l'autre iour en miel, ou trempe son past en ius de racines d'orties griesches. Quand l'oiseau a le fondement constipé, oingts ledit lieu d'huile du dedans de noyaux de pesches: quand l'oiseau s'efforce d'esmutir, & le bout du boyau luy sort dehors, alors prens avec deux doigts ledit boyau, & oingts le bout d'huile rosat. Apres paists-le de chair de porc avec son sang, ou l'oingts d'huile de noix: ou luy donne trois iours son past de cœur de porc, semé de foyes menuës couppees dudit porc: ou bien prens fiel de petit porc, de trois sepmaines ou enuiron & le fais aualler à l'oiseau, sans rompre, & garde qu'il n'iet rien, apres donne luy aussi gros qu'vne feve de chair du cœur, & apres le laisse ieufner iusques au Vespres, & puis le mets au Soleil, ou aupres du feu, & continuë ceste medecine selon la force de l'oiseau, deux ou trois fois. Au soir soit pû de chair de mouton ou de poullaille, & le lendemain soit trempé son past en lait sucché, Et ainsi soit pû trois iours, & a petite gorge.

Contre l'enfleure de cuisse ou de iambe, la cause & le remede.

CHAP. XXXVIII.

P Our sçauoir la cause de l'enfleure de cuisse ou de iâbeen l'oiseau, la raison est, pour le travail qu'il a prins au gibier, ou par frapper la proye, par lequel l'oiseau s'est eschauffé, & apres refroidy & les humeurs luy sont descenduës. Le remede est, purge l'oiseau par les pillules du gras de lard, ordonnees au chapitre, Pour purger l'oiseau en tout temps. Puis apres faits bien cuire dix ou douze œufs, avec l'escaille, & quand ils seront refroidis, oste les de l'es-

caille, & en prens les moyeux tant seulement, lesquels rompus dedans vne poisse, mettras deuant feu clair, & les remueras sans reposer, & quand ils deuiendront noirs, & cuidras qu'ils soient gastez, fais les bouillir avec vn peu d'huile d'oliue, & les assemble & presse tant que ils rendent l'huile, duquel huile, ce qu'en pourras auoir, mettras dans vn verre bien couuert. Quand tu voudras vser dudit huile, prens en dix gouttes, & y mets trois goattes d'eau rose, & autant de vinaigre, & premier oingts d'vn peu d'eau ladite enflure, apres vse d'icelle huile appareillée comme dit est. Et continue iusques à ce que l'oiseau soit guarý. De rabiller os hors de son lieu, ou rompu, est écrit au tiltre du corps.

Contre Filandres és cuisses, le signe, la cause, & le remede.

CHAP. XXXIX.



Le signe que l'oiseau a filandres és cuisses est, qu'il les plume souuent. La cause est, le debarre qu'il a fait à la perche, ou sur le poing, par lequel il s'est rompu quelque vaine des cuisses, ainsi qu'il est escrit au chapitre des filandres dedans le corps. Le remede est, curer l'oiseau, cōme est escrit audit chapitre. Et du ius de ruë, & des autres herbes là escrites, avec poudre de vers, lauer les cuisses de l'oiseau, & le marc d'icelles mettre dessus.

Contre enflure des pieds, la cause & le remede.

CHAP. XL.



Olontiers les pieds s'enflent par froidure, parce que l'oiseau s'elchauffe à battre sa proye, puis se refroidist par faute de luy mettre drap sous les pieds, ou pource qu'il est ord dedans, & les humeurs descendent sur les pieds, & plus au Gerfaut qu'à autre oiseau, car il est pesant, & a les pieds gras. Le remede est, le purger, comme est dit au chapitre. Pour purger l'oiseau en tout temps. Apres prens poudre de boliarmenic, & la moitié moins de pouldre de sang de dragon, meslees ensemble, & liées d'vn blanc d'œuf, & de ce oingts deux fois le iour, 3. ou 4. iours ensuiuans ladite enflure, & mets dessous les pieds de l'oiseau drap pour les tenir chauds, apres fais oignement de graisse de geline, huile rosat, cire neufue, pouldre d'encens, & boliarmenic, duquel oignement feras comme dessus est dit. Si les pieds luy enflent, & ne se peut soustenir, par grand sejour &

S E C O N D E P A R T I E

faute d'exercitation, oingts lefdits pieds de l'oiseau de beurre de vache & mesle en iceluy vn peu de pouldre de Galbane, apres le lie vn iour & vne nuit. Et si les pieds & iambes luy enflent, & il y apparoisse quelque accroissement de chair, la cause est, les gefts qui luy sont trop durs, & le serrent trop, ou c'est par cheoir trop roidement sur sa proye. Le remede est, fais poudre d'encens masle, de litarge, de verre Alexandrin, & de Colcotar, qui est matiere minerale, autant d'vn que d'autre, meslez en blanc d'œuf. Apres laue lefdits lieux de l'oiseau, & emplastre dessus ce que dit est, & mets sous les pieds dudit oiseau drap mouïllé en eau froide, & tiens le ainsi iusques à ce qu'il soit guarý.

Contre cloux és pieds de l'oiseau, le remede est de le guarir d'une fontaine qu'il aura au pied. C H A P. X L I.

LE remede contre cloux és pieds del'oiseau est, oindre lefdits pieds & cloux dudit oiseau, comme est escrit au chapitre, contre vessie enflée en la plante de l'oiseau. Apres le hieras sur vne pierre de chaux, & deux fois le iour arrouseras d'eau ladite pierre. Et s'il a vne fontaine au pied, prens du rosmarin, du plus vieil, non pas de la feuille, & le fais ardoir, puis prens la cendre, & de l'oignement de blanc razis, huile rosar, & greffe de geline, meslez ensemble, & fais le tout bouïllir en vn pot, & de ce laue le pied de ton oiseau, & il guarira.

Contre podagre, autrement nommee cloux ou galles, les signes, la cause, & le remede.
C H A P. X L I I.

MAis pour bien cognoistre les signes de podagre, ou autrement nommee cloux ou galles que les oyseaux ont és pieds. Tu les cognoistras facilement quand lefdits pieds enflent dessous, & ne se peuuent soustenir sur eux, mais s'appuyent sur leur poitrine. La cause est, l'enflure des iambes & des pieds, & humeurs du corps sur les pieds descendans. Le remede est, purger l'oiseau, cōme il est escrit au chapitre. Pour purger l'oiseau en tout temps. Apres prens alun, mastic, encens, broyez ensemble: puis fonds miel, cire neuue, therebentine, sang de castor, greffe de geline, & y mets vinaigre fort: de ces choses meslees, fonduës & passees, fais oignement, lequel bien clos, durera en sa vertu deux ans: d'iceluy oindra

oingdras les pieds, la perche, & le gand del'oiseau, & en mettras emplastre dessus la maladie. Tu passeras les doigts del'oiseau dedäs trous faits en l'emplastre, lequel apres lieras bien sur le pied del'oiseau, tellement qu'il ne le puisse deslier: renouuellät l'emplastres de trois iours en trois iours. Cest oignement luy fera sortir hors la podagre: & si le cuir des pieds estoit si dur qu'il ne püst creuer, perce-le tellement que l'ordure puisse sortir. Apres, pour rapaiser la douleur, mets dessus emplastre d'oignement, nomm e diaculum, & s'il a chair morte, mets dessus vn peu de verdegris.

Quand les ongles se descharnent, ou viennent droits, & non crochus, le remede.

CHAP. XLIII.

Quand les ongles se descharnent, & sont en peril de cheoir, remets les doucement en leur lieu: apres puluerise-les de bou e de fer qui sont les esclats du fer quand on le forge. Et lie l'oiseau sept ou huit iours, iusques   ce qu'autres ongles faillent. Ou prens arsenie, & mirrhe, tant d'vn que d'autre, meslez avec blanc d'œufs & vinaigre, & oingts les pieds & ongles del'oiseau, & le lie. Quand les ongles faillent droicts, & non crochus, mets en eau d'alo es, & de la vesse sauuage, & grand polieu: & d'icelles oingt les pieds del'oiseau. De rompure d'ongle, est escrit en la premiere partie de ce liure.

Quand l'oiseau ronge ou gaste ses pieds, la cause, & le remede.

CHAP. XXIV.

Quand l'oiseau gaste ou ronge ses pieds, la cause est vne maniere de fourmiere qui les gaste, & ceux des Esmerillons plus souuent que des autres. Le remede est, bats ensemble poudre d'alo es, & fiel de bœuf, & de celuy oingts les pieds deux ou trois fois le iour cinq ou six iours: ou fais secher au feu sur vne tuile, fiante de pourceau, & en fais poudre: apres laues les pieds de l'oiseau de fort vinaigre, puis mets dessus beaucoup de ladite poudre, deux fois le iour, iusques   ce que l'oiseau soit guarry. Et afin

SECONDE PARTIE DE LA FAVCON.

qu'il ne puisse toucher de son bec à ses pieds, perce vne demie feuille de papier, & la mets au col del'oiseau en pendant deuant.

Contre vessie enflée en la plante de l'oiseau, le remede.

CHAP. XLV.



Our mal de vessie enflée en la plante de l'oiseau, oste ses gets & le mets en spacieuse châtre, iusques à ce que ladite vessie soit sechees: car si tu le portes au gibbier, elle croistra, creuera, & leignera, & luy fera enfler les pieds.

Fin du liure de Fauconnerie.



L A

Fauconnerie de Messire Arthelou-
che de Alagona, Seigneur de
Maraueques, Conseiller &
Chambellan du Roy de
Sicile.

Y U



Falconnerie
che de
Mansueq
Chambel



Ombien que nul n'ignore que l'antiquité n'ait eu cela de peculier pour la Noblesse, que d'adresser les enfans des bonnes maisons à la chasse, tant pour leur donner cœur, & accoustumer aux dangers, comme aussi pour les renforcer, & rendre plus usitez au travail, & leur oster ceste delicatesse qui suit les grans maisons: veu qu'à la suite des bestes les ruses de guerre y sont obseruees: car on dresse vn escadron d'abbayeurs, les Chiens courans sont aux flancs pour suivre l'ennemy, & l'homme à cheual sert de luy donner la chasse lors qu'il se prent à brosser, les trompes n'y manquans pour sonner le mot, & donner cœur aux chiens qui sont en deuoir: si bien qu'il semble que ce soit vn cāp de bataille dressé pour le plaisir de ceste ieunesse. Si est-ce que de la chasse sont procedez de grands mal'heurs. Meleager en perdit la vie, pour la victoire rapportée sur le Sanglier de Callidoine. Le bel Adonis fut tué par vn Sanglier. Acteon fut deuoré de ses propres chiens. Cephale y tua sa chere Prochris. & Acaste en fust interdict, ayās occis le fils du Roy qui luy auoit esté donné en charge, comme fut Brutus pour auoir tué son pere Syluius par mesgarde. Vn Empereur fut occis par la beste qu'il poursuiuoit. Vn Roy en courant à la chasse se cassa le col en tombant de cheual. Que qui craindra ces dangereux effectz qu'il s'adonne à la vollerie, où il trouuera sans doute plus grand plaisir.

*Table de la Fauconnerie de Messire
Arthelouche d'Alagona.*

ET PREMIEREMENT.

D E l'election de l'Espreuier, Fueil- 88. a	Pour le mal de la pierre, 96. a
De l'election des Austours, mesmes fueil. b	Des vers, & des filandre, mes. fueil. b
De l'election du Faucon Pelerin, là mes- me	De la podagre, & sa medecine, 97. a
Du Faucon Saffir, & des autres, 89. a	De la goutte des reins, mes. fueil. b
Pour faire essimer Esperuiers, Austours ou Tiercelets, mesme fueil. b	Des coucnssions de dedans le corps. mesme.
Pour faire vn oyseau a la guise de Lom- bardie. 90. a	Quand l'oiseau iette sa viande. 98. a
Pour essimer & faire Faucons, mesmes fueil.	Des ventositez, & la medecine mesme fueil, b
Pour oiseler toutes maniere d'oiseaux. 92. a	Infirmitez du foye, & la medecine, là mesme.
Pour tenir les oiseaux sains, & en bon estar, mesme fueil. d	De la Tignolle, & sa medecine, 99. a
Pour cognoistre la santé de tous oiseaux, 93. a	Des playes de l'oiseau, mes. fueil.
Les signes des infirmittez, mesme fueil.	De la complexion des Faucons, & com- mēt ils se doiuent medeciner, là mes. b
Des nocumens de la vertu, là mesme. b	Des cauteres. 100. a
Des maladies de la superfluité. 94. a	Des chairs bonnes pour les oiseaux mes. fueil. b
Pour cognoistre la maladie & la santé par l'esmur, & la cure, mesme fueil.	Des chairs restauratiues, & laxatiues, mesme fueil.
Pour les catetres medecine, 94. b	Chairs defendues, mes. fueil
Les signes d'Espileste, & la medecine, 95. a	Des choses qui font auoir faim. mesme fueil.
Du mal de la bouche, & de la medeci- ne, mesme fueil. b	Des medecines laxatiues, & de leurs dozes, mesme fueil.
De l'ama ou pantail, & la medecine, là mesme,	Des choses cordiales & confortatiues 101. a
	Des choses qui font muer, mesme fueil.
	Pour faire le lardon, là mesme. b
	Pour oster le poulx aux oiseaux. mesme fueil.

Fin de la Table.

FAVCONNERIE DE MESSIRE

Arthelouche Alagona.

De l'election del'Espreuier.



ESPERVIER né en bois, en lieu sec & le nid bas, est fort hardy & doit auoir aucunes taches noires ou rousses pour son plumage: ceux qui s'ot nez en lieu de marez, ou autre lieu fangeux & humide, tirant sur couleur fauve, sont plus forts & plus grās: mais que ce soit en pays froid. Si c'est en pays chaut, ils sont plus foibles & plus petits: combien que de toutes conditions s'en trouue de bons. Et

selon Armodeus, les oiseaux noirs sont de plus forte complexion que les autres. Les Florentins disent que les Espreuier qui ont la croix sur les doigts, specialement sur la serre du milieu, en ceste forme X sont les meilleurs pour estre auantageux & bons.

L'Espreuier qui a treize penes en la queue, & sur le iaune du bec a vne tache noire, comme vn grain de poiure, sont deux signe pour estre bons. L'esperuier pesant est vn tres bon signe, selon Armodeus. Selon les Florentins, l'Espreuier qui a la couuerte noire, & pennage de trauers roux, & la maille noire & blanche entremeslee & brayer ner, est des meilleurs qui se trouuent, & sont appelez blancs noirs. Les Espreuier roux sont bons apres les dessusdits, selon Pline. Les Esperuier blancs, & fauves, sont bons apres les roux, & sont gracieux & paisibles. Les Esperuier blancs-roux sont bōs apres les blancs fauves, quelle que la couuerte soit: mais qu'ils aient la maille trauersee noire, & la teste noire, tirāt sur le roux, & le brayer soit blanc & roux. Les Esperuier roux noirs s'ot apres ceux qui ont les signes du blanc-roux, excepté qu'ils ont le brayer obscur. Les Esperuier avec deux plumages,

FAVCONNERIE

c'est assç uoir, de deux couleurs, & non de maille, sont les plus meschans. L'espreuier qui a le collong & estendu, est tenu pour lasche volleur, de quelque plumage qu'il soit. L'espreuier qui a le col court & non trop & a la teste platte, & bien proportionné de ses membres à l'auenant du corps, est tenu pour grand volleur,

Electio des Autours.

Autours ou Tiercelets, nez en region chaude, ont peu de sang, le peu de sang les fait estre couïars: car l'abondance du sang est ce qui leur donne hardiesse. Ceux qui naissent en region froide & humide, sont hardis. Ceux qui naissent en region attrempee, sans estre trop chaude ne trop froide par raison de la nature du lieu en quoy ils sont participans, sont attrempez entre hardiesse & couardise. Et pour les meilleurs Autours & Tiercelets, ce sont ceux qui naissent en region froide, dont les signes sont tels: ils ont la langue & le bec communement noirastres, la teste longue & gresse en la sime du palais, le bec long & gros, le col long & gresse, les espales larges la poictrine ronde, & le siege large, la queuë moyenne, les jambes grosses & courtes, les pieds gros, & grandes serres, & bien ongles.

Electio du Faucon Pelerin.

LE Faucon Pelerin esmutist deffous le poing, & le Gentil fait le contraire. Le Pelerin se cognoist à la muë, car il se mue en Aoust, & le Gentil commence dès Mars, ou plustost. Le Pelerin est plus plain sur les espales, que les autres Faucons, de petites plumes bordées de roufleur, ou de iaune, ou d'autre couleur selon sa couerture: & a grands yeux & grands pieds, fort fendus & bien ongles. Le Pelerin a les yeux enfoncez & le bec gros: & a le dedans des cuisses blanc, & les pieds & le bec de couleur verte plumbee.

Du Faucon Saffir, & des autres Faucons.

Selon aucuns Fauconniers, le Faucon Saffir se cognoist à ce qu'il a les couteaux plus longs que la queue, & a les signes semblans au Pelerin, sinon qu'il est plus petit, comme le Gentil est meilleur que le Pelerin. Il y a vn autre sorte de Faucons, beaux de corps, mais il sont petits: lesquels ont la teste plus grosse que les autres Faucons, & ont les signes de Gentils. Ce sont les plus nobles oiseaux du monde, & sont appelez Zechart. Entre le Gerfaut & le Faucon n'a autre difference fors que le Gerfaut monte plus tost, pource qu'il môte par poinctes. Les Lasniers qui ont la gerlande blanche entour le col, sont les plus courtois oiseaux qui soient de leur generation. Et selon mō opinion, ils sont meilleurs pour Perdrix que Sacres, pource qu'ils endurent plus de peine & de travail que nuls autres oiseaux. Et se peuuent reclaimer au poing & arrester en toutes manieres & en tout lieux, soit la branche seche ou verde mais contre vent, les Sacres sont plus forts pour resister. Que si vn Vilain, de quelque condition qu'il soit, se trouue bon, il est meilleur que les autres. Selon aucuns, les Sacres sont nōmez oiseaux massés pource qu'ils peuuent souffrir plus de peine & de travail que ne font les autres, & font meilleure digestion de grosse viandes. Ils sont tres excellens pour la Grue, Bistars, & prennent les garfortes de leurs propre nature. Ils sont bons pour les champs & pour riuere: & sont des plus nobles Faucons du monde en bonté, de quelque nation qu'ils soient & de meilleure disposition. Et si vous trouuez vn Sacre qui ayt les plumes souëfues, & les doigtgs gros, tirans à couleur perse, la langue noire, & le col rouge, ou roux, ou soit iaune à couleur viue, ou gris, combien qu'il s'en treuue peu, il n'en est point de meilleurs. Les Faucons noirs sont tenus pour les plus vaillans oiseaux qui soient, & les plus blancs sont les plus paisibles, & qui moins vont à l'arbre. Quand à la beauté des oiseaux, les Esperuiers, Autours, Tiercelets, & Faucons doiuent estre blancs tannez, tirans à rouffeur de poullaille: & doiuent estre grans & longs, & de gros plumage, bien net, & bien formé, la queue grosse & courte, gros bec, large narilles, petite teste & platte, les yeux enfoncez, le collong & subtil, gros estomac, larges espaulles, & larges reins, courtes iambes, & longue serres, & bien fendues, les ongles deliez & aguz. Et si vous trouuez oiseau brun qui soit d'icelle forme, achetez-le autant que le blanc. Neantmoins que de tous

FAVCONNERIE

plumages s'en trouue de bons .si par deffaute de mal gouerner , ou de bon past, n'aduient , ou par non auoir bonne compaignie.

*Pour faire essimer Esperuiers, Autours, ou Tiercelets,
sans leur faire force.*



L faut prendre l'Esperuier, & luy mettre le chapelet, & à l'Autour & Tiercelet pareillement, avec le brayer, & ne les descouurez iusques à ce qu'ils se tiennent & paisent sur le poing, & qu'ils ne tiennent plus conte du chapelet. Et quand vous les mettrez sur la perche, liez les court, afin qu'ils ne se puissent descourir, & puis les descouurez au soir à la chandelle, & les esbiouffez avec vin fort. Et quand vous les remettez à la perche, laissez leur de la lumiere afin qu'ils ne dorment la nuit. Et au matin à l'aube du iour, prenez les sur le poing, & les portez entre gens, là où on face grand bruit, comme mareschaux, & autres semblables, pour les asseurer, & ne leur leuez le chapelet iusques à ce qu'il soit temps de les paistre, & quand il serot pu, & oingts, remettez leur le chapelet iusques à midy, & apres leur presenterez l'eau, mais qu'ils ayent enduit, ou bien pres, & à heure de vespres les faites tirer entre les gens, & puis leur retourner le chapelet iusques à heure de les paistre. Et quand ils seront vn peu oingts, comme dit est, remettez leur le chapelet, & les tenez iusques à l'entrée de la nuit, & incontinent qu'aurez la lumiere, leuez leur le chapelet entre gens, & le faites secourre & esmutir, & puis les remettez à la perche, comme dit est: & tous les soirs donnez cure de plume essuyee ou baignee. Et s'il estoit diuers, donnez luy la cure de cotton ou d'estoupes, ou descoupez vne iambe de Lieure, selon qu'il sera diuers a essimer. Ne les reclamez point iusques à tât qu'ils soient asseurez, car ils se debouteroient du poing, & ne vouldroient iamais arrester. Gardez que n'apprenez à l'oiseau de venir au gâd, pource qu'apres il ne vouldroit venir au poing. Et quand il sera asseuré, commencez peu à peu de le reclamer, iusques à ce que le pourrez faire sans aucune filiere. Et notez que l'Esperuier se doit encharner bien asseuré, & l'Autour demy sauage, mais qu'il cognoisse la proye. Quand il sera fait, faites luy vn ou deux trains, & si vous voulez faire vn bon oiseau mettez le tousiours sur le poing, iusques à ce qu'il soit encharné. Et soyez aduisé de ne restraindre trop l'oiseau avec past laxatif, ou avec peu past: car pour ceste cause plusieurs oiseaux meurent, mais avec bō

past le ferez meilleur, moyennant qu'il soit pu de son past. L'esperuier ou Autour doiuent estre tenus aux blocs depuis qu'ils sont faits. où à terre, car ils ne se desfontent pas tant. Le Huron, le Bistard, le Corbeau, les Corneilles, & les Choüettes se veulent de poing.

Pour faire vn oiseau à la guise de Lombardie.

Vand l'Esperuier sera assureé faites luy neuf ou dix trains du moins. Et toutes les fois qu'il prendra païssez le tousiours, & faites que la caille dont vous ferez le train, ayt tousiours quelque plume moins en l'aile, & luy iettez l'Esperuier de loing, par tant de fois qu'il la prenne bien loing, & puis luy iectez vne caille qui ait les ailes entieres. Apres le pouuez faire voller au sauuage: & toutes les fois qu'il prendra, païssez-le à sa volôte. Les Alemans treuent les Tiercelets plus vaillâs & plus legers que les Autours, pour Perdrix & Faisant. Si vous voulez faire vn Esperuier pour la Pie, desmembrez la pie, & la luy iettez en terre, & le païssez dessus du past chaut, comme de Pinson, ou chose semblable par deux fois: & puis la luy pouuez ietter volâte & sillee, le païsât comme dit est. Leuez à la Pie quelque penne de l'aile, & la iettez en vn arbre, & la luy faictes prendre par aucunes fois, & luy faictes le plus de plaisir que vous pourrez & puis luy faictes franchement voller le sauuage, Mais ayez en memoire quand luy faictes lesdits trains, que la Pie ait le bec taillé ou lié, afin qu'elle ne puisse gaster ledit Esperuier. Les Autours & Tiercelets sont meilleurs d'vne ou deux muës du bois & Agars, que ne sont les Sors: mais ils se doiuent nourrir avec past plus delicat que les Sors, car ils sont plus dâgereux, parce qu'ils ont accoustumé au bois d'eux paistre de viâdes chaudes. Et si se perdent plus de leger que ne font ceux qui sont prins hors, pour cause des airs: mais ils ne doiuent estre que de deux muës, sans plus.

Pour esimer & faire Faucons.

Tenez le Faucon, & luy tenez la reigle de l'Autour, comme deuant dit est, sinon qu'en le païsant, criez luy comme si l'appelliez au leurre, & tous les iours luy offrez l'eau, & luy donnez tous les soirs cure selon qu'il enduyra: & luy ostez souuent le chappelet entre gens. Et afin qu'il ne se batte, tenez tou-

FAUCONNERIE.

iours quelque tiroüier en la main. Et le soir au iour failly, leuez luy le chappellet entre gens, à la chandelle, iusques à tant qu'il s'estonne, & qu'il esmutisse, & lors le mettez à la perche & non plustost: & luy mettez la lumiere deuant luy. Et quand il sera assure sur le poing, commencez à l'asseurer sur le leurre, & le luy faites cognoistre & peu à peu le reclamez iusques à ce que vous le pourrez abandonner sans filiere, & soyez aduisé qu'incontinent que vous tiendrez le Faucon sauage, de luy oster les poils, & s'il est mué de bois Agart, donnez luy le lardon. Tout Faucon a besoin de compagnie pour luy monstrier à arrester, spécialement l'Agart, lequel se peut faire d'une, de deux, ou de trois mues, & si est meilleur pour le Heron. Si le Faucon mué Agart nese vouloit arrester, taillez luy deux couteaux pour aïlle, le long, & le prochain de luy, & parce il arresterá. Faites luy le bec, & l'espincetez raisonnablement. Les Alemans font tirer le Faucon soir & matin: mais les Fauconniers de terre d'Oriente sont de contraire opinion & dient que ce leur gaste les reins. Si vous voulez faire mōter le Faucon après qu'il sera leurré & reclamé, & tout prest: quād vous le leurrerez, cachez le leurre, & le laissez passer. Et quand il sera retournez deuers vous, iettez luy le leurre & luy faites grand feste, & ce faites par plusieurs fois, & puis commencez à le bouter en haut, en lieu plain sans arbres. Et s'il prenoit quelque poincte, donnez luy vn tour de gand, & quand il viendra haut, & qu'il vous sera sur la teste, iettez luy le leurre où il y ait vn poulet ou vn pigeon, & le laissez bien à sa volonté, en luy faisant le plus de plaisir que vous pourrez. Et gardez vous que ne luy iettez le leurre en l'eau, afin qu'il ne l'apprehende & quand il sera haut, & que d'auenture il allast apres quelque autre oiseau, & qu'il le preint, leuez luy la proye lourdement, & luy en donnez par la teste, & luy remettez le chappron sans le paistre, & par ce desplaisir il n'ira plus qu'à sa proye. Quand le Faucon aura prins ou tué aucun oiseau, leuez luy & le boutez haut, & quand il vous sera sur la teste, iettez luy le leurre, & le laissez à sa volonté, & ce afin qu'il ayme mieux le leurre. mais pour la premiere prinse qu'il fera, laissez le paistre à sa volonté, & cela le gardera d'aller au change. Quand il sera bien encharné, faites le voller en compagnie, iusques à tant que vous en ferez bien vn seur. Si vous voulez faire vn oiseau pour Grue, faites que le Faucon soit Gentil & niays, & quand vous le nourrirez, faites luy tuer les plus grāds oiseau que pourrez finer: son leurre doit estre vne Grue faincte. Et quand vous le voudrez faire voler, faites le vol-

ler du poing, & le secouiez tost, & faut qu'il ayt des leuriers pour luy ayder, lesquels le secourront plustost que les homes, & que le leurier mange tousiours avec l'oiseau, pour cause de la cognoissâce. Si voulez faire vn Faucon pour Lieure, son leurre doit estre vne peau de Lieure plaine de paille. Et quand il sera bien leurré, & que le voulez encharner, liez ladite peau d'vne petite corde, laquelle soit attachee à l'arçon de la celle, & quand vous courrez, il semblera que le Lieure courre: lors soit descouuert le Faucon criant, arriere Leurier, arriere Leurier. Et quand il ioindra ladite faincte, laissez la corde, & il la prendra, & lors le païssez tres bien dessus, & le festoyez le plus que pourrez. Et quand la seconde fois vous l'écharnerez, ne vous arrestez pas du premier coup, mais contraignez le vn peu, & puis vous arrestez, & ainsi peu à peu le laisserez battre le plus que vous pourrez: car ainsi le conuient faire au sauage, le paissant tousiours entre les Chiens. Et quand il sera bien encharné en ceste maniere ayez vn Lieure vif, & luy rompez vne iâbe de derriere, & le laissez aller en vn beau plain entre les chiens, & vostre Faucon le battra, & les chiens le prendront, & incontinent soit leué aux chiens, & ietté au Faucon, en criant, arriere, arriere. Si vous voulez que vostre oiseau volle le Faisan, ou la Perdrix, quand vostre Faucon sera fait & reclamé, toutes les fois que vous le leurrerez, jettez luy le leurre en quelque arbret ou petit buisson, afin qu'il aprenne de soy arrester, & de prendre la branche. Et s'il s'arreste sans veoir le leurre, laissez le vn peu musier, & puis tirez le leurre deuant luy, en criant, gare, valet, gare, & le païssez à son plaisir, & en ceste maniere il accoustumera de soy arrester, en le paissant tousiours en terre, & en fort lieu pource qu'en tel lieu luy conuiedra faire sa chasse. Et luy faictes voller au commencement Faisan ou Perdrix ieunes, pource qu'il aura grand aduantage sur elles, puis apres les vieilles. Si le Fauconne vouloit arrester, & qu'il se voulust tenir sur aïlle, adonc luy conuiedra voller en lieu plain, afin que le puissiez voir tousiours sur vous. Les Sacres & Lasniers arrestent en terre, & en arbres: & les Gentils arrestent mieux en terre. Et quand vous tirez vn oiseau de la muë ne le portez pas par temps chaut, pour cause du battre, car par chaleur luy vient l'asma. Mais si c'estoit par necessité, soit couuert du chapelet, en le cõtregardant le plus qu'on pourra. Si vn Faucon estoit superbe & orgueilleux, donnez luy avec son past sal. Inde ou sal-geme, drag. j. ou sal albi pulverizati, & luy presentez l'eau, pource qu'il aura besoin de boire, & le faites dormir la nuit à la tourmente, & que soient lieu humide, ou

FAVCONNERIE

froid & ainsi veillera toute la nuit, & luy fera distiller la graisse. Les Sacres se doiuent encharner incontinent qu'ils sont faits, autrement ils sont difficiles à encharner. Tirez vostre oiseau de la muë 20. iours auât que le elimier. Si vn Faucon lie, si l'en voulez garder, espincez luy les maistresses ferres. Iamais ne faites chere au Faucon de l'oiseau de riuiere, mais faites luy grand chere du leurre, afin qu'il l'ait en plus grande amour. Le Soldan fait voller les Grues, les Oyes, & les Bistars, avec deux, ou trois, ou quatre Faucons, ou plus du poing, & de toutes generations de Faucons, Sacres, Gerfaulx, Villains, & Pelerins, & puis on les peut faire voller de montée. La Grue se doit voller deuant Soleil leuant, pour ce qu'elle est paresseuse: & pouuez bouter dessus deux ou trois Faucons, ou avec les Autours du poing, & sans chien. Les Oyes se doiuent prendre par celle mesme maniere, & sitant est qu'ayez des chiens, faites qu'ils soient propres à ce faire, & doyuent estre leuriers courtois & doux. Il ne se doit voller qu'une Grue le iour, & faire à vostre oiseau le plus de plaisir que vous pourrez avec ladite Grue. Le Villain se doit bouter le vent à la queuë. Les Allemans font voller la pie avec trois ou quatre Faucons, & les font monter & battre comme pour riuiere, en lieu plein & sans arbres: mais il y doit auoir des petis buissons. Paistre ton oiseau par tēps & matin, fait auoir faim aux oiseaux à heure de chasser, specialement aux faucons qu'on veut faire monter, & qu'ils ne soient trop hautains, lesquels se doiuent paistre par neuf iours quatre heures apres soleil leuant, & le soir à la fraischeur, & avec celle faim on les doit bouter haut: & par ce ils iront plus haut qu'ils ne souloient, mais le meilleur est de les faire voller en campagne. Les Faucons Gentils arrestent mieux muez que fors. Le Faucon ne prent le Hairo par nature, s'il est Pelerin, & pour ce leur faut apprédre les trains. Vn Faucon peut voller dix oiseaux de riuiere le iour, & non plus selon raison. Les Faucons qui vollent pour riuiere, se doiuent tousiours porter sur le poing. Auât qu'un oiseau soit bien fait, doit auoir quarante cures. Les Faucons qui n'ont la cure tous les soirs, la superfluité des humeurs, qui leur abondent en l'estomach, leur charge la teste, par maniere qu'ils ne vont point si hault comme ils souloient. Et parce tout oiseau doit auoir la cure tous les soirs, selon la nature, pour estre sain & affamé. Et est bon de les faire tirer au soir, principalement ceux qui vollent Perdrix: & ceux qui vollent pour riuiere non, afin qu'on ne leur affoiblisse les reins. Et leur doit on presenter l'eau de deux ou de 3. iours en 3. iours pour le plus loing. Ne

touchez iamais les pennes de vostre oiseau avec les mains, car il en vaudroit pis. Le Villain & le Lafneret se peuent tenir sur la pierre incontinent qu'ils sont faits. Quand vostre oiseau aura vollé ou travaillé ne le païssez iusques à tant qu'ils sera hors de grosse alaine. Et si vous faictes autrement, vostre oiseau sera en peril de deuenir asmatique. Si vn Faucon ou autre oiseau estoit fort rebouté, ce qui aduient bien souuent, faictes tant que le fassiez iouyr de quelque proye, & le laissez paistre à sa volonté. Et que celle nuit il demeure dehors au serain à son plaisir. Et le lendemain le reprenez, & l'essimez en oisellés, ne plus ne moins que si vous le tiriez hors de la mue. Si vn oiseau ne veut lier, mettez vn canon de plume d'Oye à la maistresse serre, & il ira le pied ouuert, & il liera. Et quand il commencera à lier, ostel luy ledit canon, & il liera tousiours. Si vous ne pouuez donner couuerte à vostre Faucon ou Autour, faites que vous luy mettez le soleil à la queuë. Tous oiseaux se peuent faire voler de fault, & en toutes manieres que les ferez voller, faites que l'Autour aille le vent à la queuë.

Pour oyseller toutes manieres d'Oiseaux.



N Rain de Perdrix, Chouettes, Corbeaux, & Corneilles, se doiuent faire filles. Pour oyseler vostre oiseau : faites vne petite fosse en terre, & y mettez vostre proye, & la couurez d'vne planchette, laquelle soit attachee d'vne filiere, que vous tiendrez en la main pour la descouvrir & le laisser aller quand vous voudrez : puis ferez semblant de faire chercher vos chiens, & tiendrez vostre oiseau tout descouvert : & quand il regardera celle part, faictes partir vostre proye, comme si les chiens l'eussent fait partir, & si vostre oiseau la prend, laissez le paistre à sa volonté enterre, & ce faut faire plusieurs fois. Si vous voulez faire vn bon oiseau, encharnez le à ieune proye, car il s'efforce tousiours peu à peu : & par temps il surmonte biē le Faissant & la perdrix. Et quand il a prins, faites le iouyr par plusieurs fois de la proye à sō plaisir, & à terre, & quand il sera bien encharné, ne le païssez iamais que du masse, afin qu'il se prenne en amour, & luy faictes seulement plumer la femelle, en luy donnant le cœur ou le cerueau. Encharner les oiseaux à ieune proye est beaucoup meilleur qu'à vieille : car la plus-part qu'on met à la vieille se rebouttent, si vous ne faites comme dessus est dit. Si vous voulez en oyseler vn oiseau Agart, ne le charnés point de ieune proye,

FAUCONNERIE

pource qu'apres il ne voudroit voller les vieilles. Et pareillement l'oiseau que vous tirez de la muë, ne le faites point voler aux ieunes pour la mesme cause. Le train de l'Autour, & de tous oiseaux en general, cōme à Grues, Bistars, Hairons, Oyes, oiseaux de riuere, Cormorans, Corneilles, Choüettes, Milans, Cercelles, & tous autres oiseaux des eaux se fait comme s'ensuit. Mettez vn deldits oiseaux en l'eau, & qu'entre vous & leau y ait quelque motte ou buisson, en maniere que l'Autour puisse prendre la couuerte, puis haüsez la main tāt que l'Autour voye la proye, apres baüsez la main, & le laissez aller. Et s'il la prent, laissez le paistre à sa volenté, à terre. Pour faire voler Autour en riuere, faites le voler selon le train dessusdict : mais quand l'Autour sera pres, touchez le tabourin de bon heure, & auant que l'oiseau voie l'Autour, pource qu'il ne se leueroit. Les Autours qui volent le Lieure, doiuent voler avec les entraues, afin qu'il ne s'ouurent trop. Les Esperuiers vollēt de saur aux oiseaux qu'ils peuuent prendre comme fait l'Autour. Si vn oiseau s'efforce, prenez luy deux pânes du meilleur de la queuë, & y mettez la quantité de deux grains de mil d'argent vif, en chacune, & les estoupez en maniere qu'ils n'en puissent yssir, ou luy cousez la queuë. Iacob de Mestrette plumoit l'Esperuier sur le cropiō & avec vn cautaire cuïsoit ou destruisoit le petit grain qui est en celle part, & disoit que iamais ne s'escarteleroit.

Pour tenir les oiseaux sains, & en bon estat.

Sil auez vn ieune Faucon, incontinent que vous le commencez à le faire, donnez luy l'aloes cicotrin, pour ce que beaucoup meurēt de vers, pour le changemēt du past: & de quinze en quinze iours, trois pieces de celidoine, ou vn peu d'aloes.

Ne leur donnez iamais medecines s'il n'en ont besoin, pour ce qu'il leur conuiendroit faire par coustume. Qu'en Feurier ou en Mars soient donnees les medecines, pour rompre les œufs, mesmement aux Agars, & ceux qui sont muez au bois. Ne païssez iamais les Esperuiers sur le gand du Faucon Villain ou Gentil, car il en prendroit maladie. Ne le mettez à perche où ayent esté Faucōs. Ne tenez iamais oiseaux sains avec les malades, car leurs infirmittez sont contagieuses.

Pour

Pour cognoistre la santé vniuerselle de tous oiseaux.

Tous sages disent qu'il est impossible de cognoistre l'infirmité, si premierement on n'a la cognoissance de la santé, qui est telle. Quand vous verrez vostre oiseau le matin à l'aube du iour qui remuë la queuë, & la vantelle, & secouë la plume pour l'amour de l'aube, & apres leue les ailles, & avec le bec prent en quelque lieu de sa crouppe aucune graisse, dequoy il se oingt à dextre & à fenestre. Et ceste curee est appellee onction feable. Et s'il le fait aux deux parts des ailles, c'est signe de santé: que s'il ne le fait d'une part ne d'autre, sçachez qu'il est contraint de forte & grande infirmité: & les signes de la santé du iour, sont que vous verrés vostre oiseau allegre, & qu'il se paist esgallement de quelque past que ce soit, & son esmeur est continuellement digest, & non en partie, & fort blanc, & le noir est fort subtil, & l'oiseau est reluyant de plumage, comme s'il fust oingt, & les deux os qui sont aupres des cuisses sont egaux sans difference, & les deux veines qui sont en la raye des ailles battent tousiours attrempeement entre fort & foible, & qu'il dorme bien la nuit, & qu'il enduisse bien la viande raisonnablemēt: & non obstant, s'il enduit bien & il ne dort, il a aucun grief excez, si ce n'estoit pour les pouls qui l'engardent de dormir.

Les signes des infirmitéz vniuersellement.

Il y a de trois sortes d'infirmitéz és oiseaux: c'est assauoir en la disposition de l'egestion, au mouuement de la vertu, en la superfluité du corps. Premierement de la disposition de l'egestion. Quand vous verrez l'oiseau clorre les yeux, & qu'il enyisse aucune larme ou humidité, adonc pouuez considerer que quelque chose estrange doit estre dedans. Et si l'oiseau ferme la deuxiesme ou troisieme partie de l'œil, ou leue vn pied & reboute l'autre, & qu'il hausse son plumage, sachez qu'il est refroidy. Quand vous verrez que l'oiseau ouurira le bec, & qu'il aleine la langue, & la forame part des yeux engrosse à l'entour, qu'il couche les pânes & les ailles, sachez qu'il souffre extreme chaleur. Quand vous verrez l'œil de l'oiseau clos, & qu'il le tienne au costé de son aile, & les veines qui sont entre les yeux battēt, & poulsēt, sachez qu'il a frenaisie au chef, & estourdissement. Quand vous verrez le palais blâchir, sachez qu'il a corrosion

FAVCONNERIE

ou arsure. Si vous voyez que vostre oiseau ouure le bec, & remuë la teste, & se batte en la poitrine, & en ce faisant demene la queue, & qu'il semble estre troublé, sçachez qu'il est asmaticque. Quand vous verrez vostre oiseau palpabier doublement, sçachez qu'il a ventosité en la teste, quand vous verrez l'oiseau esbahi sur la perche, sçachez qu'il peut estre greué. La debilitation des ailles, signifie ventositez en celle partie. L'influence de la gorge sans paist, signifie ventositez en ladite partie.

Quand l'oiseau se tient mouillé sur la perche, ce signifie ventositez es rains. La rupture des pieds, ou la creuasse, & qu'il en sorte eau continue, signifie emorroides. L'inflation des pennes signifie rouprure, ou distillation, ou vétosité. Quand l'oiseau est sur la perche, & qu'il se veut vire vers vous contre sa nature, & s'il traueille & ne se peut soustenir, c'est signe qu'il est podagreux. La constriction du bec, & l'appuyer sur la poitrine, & l'abomination de la viande, augmente la podagre. L'inflation sur la cheuille du pied, & la despoliation du poil, signifient vers. L'herissement des plumes sur le col, & extreme debilitation de cou-teaux signifient grande & outrageuse chaleur.

Des nocumens de la Vertu.

A Pres que vous verrez l'oiseau mussé tout en son plumage, & qu'il ne tournela teste ne le col sçachez qu'il est malade du chef. Quand l'oiseau siffle ou crie, cela signifie grande chaleur, ou arsure. Quand il se paist, & al se gratte de l'ongle le palais jusques au sang, & qu'il ne se peut paistre, cela signifie chaleur audit lieu & peril de chancre. Et s'il machote du bec l'un contre l'autre, cela signifie comme le precedent. Inégalité du paistre & debilitation d'oiseau, signifie chaleur. Le bec clos & sans alteration, signifie grand travail, & grande infirmité. Si l'oiseau ne veut prendre la chair ou le paist si tost qu'on luy presente, signifie indigestion. Et si vous le voulez sçauoir, faut odorier son haleine, que si elle put, signifie indigestion. Si l'oiseau iette la chair de son bec en la passant, & la gorge qu'il prendra luy demeure sans enduire signifie indigestion. Si l'oiseau gratte la dextre partie du bec, signifie douleur au foye. Quand l'oiseau vantele à la perche, & qu'il fait grand ventosité quand il digere, signifie qu'il a ventosité dedans le ventre. S'il grippe la chair, & qu'il la face prendre, signifie qu'il a ventositez dedans les plumes, ou es iambes, ou es cuisses. Si vn piseau traueille quand vous le portez sur le poing signi-

fié qu'il a quelque cure dedans le corps. Retardement de la digestion, signifie restriction du fondement, & la retardation de la cure signifie indigestion. Quand vous trouuerez le past aux intestins mol comme eau, & en la gorge dur, cela signifie engendrement de la pierre. Quand vn oiseau se bat à la perche, & qu'il tombe, & ne peut remonter dessus cela signifie la mort: si ce ne prouient par la faute de ceux qui l'ont attaché.

Des maladies de la superfluité.

MAis parce qu'on dit qu'il y a cinq manieres de superfluité, il est bien necessaire de les sçauoir: la premiere, sont larmes & eaux des nerfs: la seconde, ventosité: la tierce, vomissement: la quarte, la cheute des pennes hors de saison: la quinte, l'escail ou esmail. S'il iette eau des yeux, signifie que quelque chose est cheute dedans, & s'il iette humidité par les nazilles, cela signifie qu'il est malade de rheume. S'il se plume le ventre & les cuisses, cela signifie vers estre dedans le ventre.

*Pour cognoistre la santé & la maladie, pour la cure
& par l'esmut.*

Bien est vray que la cure baignee ietee de bon matin, est signe de santé, & si elle est esluyee, signifie superfluité & chaleur, & si elle est puante, signifie indigestion, & si la cure est molle & visqueuse, signifie abondance de flegme. Si l'esmut blanc ou tanné est visqueux, cela signifie bonne digestion. Quand vous verrez l'esmut mol, iaune & rouge entremeslé, & que la moleste multiplie, signifie indigestion. Et quand vous verrez l'esmut liquide, & quand vous le tirez qu'il se seche à coup, signifie engendrement de la pierre, secourez hastiuement, car ceste infirmité est mortelle. Si l'esmut est gras, & qu'il file, c'est signe de restriction du fondement. Si verneur d'esmut continué, & qu'il demene peu souuent la queuë, & qu'il boiue eau, signifie que le fondement est restraints. La blancheur de l'esmut qui tire à citrinité, & la multiplication d'humidité, signifie indigestion. Et quand l'esmut est noirastre & entremeslé de blanc, & qu'il ait petites bubettes parmy, signifie ventosité. Et notez que quand vous medicez l'oiseau, faut continuer les medecines selon la qualité du mal.

FAUCONNERIE

Puis que ie vous ay parlé de la nature & gouuernement des oiseaux, ensemble des infirmités & maladies qui leur peuvent suruenir, ainsi comme est dit cy deuant: c'est raison que ie vous die des remedes necessaires à l'encontre d'icelles, pour les guerir.

Et premierement pour les catarres des oiseaux.



Our bien cognoistre aux oiseaux les signes du catarre, vous les cognoistrez quand la teste & les yeux luy enflent, les nazilles luy estouppent, & aucunes fois luy descend par lesdites nazilles eau ou morue grosse, specialement quand il esternuë: & ouure la bouche souuent pour prendre son halaine, & tire la langue dehors, ronfle, & les deux veines de dessus les yeux, par lesquelles les larmes luy descendent, luy battent plus souuent & plus fors qu'elles n'ont accoustumé.

La Medecine.

Donnez luy aloës cicotrin, chacun soir avec du cotton, & luy dōnez des pillules de yera exocto rebus, ou des pillules cochees, lesquelles se doiuent donner au matin: & les trouuezerez au liure de Nicolas, & le faites tirer au matin: quelque chose nerueuse. Et si par celà ne guerist, mettez tremper la poudre destaphisagre en eau, enueloppée dans vn drapelet, & avec iceluy baignez-le, & luy mettez dans les nazeaux. Et si pour cela ne guerist, prenez ladite pouldre & luy en mettez és deux parties du palais, & és deux parties des nazilles, & par la force de ceste poudre il iettera bien. Et si l'oiseau ou Faucon auoit pour ce trop de peine, vous luy lauerez la bouche & les nazilles avec vin, iusques à ce qu'il ait mis hors ladite poudre, & apres oignez le souuent avec miel, ou avec sirop de violettes, & ce, luy fera passer iceluy trauail & peine. Et si pour celà n'est guery, luy soit donné le feu au derriere de l'œil au milieu de la teste sagement: en maniere que ne luy ardez l'os de la teste, & luy soit donné feu aux deux parts: c'est assauoir, en chacune nazille, & qu'il aille vers la teste par dedans les nazilles contremont, tant qu'il perce iusques au cartillage de la teste, lequel feu soit medeciné & oingt par neuf iours d'huile rosat, & vitelluorum. Et ce ne se fait siñõ quād il aura les nazilles tant estouppées qu'on ne les peut desclorre par medecine. Et combien que vous luy ayez donné le feu, faites tousiours les medecines dessusdites iusques à la fin. Si l'oiseau à la veuë aucunement:

D'ARTHELOVCHÉ.

troublee ou obscurcie par ledit mal, soit fait R. Aquæ plantaginis, feniculi, ruthæ, verbenæ, celidoniæ an. Dequoy vous luy lauerez les yeux. Et s'il y auoit aucune concussion, en lieu de celidoine, ruthæ, boutez y vn peu de canffre. Le chapellet doublé d'escarlatte est moult profitable pour le catarre.

Les signes d'Epilepsie és oiseaux.

Ayant l'oiseau ceste maladie d'Epilepsie, il tient la teste haute tant qu'elle touche les ailles, & bien souuent les espaulles, & subitement se laisse choir en arriere à terre. & à reuers, & là se tourne & vire, par la grand'angoisse qu'il sent, & aucunesfois demeure comme mort. Laquelle infirmité les prend souuent le matin, & le soir apres qu'ils sont puz, & ont les palpebres des yeux enflées, comme s'ils eussent la pierre, ou qu'ils eussent le catarre: & quasi continuellement tiennent les yeux ferrés, & leur alaine put fort. Et quand ils esmeutissent ils s'espraignent fort, cōme s'ils eussent la pierre, & ces signes sont plus ou moins, selon que les oiseaux sont passionnez, ne perdans point le manger par ceste maladie.

La Medecine.

Le premier iour, faictes vomir vostre oiseau, & l'autre apres faictes le esternuer. Et quand vous ne le ferez point esternuer ne vomir, donnez luy de aurea Alexandrina, enuiron la grosseur de deux pois chiches, à ieun, & quelque petit morceau de chair: & au soir donnez luy vne pillule de yera ex octo rebus, cum agarico en la plume. Et ce deuez faire continuellement iusques à ce qu'il soit guery. Et quand il sera bien purgé par les purgations dessusdites, donnez luy vn cautere au milieu de la teste, où derriere les yeux, qui profonde iusques à l'os. Et si par ce premier cautere ne guerist, donnés luy en vn autre, vn peu plus arriere vers la nuque Cassian guerist vne epilepsie, cum yera pigra, cum succo absinthii, & de ce faictes pillules, & les donne en la plume, vne fois de l'vn, & autresfois de l'autre, iusques en fin de guerison. Et Moy mon Fauconnier Arabique luy donnoit vne pillule faicte de gomma balsami, & castereo, cum succo mentastri, & leur mettoit en la gorge vne pierre de castoreo, gros comme vne petite feue. Que s'il la reiette, luy soit retournee: & garde que la goutte de:

la teste ne descende.

Du mal de la bouche.

Bien souuent on cognoist ceste maladie de la bouche par le voir, laquelle se veut secourir hastiuement: car qui tarderoit à medeciner l'oiseau, elle tourneroit en chancre, & l'oiseau mourroit. Pource que vous deuez nettoyer le lieu de ces petis grains, & petites pustules qui viennent en la bouche, avec vn caniuet bien tranchant, & apres l'oindre de miel rosat, ou sirop demourez, ou avec sirop d'escorte de noix: & chascun soir luy donner avec la cure de l'aloës cicotrin, ou vne pillule de yera ex octo rebus. Et si la maladie estoit si grande que pour ce ne peust guarir: apres que la teste sera purgee, luy soit donné le feu aux deux bouts du mal, d'un bout iusques à l'autre. Et si aucunement luy venoit au palais vne apostume dure & grosse comme vne demie noizille, laquelle le garde de manger, soit ostee toute celle apostume avec vn boutonnet de feu, qui aille iusques à la chair viue, & qn'il n'y demeure rien. *Chose esprouuee à tout mal de bouche.*

Oignez souuent le lieu malade, avec aceto squilitico. C'est vne façon de vin-aigre, qui est fait comme vin-aigre rosat: mais en lieu de roses on y met vn oignon sauage, qui croist pres de la Marine: ou le medecinez de l'aloës cicotrin, & miel rosat. Et le dernier remede est, que le lieu soit cautherisé, comme dit est, & au milieu des deux yeux sur le commencement du bec, luy soit donné vn bouton de feu, avec instrument d'argent, & soit gouuerné ledit feu cum oleo rosato, & vitellium simul mistis.

De l'asma, ou pantail.

Bien Arce que ceste infirmité vient souuentesfois aux oiseaux, on la cognoist quand ils ouurent le bec, & ne peuuent bonnement auoir leur alaine, & deminent la teste, & ont les yeux larmoyans, en alenant le ventre leur bat, & remuent la queuë, & tirent & mettent hors leur alaine souuent. Et quand le mal leur engrege, vous les ouïriez si fort ronfler qu'à grand peine peuuent auoir leur alaine.

La medecine.

Donnez leurs des pillules de yera ex octo rebus, cum agarico & salis gemmæ, Et leur donnez avec leur viande puluis pulmonis vulpis, ou leur baignez leurs viandes avec les eaues qui s'ensuiuent, ou avec vne toute seule: C'est assauoir, A quæ scabiosæ, capilli Veneris, prass. celidoniæ, donnez leur avec leur viande, sang de bouc frais, ou sec, preparé en vne desdites eaux, & des penites, & de liquiritie en poudre: ou leur baignez leur viande en eau de vie, en quoy ayent trempé les herbes dessusdites par xxiiii heures, avec regalice. Ou R. ylopi yeros, brassi, liquiritiæ oleum ros. hieræ pigræ, puluis vulpis, gentianæ & scabiosæ. enulæ campanæ, omnia puluerizentur & cum modico butyro incorporentur, & luy soit administré. Bonnes pillules pour le mesme, R. ylopi, aloes 3. vj agar. 3. iij, masticis, colloquintidæ cercollæ an. 3. ij, sticados, assa foetid. scamoniæ, an. j. f. fiant pillulæ admod. ciceris. Et avec lesdictes pillules, luy soient donnees deux cauteres, vn au plus haut de la teste, & l'autre au fourchu de la poictrine. Selon Anthonel Spinello, mais quel oiseau se puisse paistre, luy soit donné avec la poictrine d'vn pigeon chault, vn peu de miel despumato, cum limatura fieri, ad quantitatem vnus ciceris. Et disoit qu'en trois iours estoit guarý l'oiseau, & specialement l'Esperuier. Et le dernier remede quand il est purgé, luy soit donné le feu, cõme dit est. Et non obstant ce on luy doit apres donner aucunes des medecines dessusdites, iusques en fin de guarison. Notez que quand l'oiseau est meigre, & le mal du pantal luy dure longuement, il est incurable, & ne le peut on guarir.

Pour le mal de la pierre.

Ais on dit que si l'oiseau a la pierre, que vous le pourrez cognoistre à ce qu'il aura les pieds enfléz, & les nazilles estouppees, & leuera volontiers la queuë deux ou trois fois auant qu'il puisse emutir. Et ce qu'il esmutira, sera mol comme eau trouble, & aucunes fois quand la pierre sera endurcie, il se mordra le fondement, & esmutira l'õg, vne fois çà, l'autre là. Et aucunes fois quand il esmutira, vous trouuerez de grands blancs comme chaux endurcie.

La Medecine.

Donnez luy avec la cure, ou sans la cure, des pillulés de yera pigræ Gaucli, chacun iour, & luy faictes deux fois le iour vn suppositoire.

F A V C O N N E R I E

d'un lardon puluerisé avec poudre d'hiera pigra de Galeny: luy donnez avec sa viande, lard de porc salé fondu, & le fondant laissez le tomber en l'eau froide, & puis apres recueillez-le avec vne cuillier, & de ce soit oingte sa viande, ou bien la luy baignez avec les eaux qui s'ensuiuent: C'est assauoir de veruene, lymons, capilly veneris, alcaçangé. Ou bien luy donnez avec sa viande, de la poudre qui s'ensuit. R. lapis sponcij, & sang de bouc préparé, ou frais, qui est plus fort, semen mille-solis, & saxifragæ. Et si pour cela ne guerist, vous luy pourrez encores donner enfermé en vn boyau ce qui s'ensuit. R. succi limonis, verbenæ, fistulæ, lapis spongiæ, lapis lincij, sang de bouc préparé, mille-solis, saxifragæ, oleum oliuæ antiquæ: & le tout soit bien incorporé ensemble, & soit mis apres dedans vn boyau, & luy faictes prendre. Et aussi pareillement luy pourrez donner deux fois la semaine, le past laué en huile. Plusieurs sont d'opinion que ceste medecine suyuant luy est fort bonne, R. languis hirci, semen accedulæ, lactucæ, portulacæ, spicæ, nardi, galangæ, semen saxifragæ, mille-solis, puluis pilorum lepolis, & de sanguine eius, incorporentur cum succo limorum, & soit administree & baillée par bonne quantité. Et si pour tout cela l'oiseau ne guerissoit, apres qu'il sera purgé, avec les medecines dessusdites, luy faudra donner le feu sur la teste, & au milieu comme pour le catarre, & luy en soit donné apres vn autre qui prenne depuis le bec, & ailles iusques à l'autre, tout ainsi comme vous verrez par l'enseignement des cauterés cy apres mis.

Des Vers, & des Filandres.

SI vous voulez cognoistre quand vn oiseau a les vers, filandres, ou aiguilles, vous le cognoistrez à ce qu'il baille souvent, & estrainct les espaules, comme si on le piquoit, & demene la queuë ça & là, & tremble quand vous le mettez sur le poing, ou quand il se debat. Et quand vous l'aurez pu, il se plumera avec le bec, là ou il se sentira auoir les vers, & digere la moitié de sa viande & iette l'autre. Apres qu'il est pu, il se frotte volontiers l'œil à son aile, & est tout melancolieux, & à la parfin se gratte les narzilles bien fort avec les ongles.

La Medecine.

Donnez luy vne pillule faicte en ceste maniere. R. partes ij. Reubarbari, &

bari & cum succo centaureæ & absinthij, fiant pillulæ. Ou luy donnez thiriaca, avec semen coutra, & luy faites suppositoire de fiel de bœuf, aloes centaurea, & miel. Le diptamum tire les vers, & pareillement fait la poudre de zeduari. Le meilleur remede pour vers qui sont dans les intestins, c'est le Reubarbarum. Vne autre pouldre bien profitable pour filandres & aiguilles. R. zeduarij. ʒ. j. rad. enulæ campanæ, aristologia rotunæ, semen caulij an. ʒ. j. cornu cerui combusti, aloes cicotrin, reubarbari, sileris montani, an. ʒ. v. succi rad. yereos rad. concumeris agrest. pulpæ colloquintidæ, semen certami. an. ʒ. vj. de laquelle vous pouuez donner la grosseur d'une petite febue à chacune fois, enveloppee d'un petit boyau. On peut baigner sa viande en eau de porcelaine, d'ozeille, d'absinçe, & de centaurea, & ce est pour Esperuiers. Plus vn emplastre qui s'applique sur les reins pour filãdres & aiguilles, on luy doit baigner les reins, & apres luy hier vne esponge dessus, & la tenir baignee incessamment de la composition qui s'ensuit. R. centaurea minor, ruthæ, absinthij casti, mentæ, persicariæ, dymptami, farinæ lupinorum, aloë, galbani. Et toutes ces choses soient destrempees avec fiel de bœuf, & fort vin-aigre, par l'espace de vingt quatre heures, & soient appliquees.

De la pododre.

Quant à la podagre, ce n'est autre chose que chãcre, & se cognoist par l'ẽsflure des pieds, dessus & dessous les doigts. Et aucunesfois l'enfleure est molle, & aucunesfois dure comme pierre, & aucunesfois la veine de la iambe luy enfle, & la partie de dedans la iambe deuiet rouge, & aucunesfois dure comme pierre, & aucunesfois luy vient vne partie du pié.

La Medecine.

Faictes luy ceste medecine. R. aquæ vitæ part. ii. aceti rosati part. iii. sulfuris, cendali rubei, aluminis, galandæ, salis armoniaci, an. part. i. Et ce mettez en motte en vn vaisseau de verre par vingt quatre heures, & puis l'appliquez en ceste maniere. Enveloppez les pieds de l'oiseau d'estoupes, & les liez avec vn filet, afin qu'elles ne puissent tomber, & apres baignez les estoupes avecques la dessusdite cõionction, & luy laissez par vn iour naturel, & soient tousiours baignees. Aucuns luy baignent les pieds au commencement de l'infirmité, cum succo ebulor, &

FAVCONNERIE

aceti rosati, in quo temper. sanguis dra. boliar. terræ sigillatæ, cum modico olei ros. Et aucuns font tremper armoniacum in aceto, & de ce font emplastre, & l'appliquent sur l'enflure, & se mollist & appetisse la chose dure & enflée. Aucunes fois quand l'oiseau a ladite infirmité, il a grand chaleur es pieds, lors il ne le faut medeciner iusques à ce que la chaleur luy soit toute passée. Et puis luy appliquez le dessusdit vnguet, comme dit est, laquelle chaleur vous devez corriger en ceste maniere. **R.** boliar. ʒ. s. thuris, mastycis an. ʒ. i. aloes. ʒ. iiii. succi semper viuæ. ʒ. ii. albuminis ouorum quod sufficit, & fiat ad modum vnguenti. Et de ce oignez la podagre, iusques à ce que la chaleur luy soit passée, lors le pouuez penter, comme dit est, deuant. Aussi faites reposer l'oiseau continuellemēt sur vne perche de laurier, & si la perche estoit verte, il gueriroit en 15. iours des cloux qui viennent sur les pieds. En ces quinze iours devez muer de six perches, selon Anthoine Spinello, afin qu'elles ayent plus grande vertu: & devez oindre ce clou de graisse de pouaille vieille: & si pour ce ne guerist, i'ay experimēté ceste medecine. On luy doit lacer la veine, & apres donner le feu au lieu qui est enflé, & ce doit faire quād l'enflure est molle. Et quand l'enflure est dure, on doit fendre le cuir & oster celle durté, & apres doit-on donner le feu sur la superfluité de la chaleur qui est dedans, & vous donnez bien de garde que le feu ne touche les nerfs, & puis gouuernez le feu diligemment, cum oleo ros. vitell. ouorum, cum modico butyro, sine sale.

De la goutte des rains.

LA goutte des rains se cognoist quand l'oiseau ne peut voler, lors luy soit purgée la teste comme dit est au chapitre du catarre. Et cherchez au milieu des lombes & des rains, & vous trouuerez vne souffrette en laquelle vous luy donnerez butyro simul mystis ad mod. emplastri.

Des concussions de dedans le corps.

Linfirmité des concussions se congnoist à ce que l'oiseau iette sang par la gorge, ou par le fondement, ou par toutes les deux parties, & qu'il esmutist noir & pres du poing. Et quād il voudra esmutir, demenera la queue çà & là, & le corps, & les ailles luy pousseront, halenera, & sera tout maté.

La Medecine.

Donnez luy chacun soir vne des pillules sequentes. R. sanguis dracon. boliarm. terræ sigillitæ, masticis, momie, reubarbari an. conficietur pillulæ, cum succo consolidæ, & detur vna pillula vt decet. Plus luy soit donné avec la viande les eauës qui s'ensuiuent. tr. aquæ consolidæ maioris, & minoris, stella maris, & de la momie, rubea tinctoris, boliar. sanguis dracon. terræ sigill. masticis, & semen nasturtii, & specialemēt quand il y aura sang. Selon razis, R. thuris sanguinis drac. an. 3. iii. masticis, 3. ii. terræ sigillate 3. xv. aluminis 3. ii. balauſtiæ 3. iii. opii, cinam. an. 3. ii. omnia simul tereantur, & fiant tronceti numero x. de laquelle chose pouuez administrer la grosseur d'vne bõne feue à chacune fois.

Quand l'oiseau iette sa viande.

Sl'oiseau iette sa viande, c'est pour deux occasions: C'est assauoir par corruption de l'estomach, ou par maladie: & s'il la iette par accident, l'haleine ne la viande ne puent point: & s'il la iette par corruption, l'haleine & la viande qu'il iette puent.

La Medecine.

Si l'oiseau iette le past par accident, donnez luy aloes cicotrin, & le laissez estre par six heures sans le paistre, & puis païssez le vn peu, & de bonnes viandes. Et s'il iette par corruption, donnez luy des pillules qui s'ensuiuent, & puis le laissez par huit heures sans le paistre. R. aloes cicotrin, cum speciebus part. iii. masticis, part. ii. rubarbari part. s. conficietur cum succo absintii fiant pillulæ. Et huit heures apres soit pu vostre oiseau de petit. & souuent de la poictrine de petis oiseaux trempee en eau tiede, en laquelle ayent esté bouillies les choses qui s'ensuiuent c'est assauoir, masticis, garofili, spice nardi, nucis muscatæ, cynamomi, galangæ, & ambræ. Et qui mettroit lesdites choses dessusdites en eau de vie, les laisser tremper par l'espace de vingt quatre heures, & apres que lon donnast d'icelle eau avec la viande, tant qu'il en pourroit en demie coquille de noisille, ce seroit souueraine chose. Ceste poudre qui s'ensuit est bien profitable pour faire tenir le past à vn oiseau, & pour le faire reuenir à soy. R. coralli rubei. 3. iii. aloes 3. ii. cynamomi, rosarum rubrarum an. 3. ii. garofili, masticis, galangæ an. 3. v. fiat puluis, & detur cum pasto, ou vne des choses dessus-dictes par soy,

FAUCONNERIE

specialemēt le girofle ou mastic. Vn peu de chair de bœuf trempee en eau ardante, fait tenir le past aux Faucons. Mais pour Esperuiers, Autours & Tiercelets, seroit trop fort. La reubarbe, & aloës accoustrent l'estomach, plus qu'autre medecine, en euacuant les mauuaises humeurs, & pour ce ie conseille qu'incontinent que l'oiseau aura ietté le past qu'on luy dōne pouldre d'aloës & reubarbe, avec vn peu de viāde, & quand il aura enduit, luy soit donné eau cordiale, comme trouueriez au chapitre des choses cordiales cy apres. Et notez que la reubarbe conforte plus que l'aloës, & aloës rubrique plus l'estomach.

Des ventositéz.



Es ventositéz se peuuent cognoistre comme au chapitre vniuersel de la cognoissance des infirmitéz est déclaré.

La Medecine

Donnez à l'oiseau avec son past, pouldre de semence de mastic, & ce vaut contre indigestion, ou vn peu d'aloës, car il leur fait vomir & ietter hors celles humeurs superfluee parquoy l'estomach sera mis en bon estat, car l'infirmité leur viēt d'indigestion, & par past engendrant vent, qui leur engendre colique. Et parce incontinent que vous apperceurez qu'ils seront entachez d'icelle maladie, secourez les avec la medecine dessusdite, & avec past restauratif. Et quand l'oiseau sera retourné à naturelle matiere, luy soit donné avec le past, puluis boliarmeni, & cacabie.

Pour les infirmitéz du faye, & la medecine.



Infirmitéz du faye se congnoissent ainsi qu'a esté dit au chapitre cy deuant.

Pour guerir ceste maladie, le past & gras nerueux est defendu à l'oiseau, & son past doit estre trempé cum aqua solatri. Et puis seigné de la veine qui est sous l'aïsse, en maniere, qu'il en saille quelque goutte de sang, & le paisez de petits poullets, & de chair fresche, qui soit trempé en lait d'ouaille ou en suc d'appio. Si par ceste maladie auoit soif, ce que ne peut estre autrement, donnez-luy sirupus rosarum vel violarum, cum aqua clara, ou reubar. lequiritia, bethonica infusa in aqua per noctem.

De la tignolle & de sa Medecine.

TOVTE ceste infirmité se cognoist par la cheutte des pen-
nes hors de saison. Soit oingt le lieu avec baume, qui en
pourra trouver, car c'est chose qui y est grandement profi-
table: ou bien on luy donne fellis bouini, limatura ferri,
celidonia, saluæ, absintij, mile foilorum, stercus anseris,
corticis oliuæ, salis nitri, aloes, centaurea Et faut que toutes ces choses
soient bien incorporees avec fort vin aigre, & en oindre le lieu, & s'il
ne trouue allegement, qu'on saigne la veine, ou sur les cuisses. Et si
par ce ne guerist, saignez le avec vne aiguille d'or ou d'argent, au lieu
ou les pennes tombent, & là où il fera enflé & rouge: & frottez ledit
lieu des medecines qui s'ensuyuent. R. aloes, piperis, myrrha. borat-
album, pini cortisis, granatorum adustorum an. part. puluerifentur,
& cum forti aceto incorporentur, & vngatur locus, vt dig-
tum est.

Des playes qui sont en l'Oiseau.

QVand vn oiseau à la gorge rocte, cousez la le plus douce-
ment que vous pourrez, & la closture soit oingte cum oleo
rosa, & terbentine, & le paisez petit & souuent, Oleum fa-
ctum ex vitell. ouorum, est grandement profitable pour ap-
pliquer es playes.

Ouorum cum succot ruthé & omnium consolidarum, stella maris,
& laureola, sont fort bonnes & profitables. Et vnguentum commune
vaut à ce mesme, & generalement à toutes playes. & si mestier est d'e-
stre cousues, qu'on les couse. Si l'oiseau à la fistule en la teste, elle se con-
gnoistra quand il iettera sang par les nazilles: alors plumez la teste au
derriere, & luy cousez la veine qui passe au long de la teste, & oignez
le lieu par l'espace de huit iours, avec oleum ros. & oleum ex vitell.
ouorum. Il y a aucuns Fauconniers qui a telle infirmité passent les
nazilles d'vn costé iusques à l'autre avec vn subtil cautere. Mais le
meilleur cautere est celuy du milieu de la teste, comme dit est. La
fistule des nazilles soit cauterisee avec vn fer subtil, iusques au fonds
de la nazille. Pour leuer la douleur d'vne aisse ou d'vne iambe. R. cor-
ticis oliuæ, absintij, rutæ fanugreci, de coquantur vsque ad tertiam.
Et de ceste decoction estuue le membre par longue espace & par plu-

FAVCONNERIE.

fleurs fois. Si vn chien auoit donné poison à vn oiseau, donnez luy estouppes hachees bien menu, & trempées en huile de noix, ou luy donnez huyle de noix par soy, & il guarira. La morsure du Serpent se cure en luy donnant poudre de diptamo, ou de dyagomera, ou serpentine, ou de tormentille, & tyriacle, & iarser la morsure, & lier quelque animal vis dessus, fendu par l'eschine. Quand le bec de l'oiseau se creuace & sent, comme si le bec se voulsist separer de la teste, lors le deuez cerner tout à l'entour, & bien ouuir, & puis le cauteriser iusques au vis, & oingdre le lieu avec oleum rosarum. Toute oingture doit estre continuee par neuf iours, cum oleo ros. & vill. ouorum, exceptez celles de la teste, laquelle doit auoir emplastre de pice nauali, seminis sinapis, & butyro. Il ya pour affaiter & adoucir le pennage deux manieres de faire les penne: l'vne à l'aiguille, & l'autre au tuyau, & est le meilleur. Quand tu enteras à l'aiguille, fais que la penne en quoy tu mettras l'aiguille soit liee, afin qu'elle ne se fende, & puis taille le filer, si tu veux, & fais que l'aiguille soit trempée en eau sallee, ou en vrine. Et pour enter en canon, soit taillé le tuyau de la penne, mais premierement mettez dedans vn petit bastonner, à fin qu'il ne fende, & entez vostre penne dedans. Et s'il y a des penne ployées quine soient du tout rompues, prenez le trou d'vn chou, & le mettez en la braise tant qu'il soit bien chaut, & puis le fendez par vn bout, & avec celà dressez vostre penne. Ou autrement avec eau en quoy ait esté cuit le trou de chou. Si vne penne ou deux tombent par coup, ou par hurter, soit incontinent prins oleum laurinum: & oleum morum an: & soit appliqué au lieu où la penne fera tombée: car c'est la chose du monde qui plus tost le fera renaistre. L'esmeut sanglant signifie rompure & froissement de corps. Les oiseaux malades ou blesez se doiuent garder de vent, poudre & roussee. Notez, que l'on peche plus de donner trop de medecines que peu, car elles ne se peuuent donnees retirer.

*De la complexion des Faucons, & comme
ils se doiuent medeciner.*


 Arce que les Faucons noirs sont melancoliques, ils doiuent estre medecinez avecques medecines chaudes & humides, pour cause de la complexion qui est froide & seche: comme aloës, piper chairs de coqs, & de coulons, passereaux, chieure ou cheureau. Les faucons blancs sont flegmatiques, & se me-

decinent avec les medecines chaudes & seches pour cause du flegme qui est froid & humide: c'est assauoir, avec cynamome, gorosili, sirelis montani, cardamoni, chair de bouc & de corneilles. Les raucons roux sont sanguins, coleriques; & se doiuent medeciner par medecines froides & attrempees en humidité & secheresse, comme sont mirtile, amarici, cassia fistula, acetum, chairs de poulles, & d'aigneaux.

Des cauterés.

 Vant aux cauterés, ils sont vtilés & derniers remedes, quand autrement par medecines ne se peut faire, selon tous ceux qui ont traicté de la chirurgie. Premierement, ce que vous cauterisez doit estre purgé, specialement pour les cauterés de la teste, par esternuer, & par vomir, & par conuenables purgations. Et neantmoins quand vous luy donnez le cautere, vous deuez tousiours administrer les autres medecines appropriées au mal iusques à la fin de la cure. et si par le meilleur cautere il ne guerist, laissez cheoir l'escarre de la teste, & luy en donnez vn autre vn peu plus arriere que le premier. Les cauterés de la teste veulent profondeur iusques à l'os, pour faire son escarre, & sur le lieu cauterisé soit appliqué cest emplastr. R. picis naualis. 3. ii. pulueris sinapis. 3. i. butyri. 3. i. & fiat emplastr. et luy faictes tenir vn chappelet à bourse en la teste, afin qu'il ne puisse gratter le lieu. Les autres cauterés qui sont de la teste, se doiuent oingdre par neuf iours, cum oleo ros. & vitell. ouorum. Tous cauterés se doiuent donner en Mars, si ce n'est par necessité, pour tenir les oiseaux sains. A chancre & aux apostumes qui viennent en la bouche & à la langue, & à fistule ou catarre, le dernier remede est le cautere. Le cautere du milieu de la teste derriere les yeux, est pour le catarre, pour l'epilepsie, pour l'asma pour la pierre, & pour la goutte. Et sont des autres qui donnent vn autre cautere, depuis le bec iusques à l'autre cautere derriere les yeux, tout du long de la teste. Les cauterés pour l'asma sont ceux du milieu de la teste, & de la fourche de la poictrine, & celui du milieu de l'estomach. Ceux de podagre & des cloux, se doiuent faire au lieu que le malse demonstre. Le Roy Daucus appliquoit le cautere au milieu des rains en la fouffette qui est en celle part. Le meilleur remede pour vne playe profonde: mais qu'elle soit fresche, est de donner vn anneau de feu entour la playe, & puis apres l'oingdre avec huyle rosat, & terebentine chaude. Si la playe est en fistulee, donnez luy vne pointe de feu iusques au fons & le pensez, comme dit est. *Pillules pour conforter la teste.*

F A V C O N N E R I E

& l'estomach, & pour les mūdifier des mauuaises humeurs. R. turbitk
part. x. mastice iij. aloë. xxviii. conficient, cum succo absintij in hyeme,
in æstate cū succo liquiritiæ. Les cauterés presque de toutes infirmités
se doiuent donner les veines lacees, & cauteriser le lieu où les infirmi-
tés sont soubçonnees. Le Roy d'Aucus, avec tous les autres cauterés
leur perçoit les nazilles de part en part, avec vn cautere bien subtil. Et
comme le cautere est le dernier remede, & le souuerain, aussi est-il le
plus dangereux, & le plus difficile à qui n'y regarde de bien pres.

Chairs vsables & bonnes.

Les chairs bonnes pour les oiseaux, sont Vache, Porc, Mouton, Lie-
ure, & toute chair sauuage: excepté Cerf & Sanglier fort vieux, mais
elles se doiuent lauer & nettoyer du sang des veines & des nerfs avec
eau chaude. Gardez vous de donner peaux ne graisse à vostre oiseau:
car par ce leur pourroit suruenir mainte & diuerse infirmité, & si fait
mal digerer, & perdre l'appetit.

Chairs restauratiues.

Pigeons de fuye, Passereaux, & tous petits oiseaux champestres,
Oyes & Canes priuees & sauuages, Poulaille, Tourterelles, Cailles,
Francollins, Cheureaux, Cochons de lait, Chieure, Moutons Souris,
Faisans, & Perdrix.

Chairs laxatiues.

Tortues ieunes, Poulles, Ratele, & foye de Cochons, & leur poul-
mon laué & trempé, specialement qui mettroit sucre par dessus,
Succre candy est plus fort, chair de Veau ieune, chair de Bouc en su-
perlatif degreé, specialement au mois d'Aoult.

Chairs deffendues.

Oyson, Cercelles Cormorans, Corbeaux, Chouettes, Corneilles,
pour ce qu'ils ont le sang amer & sallé: car i'ay veu oiseau de la susdite
chair subitement ietter sa gorge.

Des choses qui font auoir faim.

Les pillules communes font auoir faim, quand elles sont donnees en
la cure, & purgent les humeurs superflues. Le past oingt avec la fleur
de lart, fait fort affamer l'oiseau, & est vne chose moult saine.

Medecines laxatiues & les doxes.

Turbit purge le flegme, & s'en peut donner la grosseur de deux
pois ciches aux Lasniers, Sacres, & Gerfaux. Mais aux Faucons Gen-
tils moins, & encores moins aux Autours, Tiercelets Esperuiers. La
reubarbe se peut donner gros comme la quantité d'vne febue: & se
donne

donne communément pour abondance d'humeur, & cōtre vers. Trois piéces de celidoine, staslagre, aloës, le lardon, poiure, toutes ces choses se peuvent donner quand l'oiseau iette rhume ou quand vous le voulez faire ietter le flegme à la mue, ou le past, & suffit d'en donner d'une sorte à la fois.

Les choses cordiales, & confortatiues.

Le meilleur past & nutriment, & le plus profitable aux oiseaux malades, & bien restauratif, selon Armodeus, spécialement à ceux qui ne peuvent enduire la chair. R. lactis recentis part. iij. vitell. ouorum. Et ce battez ensemble, & apres le faites cuire iusques à ce qu'il deuienne espais, dequoy vous paistrez vostre oiseau, & s'il ne vouloit manger, mettez de quelque sang par dessus, & tel past luy donnez peu à peu, & souuent. Le iaune d'œuf cuit avec eau est bon past, par defaute de chair. Pillules confortatiues pour l'estomach secundum Io. Serapion. R. aloë part. iij. masticis par. j. conficiuntur cum succo solatri. Le past trempé en vinaigre avec sucre, fait auoir faim merueilleusement. Mais il se doit donner vn soir auant qu'on aille volder. Le matin qu'on veut faire voler, trois petis lopins de chair trempee en vin-aigre sont fort bons. Pour faire ladicte fleur de lart, mettez tremper vostre lart par plusieurs iours en eau courante, tant qu'il soit bien dessalé, & puis le raclez. Ou autrement, fondez vostre lart, & puis le iettez en eau fraische, & ce faictes plusieurs fois, & c'est la fleur dessus dite.

Des choses qui font muer.

Prenez vne couleure, & luy taillez vn peu de la teste, & autant de la queue, & du milieu païssez vostre oiseau: car cela fait bien muer & tout entierement. Le grain du serpent noir, & en nourrir des poulles, desquelles païssez vostre oiseau, fait pareillement muer: lequel grain se fait en ceste maniere. Prenez vne couleure noire, & la mettez bouillir en eau avec du froment, & en nourrissez voz poullailles & leur donnez à boire l'eau. Mais le bon past & les Souris font muer naturellement, & mieux que toutes les medecines du monde. Et aucunes fois leur donnez past laxatif pour les faire tenir lubriques. Vous deuez mettre l'oiseau gras en la muë, & qu'il ait tousiours l'eau deuant luy, & le creau verd, & luy muer souuent le past, en luy donnant vne fois la semaine le past laxatif, & ceste regle deuez tenir aux Nies. Et le Hagart se doit mettre en la muë, mais se doit muer sur le poing, car il s'estrangeroit trop des gens, & s'il battoit par le chaut, boutez luy le chapellet, ou les boufflets d'eau froide, & il se tiendra en paix, & ceste peine

FAVCONNERIE.

de le tenir sur le poing, durera iusques à tant qu'il commencera à ietter & alors le pouuez mettre sur vne pierre comme les autres. Et quand il vollera, tenez le sur vn billot de bois, que s'il estoit couuert de drap, il seroit meilleur. Autours Tiercelets, & Elperuiers, se muent comme les Faucons, sinon qu'ils ne veulent point estre portez, mais doiuent estre en la muë, & nettement seruis. Les Estmerillons se muent avec les pieds dedans le miliusques aux genoax, pour ce que s'ils voioient leurs pieds, ils les mangeroient pour la grande chaleur qu'ils ont: & la froydeur du mil corrige icelle grand'chaleur, & celle humeur superflue. Auuant que tigrer vostre oiseau de la muë quinze iours ou vingt iours faut le commencer à dessimer & restraindre son past, pour cause de la repletion: car il pourroit en prendre tant qu'il luy feroit mal.

Pour faire le lardon.

Le lardon se fait en ceste maniere. R. piperis par. ij. salis communis par. iij. cineris par. j. & ce soit incorporé ensemble, & en faictes trois petits morceaux de lart, desquels soient bien soupoudrez des poudres dessusdites, & luy donnez par force, & le laissez ieusner par treize heures, & le lendemain luy presentez l'eau, car il en aura mestier.

Pour leuer & oster les poulz;

R. piperis part. j. cineris part. ii. Et avec eau chaude soit laué par tout le corps, & luy gardez bien les yeux. Les Alemans les orpimentent tout à sec, & ceest bon pour temps chaut. La decoction de la mente Romaine faict mourir les poulz, & pareillement l'estafisagre.

Quand vous aurez osté les poulz de vostre oiseaux, faictes-le dormir par deux ou par trois nuits sur vne peau de Lieure, car tout les poulz se bouteront dedans.

Dequoy on donne les cures;

Vous deuez entēdre qu'on dōne les cures de cotton, de queuë de Lieure estouppetailles, ou pieds rompuz, ou de plume. Et est à sçauoir, que les cures baignees ne sont pas si fortes comme sont les eslytes, excepté qu'elles fussent baignees en choses laxatiues.

Lon doit donner tous les soirs cure, & tous les huit iours vne de cotton, & aux muez tous les quinze iours, & aux fors tous les vingts iours.

FIN.

Receuil de tous les oiseaux de proye
qui seruent à la vollerie & Fau-
connerie, par G. B.

Cc ij





C'est une chose assuree de tous, que les Seigneurs Grecs & Romains, tant de l'Orient, de l'Asie, que de nostre Europe, n'auoient cognoissance de l'Art de Fauconnerie, à plus forte raison, ne les personnes priuées, n'ayās ne la puissance nyle vouloir de faire despence à vne chose qui est sans profit. Puis donc que c'est vne inuention moderne, il se trouue bien peu d'Autheurs qui en parlent: encores s'ils en parlent, c'est seulement en passant & conferrant noz oiseaux de Proye avec ceux des Anciens, accordans les noms François, & en passant disent quelque mot de leur nature & propriété. Ce que i'ay voulu n'estre ignoré des plus curieux & sçauans Fauconniers de nostre France, afin d'estre excusé d'vn si petit Recueil: attendant que quelque autre plus docte & mieux entendu en l'art de Fauconnerie y mette la main.

Cc. iij

Fin de la Table

Table du Recueil de tous les oiseaux de proye qui seruent à la
vollerie & Fauconnerie. Par G. B.

ET PREMIEREMENT.



Des noms des oiseaux de proye. fueil. 104.a	Du Lanier femelle, & de son Laneret masle. 115.b
De combien d'especes il y a d'Aigles là mes. 106.a	Du Hobreau. 116.b
De l'Aigle fauue, qu'on nom- me Koyal. mes. fueil. b	Del Esmerillon, ou Esmerillon. 118.a
Del'Aigle noire. 106. a	Du Fau-perdrieux. mes. fueil. b
Du grand Vaitour cendré. mes. fueil. b	De tous oiseaux de proye, qui seruent à la Fauconnerie. 119.a
Du moyen Vutour, brun ou blanchastre. 107. a	De la diuersité des Faucons, & comme on cognoist les meilleurs. 122.a
Des Faucons mes. fueil. b	Comme on doit mettre en atroy, & por- ter le Faucon. mes. fueil. b
Du Gerfaut. 108. a	Comme on doit affaiter vn Faucon, & mettre hors de sauageine. là mes.
Du Sacre, & on Sacret. mes. fueil. b	Comme on doit leurrer vn Faucon nouueau affairé. 124.a
De l'Autour femelle, & de son Tierce- let masle. 109. b	Comme on doit baigner, faire voller, & hayr le change, à vn Faucon nou- ueau. mes. fueil. b
De l'Esperuier, ou Esperuier, femelle, & de son nouchet masle. 111. a	Comme on fait prendre le Heron à son Faucon. 125. b
Des Faucons 112. b	Comme on fera aymer à son Faucon les autres, quand il les hait. 126. a
Du Faucon Gentil. 113. b	Comme on doit essemer, c'est à dire bailler la cure à vn Faucon. mesme fueil. b
Du Faucon Plerin. là mes.	
Du Faucon Tartaret, ou de Tartarie, ou Barbarie. 114. a	
Du Faucon Tunitien, ou Punicien. là mesme.	
Du Tiercel de Faucon. mes. fueil. b	
De la nourriture des Faucons, & com- me il le faut choisir. là mesme.	

Fin de la Table.

Des noms des oiseaux de proye.

Tous oiseaux de proye sont comprins sous ces deux noms, *Ætos*, ou *Hierax*, c'est à dire, *Aquila*, ou *Accipiter*: & de ces deux genres y en a qui seruent à la volerie, desquels seulement entendons parler. Car tous oiseaux de proye ou de rapine ne seruent à la Fauconnerie: mais seulement ceux qui sont hardis, & de franc courage, & qui peuvent voler l'oiseau tant par les riuieres que par les champs. Or comme les Grecs ont voulu que *Hierax*, & les Latins, que *Accipiter*, qui est le *Sacre*, nom special à vn oiseau de proye, donnast le nom vniuersel à tous autres oiseaux de rapine, comme par maniere d'excellence: aussi les François de nostre temps, ont fait que le *Faucon*, qui n'est que nom special d'un oiseau de proye, donneroit le nom vniuersel à tout le genre des oiseaux de proye: parce qu'il surpasse les autres en bonté, hardiesse, & priuauté: comme si l'on vouloit dire, *Faucon Gentil*, comme *Pelerin*, *Faucon Sacre*, & ainsi des autres. D'auantage comme le *Faucon*, qui n'est que le nom special d'un oiseau, a donné le nom à tous les autres oiseaux de proye, aussi a il donné le nom de *Fauconnier* à celuy duquel l'estat & office est d'appriuoiser tes oiseaux, & le nom de *Fauconnerie* à l'art & science de leurrer & appriuoiser les oiseaux de proye & de rapine, pour les faire voler aux autres oiseaux, tant aërez, terrestres, qu'aquatiques.

De combien d'especes il y a d'Aigles.

Mais puis que nous auons diuisé tous oiseaux de proye ou rapine, qui seruent à la Fauconnerie, en *Aigles* & *Faucons*: nous parlerons premierement de l'*Aigle*, & du *Vautour*, qu'aucuns ont pensé estre compris sous les especes de l'*Aigle*: puis les *Faucons*, qui sont oiseaux de proye seruans à la volerie, qui ont prins leur nom de *Faucon*.

Selon *Aristote*, il se trouue six especes d'*Aigles*, qu'il a nommees de non que les habitans de la Grece leur auoient baillé. *Pline* en fait mesme diuision, les nommant toutesfois autrement qu'*Ari-*

Et ote à cause qu'ils estoient de diuers pays, & ont escrit en diuerses langues. Mais parce que n'entendons icy parler que des especes d'Aigles qui seruent à la Fauconnerie, nous parlerons seulement de deux especes d'Aigles: car auourd'huy pour la Fauconnerie nous ne cognoissons que le Fauue. qui est l'Aigle Royal, & le noir: estans les autres especes de si petit courage qu'on ne les scauroit leurrer pour la Fauconnerie.

De l'Aigle Fauue qu'on nomme l'Aigle Royal.

L'Aigle Fauue par Aristote est appelée en Grec Gnesion qui signifie en François legitime & non bastard: parce que c'est la vraye & legitime entre toutes les autres especes d'Aigles. & aussi la nomme de diction Grecque Chrysaëtos, à cause de sa couleur faue, & en Latin Stellaris & Herodius: c'est celle que nous nommons l'Aigle Royal, & Roy des oiseaux, & autresfois Aigle de Iupiter: & c'est celle qui se doit cognoistre pour principale, estant de plus grande corpulence que les autres, aussi est plus rare à veoir, car elle se nourrist par les sommitez des hautes montagnes, & si prent & mange toutes sortes d'oiseaux, & Lieures, & Cheureux, & toutes autres beites terrestres: combien qu'il soit solitaire, sinon qu'ad il meine ses petits avec luy & les conduit pour leur enseigner à prendre les oiseaux, & leur gibbier: mais aussi tost qu'il les a instruits & apprins, il les chasse hors de là en vne autre contree & pays, & ne leur permet se tenir en celle contree: afin que les pays, où les Aigles ont fait leur aire ne soit despeulé & desgarny de gibbier, dont ils pussent auoir faute sachans que si les petits y demeuroient, ne laisseroient en brief temps assez de proye qui les pust fournir. Il la faut descerner d'avec les Vautours: parce que l'Aigle Royal de couleur faue n'a le pied aucunemēt velu, & couuert de plumes, comme l'on voit au Vautour. Il est bien vray que la iambe de l'Aigle est courte & iaune & a des tablettes par devant, mais les griffes sont larges, & le bec noir, long & crochu par le bout. Les queuës du grand Aigle Royal, & aussi du petit noir sont courtes & robustes par le bout quasi comme celles des Vautours. L'Aigle est tousiours de mesme corpulence, & ny en a aucune qu'on puisse nommer moyenne, ou plus grande, qui ne luy donne vn surnō de noir, faue, ou autre tel nom propre. Et si cen'estoit qu'elle est si lourde à porter



porter sur le poing (& de vray elle est moult grande, & aussi qu'elle est difficile à apprivoiser du sauuage, l'on en verroit nourrir aux Fauconniers des Princes plus qu'on n'en fait. Mais parce qu'elle est audacieuse & puissante, pourroit faire violence, si elle se courrouçoit contre le Fauconnier, au visage ou ailleurs. Parquoy qui la veut auoir bonne, il la faut prendre au nid, & l'apprivoiser avec les chiens courants, afin qu'allant à la chasse, & la laissant voller suuant les chiens, lesquels ayant leué le Lieure, Renard, Cheureul, ou telle beste, l'Aigle descende dessus pour l'arrester. On la peut nourrir de toutes manieres de chairs, & principalement des bestes qu'elle aura prinse à la chasse. Rouge couleur en l'aigle, & les yeux profonds, & principalement s'elle est nee es Isles Occidentales, est signe de bonté: car l'Aigle

rouille est trouuée bonne: aussi blancheur sur la teste, ou sur le dos, est signe de meilleur Aigle. L'Aigle partant du poing qui vole au tour de celuy qui la porte, ou s'assied à terre, est signe qu'elle est fugitiue. Quand l'Aigle espanouist la queuë en volant, & toumoye en montant c'est signe qu'elle est deliberee de fuir: le remede est, de luy ietter alors son past, & la r'appeller bien fort. Et si elle ne descend à son past, ou pour auoir trop mangé, ou pour estre trop grasse, i faut luy coudre les plumes de sa queuë, afin qu'elle ne les puisse espanouyr, ne voler d'icelles: ou bien luy plumer le tour du fondement, en sorte qu'il apparaisse, & lors craignant la froidure de l'air, ne tischerà à voler si haut. Mais ayant la queuë cousuë, faut doupter les autres Aigles: car alors elle ne les pourroit euter. Quand l'Aigle toumoye sur son maistre en volant, sans s'esloigner, c'est signe qu'elle n'ira point. On dit qu'une Aigle peut arrester vn loup, & le prendre avec l'aide des chiens & qu'on l'a veu. Ceste Aigle fait communement son nid au costé de quelque roche precipiteuse, à la sommité d'une haute montagne, combien qu'elle le face aussi sur les hauts arbres des forests. L'on dit que les paisans qui scauent le nid d'une Aigle, vulans desnicher les petits, se font bien armer la teste, de peur que l'Aigle ne leur face mal: & s'ils luy en ostent vn de ses petits, le tiennent lié à quelque arbre aupres du nid, iceluy appellera sa mere, laquelle l'ayant trouué luy apportera tant à manger que celuy qui l'aura attachée trouuera assez de gibbier tous les iours pour luy, & six autres: car la mere luy apporte Lieures, Connils, Oyes, & autres telles viandes. L'aigle ne se paist communement pres de son nid, ains s'en va pouruoir au loing. Et s'il luy est resté de la chair du iour precedant, elle li reserue, afin que si le mauuais temps l'empeschoit de voler, elle ait assz de viande pour le iour ensuiuant. Vne Aigle ne change point son aire, durant sa vie, ains retourne en vn mesme nid par chacun an. Et a l'on obserué pour celà que l'Aigle est de longue vie, & deuenant vieille, son bec s'allonge, tant qu'il deuiet si crochu, qu'il l'empesche de manger tellement qu'elle en meurs non pas de maladie ou d'extremité de veillesse, mais pour ne pouuoir plus vser de son bec, qui luy est si fort acru. L'Aigle mene guerre avec le petit Roitelet, mais ce qui en est, selon Aristote, est son seul nō: car à cause qu'on l'appelle Roy des oiseaux, lequel tiltre l'Aigle luy veut oster. Encore y a vn autre sorte de petit oiseau, qu'Aristote a nommé Sitra, & les François vn Grimpeau, qu'iluy fait de grans outrages, car lors qu'il sent l'Aigle absente, il luy casse les œufs. Quand

nous auons dit cydessus, que l'Aigle Royal est de couleur faue, pour faue couleur enendons comme est celle du poil de Cerf. Et combien qu'aristote a nommé Chrifaëtos, qui est à dire Aigle doree, il ne faut pourtant entendre que sa couleur soit tant doree, mais est plus rousse que des autres especes. Les peintres & statuaires Romains la deguisent en leurs pourtraicts, mais chacun sçait qu'elle est autrement. Les Aigles tant faues que noires, sont escorchées comme les Vautours, & enuyées aux Peletiers de France, avec leur ailles, testes, & pieds, de telles couleurs qu'auons dict.

De l'Aigle noire.



Nous auons dit qu'il y a seulement de deux sortes d'Aigles, qui seruent à la fauconnerie, qui sont la faue (de laquelle auons parlé) & la noire, qu'il nous faut descrire. Aristote romme l'Aigle noire, Melauratus, & Lagophonos, parce qu'elle prend les Lieures, que les Latins ont nommée Pulla, Fulua, Lepraria, & aussi Valeria: qui ne se peut toutesfois bonnement distinguer, car ceste noire est plus petite que l'Aigle Royal qui est le faue, que le Milan noir au Royal. Pline a mis ceste Aigle noire au premier ordre des Aigles, comme s'il l'eust voulu preferer à toutes autres especes. Aristote ne la mise qu'au tiers ordre: toutesfois en a dict de grandes louanges. Ceste noire, dit-il, estant de moindre corpulence que les autres, est de plus grande vertu. D'auantage, il dit que les Aiges volent haut pour voir de plus loing: & pour ce qu'elles voyent si clair, les hommes ont dit qu'elles sont seules entre les oyseaux qui ont participans de diuinité. Et aussi pour la crainte que l'Aigle a des eschauguertes, elle deualle non tout à vn coup contre terre, mais petit à petit: & ayant aduisé le Lieure courant, ne le prend incontinent à la montagne, mais sçait bien temporiser & attendre qu'il soit en telle pleine: & l'ayant pris, ne l'emporte incontinent, mais fait premierement experience de sa pesanteur, & de là l'ayant enleué, elle l'emporte.



Du grand Vautour cendré.



Il y a deux especes de Vautours : à sçavoir de cendrez
 ou noirs, & de bruns ou blancheastres. Premièrement nous
 parlerons du cendré, qui est plus grand que le brun,
 car le cendré est le plus grand oiseau de rapine qu'on trou-
 ue: estans les femelles plus grandes que les males, com-
 me quasi de tous les oiseaux de proye. Les Grecs appellent le Vautour
 Gyps, & les Latins Vultur. C'est vn oiseau passager en Egypte, con-
 gneu plustost par sa peau qu'autrement, parce que les pelletiers ont cou-
 stume d'en faire des pellisses pour mettre sur l'estomach. Les autres oi-
 seaux de rapine s'ont differens aux Vautours, pource qu'ils ont le dessous

des ailes tout nud sans plumettes, mais les Vautours l'ont couuert de fin dumet. Leur peau est quasi aussi espoisse que celle d'un Cheureau: & mesmement l'on trouue vn endroit au dessus de leur gorge, de la largeur d'une paume, ou la plume est rougeastre, semblable au poil d'un veau: car telle plume n'a point les tuyaux formez, non plus qu'aux deux costez du colet, & au dessus du ply des ailles: auquel endroit le dumet est si blanc, qu'il en est luyfant, & delié comme soye. Les Vautours ont cela de particulier, que leurs iambes sont couuertes de poils: chose qui n'auient à aucune especes des Aigles, ne oiseaux de rapine.

Du moyen Vautour, brun & blancheastre.



LE Vautour brun ou blancheastre est different du noir ou cendré, à ce qu'il est quelque peu moindre que le noir: aiant le plumage de son col, du dos, le dessus du ventre & tout le corps de couleur fauee ou brune: mais les grosses plumes des ailles & de la queuë sont de la mesme couleur du noir ou cendré: qui fait penser à aucuns qu'il n'y a difference entre eux que du masle à la femelle, mais on les voit souuent chez les grans Seigneurs, aussi communs les vns que les autres. Toutes deux ont la queuë courte, au regard de la grandeur des ailles: qui n'est de la nature des autres oiseaux de rapine: mais de celle des Pic-verds, car on la leur trouue tousiours herissée par les bouts, qui est signe qu'ils la frottent contre les rochers, où ils demeurent. Toutesfois les bruns ou blancs sont plus rares à voir que les noirs ou cendrez, aussi ont cela de particulier, que les plumes de dessus la teste sont assez courtes, au regard de celles des Aigles: qui a esté cause que quelques-vns les ont trouuez chauues cōbien qu'ils ne le sont pas. Le Vautour, cendré ou noir, & le brun ou blanc ont les iambes courtes, toutes couuertes de plumes jusques au dessus des doigts: qui est vne enseigne entre tous oyseaux de rapine, qui conuient à eux seuls, & qu'on ne trouue en nul autre oiseau ayant l'ongle crochu, horsmis aux oiseaux de nuit. Pour discerner le brun d'avec le cendré, il faut noter que le brun a les plumes du col fort estroittes & longues (comme celles qui pendent au col des Coqs, & Estourneaux) au regard de celles de dessus le dos, des costez, & des coings du ply des ailles, qui sont petites & largettes en maniere d'escailles: mais celles qui sont dessous l'estomach, comme aussi celles de dessus le dos, & les autres qui couurent la racine de la queuë, sont

RECVEIL DES

rousses, au roux : & au noir, noires : mais en tous deux sont larges. A cause de leur grosseur, ils ne peuvent voler de terre sans aduantage. On les voit rarement par les plaines d'Italie, Alemaigne & France, sinon en yuer, qu'on les voit voler en tout lieux : car alors ils laissent les sommitez des hautes montaignes, euitans la grande froidure, & passent outre la mer es regions chaudes. Les Vantours ne sont communement que deux ou trois petits, mais il y a grande difficulté à les desnichier : car le plus souuent ils font leur nid au costé de quelque falaise, en lieu precipiteux, & de difficile accez. On les peut nourrir de tripailles, charongnes, & vuidanges de bestes : aussi l'on dict à ceste cause, qu'ils suiuent les champs pour en manger les vuidanges des bestes qu'on y tuë, & les corps morts, dont aucuns ont dit qu'ils presageoient vn grand meurtre, & vne grande occision en vne armee.

Des Faucons.

Vous auez entendu que tout ainsi comme les anciens ont voulu que le Sacre que les Grecs nommoient Hierax, & les Latins Accipiter, fust le terme principal, dessous lequel sont comprins toutes autres especes d'oiseaux de proye : semblablement les François de nostre temps, ont fait que le faucon seroit le principal en son genre : voulans que le Sacre, Gerfaut, Autour, & tels autres rinssent aussi le surnom de Faucon : car nommans les vns Faucons de leurre, ils mettent le faucon gentil au premier lieu, & apres le faucon Pelerin, le faucon de Tartarie, le faucon de Barbarie, le faucon Gerfaut, le faucon Sacre, le faucon Lanier, le faucon Tunicien, ou Punicien : qui sont huit especes d'oiseau de proye congneus d'vn chacun, & familiers en France. Dont en y a quatre qui volent de poing, & prennent de randon, qui sont l'Autour, l'Esperuier le Gerfaut, & l'emerillon ; & quatre qui volent haut, qui sont le faucon, le Lanier, le Sacre, & le Hobreau. Les vns sont retirez & rappelez de leur vol en leurs presentant le poing : les autres en leur presentant le leurre, c'est à dire vn instrument qui en façon de deux aisles d'oiseau accouplées ensemble, pëdu à vne lesse, & vn esteuf ou crochet de corne au bout : & les oiseaux sont attirez par ce leurre, qu'ils pensent estre vne poule viue. Les vns ne commencent la chasse, mais commencent par les chasseurs, l'acheuent. Desquels nous traiterons l'vn apres l'autre, & par ordre. Et ces oiseaux ne semblent estre differens ensem-

ble sinon qu'ils ne volent indifferemment tous oiseaux, mais vn chacun d'eux s'attaque, à l'oiseau à la chasse duquel il est adonné.

Du Gerfaut



Le ne se trouue point de gerfaut sinon es mains des raucon-
niers des grands Seigneurs, & est vn oiseau bien rare à voir :
il est de grande corpulence, de façon qu'aucuns ont pen-
sé que ce fust vne espece d'aigle. Il est bon à tous oiseaux,
car il est hardy, & ne refuse iamais rien : toutesfois il est plus diffi-
cile à appriuoiser & leurrer que nul autre oiseau de proye, d'autant
qu'il est tant hazard & bizarre, que s'il n'a la main douce, & le maistre

RECVEIL DES

debonnaire, qui le traicte amiablement, il ne s'appriuoifera iamais. Il est fort bel oiseau, & specialement quand il a mué: & apres l'Aigle c'est l'oiseau le plus grande vigueur que nul autre que nous ayons. Le Gerfault se tient assis sur le poing; aussi est de longue corpulence, ayant le bec, les iambes & pieds de couleur bleuë, & les griffes moult ouuertes, & longs doigts. Il est si hardy qu'il se hazarde contre l'Aigle. Nous ne le verrions point s'il ne nous estoit apporté d'estrange pays: & dit-on qu'il vient de la partie de ruffie, où il fait son aire, & qu'il ne hante point ny en Italie ny Frâce, & qu'il est oiseau passager en Allemagne, tât en la haute qu'en la basse: où les habitans le prennent en la maniere des Faucons Pelerins, & de là le nous apportent en France, autrement nous nen aurions aucun. Et si on en apportent quelqu'un de par-deçà, il est communement vendu vingt ou trente escus. Cest oiseau est bon à trois vols, car il ne refuse iamais rien, & si est ouurier de prendre les oiseaux de riuiere: car il les lasse tant, qu'à la fin sont contraincts de serendre, ne pouuans plus faire le plongeon. Aucuns tiennent que c'est Piangos & Morphnos des Grecs, & Anataria des auteurs Latins.

Du Sacre, & de son Sacret.



Le Sacre est de plus laid pennage qu'autre oiseau de Fauconnerie: car il est de la couleur comme entre roux & enfumé, semblable au Milan. Il est court empieté, ayant les iambes & les doigts bleus, ressemblant en ce quelque chose au Lanier. Il seroit quasi pareil au Faucon en grandeur, n'estoit qu'il est compassé plus rond. Il est oiseau de moult hardy courage, comparé en force au Faucon pelerin: aussi est oiseau de passage, & estrare de trouuer homme qui le puisse vanter & dire d'auoir onc veu l'endroit où il fait ses petits.

Il y a quelques Fauconniers qui sont d'opinion qu'il vient de Tartarie, & Ruffie, & de deuers la mer Maieur, & que faisant son chemin pour aller vire certaine partie de l'an vers la partie du midy, est prins au passages par les Fauconniers, qui les aguettent en diuerses isles de la mer Egee, Rhodes, Carpento, Cypre, Candie. Le Sacre est oiseau propre pour le Milan: toutesfois on le peut aussi dresser pour le gibbier, & pour campagne, à prendre Oyes sauuages, Faisans, Perdrix & à toutes autres manieres de gibier. Les grands seigneurs qui veulent



lent auoir le plaisir du vol de Milan, le font combattre au Sacre:& pour le faire descendre (parce qu'il est coustumier de se tenir l'Esé, & sur le Midy, au plus haut du iour, fort haut en l'air, pour prendre la fraischeur qui est la moyenne region de l'air) font tousiours porter vn Duc sur le poing d'vn Fauconnier, à qui ils pendent vne queuë de Renard au pied: & le laissant voler en quelque plaine, donn: soudainement vouloir au Milan de descendre: car quand le milan aduise le Duc, incontinent il descent à terre, & se tient ioignant luy, neluy demandant autre chose sinon de le regarder, esmerueillé de sa forme. Alors on lasche le Sacre sur luy, mais se sentant leger, espere le gigner a vo-

E e

ler: parquoy il monte soudainement contremont en tournoyant, le plus haut qu'il peut: & là le combat est plaisant à voir, principalement si c'est sur plaine sans arbres, & que le temps soit clair, & sans vent: car on les verra & Sacre & Milan monter si haut qu'on les perd tous deux de veüe: Mais de rien ne sert au Milan, car le Sacre le rend vaincu, l'amenant contre terre à force de coups qu'il luy donne par dessus. Sans le vol du Milan on ne verroit iamais Duc, d'autant qu'ils hantent tât seulement en pays de montagne, où ils font leur aire, quelquesfois dans les rochers, & és pertuis des hautes tours. On fait voler au Sacre deux fortes de Milans, c'est à sçauoir le Milan Royal, & le Milan noir, qui donne plus d'affaire aux oiseaux que le Royal: car il est plus agile, & de moindre corpulence. Aucuns tiennent qu'entre les oiseaux de proye que le Sacre est le plus vaillant, plus fort que l'Aigle, ayant les ongles plus fermes & forts, la teste grosse, & le bec fort long: toutesfois il n'est pas si pesant que l'Aigle, & n'a pas les ailes si grandes, & si le Sacre va tousiours en haut, ayant seul entre les oiseaux de rapine la queuë fort longue. Nous appellös le Tiercelet du Sacre, vn Sacret, qui est le male, & le Sacre sa femelle, entre lesquels il n'y a autre différence sinon du grand au petit: car communément aux oyseaux de rapine les males sont plus petits que les femelles. Aucuns disēt que le Sacre a esté nommé en Grec Triorchis, pource qu'il a trois testicules, selon Aristote, & son Sacret, Hypotriorchis: en Latin buteo, & son Sacret, Subuteo.

Del' Autour femelle, & de son Tiercelet male.



Aucuns ont pensé que l'Autour fust du genre des Vautours, à cause de l'affinité de ces deux noms. Les autres tiennent que l'Autour & l'Esperuier ne sont differents qu'en grandeur: mais nous dirons de l'Autour à part, laissant disputer les sçauans Fauconniers.

L'Autour est plus prisé que son Tiercelet: car les males des oiseaux de rapine mōstrent à l'œil en plusieurs especes euidente distinction de leur femelle: aussi cognoist-on l'Autour pour femelle, qui est beaucoup pl⁹ grande que son Tiercelet. Les Fauconniers en mettent encores vne autre espece qu'ils nomment demy-Autour, comme moyen entre l'Autour & son Tiercelet. Tous deux sont plus haut en iambez que les Gerfauts & faucōs. Ils sont oiseaux de poing au contraire des susdits, qui sont de leurre. La femelle rapporte moult à la couleur de



l'Aigle. Et faisant comparaison du grand au petit, ils ont le plus long que l'Aigle & sont encores plus mabrez de rousles taches, ayans principalement le champs de la mabrure roux, Ceux qu'on nous apporte d'armenie, au recit des Fauconniers, & de Perse, sont les meilleurs apres ceux de Grece, & en dernier lieu sont ceux d'affrique. Celuy d'armenie a les yeux verts fort different des autres autours, & a les pieds blancs comme aucuns Faucons Pelerins, bon pour les grands oiseaux. Celuy de Perse est gros, bien emplumé, les yeux clairs, cõcauez & enfoncez, sourcils pendans. Les autres qui sont de Scaonie, sont bons à toute vollerie, grands hardis, & beaux de pennes, ils ont la lãgue noire, & les narines grãdes. Celuy de Grece a grãde, teste.

Ec ij

RECVEIL DES

gros col, & beaucoup de plumes. Il y a des Autours que les Italiens appellent *Alpifani*, desquels ils vsent fort en Lombardie, & en la Tauscane, & en la Pouille, qui sont plus gros que longs, fiers & hardis. Celuy d'Affrique a les yeux, & le dos noir, quand il est ieune: & quand il muë, les yeux luy deuiennent rouges. Ceux de Sardaine ne semblent point aussi les autres: ils ont les penes brunes, fort petits, les pieds velus, couards, & peu hardis. Mais les nostres que nos Fauconniers ont pour le iourd'huy, sont principalement venuz d'Alemaigne, ayant le tour des yeux, & celle partie du bec qui touche la teste, comme aussi les pieds, & les iambes, de couleur iaune, au contraire du Gerfaut qui les a bleuës. Leur queue est bien fort mabree de taches larges & obliques: parties noires, parties grises: comme aussi les plumes de dessus le col, & de la teste, sont plus roussettes, & bien marquetees de noir: mais celles des cuisses, & de dessous le ventre, sont autrement tachees: car n'estans si fauues, ont les taches rondes, telles qu'on voit à l'extremité de la queue d'un Paon. Les Autours d'Alemaigne ne s'ot gueres beaux, combien qu'ils soient grans, de penes rousses, peu hardis. Ils s'en trouue aucuns qui sont bons auant la muë, qui apres auoir muë ne valent plus rien. L'on en prend moult grande quantité en la forest d'Ardenne, & en plusieurs lieux d'Alemaigne. La bonne forme d'Autour, est d'auoir la teste petite, face longue, estroicte comme le Vautour, & le gosier large, & qu'il ressemble à l'Aigle, ses yeux grans profonds, & en iceux vne rondeur noire, narilles, oreilles, croupe, & pieds larges, col long, grosse poiçtrine, chair dure, cuisses longues, charnues, & distantes. Les os des iâbes & des genoux doiuent estre forts, les ongles gros & longs. Et dès le fondement iusques à la poiçtrine doit estre cōme en vne rondeur du croissant. Les plumes des cuisses, vers la queue, doiuent estre larges & peu rousses, & molles. La couleur de dessous la queue doit estre comme celle, qui est à la poiçtrine. La couleur de l'extremité des plumes de la queue, doit estre noire en la partie des lignes. Des couleurs la meilleure est rouge, tendant au noir, ou au gris clair. La mauuaise forme d'Autour, tant en petits qu'en grans, & est quand ils ont la teste grande, le col court, les plumes du col meslees, fort emplumez, charnuz & mols: cuisses courtes & grosses, iambes lōgues, doigts courts, couleur tannee, tendant à noir, aspre sous les pieds. Combien qu'ayans obserué les Vautours, & autres oiseaux de proye, leur auons trouué les iambes, pieds, & bec blez: és autres, bleuz, & és autres, d'autre couleur, selon leur aage & muë. Les Grecs ont appellé l'Atour, *Asterias Hierax*, les Latins, *Accipiter Stellaris*, les Italiens *Astures*.



Del'Esperuier, ou Esparuier, femelle, & de son Mouchet masle.

PArce que, selon aucuns, l'Esperuier & l'Autour ne different qu'en grandeur, ie mets icy l'Esperuier apres l'Autour. Il y a de deux sortes d'esperuiers, de niais & de ramages: qu'o'ap- priuoise, les tenant bien longuement & souuent sur la main & principalement à l'aube du iour. On leur donne à manger deux fois le iour, ou vne fois, principalement quand le lendemain on les veut faire voller: car alors l'Esperuier doit estre bien a ffamé, afin qu'il volle plustost apres sa proye. Sa nourriture doit estre de bonne chairs, spe- cialement d'oiseaux, & de mouton, afin qu'il soit bien gras. l'Esperuier est facile à laisser son maistre: & pour obuier à ce, faut que le maistre gar-

RECVEIL DES

de de le blesser, & ne luy contredire, car il est desdaigneux. Quand il ira voller, il ne le doit point laisser aller trop loing: d'autant que quand il ne peut attraper l'oiseau qu'il volle, il s'en va par indignation, & morte, sur vn arbre, sans vouloir retourner à son maistre: qui ne le doit traualer outre mesure, mais se doit contenter de ce qu'il pourra prédre, & luy donner de sa proye à manger, afin qu'il sente ce que la proye luy a valu, & qu'il soit excité de volontiers voler. Les oiseaux que l'Esperuier prend, sont Perdrix, Cailles, Estourneaux, Merles, & autres semblables. Quelque part qu'il y ait des Pinssons, & que l'Esperuier passe, on les oira crier à haute voix, & se le signifier de l'vn à l'autre: car entre les petits oiseaux, les Esperuiers ayment à manger les Pinssons. Mais c'est que les Pinssons descendans l'hyuer es plaines, & volans à grandes troupes, se donnent pour pasture aux Esperuiers: lesquels il nous semble qu'ils ne partent aucunement de noz centres.

Les fauconniers nomment diuersement les Esperuiers, selon diuers accidens: car ceux qui sont muez de bois, & ne tiennent point du fort, sont nommez ramages: les autres qui ne sont muez, & qui sont nouvellement fortis du nid, & ont esté quelque peu à eux sont nommez Niais. De telle sorte fait bon choisir pour apprendre: car se sont ceux qu'il fait le mieux apprester pour s'en seruir, comme aussi est de ceux qu'on surnomme Branchers: sçauoir est qui ne sont encores muez, & qui n'ont point fait d'aire & n'ont iamais nourry de petis.

Les Esperuiers, comme aussi tous oiseaux de rapine, sont couuers de diuerses penes selon leurs aages, & aussi sont differents selon leurs tailles. Il y en a qui sont couuers des menues plumes blanches trauer-saines: les autres sont couuers de grosses plumes, les fauconniers les appellent mauuaises. L'Esperuier meilleur pour la fauconnerie est ceuy qui a la teste rondette par dessus, & le bec assez gros, les yeux vn peu cauez, & les cercles d'entour la prunelle de l'œil, de couleur entre vert & blanc le col long & grossier, grosses espales, & vn peu bossues. Doit aussi estre vn peu ouuert à l'endroit des reims, & assilé par deuers la queue. Ses ailes soient assises en auallant le log du corps, si que le bout s'appuyesur la queue, laquelle il doit auoir non trop longue, garnie de bonnes penes & larges. Aussi faut que ses iambes soient plattes & courtes, & les pieds longs & deliez, la couleur entre verte & blanche, les ongles poignans bien noirs & deliez. Quand les plumes trauer-saines d'vn Esperuier sont grosses, vermeilles, & bien colorees, & les

nouee grosses, & que c'elles de la poitrine ensuiuent bon ordre, & que le breuil soit meslé de mesme trauersaine, ainsi que le corps, & les sourcils soient blancs, vn peu meslez de vermeil, qui prennent le tour iusques derriere la teste, & aiant les pennes larges, & soit tousiours familieux, sera entre tous autres de bonne eslite.

Il y a des Esperuiers appelez en Italien di Ventimiglia, fort grans: ayans treze pennes en la queue. Il en y a de Sclauonie, qui ont les pennes de la poitrine noires. D'autres sont appelez Galabriens, qui sont moyens & fort hardis. Autres sont qui viennent de Corse, ayans les pennes brunes. Ceux qui demeurent en Allemagne, sont petis, & non trop bons. A Veronne & à Vincente s'en trouuent de moyens en grandeur. Ceux que les Italiens appellent di Sabbia, ont les pennes rouilles, & les taches dorees comme vne Tourtre,

Les Esperuiers ne tiennent leurs perches si constamment comme font les faucons: parquoy on ne les prend si souuent aux lacets. On les trouue volotiers perchez en temps d'hyuer aux bois de haute fustaye. sur vn arbre gresse, en lieu où il y a abry, le long de quelque haye, plus tost qu'en vn bien gros arbre en vne haute forest. Et vient à la perche enuiron Soleil couchant, volant principalement contre le vent. L'esperuier est de moyenne corpulence entre les oiseaux de proye, mais son masse est de moindre stature. Il y a si peu de difference entre l'esperuier & son masse, qu'on n'y cognoist que la grandeur qui les puisse distinguer. Son masse de nom propre François est appellé vn Mouchet. Et pource qu'il n'est hardy, & de frand courage, l'on n'a pas souuent accoustumé de le nourrir pour s'en seruir à la Fauconnerie. La description des couleurs du Mouchet conuient à celle de l'Esperuier à ceste cause les auons mis ensemble. L'esperuier comme aussi le Mouchet, ont le dessus de la teste couuert de plumes brunes, mais la racine est blanche. Quelques plumes de celle partie des ailes, qui touchét le dos, sont marquées de taches rondes & blanches. Les plumes qui couurent le dos, & les ailes, ne luy apparoissent madrees, sinon qu'on les regarde par le dedans, qui sont principalement marquées par le trauers. Les petites plumes qui ont entour les plis des ailes, & au costé de l'estomach, sont rouiffettes, comme aussi sont celles qui sont dessous le ventre, qui luy apparoissent fort mouchettees par le trauers, ayant celà de particulier, que les costez en sont noirs. Aucuns disent que nostre esperuier est le mesme

RECVEIL DES
oiseau' de proye que les Grecs appelloient Percus Spiziás, parce qu'il
mange les Pinçons, & en Latin, Fringillarius, & en Italien, Sparuieros.



Des Faucons.

Vous pouuez entendre que la Fauconnerie est dediee pour
le plaisir des grands Seigneurs, & principalement de nostre
France: les estrangers estans aduertis de leur profit, s'estu-
dient de prendre diuerses sortes de Faucons, & nous les ap-
porter: qui a esté cause que nous en auons rencontré que les Grecs, ny
les Latins n'auoient point veu, & ainsi ne leur ont donné aucun nom,
parce qu'ils n'auoient l'vsage de les aduire au leurre, & par consequent
n'estoient point maniez des hommes de ville. Et à cause que le Fauco:
sur

sur tous les oiseaux de proye, est le meilleur pour la vollerie, tous les autres oiseaux de proye ont esté appellez faucons, cōme dessus a esté dit: car le Sacre, Gerfaut, Autour, & tels autres, tiennent le nom de faucon. Or maintenant nous entendōs parler du faucon en particulier, c'est à dire de celuy qui a baillé le nom à tous les oiseaux de proye. Les faucōs sont bien d'autre gēre que les Aigles, car les Aigles à grād peine, encores qu'on mette long temps à les leurrer, se peuuēt accoustumer à la vollerie. Mais les faucons encores qu'ils soient sauuages, n'aians iamais esté leurrez, de nature ils gibboient: car voyans des hōmes & des chiens de chasse, ils se mettent avec eux pour leur ayder, frappans aucunes fois les oiseaux qu'ō vouloit prédre, d'autres fois les espouuentans: s'associans avec les hommes & les chiens pour auoir part au butin. Les faucons qui sont de mesme genre & espece, prenēt grande difference entre eux, & sont appellez par diuers noms, selon le temps qu'on les commence à nourrir, selon les lieux où ils hantent, & selon les pays dont ils viennent. Nous les distinguōs en muez, de bois en fors, en niards, ou niais, en grans moyens, & petits, qui sont tous de diuerses tailles, & ont diuerses pēnes, selon diuers pays, aussi sōt de diuers pris, selon diuerses louanges de bonté. Le faucon niard, ou niais, est celuy qu'on prend au nid: & ceux cy, le plus souuent, sont grands criards & fascheux à nourrir & entretenir. Le faucon fort, est celuy qui est pris depuis Septembre, iusques en Nouembre, ceux cy sont les meilleurs de ce genre, car estant petis, ils sont aisez à s'appriuoiser, & estant desia forts, & la saison en laquelle ils sont prins tēpēree, apprennent plus facilement: ceux qui sont prins és quatre mois subsequens, combien qu'ils soient fort beaux, si sont ils maladifs, & fascheux à entretenir. Et ceux qui sont prins apres ce temps, combien qu'ils soient forts, sont toutes fois trōpeurs & cauts, parce qu'ils sōt deuenus grāds en liberté, qui est la cause qu'en ayant encore memoire, facilement ils se destournent de ce qu'on leur a appris & enseigné. Les faucons sauuages, qu'on a cogneu hanter es lieux marescageux, & se paistre d'oiseaux de riuere, sont surnōmez Riuere aux: les autres qui se nourrissent de Merles, Estourneaux, Corneilles, & Mauuis, sont nommez Champestres. Il y en a aussi qu'on nomme faucons appris de repaire. Il en y a d'autres qui sont appellez passants. Les autres sont nommez estrangers parce qu'ils viennent de loingtain pays. Puis encores on appelle les faucons par ces appellations, selon la bonté & le pays dont ils viennent, où ils sont prins: car il y a le Faucon Gentil, le Pelerin, le

RECVEIL DES
Tartaret de Barbarie, & le Tunicien ou Punicien.

Du Faucon Gentil.

Lfaut entendre qu'entre les Faucons, les Faucon-
niers loüent celuy qu'on nomme le Gentil, pour
estre bon Heronnier, & à toutes manieres d'oiseaux
deruiere, tant dessus que dessous comme à Roup-
peaux, qui ressemblent à vn Heron, aux Esplugebās,
aux Poches, & aux Garsottes: & aussi que c'est le plus
hardy & vaillant de tous les Faucons. Si ce Gētil est
prins niais, on le peut mettre à la Gruë: car s'il n'y estoit fait de niais,
il n'en seroit si hardy: pource que n'ayant iamais rien cogneu, le lais-
sant premierement sur la Gruë, il en sera trouué plus vaillant.

Du Faucon Pelerin.

Le faucō Pelerin est ainsi appellé parce qu'il fait de
longs chemins & voyages, & passe de pays en autre,
qui est en la saison d'automne, en laquelle saison il
est prins. Les autres disent qu'ils sont prins depuis
Iuin iusques en Aoust: & qu'à cause de la chaleur
ils sont difficiles à auier & à leurrer. Les signes pour
cognoistre le vray Pelerin, sont qu'il a le bec gros
& azuré, & depuis le bec iusques à l'oreille roux & noir, & la teste pi-
geassée de blanc ou roux, les pennes grandes, & semblables à la Tour-
tre, ayant la poitrine large, les pieds grās & azurez ou blācs, les iam-
bes courtes & grosses. C'est oiseau Pelerin est de sa propre nature frāc
à tout faire, & n'y en a point entre tous les oiseaux de proye de plus
commun. On le leurre pour la Gruë, pour l'oiseau de Paradis, qui est
plus petit que la Grue, pour les Rouppeaux, pour les Poches, Garsot-
tes, Oustardes, Oliues, Faisans, Perdrix, Oyes sauvages, & toute au-
tre maniere de gibbier. Le Faucon Pelerin est plus petit que tous les
autres Faucons, ayant les aïsses & les cuisses, longues, les iambes & la
queuë petite, la teste fort grosse: les meilleurs sont ceux qui ont le bec
de couleur bleuë. Les Faucons Pelerins qu'on apporte de Cypre, qu'ō
cognoist à ce qu'ils sōt de petite corpulence, ayans leurs plumes rouf-
ses, sont plus hardis que les autres. L'on pense que ceux de Sardaigne

OISEAUX DE PROYE.

sont moult seblables aux Cypriens, & que tels Faucons sont fort bons Gruyers & Heronniers, & assaillent hardiment les Cignes.

Faucon Tartarot, ou de Tartarie, ou Barbarie.

Nous nommons le Faucon Tartarot Faucon de Tartarie, & aussi Faucon de Barbarie: car on le prend lors qu'il passe de Tartarie en Barbarie: estant passager comme le Pelerin, toutesfois de plus grande corpulence, roux dessus les ailes, & moult empieté de longs doigts. Quelques vns ont opinion que tels Faucons sont espece de Pelerins, & où il y a peu de difference. Quoy qu'il en soit, c'est vn oiseau bien volant, & qui assaut hardiment toutes manieres d'oiseaux de riuere. Aussi le peut on mettre à voler tous ceux que nous auons nommé du Pelerin. De tous deux peut on voler pour tout le mois de May, & de Iuin, car ils sont tardifs à leur muer: mais quand ils ont commencé à despouiller leurs plumes, ils n'arrestent à estre muez. Les nobles qui habitent es Isles de Cypre, Rhodes & Candie, vsent desdits Faucons Tartares ou Barbares, plus volontiers que de ceux qui se trouuent niais en leur pays.

Du Faucon Tunicien, ou Punicien.

LE Faucon Tunicien pourroit estre aussi appellé Punicien: car ce que nous lisons de la guerre Punique contre les Carthaginois, estoit contre les habitans, où est maintenant fruee Tunis. Ce Faucon Tunicien est moult grand, approchant de la nature du Lanier, aussi est-il de tel pennage, & de tels pieds mais est plus petit, & de plus long vol, mieux croisé, & a grosse teste & ronde. Il est appellé Tunicien, pource qu'on l'apporte du pays de Barbarie, car il fait son air ne plus ne moins que le Lanier en France. Aussi est apporté par ceux de Tunis, qui est la maistresse ville du pays. Il est fort bon pour riuere, & bien montant sur aile, & aussi pour les champs, à la maniere du Lanier: mais il est rarement apporté de par deçà. Il y a vn Faucon qu'on appelle Montain, ou montagner qui a cela de propre qu'il regarde souuent ses pieds & si est fort despit comme sont communement tous les oyseaux de proye: car à peine le Fauconnier le peut r'auoir, & ne veut reuenir à luy s'il a perdu sa proye.

RECVEIL DES

Le tiercelet de Faucon.

Nous disons que le Tiercelet est prononcé suiuant l'Etymologie d'un tiers, & possible que le Tiercelet gaigne ceste appellation Françoisse de sa petiteffe. Aucuns disent que les Latins, à ceste cause, l'ont nommé pomilio. Les Tiercelets des autres oiseaux de proye sont autrement nommez : car celuy de l'Esperuier est nommé Mouchet, celuy du Lanier, Laneret, & du Sacre, Sacret, Le Tiercelet de Faucon est donc le masle du Faucon estant de moindre corsage que le Faucon (comme sont quasi tous les masles des oiseaux de proye) & luy est si sēblable, qu'il ne differe qu'en grādeur, ayāt les plumes beaucoup madrees, duquel la teste est fort noire: aussi il a les yeux noirs, & est cendré par le dos, & dessus la queuë, qui toutesfois est madrée comme aussi sont les plumes des aisles, desquelles le bout est noir. Il y en a six entieres, qui luy sortent dehors, comme au Faucon: car la septiesme, qui est la derniere, est petite & se cache desous les autres. Il est oiseau de leurre, comme est le Faucon, & non de poing. Ses iambes & pieds sont iaunes, & a communément la poiëtrine pale. Il porte deux taches bien noires sur les plumes, es costez des yeux.

De la nourriture des Faucons, & comme il les faut choisir.

VN Autheur nommé Suidas, dit que Falco est vn nom general à tout oiseau de proye & de rapine, cōme a esté Accipiter en Latin, & en Grec, Hierxa, Festus pēse qu'ō le nommoit Falco, à cause de ses ongles tourneuz en faux. Il sēble qu'Aristote n'a point vsé de telle diction, mais semble que pour nostre Faucon il ayt entendu nōmer. Accipiter Palumbarius. Et de fait, les oiseleurs n'ont meilleur moyen pour prendre les Faucons, que des Ramiers. Quoy qu'il en soit, le Faucon est le prince des oiseaux de rapine (r'entens quant au vol) pour sa hardiesse, & grand courage. Les Faucons ne doiuent estre desniches & mis hors de leur nid qu'ils ne soient ja grandets, & en leur perfection. Que si plustost on les oste, il ne faut point les manier, mais faut les mettre en vn nid le plus semblable au leur qu'on pourra, & là les nourrir de chair d'Ours, & de Poulllets: autremēt les aisles ne leurs croissēt point, & les iābes & tous leurs autres membres facilement se quassent & desnoient, L'esle-

Etion des Faucons pour les meilleurs, & ceux qui sont de plus grand pris, sont ceux qui ont la teste ronde, & le sommet de la teste plein, le bec court & gros, les espauls amples, les pennes des aisles subtiles, les cuisses longues, & les iambes courtes & grosses, les pieds noirs, grands & estendus. On cognoist les meilleurs & plus vaillās Faucons à ce qu'ils ont le col court, la teste grosse & rōde, l'os de la poictrine fort aigu & poinctu, les aisles lōgues, la queuē petite, les iābes courtes, & bien amassees & nerueuses, rondes par le haut, par le bas fermes & seches: & ont la face de couleur tachee de noire, & la peau de dessus & dessous les yeux qui les couure, toute noire, mais aupres des yeux y a des taches blāches & cendrees, & les yeux fort iaunes, avec la pupille noire. Faut aussi, pour choisir les meilleurs Faucons, eslire les moyēs, qui ne sont ne grans ne petis, comme sont ceux qu'on nomme Pele-rins qui sont estē pris sur la falaise de la Mer, qui n'ont gueres sejour-nē au pays pour se nourir, & qui n'ont entendu sinon à venir. Le Fau-con aussi qui a longues espauls, longues aisles, gifants au bout de la queuē, & que celles de la queuē montrent grosses plumes, biē mou-luēs, & la queuē fort longue, & qui se termine en filant, cōme cel-le d'un Esperuier, & que les pennes soient bien rondes, & que le bout de la queuē ne soit blanc de plain pousse, ayant les nerfs vermeils, sera louē entre tous les autres. Aussi doit auoir les pieds de la couleur de ceux d'un Butord, & bien fendus, & verds, les ongles noirs, bien poin-tus & trancheants, & ne doit estre ne trop haut assis, ne trop bas, mais que la couleur des pieds, & chiere du bec soit toute vne. Cuisses gros-ses, iambes courtes, plante large, molle, & verte, plumes legieres. Aussi doit auoir le bec brossie, & grossier, grādes narines & ouuertes, & doit auoir les sourcils vn peu hauts & gros, les yeux grands & cappes, & la teste vn peu voultissēe & rondette par le dessus. Et quand il est seur qu'il face vn peu de barbette dessus le bec avec sa plume. Aussi doit auoir le collong, & haute poictrine, & vn peu rondette sur les es-pauls à l'assēbler du col, & se doit seoir large sur le poing, peu reuers, mordant & familleux. Ses plumes blanches & colorees de vermeil, & les nouees grosses & bien vermeilles. Les sourcils, & iouēs blanches, colorees de plumes vermeilles la teste grise, le dos de bize couleur, comme celuy d'une Oye, les plumes larges & rondes: & sur tout ne doit point estre grand, mais se doit entresuir de plumes, de pied, & de bec, & doit auoir aussi l'ouure grande, & dedans l'ouure ne doit point auoir vn bout de l'escofraye.

RECVEIL DES

Les Faucons se perchent en diuerses manieres, dont y en a qui tiennent leurs perches longuement, & n'ont gueres accoustumé de les prendre dedans la forest, mais à l'oree du bois, dessus les branches des hauts arbres, à l'endroit où il y a meilleur abry, & où il ne vente point: ou bien s'asseoient sur les guignons de roches es hautes falaises.

Pour les appriuoiser les faut souuent tenir sur la main, les nourrir d'ailes & cuisses de poules mouillees en l'eau & mettre en lieu obscur & souuent leur presenter vn bassin plein d'eau, où ils se puissent baigner puis apres le bain les secher au feu, on les accoustume à chasser premieremēt petis oiseaux, puis moyens, par apres des grās: & ne faut faillir à leur dōner curee des oiseaux qu'ils aurōt prins. Ils volēt merueilleusemēt tost, & montent en haut en rouiant & regardāt en bas: & où ils voyent la Cāne, l'Oyson, la Gruë, le Herō, ils descendent cōme vne fagette, les ailes closes, droict à l'oiseau, pour le destrōpre à l'ongle de derriere, & s'ils faillent à le toucher, & qu'il fuye, volēt soudainemēt apres, & s'ils ne le peuuent attraper perdēt leur maistre. Le Faucon sur tout est propre pour voller le Herō, & tous autres oiseaux de riuere.

Du Lanier femelle, & de son Laneret masle.

PArce que le Lanier approche de la nature du Faucō, principalement du Tunicien, & aussi est de tel pennage, & de tels pieds, & que le Lanier entre les oiseaux de Fauconerie prēd aussi le furnom de Faucon, car ils dient communément Faucont Lanier, nous l'auons mis apres les especes des Faucons. Monsieur du Fouilloux, Gentil-homme, autant accord & accompli, qu'il s'en trouue en nostre France, (auquel toute la posterité seroit reueuable, s'il nous vouloit mettre en lumiere sa Fauconnerie, cōme il a fait heureusement sa Venerie) diēt par vn petit fragment que i'en ay veu, qui seruira d'eschantillō pour le reste, que les Faucons Laniers & autres oiseaux qui hantent les costes de France, & principalement nostre Guyenne, viennent de deux pays: les vns des pays froids, comme de la Russie, de la Prusse, de Norouargue, & autres pays circonuoisins qui se cognoissent aux pennaches, aux pieds, & à la teste. Et telle sorte d'oiseaux suiuent en ces pays de deça les Pluuiers, & Vaneaux. Ils viennent de ces pays-là, à cause des grādes froidures, & des bords des Mers, qui sont gelez, & par ce veullēt approcher du Soleil, & mesmes passent outre nostre region, pour aller en la coste d'Espagne & d'Affrique. Et quand ils retournēt de leurs passage, qui est en Mars, les Grues retournent aussi pour aller aux aires. Nous cognoissons ces oiseaux aux pennages, qu'ils ont fort gastez, à cause de la salitūde de l'air marin, qu'ils

OISEAUX DE PROYE.



ont passé, qui leur a mangé le pénage, & on les appelle à ce retour Lã-tenaires.. Les autres Faucons qui viennent d'un autre pays, comme du pays chaud devers les mōts Pyrenees, du costé d'Affrique, & des mōtagnes de Suisse, sont aisez à cognoistre par les signes, que Dieu ay-dant, quelque iour il nous monstrera. Le Faucon Lanier est ordinairement trouué faisãt son aire en nostre Frãce: & pour ce qu'il s'y troue, & qu'il est de mœurs faciles, l'ōs'en sert cōmunément à tous propos. Il fait tous les ans son aire, tant ès hauts arbres de fustaye, comme ès hauts rochers, selon les pays ou il se troue. Il est de plus petite corpulence que le Faucon Gentil, aussi est de plus beau penna-ge que le Sacre, & principalement apres la muë, & plus court em-pieté que nul des autres Faucons. Les Fauconniers choisissent le Lanier ayant grosse teste, les pieds bleuz & orez. Le Lanier vole tãt pour

RECVEIL DES

riuiere, que pour les champs. Et pource qui n'est dangereux pour son viure, il supporte mieux grosse viande, que les autres Faucons de genres penes. Les marques sont infailibles pour cognoistre le Lanier: c'est qu'il a le bec & les pieds bleuz, & les plumes de deuant meslées de noir avec le blanc, non pas trauesees comme vn Faucon, mais de taches droictes le long des plumes. Le plumage du Lanier de dessus le dos, ne luy semble estre madré, non plus que par dessus les aisles & la queuë. Et si d'auenture il y a des madrures, elles sont petites, rondes & blancheastres: mais quand il estend ses aisles, & qu'on le regarde par le dessous, ses taches apparoissent contraires à celles des autres oiseaux de proye: car elles sont rondes & semées par dessus, comme petits deniers: nonobstant, comme nous auons dict, les penes de deuant & de dessous la poitrine, ont les bigarrures estendues en long sur les costez de la penne. Son col est court & grossier, & aussi son bec. Les Fauconniers voulans faire le Lanier gruyer: le mettent en vne chābre basse si obscure qu'il ne puisse voir aucune lumiere, sinō lors qu'ils luy baillent à manger, & aussi ne le tiennent sur le poing, que de nuict. Et alors qu'ils sont prests de le faire voller: font feu en la chambre pour l'eschauffer, afin de le baigner en pur vin: puis l'ayant esuyé, le font repaistre de ceruelle de geline: & le portant deuant le iour, celle part ou est le gibbier, le iettēt de loin à la Grue, deslors qu'il commence à estre iour: s'il ne prend ce iour, il ne laissera estre bon par apres, principalement depuis la my-Iuillet, iusqu'à la fin d'Octobre. Le Lanier est femelle, son masle est nommé Laneret. Il n'est aucun oiseau qui tienne mieux sa perche: & parce qu'il ne s'en part l'hyuer, aucuns ont dict que c'est l'Aesalon de Pline, & aussi des Grecs.

Du Hobreau.

 N ne cognoist de tous oiseaux de fauconnerie aucun de moindre corpulence que le Hobreau apres l'Esmerillon. Le Hobreau est oiseau de leurre, & non de poing, aussi est-il du nombre de ceux qui volent haut, comme le Faucon, le Lanier, & le Sacre. Quand auons voulu descrire du Hobreau, le voyant conferé à vn Sacre, n'auons trouué gueres de difference, sinon en la grandeur. Il n'y a contree ou les Hobreaux ne suiuent les chasseurs: car le vray mestier du Hobreau, est de prendre sa proye de petits oiseaux en volant. Parquoy il n'y a aucun
payfant



paissant, ou homme de basse condition, qui ne le cognoisse. La comparaison des petits poissons en l'eau, pour chasser des plus grands, est conforme à celle des petits oiseaux en l'air pour chasser du Hobrau : car tout ainsi comme les poissons chassent par les Daulphins, ne se sentans estre en seureté dedans leur element, ont recours à se sauver en l'air, & aiment mieux estre à la mercy des Canards, & autres oiseaux de marine, qui volent au dessus de l'eau, que de se donner en proye à leur ennemy : tout ainsi les Hobraux, aduisans les chasseurs aux champs, allans chasser le Lieure ou la perdrix, accompagnent les chasseurs en volant par dessus leurs testes, esperans trouver rencontre de quelque petit oiseau, que les chiens feront leuer. Mais comme adient que

RECVEIL DES

les Farloufes, Proyers, Concheuis, & Alouettes ne se branchent en arbre, se trouuans sur terre à la gueule des chiens, sont contrains de s'esleuer en l'air, par ain si se trouuans cōbatus des chasseurs, & des Hobreaux, ayment mieux se donner en proye aux Chiens, ou chercher moyen de trouuer mercy entre les iambes des Cheuaux, & se laisser prendre en vie, plustost que de rōber à leur mercy. Vn Hobreau est si leger qu'il se hazarde contre vn Corbeau, & luy ose donner des coups en l'air. Il a celà de particulier, qu'ayant trouuē les chasseurs, il ne les suit que certaine espace de temps, quasi comme s'il auoit ses bornes limitees: car se departant, va trouuer l'oree de son bois de haute fustaye où il se tient & perche ordinairement. Le Hobreau a le bec bleu: mais ses pieds & iambes sont iaunes. Les plumes qui sont au dessous de ses yeux, sont fort noires, tellement que cōmunement depuis le bec elles continuent de chasque costé des temples, & vont iusques derriere la teste, dont sort vn autre courte ligne noire en chasque costé du bec, qui luy descend vers les orees de la gorge. Quād au sommet de la teste, il est entre noir & fauuē: mais a deux taches blanches par dessus le col. Le dessouz de la gorge, & les deux costez des temples sont roux sans madrures. Les plumes de dessouz le ventre ont la madrure de telle facon, qu'estans brunes par le milieu, ont quelque petite partie des bords blanchastre. Les aisles sont bien mouchettees par dessous, mais cela est que les plumes ont les taches sur les costez par interualles, ne touchant point au milieu. Tout le dos, la queuē, & les aisles apparoissent noires par le dessus. Il ne porte aucunes larges tablettes sur les iambes, sinō que commençant depuis les trois doigts, lesquels il a longs, au regard des iambes qui sont courtes. Sa queuē est fort bigaree par dessouz, de taches rouffes tressees, en trauers entre les noires. Les plumes (qu'on nōme les iambieres) qui couurent les cuisses, sont plus colorees d'enfumē qu'en nul autre endroit. Le voyant voller en l'air, l'on apperçoit le dessouz de la queuē, & l'entre-deux des iambieres rougeastre.

Il ya vn oiseau qu'on appelle Ian le blanc, ou l'oiseau saint Martin; & vn autre de mesme espee, qui s'appelle blanche queuē, que volans par la campagne chassent aux Alouettes: & s'ils en aduisent aucune, ils sont costumiers de se ietter dessus: mais elles ont recours à se garantir en l'air, & gagner le dessus. Mais si le Hobreau s'y trouue, c'est chose plaisante à voir: car le Hobreau, qui est beaucoup plus agile, n'arreste gueres à l'auoir deuanee. Et s'il la prend, lors ce Ian le blanc, ou l'oiseau. S. Martin, l'entreprend contre le Hobreau, combien qu'il soit:

plus vifste: & les auons veu tomber tous deux attachez ensemble. Aucuns ont voulu dire que nostre Hobreau, est-ce que les Grecs appelloient Hypotriorchis, & les Latins, Subuteo.



De l'Esmerillon, ou Emerillon.

L'Esmerillon est le plus petit oiseau de proye dont les Fauconniers se seruent. Il est de poing, & non de leurre: cōbien qu'à vn besoin on le puisse aussi aduire au leurre. Il est fort hardy de courage: car combien qu'il ne soit pas gueres plus gros qu'un Merle, ou pigeon, toute-fois il se hazarde contre la perdrix, la Caille, & tels autres plus grands oiseaux que luy, de tel courage, qu'il les suit souuentes-fois iusques aux villes &

RECVEIL DES

villages, Il represente si naïuement le Faucon, qu'il ne semble differer, si non en grandeur, car il a mesmes gestes, mesme plumage, & de mesmes mœurs, & en son endroit a mesme courage: parquoy il le faut maintenir estre aussi noble que le Faucon. Il est seul entre tous les autres oiseaux de proye, qui n'a distinction de son masle à la femelle: car l'on ne trouue point de Tiercelet à l'Esmerillon. Aucuns pensent que Lyers Hyerax en grec, & Leuis Accipiter en latin, soit nostre Emerillon: & les oiseaux de proye, qu'aristote nomme Leues, nous semblēt estre les Esmerillons.

Du Fau-perdrieux.

Nous mettons les Fau-Perdrieux au nombre des oiseaux de rapine: lesquels n'auons gueres accoustumé de nourrir pour nous seruir à prendre les oiseaux sauuages, car ils ont moins gentils que les autres: ioint qu'ils ne volent trop hastiuement. Si est-ce qu'en auons veu de leurrez pour la Perdris, pour la Caille, & pour le connin. Ils volent encores mieux que le Milan, mais moins que le Faucon, Sacre, & son Tiercelet: qui nous est assez notoire, apres les auoir veuz au vol des Sacres & Faucons, au lieu de Milan, Ils descendent au Duc comme le Milan: mais soudain qu'ils voyent qu'on lasche les Sacres pour les prendre, ils s'essayent à fuyr auloing, & non pas en haut, comme fait le Milan: parquoy leur vol est penible. Aussi le Fau-perdrieux, qui est aussi de grande force se defend vaillamment, car il est beaucoup plus fort qu'un Milan. Cela est cause qu'il faut pour le moins, lascher quatre oiseaux pour le prendre. Il n'est pas amy du Hobreau ne de la Cerselle, comme il appert quant lon va à la chasse de la Caille avec les chiens que le Hobreau a accoustumé suyure, car si le Fau-perdrieux y arriue, le Hobreau est contrainct de s'en fuyr, pour eiter sa passee: car le Fau-perdrieux est oiseau qui volle assez roide pres de terre sans gueres battre pres des ailles. Mais afin que facions mieux entendre de quelle espece d'oiseau de proye & rapine pretendons parler, nous dirons la figure & couleur. Le Fau-perdrieux est quelque peu de moindre corpulence qu'un Milan, toutesfois plus haut eniambé, ayant le bec & les ongles moins crochus que tous autres oiseaux de rapine. Aussi il boit quād il se trouue à quelque mare: sa iambe est bien deliée & iaune, couuerte de tablettes: sa queue est noire, comme aussi le

bout des ailles, mais les plumes sont tannéees obscures : le dessus de la teste, & dessous la gorge est blancheastre, tirant sur le rouge, comme aussi est le dessous du ply des ailles aux deux costez de l'estomach: les plumes qui luy couurent les ouyes sont noires : son bec ioignant la teste est de couleur plombée, mais le bout est comme noir. Cen'est pas vn oiseau passager au pays de France, car on le trouue faisant son nid sur les sommittez des hauts arbres separez par les plaines d'Auvergne le long des glapiers, où il fait moult grands dommages sur les Connils. Il a le col bien court, au contraire de l'Autour qui l'a long. Aucuns tiennent que le Fau-perdrieux estoit nommé par les Grecs & Latins, *Circos & Circus.*

De tous oiseaux de proye, qui seruent à la Fauconnerie.



Ne grande partie des oiseaux de rapine, excepté les Vautours, & aussi le Coqu, ont communement les plumes de la queuë & des ailles beaucoup madrees. Tous ont l'ongle & le bec crochu, & sont presque semblables les vns aux autres: car ils ne semblent estre differents qu'en grandeur, veu mesmement que leur couleur se change diuersemment selon leur muë, qui faict qu'ils en sont appelez Hagars, où Sors, tout ainsi qu'on faict des Harans enfumez, surnommez Sorets.

Il y a grande partie des oiseaux de proye qui sont passagers, que nous ne sçauons bonnement dont ils viennent. ne où ils s'en reuont: mais d'autant que les estrangers sçauent y auoir profit, font diligence de les prendre, & les nous apporter, qui est cause de nous les faire cognoistre: car sans celà nous n'en pourrions auoir aucune espee estrange. Et pource qu'on les prend le plus souuent avec de la gluz, qui est cause de leur froisser les pennes, à qui ne la sçait oster, nous en dirons la maniere. Il faut auoir du sablon menu & sec, & cendre nette, meslez ensemble : & de celà saupoudrer le lieu & plumes engluées, & le laisser ainsi vne nuit. Le lendemain ayant battu des moyeux d'œufs, faudra oindre le lieu englué avec vne plume, & le laisser là deux iours: de rechef prendre du gras de lard, & beurre frais fondus ensemble, & oindre les places engluées, & les laisser ainsi vne nuit. Le lendemain ayant faict tiedir de l'eau, faut lauer l'oiseau, puis l'essuyer avec du linge net, & dessecher l'oiseau. On ne les doit oster du :

RECVEIL DES

nid qu'ils ne soient forts, & se sachent tenir sur les pieds, puis les tenir sur vn bloc ou perche, pour mieux demener leur pennage, sans le gratter en terre. Les oiseaux de Fauconnerie sont communement prins niais, branchers, ou fors. Il faut le paistre de chair viue le plus souuent qu'on pourra, car elle leur fera bon pennage. Si on les prend trop petits, & qu'on les garde en lieu froid, ils en pourront auoir mal aux rains, en sorte qu'ils ne le pourrôt soustenir. Ceux qu'on prend fors, est quād ils ont mué. Le past & chair bōne outre l'ordinaire des oiseaux de fauconnerie est, leur donner des cuisses, ou du col de pouilles. Les chairs froides leurs sont bien mauuaises. Les chairs de bœuf, de porc & autres leur sont de forte digestion: mais particulièrement celle des bestes de nuict les pourroient faire mourir, sans qu'on s'apperceust de la cause. Et afin de s'en donner de garde, ie te mettray icy des bestes de nuict: c'est à dire, qui volent la nuict, & ne bougent gueres de iour, par ce que si les oiseaux de Fauconnerie en mangeoient, ils en mourroient. Y en trouue dix. Le grand Duc, le moyen Duc, ou Hibou cornu, Hibou sans cornes ou Chahuant, Cheueche, Huette, l'Effraye, ou Fresaye, Corbeau de nuit, Faucon de nuit, ou Chalcis, & Souris chauue. La chair de pouille estant douce & delectable, trouble le ventre de l'oiseau, s'il la mange froide: parquoy l'oiseau affriandé de telle chair pourroit laisser sa proye en vollant, & se ruer sur les Pouilles s'il en voyoit aucunes. A tel inconuenient, faut paistre l'oiseau de petits pigeons ou petites Iródelles. Chair de Pie, & vieils Coloms est amere & mauuaise aux oiseaux. La chair de Vache leur est mauuaise pour estre laxatiue, qui aduient par sa pesanteur, qui leur cause indigestion. Et s'il est necessité de paistre l'oiseau de grosse chair, par faute de meilleure, soit trempee & lauee en eau tiede, si c'est en hyuer, & il la faudra esprandre: en esté il ne la faut lauer qu'en de l'eau froide. Il faut entretenir l'oiseau de quelque bon past vif & chaut, car autrement on le pourroit mettre trop au bas. La chair qu'on doit donner aux oiseaux, soit sans gresse, nerfs, ne veines: & ne les faut laisser manger leur saoul tout à la fois: mais par poses, en les laissant manger leur saoul tout & par fois leur mussier la chair deuant qu'ils soiēt saouls, puis la leur redre: mais qu'ils ne voyēt la chair de peur de les faire debattre. Aussi est bon leur faire plumer petits oiseaux comme ils faisoient au bois.

Si vostre oiseau de proye est trop gras, il le faut ameigrir par medicament laxatif, comme d'aloës meslé avec la chair qu'on leur donne à manger: mais cependant il les faudra nourrir de quelque bon past

vif & chaud, autrement on les mettroit trop bas. Apres qu'ils auront esté purgez, les faudra preparer à la proye: & mesme quand on les voudra faire chasser, il ne sera mauuais de leur mettre en la gueulle des estoupes couuerte de chair, en forme de pillule, & leur faire aualler au soir, afin qu'au matin ils reiettent icelle pillule, avec plusieurs excremens pituiteux, par ce moyen seront rendus plus sains, plus appetitiffes, plus auides, plus legers, & plus prompts à la proye. La chair de porc, donnee chaudement avec vn peu de poudre d'aloës, fait esmeutir l'oiseau: mais il faut obseruer, qu'apres qu'il aura esté purgé, qu'on le mette en lieu chaud, & le tenant sur le poing, le paistre de quelque oiseau en vie: car alors il a les entrailles destrempees. Les oiseaux peuent faire des œufs sans la compagnie du masse: aussi font les oiseaux femelles de proye, qui en engendrent souuent en leurs ventres, tant en la muë, comme ailleurs: & alors elles en deuiennent malades iusques à estre en peril de mort. Les Fauconniers nous ont laissé par quels signes on le cognoistra: car alors le fondement leur enfle, & deuient roux, les narilles aussi, & les yeux.

On dresse vn vol pour le Heron avec les oiseaux de proye. Et le Heron se sentant assailly, essaye à le gagner en volant contremont, & non pas au loing en fuyant, comme quelques autres oiseaux de riuere: & luy se sentant pressé, met son bec contremont, & par dessouz l'aïlle, sachans que les oiseaux l'assomment de coups, dont aduient bien souuent qu'il en meurt plusieurs qui se le sont fiché en la poictrine.

Si voïtre oiseau a la fieure apres long traual ou autres accidens, le faut mettre en lieu frais sur perches enuoloppées de drappeaux mouillez, & le nourrir peu & souuent de chair de peris poulets trempee premierement en eau où aura trempé semences de courges, ou de cōcōbres. S'il est refroidy, le faut tenir chaudement, & le nourrir de chair de poulet masse, ou de pigeons trempéz en vin, ou en decoction de sauge, mariolaine, ou autre semblable. S'il a des pouls, faut oingdre sa perche avec ius de morelle, ou d'aluine. S'il a des vers dedans le corps, faut mettre sur sa viande feuilles de peschers. S'il a les gouttes à l'aïlle ou à la cuisse, faut luy tirer quelque goutte de sang de la veine qui est souz l'aïlle, ou dessous la cuisse. S'il est podagre faut oingdre ses pieds avec ius de l'herbe nommée lacterolle, mesme la perche où il sera. L'oiseau de proye proprement, est celuy qui prend l'oiseau & luy coupe la gorge. L'Aigle frappe l'oiseau deses ongles, puis le prent & le mange. Il y a vne espece d'Aigles qui tueront en vn iour plus de cent oiseaux, com-

RECVEIL DES

bien qu'un ou deux leur suffise pour leur viure.

Les meilleurs oiseaux de proye, sont ceux qui paisent dix ou onze onces: à grande peine en trouue l'on qui en paisent douze. Il en ya beaucoup qui ne paisent que sept ou huit onces: & ceux cy sont fort legers. Tous oiseaux de proye ont le bec & les ongles crochus.

L'estomach des oiseaux de proye est fort poinctu & aigu, afin que plus facilement ils soient portez par l'air: ayans les ailles & queue fort ample & grande. Ils se paisent principalement du cerueau des oiseaux & aussi de la chair. La proye la plus commune des oyteaux, sont les Coulombs, ou Pigeons, & oiseaux ne ruiere: pource qu'il en y a grande quantité, tant pour fecundité, que pour la fluence de la nourriture. Aucuns oiseaux de proye prennent le gibbier au plus haut: les autres volans en bas, aucuns ne se fians, en leurs ailles prennent les oiseaux à terre. Ce que cognoissans les pigeons, & voyans vn oiseau de proye de ceux qui prennent en haut, ils le tiennent en terre, ou pres de terre: & si c'est de ceux qui prennent en bas les pigeons, contre leur naturel, montent tant qu'ils peuuent. Entre les oiseaux de proye, on met le Sacre pour le plus fort & vaillant, & est le meilleur: apres luy, on met celuy qui a de coustume de voler en rond, & tout autour de quelque chose, comme font les Aigles, ne prenant ne chassant aux petits oiseaux. Le tiers lieu tient l'oiseau de proye qu'on appelle Montain, qui a cela de propre, qu'il regarde souuent les pieds: & si est fort despit, comme sont communement les oiseaux de proye, car à peine veut reuenir quand il a perdu sa proye. Apres ya le Pelerin, ainsi nommé par ce que il fait de grands chemins: le meilleur est celuy qui a le bec de couleur bleuë, & est le plus commun de tous. On ne fait de tous les autres oiseaux de proye cas pour la Fauconnerie, Les meilleurs oiseaux pour la Fauconnerie, sont ceux qui ont les pieds blanchissans sur le iaune, & ceux qui ont, quand ils commancēt à crier, leur voix deliée, gresse, & haute, se finissant en vne voix plus grosse & basse: car les grans criards, ne sont pas bons pour la vollerie, parce qu'ils font peur aux oiseaux, les chassent. Le propre des oiseaux de proye est, avec grande vehemence se ruer sur la proye. Albert escrit, qu'une Aigle ayant osté vne Perdrix à vn Faucon, que le Faucon fut si courageux, qu'en montant il frappa l'Aigle par la teste de telle force que luy & l'Aigle en moururent.

Les oiseaux de proye ont le bec, les ongles & leur haleine veneneuse, infecte & dangereuse: combien que celle de l'oiseau que les Latins appellent

appellent Accipiter, soit legere, & de facile digestion & concoction, & bonne au goust: & si est fort bonne pour la douleur des boyaux, & du ventricule, & de l'estomach, & si profite au cœur. Ceux que les Latins appellent Astures, aiment fort la chair d'Escreuille, à ceste cause, on leur en baille quand ils ont bien vollé, pour les recompēser & inciter mieux à leur deuoir: combien que de'ux mesmes ils n'y chassent. Je me'sbahy de ce que dit Aristote, que les oiseaux de proye, qu'on appelle Accipitres en Latin, ne mangent point le cœur des oiseaux qu'ils prennent, ou qu'on leur dōne, veu qu'ils en sont sur tout friands. Mais possible qu'il y auoit de son temps autres genres d'oiseaux de proye, que les nostres: ou que la diuersité des regions cause cela. Tout oiseau qui māge chair peut estre apprins & enseigné pour la vollerie, & pour la challe des oiseaux: parquoy on peut leurrer & affaçonner pour la vollerie, & la Pie, qui mange les Passereaux, & le Corbin, qui mange les Alouettes: car si ces deux bestes sont apprises, elles prennent les Perdrix. Entre les grans oiseaux de proye y a difference en bonté selon les pays dont ils viennent, & se prennent: car ceux qui viennent d'Armenie sont fort bons, ayans les pieds blancs, & beaux: apres ceux cy les meilleurs sont ceux d'Ilirie, qui sont grāds de pieds & de corps: apres sont ceux de Sarmatie, fort grands aussi de corps: & ces trois genres excèdent tous les autres en bonté. Et ce du genre des grands: car du gēre des petits, les meilleurs sont ceux qui ont les pieds iaunes: ou noirs, & qui sont d'Italie. Aux oiseaux de proye deux choses sont grandement requises pour estre bons: c'est assauoir, qu'ils soient bien appriuoisez, & non farousches, & qu'ils soient vaillants, hardis, & courageux. Mais parce que l'audace & hardiesse, le plus souuent est iointe avec orgueil, fiereté, & rebellion, peu souuent on les trouue vaillans & dociles ensemble, car ceux qui croyent facilement, sont bien priuez. On ne voit donc gueres de Faucons hardis & vaillans, estre aisez à leurrer: & gueres d'Aigles bien appriuoisees, estre hardies & vaillantes, car la hardiesse les rend rebelles & farousches. En nourrissant l'oiseau de proye, faut bien se donner de garde de leur bailler à vn mesme past de deux sortes de chair, ne de la chair qui soit de vieille beste ou maladiue. La chair de Lieure, de Connils, de Chiens, de Rats, de Renards, de Perdrix, de Poullets, & generalement de toute chair qui vit de grain, leur est bon: comme aussi celle des petits oisellers. La chair de Chats de Loups, & des oiseaux de rapine, ne leur vaut rien à manger. La cernelle, le poil, & les os des bestes à quatre pieds leur sont dangereux

RECVEIL DES

à leur past à manger. La chair des oiseaux de riuere est indifferente, ne trop bonne ne trop mauuaise. Toutesfois la plus nuisante est celle des grands oiseaux de riuere, comme des Oyes, & des Cignes, & ceux là qui sont de nature seche, comme les Cigongnes, & les Grues. La chair des Ours leur est saine, & aussi celle de Porc non trop gras. Les oiseaux de proye endurent des maladies & de l'esprit & du corps. Les maladies du corps sont cogneuës par leur esmutissement, & quand ils ont leur plume toute rebouschee, ou qu'ils tiennent les yeux fermez, avec difficulté de leur voix, & s'ils sont long temps sans manger ne boire. C'est signe de santé quand leur esmutissement est blanc, & d'une seule couleur, qui n'est ne trop liquide & clair, ne trop espois & dur. On guerist les oiseaux de proye comme les hommes. On les guerist par diete: & alors on leur baille, apres auoir esté long temps sans manger de la chair trempée en vinaigre. On les guerist aussi par vomissement, qu'on pro- uoque par cotton ou chanure meslez avec la chair qu'on leur donne, & si on laisse de petits os en leur chair: car entre les bestes qui mangent chair, elles reiettent seules la viande par la bouche. Ce qui leur fait aualler la chanure, ou cotton, & les osselets, c'est leur gourmandise & voracité. On guerist aussi les oiseaux de proye par purgation, qui se fait ou avec aloës, ou rheubarbe, ou erithodanon, poiure, mastic, fueilles de laurier, & avec myrrhe. Qui plus est, ils endurent bien les plus forts medicaments, aussi bien qu'ils font la seignee & le caütere. Les oiseaux de proye aiment sur toutes les herbes, la mente & la sauge: & sur tous les arbres, le saule & le sapin. S'ils boient souuent du sang d'oiseau estant tout chaud, ils endeuient plus forts & puissants. Ils ayment & se trouuent bien d'estre mis au Soleil, & d'auoir l'eau à commandement, & de faire exercice, comme font tous autres oiseaux. Le poumon avec le fiel d'un porc leur est bon, donné souuent en past, car celà les purge. Si tu veulx qu'ils changent de plume & de poil, baille leur à manger des rats ou souris saupoudrez de poudre de petits poissons: ou leur donne de la chair de gelines nourries de serpens. Les oiseaux de proye different fort en grandeur, ayans tous leur plumage madré & diuersifié comme de taches: ils font leurs nids es lieux hauts & pierreux, & couuent vingt iours. Pline en met de seize sortes d'especes. On dict aussi que les Pigeons cognoissent bien le naturel de tous ces oiseaux: car quand ils aduisent ceux qui prennent leur proye en volant, qu'ils l'arrestent tout coy: mais si c'est de ceux qui prennent leur proye à terre ils s'en volent incontinent en haut contre leur naturel.

En vne partie de Thrace, les habitans & les oiseaux de proye giboyent & chassent es oiseaux ensemble & comme en communauté : car les habitans de ce pays là, font leuer les oiseaux des buissons & des bois, & ces oiseaux de proye sont si faits à celà, que les voyans voller, ils volent & prennent le dessus, les faisant deprimer en terre, lesquels sont prins par ces oiseleurs qui les departent à ces oiseaux de proye qui les rabattent.

De la diuersité des Faucons, & comme on cognoist les meilleurs.



E vous declareray seulement comme il faut gouverner les Faucons: car le sçachant, facilement on sçaura gouverner tous les autres. Il ya de plusieurs sortes de Faucons: aucuns sont muez de bois, les autres sont sorts, & les autres sont muez, & tiennent du fors, les autres sont appelez niais, qui ont esté prins au nid. Et si ya de grands faucons, de moyens & de petits, qui sont differents en plumes, pays, & uature. Les vns se paissent d'oiseaux marins & de marais, lesquels sont appelez faucōs riuereux: il en y a qui se paissent d'oiseaux champestres, comme de Corneilles, Estourneaux, Merles, Mauuis. Il ya vne maniere de faucons, qu'on appelle apprins de repaire: autres qui sont appelez passans: autres qui passent par dessus la mer, & viennent de loingtain pays en autre region, qui sont appelez faucons pelerins d'oultre mer. Les plus hardis faucons de tous, sont ceux du Royaume de Chip, requi sont fort petits & de rousse plume, cōme sont ceux de Sardaine: & prennent le Cigne, la Gruë, & le Hairon. Toutesfois les plus à priser, sont ceux qui ne sont ne trop grās ne trop petis qu'on appelle faucons morans, lesquels on prend sur la falaise de la mer, que nous auons nommē Pelerins: parce qu'ils n'ont gueres esté ne seiourné en leurs pays. Le faucon pelerin a grosses espaules, & les ailles longues, & en filāt comme la queuë d'un Espervier, les pēnes rōdes: que la queuë soit de plein pouce que le bout ne soit blanc & que les netfs de la queuë soiēt bien vermeils. Pour estre bon il doit auoir les pieds semblables à ceux d'un butor bien fendus & vers, les ongles noirs, bien poinctus & tranchans. Que la couleur du bec, qu'il doit auoir groffet, & pieds, soit tout vne: ayans les narines grandes & ouuertes. Il doit auoir les sourcils vn peu hauts & gros, & les yeux grands & cauez, & la teste vn peu voutée, & rondette par dessus. Et quand il est seur, qu'il face vn peu de barbette sous le bec, de sa plume. Il doit auoir le col long,

RECVEIL DES

& haute poitrine : & vn peu rondette sur les espaules , à l'assembler du col. Il doit seoir large sur le poing , peu reuers , mordant & familieux. Ses plumes doiuent estre blanches & coulourees de vermeil , bien noïees & grosses: les sourcils blancs, la teste grise, & les iouës blanches, coulourees de vermeilles plumes, & le dos de couleur bise , comme le dos d'vne Oye, & les plumes larges & rondes, enuironné de blâc bien coulouré: & ne doit point estre gouet, & se doit entrefuir de plumes, de pied & de bec. Faucon de telle sorte, sera bon sur tous, s'il est bien gouverné.

Comme on doit mettre en arroy & porter le Faucon.



VN Faucon nouveau prins , doit estre chillé en telle maniere , que quand la chillure latcherà, que le Faucon voye deuant , pour voir la chair deuant luy: car il souffre moins quand il la voit à plain deuant soy, que s'il la voit par derriere : & ne doit point estre chillé trop estroit ny ne doit estre le fil dequoy il est chillé trop delié , ne noué sur la teste , mais doit estre retors. Vn Faucon nouveau doit auoir nouveau arroy, comme vn grand blanc, & nouveaux gects, le tout de cuir de Cerf: avec la lesse de cuir attachee au gant : puis faut auoir vne petite brochette penduë à vne petite corde, de laquelle soit manié souuent le Faucon, car plus est manié & touché, & pluss'en assure, & aussi que la main le falist d'auantage, & qu'il se pourroit blesser de son bec en le maniant. Il luy faut deux sonnettes , afin qu'on le puisse mieux trouuer : ouyr remuer, & gratter. Il doit auoir vn chapperon de bon cuir, bien fait, & bien en forme, fort esleuee & bossue endroit les yeux, bien profond, assez estroit par dessus, afin qu'il tienne bien à sa teste, mais qu'il ne le blesse. On luy doit aussi vn peu espointer les ongles, & le bec, non pas tant qu'ils faignent.

Comme on doit affaïter vn Faucon, & mettre hors de saunagine.



SN dict que le Faucon sor, qui a esté prins bien à heure sur la falaise, & estoit passé la mer, est celuy où y a plus d'affaire, aussi est il le meilleur. Faut donc apres l'auoir mis en tel ordre que dessus, paistre cest oiseau de bonne chair, & chaude, de couloms & autres oiseaux vifs à pleine gorge, deux fois le

iour, iusques à trois iours: car ne luy faut oster tout à vn coup la vie de quoy il vsoit: & estant nouueau, il mange plus volontiers la chair chaude, que autre. En luy baillant à manger, on le doit hucher: afin qu'il cognoisse quand on luy voudra donner à manger, en luy ostant le chapperon en paix: puis on luy doit donner deux bequees de chair ou trois, & apres luy auoir remis son chapperon, baille luy en encore autant: mais prens garde qu'il soit tellement chillé qu'il ny voye goutte. Les trois iours passez, si tu le vois friant à la chair, & qu'il mange volōtiers, restrains luy sa viande c'est à dire, que tu luy donnes moins & souuent, qu'il n'aye en gorge qu'un bien peu vers les vespres: en le tenant longuement la nuit auant que tu le couches, le mettant couché sur vn treteau bien seant, afin qu'on le puisse la nuit refueiller. Puis se doit leuer deuant le iour sur le poing, avec la chair doiselet vif. Quand on luy aura tenu ceste reigle deux ou trois nuits, & qu'on voye que le Faucon soit plus mat qu'il ne souloit, & qu'il face signe de seureté & soit aigre de la bonne chair, il luy muē sa viande, en luy donnant petit & souuent chair de cœur de Porc, ou de Mouton. Sur le soir quand il sera nuit, sans le prendre, l'œil luy soit vn peu lasché du fil de quoy il est chillé, en luy iettant de l'eau au visage quand on le mettra coucher afin qu'il ayt moins de sommeil, & le veillant toutela nuit, en le tenant sur le poing le chapperon hors la teste. Que s'il auoit trop veu, & qu'il fist signe d'estre vn peu effroyé, soit porté en lieu obscur, fors qu'on voye mettre le chapperon: puis soit abbeché de bonne chair, & soit veillé par plusieurs nuits, tant qu'il soit mat & qu'il dorme sur le poing par iour: combien que le laisser vn peu dormir seurement, est vne chose qui bien l'asseure. Au matin au point du iour, qu'il trouue la chair chaude de quoy il sera abeché. Or parce qu'il y a des Faucons, de diuerses sortes: car l'un est mué de bois, l'autre est prins de repaire & a esté à luy longuement, l'autre est sor, duquel auons parlé, encores qu'ils soient ou sorts, ou muez, ou niais, si sont ils de diuersse nature, parce les faut gouverner diuersement: qui est la cause qu'on n'en peu bailler regles propres: car ceux qu'on trouue amiables, de doux affaitement & de bonne fin, doiuent estre affaites sans leur donner grande peine. Et quand l'auras mis en tel estat, tant pour voller, comme de luy faire auoir faim, si tu vois signe de seureté, tu luy pourras oster son chapperon de iour, loing de gens, en luy donnant vne bequee de bonne chair, puis luy remets tout en paix, en luy en donnant encores vn peu. Sur tout, faut se garder de luy oster son chapperon ou remettre, en

RECVEIL DES

lieu où il puisse auoir effroy : car celà perdroit ton oiseau. Quand il aura apprins à voir les gens, si tu vois qu'il eust faim, oste luy le chaperon, & luy donne vne bequee de chair, luy monstrant droit à ton visage car par celà il n'aura peur des personnes: Et puand il sera nuict, luy soit coupé le fil dequoy il sera chillé, & ne soit veillé, si tu le voy assez assure entre les gens : mais soit mis sur vn treteau aupres de toy, afin d'estre reueillé la nuict deux ou trois fois, & le mets sur le poing deuant iour: car trop veiller son Faucon n'est pas bon, qui assenrer le peut par autre voye Que si par bon gouuernement & pour luy auoir esté courtois, & gardé d'effroy, & veillé ton oiseau se trouue seur, & qu'il mange & se batte à la chair deuant les gens, donne luy lors de la chair lauee en l'abechant au matin, si qu'il ait la fosse de la gorge pleine: laquelle mettras tremper en eau claire, vn demy iour, & luy feras battre deuant les gens en luy baillant au matin à Soleil leuant l'aisle d'vne Poule. Et au soir en luy remettant le chapperon prens le pied d'vn Cōnin, ou d'vn Lieure qui soit coupé au dessus des orteils & escorché, en ostant les ongles, le faisant tremper en bonne eau, & vn peu espraint: que tu luy donneras avec vne ioincte du gros de l'aisle d'vne geline. Se faut bien donner de garde de bailler plumes à ton oiseau s'il n'est bien seur, autrement il ne s'oseroit ietter sur ton poing: car il faut qu'il soit tenu & alors qu'il fera signe de ietter, oste luy le chapperon tout en paix, par la tirouere en luy donnant par deux fois de la chair lauee, & l'autre iour de la plume, selon que ton oiseau sera net dedans le corps: quand il aura ietté sa plume, si luy remets le chapperon sans luy donner à manger, afin qu'il iette sa glette, Estant curé de plume & de glette, soit abeché de chair chaude, deuant les gens, deux ou trois bechees à la fois & au soir fais luy tirer l'aile d'vne geline, aussi deuant les gens. Si tu le trouues bien seur, & de bonne fin & aigre, adonc est temps de le faire manger sur le leurre. Il faut regarder, si les plumes que ton Faucon iette sont ordes & gletteuses: & si l'ordure est de couleur iaune, car alors faut mettre peine de le rendre net par dedans, avec plumes, & chair lauee. Que s'il est net, ne luy donne si fortes plumes, qui sont pieds de Lieures & de Connins, mais luy faut donner plume qui est prinse sur la ioincte de l'aisle d'vne vieille geline, ou la ioincte mesme de l'aisle, ou celle du col, decoupee par entre les ioinctures, quatre ou cinq fois, lauee & trempee en eau froide. Pour la fin dece chapitre, il est assure qu'il faut plus long temps à affaiter & veiller vn roucon mué de bois, qu'il ne fait vn lor, qui a esté prins en passant: & aussi qu'il

ya plus d'affaire à vn faucon prins de repaire, & qui a esté bien longuement à luy, qu'il n'y a vn qui a esté acuré.

Comme on doit leurrer vn Faucon nouveau affaité.



Vant que monstrier le leurre à vn faucon nouveau, faut considerer trois choses. La premiere, qu'il soit bien seur de gens, de chiens, & de cheuaux. La seconde, qu'il ayt grand faim: en regardant l'heure du matin & du soir. La tierce, qu'il soit net dedans. Il faut que le leurre soit bien encharné d'un costé & d'autre, & estre en lieu secret, quand tu voudras alonger la laisse à ton faucon & le deschapperonner, en l'abbechant sur le leurre sur ton poing, puis luy faut oster, & le cacher qu'il ne le voye. Et quand ton faucon sera descharné, iette ton leurre si pres de toy qu'il le puisse prendre, de la longueur de la leisse: & s'il le prend seurement, on doit crier hae, hae, & le paistre sur le leurre cõtre terre, en luy donnant dessus la cuisse d'une poulette toute chaude, & le cœur. Si tu l'as ainsi leurré au vespre, ne luy donne qu'un peu à manger: & soit leurré si à heure, que quand il aura esté acoustumé, tu luy puisses donner de la plume: & vn osset d'une ioincte, & le lendemain soit mis sur le poing, au point du iour: & alors qu'il aura iette sa plume, & sa glette, soit abeché d'un peu de bone chair chaude. Le lendemain quãd il sera grand iour, & temps de le paistre, prens vne corde, & l'attache à la leisse, & t'en va en vn pré bien net & bien vny, & l'abeche sur le leurre, comme deuant dit est, puis le descharne: & si tu voy qu'il ait bonne faim, & ait prins le leurre roidemēt, si le baille à tenir à quelqu'un qui bien le lasche au leurre. Adonc tu dois desployer la corde, & le traire arriere quatre ou cinq fois: & celuy qui le tiēt doit tenir à la main dextre, le chaperõ dudit faucon. Que si le faucon vient bien au leurre, & qu'il le prenne incontinent & roidemēt, laisse le mager deux ou trois beques, puis le descharne, & l'oste de dessus le leurre, & luy mers le chapperon, & puis le rebaille à celuy qui le tenoit, & l'estlongne, & le leurre ainsi de plus loing, & le pais contre terre sur le leurre, en huant & criant hae, hae, & ainsi le leurreras chacun iour de plus loing en plus loing, tant qu'il soit bien duit de venir au leurre, & de le prendre seurement: apres soit leurré entre les gens, en se gardant qu'il ne vienne chiens ou autre chose de quoy il ayt effroy. Et en l'ostant de dessus le leurre, mers luy le chapperon sur le leurre. Et estant bien leurré à pied, faut le leurrer à cheual: ce qui se fera plus aisément, si quand tu le leurre

RECVEIL DES

à pied, tu fais venir des cheuaux auprès de ton Faucon, afin qu'il les voye en les approchant de luy quand il mangera sur le leurre, en les faisant tourner autour de luy: mais que les cheuaux soient paisibles, afin qu'ils ne luy fassent peur. D'auantage, pour mieux dire l'accoustumer avec les cheuaux, qu'il les cognoisse, porte le Faucon sur le leurre, quand il mangera, en haut pres du cheual: ou le porte à cheual, & le fais manger entre les cheuaux. Et quand il les aura bien accoustumés, & qu'il ne fera nul semblant de les craindre, tu le pourras bien leurrer à cheual en ceste maniere. Faut que celuy qui tiendra le Faucon pour le laisser aller au leurre soit à pied, & celuy qui aura le leurre sera à cheual: & quand il branlera son leurre, celuy qui tient le Faucon luy osterà le chapperon par la tirouere, & celuy qui tient le leurre doit huer & crier, haë, haë: que s'il prend le leurre roidement par dessus & ne doute ny gens ny cheuaux, oste luy la obecanne, & soit leurré de plus loing, & en plus longue tiree. Et pour faire venir le Faucon nouveau, & l'accompagner en la compagnie des autres, faut que deux tiennent les Faucons, & deux qui les leurrent: mais celuy qui tiendra le Faucon nouveau, ne laissera pas si tost aller le sien au leurre comme fera l'autre. Adonc sera ietté au Faucon nouveau le leurre, & quand il sera cheut sur le leurre, son maistre le doit porter sur son leurre, manger avec les autres faucons. Celà faisant trois ou quatre fois, il les suura, & aimera. Et si vouldes qu'il ayme les Chiens ce qui est necessaire, les faut appeller autour de luy, quand on fera tirer, plumer, ou manger son Faucon.

*Comme on doit baigner, faire voller, & hayr le change,
à un Faucon nouveau.*



Vand ton Faucon aura bien esté leurré à pied & à cheual, & qu'il sera prest d'estre ietté à mont, & il aura mangé de bonne chair sur le leurre, & sera tout hors de sauuagine, & sera vn peu recouré & efforcé de la peine qu'on luy aura donnée, & aura les cuisses plus plaine de chair, offre luy de l'eau pour se baigner. Regarde quand le temps sera beau, chair & temperé: puis prens vn bassin si profond que l'oiseau soit en l'eau iusques aux cuisses, soit emply d'eau, & mis en lieu secret: puis ayant donné clair chaude à ton faucon, & leurré au matin, apporte le en lieu haut, & la le tiés au Soleil iusques à ce qu'il ait enduit sa gorge, luy ayant osté son chapperon,

peron, afin qu'il se manie: celà fait, remets luy le chapperon, & le mets bien pres du bassin. S'il veut faillir sur l'herbe ou dedans l'eau, si le laisse aller: & afin qu'il sentel'eau, ifrappe d'une vergette dedans, & le laisse la baigner tant comme il voudra. Quand il fera semblant de s'en aller, mets de la chair en ton poing, & luy tends: & regarde qu'il ne faille hors, sans taillir sur ton poing, afin de luy donner vne bechee. Puis leue-le, & le tiens au Soleil, & il se maniera & pourrondra sur ton poing ou sur ton genouil. S'il ne se veut baigner au bassin, essaye de le baigner en eau de riuere. Le bain donne à l'oiseau grande seureté, apre-faim, & bon courage. Le iour qu'il sera bagné, ne luy donne chair, lauee. Pour bien ietter en haut & faire voler ton Faucon nouveau, le lendemain qu'il se sera bagné, monte à cheual le matin, ou au vespres, alors qu'il a grand faim, & choisis les champs, & le pays où n'y ait ne Coulons ne Corneilles, puis prens ton leurre bien encharné d'un costé & d'autre, & ayant osté le chapperon, abeche-le sur le leurre, l'ayât osté de dessus, remets luy le chapperon: puis t'en allant tout bellemēt contre le vent, oste luy le chapperon. Mais auant qu'il choisisse aucune chose, ne qu'il s'esbate, mets le hors de dessus ton poing tout en paix, & comme il tournoiera, en allant le trot du Cheual, iette luy le leurre, & ne le laisse gueres tournoyer. Et continue celà tous les iours tant au soir qu'au matin. Que si tu vois que ton faucon ne soit bien duit de tournoyer enuiron toy, & de cheoir au leurre, & ne fait semblant d'aimer les autres Faucons, faut le faire voler avec vn qui ayme les autres, & qui ne se bouge de nul change, premierement aux Perdrix: car les Faucons ne les chasse gueres loing. Et si ton Faucon a chassé, & il reuiet, vne, deux, ou trois fois, iette luy le leurre, & le paiz sur le destren de ton cheual, & puis le paiz sur le leurre contre terre, de bonne chair chaude, pour le resoudre en volant, afin qu'il reuienne plus legeremēt de sa chasse. Et si l'oiseau à quoy tu voles est prins, fais luy en manger avec l'autre Faucon: & quand il en aura vn peu mangé, oste-le, & le paiz sur le leurre.

Si tu voles de ton Faucon aux oiseaux de riuierre, & qu'il en soit vn bien prenable: demeure, & le mets souz le vent, & oste à ton Faucon le chapperon, & le laisse aller avec les autres. Quand tu veux faire ton Faucon hautain, & qu'il prenne son hault, il faut faire voler avec le tien vn Faucon bien hautain: mais que le tien soit bien duit de retourner ses chasses, & qu'il ayme bien les Faucons qu'il treuve. Que si

RECVEIL DES

les oiseaux de riuere sont dedans vn estang, qui ne soit pas grand, ou en vne belle fraiche, on doit laisser aller le Faucon hautain, & celuy qui tient le nouveau, doit estre bien arriere au dessus du vent: & quand verra son bon, il le doit deschapperonner, que s'il se bat, c'est pour aller à l'autre: lors le doit aller, si tirera contre le vent droit à l'autre au contremont. Et auant qu'il s'amatisse d'aller apres l'autre, qu'on luy soude les oiseaux, quand le Faucon hautain sera à point, & luy face soudre sur la queuë. S'il prend l'oiseau, donne luy à manger le cœur & la poitrine avec l'autre. Si ton Faucon va au change, & il prend Coulom ou Corneille, ou autre oiseau de change, qu'il mange, ou la mangé, ne le rudoie, mais reprens-le au leurre, en luy donnant vne bequee de chair, & luy mets le chapperon, & apres n'en volle de deux iours: & quand tu en voleras, n'en vole à faute, si tu peux: Que si par aucune maniere tu ne le pouuois garder d'aller au change, fais pour le dernier remede ce qui s'ensuit. Si ton Faucon a prins oiseau de change, & arriues auant qu'il l'ait mangé, aye du fiel de geline, & en oins la poitrine de l'oiseau qu'il aura prins, qui sera escorchee & descouuerte, & luy en baille à manger peu, afin qu'il ne soit greué, car il la iettera, & s'il ne la iette, si n'aura il courage de voler tel oiseau, & en haira la chair. Ou bien mets dessus quelque autre chose amere, comme poudre de myrrhe, ou ieunes vers menuz detranchez, mais que l'amertume ne soit trop forte. Que si l'amertume auoit dehaité ton oiseau, mouille luy sa chair en eau succree. Aucuns leur mettent deux sonnettes à chacun pied, ou leur coustent les grosses pennes des ailes. Et est bon, encores qu'il vienne du change, luy ietter le leurre, ou faire soudre vn oiseau de riuere blessé, afin qu'il le prenne.

Comme on fait prendre le Heron à son Faucon.



Faire son Faucon bon haironnier, faut que tu l'y mettes en aspre faim, & auoir vn Heron vif, duquel tu feras vne tome à ton Faucon, ainsi. Au matin quand il sera heure de paistre ton oiseau si tu vois qu'il ait faim, va à vn pré, & laisse aller le Heron apres luy auoir brisé les pieds & le bec, & te cache derriere vn buisson: & alors celuy qui tiendra le Faucon luy osterà son chapperon, lequel sera au dessous du vent: & s'il ne veut prendre le Heron, iette luy le leurre que tu auras tous prest: s'il le prend fais luy la cure, en luy donnant premierement le cœur, & quand il aura mangé, baille le

Heron à celuy qui a laissé aller le faucon, lequel en se tirant vn peu loing, le tournoyera par l'aïsse. Lors oste le chapperon à ton faucon, & le laisse aller au bransle: & que celuy qui bransle le Heron ne le iette: mais qu'il attende à le laisser cheoir iusques à ce que le Faucon le prenne au bransle, puis descouure la poitrine au Heron, & la fais manger à ton faucon, & aussi la moüelle qui sortira de l'os de son aïsse couppee par le bout, que nous appellons la garde. Cela fait, iette luy le Heron, en contenuant deux ou trois iours, tu l'acharneras à prédre le Hairo, & à l'aimer: ce qui se fera encores mieux si au commencement il est accompagné d'vn bon faucon heronnier. Lors ayant trouué le Hairo seant, faut que tu le mettes avec ton faucon nouveau en haut lieu, au dessus du vent, & que celuy qui a le faucon hairoonnier face charier le Hairo: & quand il aura laissé aller son faucon au Hairo, qu'il regarde si le Hairo qui volera prendra la monstre, car alors ne laisse pas aller ton faucon apres, & ne luy oste pas le chapperon: mais s'il se desconfit, & qu'il fonde en l'eau, & que le faucon hairoonnier le debate, adonc oste le chapperon à ton nouveau faucon, & le leue, & s'il se bat, laisse le aller au debatis.

Comme on fera aymer son Faucon les autres quand il les hayt.

Ly a aucuns Faucons qui ne veulent voler avec les autres, se tirent arriere, & ne bougēt: les autres les vont prendre en volant au havelonnier. Vn Faucon hait à seoir & voler avec les autres, ou pour doute qu'il a d'eux, ou qu'il ne les ayme: celuy qui les hayt, les prent, qui les craint, s'enfuit. Pour remede, faut auoir vn Lanier amiable, qui soit mis sur la perche avec celuy qui hayt les autres, assez loing & de iour, en leur baillant à tous deux vne bequee de chair en passant, les approachāt peu à peu: & estans pres l'vn de l'autre, mettre de la chair entr'eux, afin que l'vn & l'autre la bequent: puis quand il ne fera nul semblant de courir sus au Lanier, faut au soir le paistre de bonne chair, & le mettre gesir hors à la gelee, sur vne perche, s'il est gras & fort, & le laisser là trois ou quatre heures, ce pēdant tenez vostre Lanier pres du feu: puis mettez-le sur le poing, ce pendant faictes apporter le Faucon, & luy mettez le chapperon, & le mettez entre le Lanier & vostre costé: & lors le Faucon qui sentira la chair du Lanier, se tirera contre luy, & s'approchera pour la chaleur. Et soient ainsi laissez sans dormir l'vn & l'autre, iusques à ce que vous voyez que le Faucon ait grand faim de dormir, puis luy ostez tout bellement le chapperon, & soit en lieu qu'il ne voye tout ainsi toute la nuit sur vostre

RECEVIL DES

poing. Et quand il sera iour, faut les remettre à la perche l'un auprès de l'autre, toutesfois qu'ils ne puissent aduenir l'un à l'autre. Celà fait par deux nuits, mettez l'un & l'autre gesir hors à la gelee, la troisieme nuit pres l'un de l'autre qu'ils se puissent ioinde sur la perche. Et quand vous verrez qu'ils se feront approchez l'un auprès de l'autre pour auoir chaleur, ostez leur les chapperons: puis faites le manger, gesir & leur-rer ensemble, & mettez peine de luy querir son aduantage.

Comme on doit effemer, c'est à dire, bailler la cure a vn Faucon.

Les Faucons sont plus forts a effemer les vns que les autres: car tant plus vn Faucon a esté à maistre, il est plus fort a effemer: & vn Faucon vieil mué de bois, qui n'a qu'une mué par main d'homme, est de plus leger effement, que n'est vn Faucon moins vieil, qui a esté plus longuement à main d'homme: la raison est, qu'un Faucon estant à luy, se nourrit plus nettement & mieux selon sa nature, & de meilleures chairs, qu'il ne fait par gouvernement d'homme. Ce n'est donc de merueilles s'il n'est si ord dedans, quand luy mesmes se paist, que quand on le paist: car le Faucon qui est à toy, mange gloutement plume & cuir, & n'est repeu en la mué de si nettes viandes, & ne digere si bien, & n'a l'air en ses necessitez, comme celuy qui est à soy-mesmes.

Quand tu mets ton Faucon hors la mué, s'il est gras (ce que cognoistras s'il a les cuisses grasses & pleines de chair, & que la chair de la poitrine soit aussi haute comme en est l'os) & s'il est bien mué, & a ses pennes fermes, donne luy à manger quand il voudra mordre en la chair, au matin, vne bequee ou deux de chair chaude, ne luy en donnant au vespre que bien peu, s'il ne faisoit trop froid. Sil mange bien sans qu'on l'efforce, baille luy la chair lauee, ainsi preparee: Prends les aisles d'une poulette pour le matin, & laue en deux eaus, si c'est chair de Lieure ou de Bœuf en trois. Le lendemain matin, donne luy vne cuisse de Geline bien chaude, & à midy chair trempee, bonne grosse gorge, le laissant ieusner iusques au vespre bien tard: & s'il a mis sa viande auail, & qu'il ne soit rien demeuré en la gorge, donne luy vn peu de chair chaude, cōme tu as fait au matin: & ainsi soit gouverné iusques à ce qu'il soit temps de luy donner plume: ce que sçauras par trois signes. Le premier, quand trouueras au bout de l'aisle du Faucon vne chair plus ieunes & molle qu'aparauant qu'il mangeast chair lauee. Le

second, si les esmeuts sont clairs & blancs, & que le noir qui est parmy soit bien noir, sans autre ordure meslee parmy. Le tiers, s'il a grand faim & aspre, & qu'il plume volontiers. On baille plume faite, ou de pieds de Lieure, ou de Connin, ou de cotton de la plume qui est sur la ioincte de l'aisle d'une vieille geline. Pren donc le pied de devant d'un Lieure, & soit escorché du dos d'un cousteau, tant que les os & les ongles en tombent: afin de moudre les os des ottelets, qu'il faut couper & mettre en belle eau froide & claire, puis l'esprains, & luy en donne deux bequeses. Et quand tu le mettras à la perche, nettoye le dessous, afin de voir si l'esmeut est enveloppé de taves, & plein de glete & d'ordure: que s'il est ainsi, continue ceste plume jusques à trois nuicts ou quatre, & de la chair lauee comme dessus est dit. Et si tu voyes plumes digerees & mouluës, & qu'il y ait grande cure & ordure, prene le col d'une vieille geline, & le coupe tout au long par entre deux ioinctes, & mets les ioinctes en eau froide, & les donne à manger à ton Faucon, sans autre chose: & on luy donne ces ioinctures, parce qu'il met aual en la meule la chair qui est sur les ioinctes, & la confit, & les os demeaurent, qui sont aizuz & cornus, qui desrompent les taves, & l'ordure, & portent avec eux: & luy en donnez par trois nuicts, en luy baillant sur iour chair lauee, comme il est dit. Et puis retourne à luy donner plume selon la force & necessité de ton Faucon. Et ne t'esbahi si le Faucon qu'on effème est aucunes fois quinze iours avant qu'il vueille manger plume: aussi qu'aucuns Faucons prennent en un mois plustost effement que d'autres en cinq semaines, selon qu'ils sont de plus forte nature, où nourriz de plus nettes viandes, où qu'ils ont esté plus longuement en main d'homme. Quand tu auras traité le Faucon de la maë, & il a ses grosses penes sommees, ou il en a encores au tuyau, ne luy donne chair lauee, mais chair d'oiseaux vifs à bonne gorge, & le tiens en l'air, autrement ses plumes se pourroient affairer & aneantir.

FIN.

Ii iij




TABLE GENERALE CON- TENANT LES CHOSES PRINCI-

PALES TRAICTEES EN CE PRE-

sent volume de la Fauconnerie.

Le chiffre signifie le feuillet, & la lettre la page.

A

Aigle, de ses especes, de sa
couleur & forme. 54. b
l' Aigle faune, qu' on nom-
me Aigle Royal 104. b
del' Aigle noire 106. a

De combien d'especes il y a d'Aigles.

104. a

Aiguilles especes de filandres, pires que
toutes les autres 27. b

Aiguilles qui sont dedans le corps de
l'oiseau. 81. b

Aisle de l'oiseau rompuë, comment est
remise. 39. b

Aisle del'oiseau alentie & pendante, le
moyen d'y remedier. 39. a. 49. b

Aisle disloquee, comment est guerie.
ibid. b

quand l'oiseau ne soustient bien ses ais-
les la cause & le remede. 70. a

Aisleron rompu, quels remedes sont
propres pour le racoustrer 39. b

Aleine bonne de l'oiseau comme doit
estre conseruee 14. b

Aleine puante de l'oiseau, quelle en est
la cause, & le remede 51. a

Aloes comment doit estre donné aux
oiseaux volans 47. b. 77. b

l'Appetit de manger comment reuiet
à l'oiseau 35. a. 39. a. 69. a

Apostumes qui s'engendrent aucunes-
fois dedans le corps des oiseaux. 26. b

82. a

Asme autrement dit Pantais, la cause &
le remede. 80. b. 95. b

Aureilles malades des oiseaux à cause de
rheume ou froidure 16. b

Autour oiseau propre à la volerie 4. b

Autour, de ses especes, bonne forme
& condition 59. b

del' Autour femelle. 109. b

Election des Autours. 88. b

B

Baigner l'oiseau de proye quand luy
est sain.

quand l'oiseau est enuenimé par se bai-
gner en eau enuenimee, ibid.

Baigner vn nouveau Faucon. 125. a

Barbillons, maladie, qui vient dedans
le bec des oiseaux, & de ses remedes
19. b

Bec del'oiseau malade, comme prouiet
& se guerist. 22. a

Pour renoueller le bec rompu, ou re-
serrer le bec desoinct. 65. b

Blesseure d'oiseau par coup, comment
se guerist. 40. a

Du mal de bouche des oiseaux.
95. b

Brancher oiseau. 93. a

C

Catharres des oiseaux. 94. b
100. a

TABLE.

Causes & signes du mal de teste des oiseaux.	33. b	quand l'oiseau Dort souuent pour l'esueilleur.	75. b
Chaleur grande dedans le corps de l'oiseau, les signes, & le remede.	82. b		
Chairs vtables & bonnes.	100. b		
Chairs restauratiues.	ibid.		
Chairs laxatiues.	ibid.		
Chairs defendues	ibid.		
Chancres, mal des oiseaux, ses causes & signes, & comment se guerist	20. a		
Chancre qui vient aux oiseaux de chaleur de foye.	29. b. 76. b		
Change, Aller au change, hayr le change.	115. a. 1b		
Clouds ou galles aux pieds des oiseaux, les causes & remedes.	42. b. 84. b		
Complexion des Faucons, & comme ils se doivent medeciner.	99. b		
des Concussions dedans le corps.	97. b		
des choses Cordiales & confortatiues	101. a		
Corbeau, oiseau de proye.	4. b		
Coup en l'œil de l'oiseau comme se guerist.	17. b. 79. a		
Couronne du bec, maladie des oiseaux, de ses causes & signes, & des remedes propres pour la guerir.	19. a		
mal de Croye, de ses causes & remedes.	33. b. 38. b		
Cuisses ou iambes enflees des oiseaux, quelles en sont les causes & remedes.	24. a		
Cure de l'oiseau quelle doit estre.	66. a		
	126. b		
dequoy on donne les Cures.	101. b		
D			
D Esgluer oiseau.	64. a		
Difference des Faucons	1. a. 7. b		
Difference qu'il y a entre le Faucon Pelerin, & le Faucon Gentil.	8. b		
Digestion mauuaise de l'oiseau, la cause & le remede.	68. a		
		E	
		E Merillon oiseau propre à la volerie	4. b. 118. a
		Emerillon, de sa forme, de son vol & proye.	
		quand l'oiseau ne peut Emutir, les signes, & le remede.	65. b
		quand l'oiseau n'Enduit bien sa gorge, la cause & le remede.	68. b.
		quand l'oiseau Enduit bien sa gorge, mais apres il la rend, la cause & le remede.	ibid.
		Enfleure des pieds, cuisses & iambes des oiseaux, les causes & remedes.	41. b
			42. a. 76. a. 78. a
		Enfleure & viscosité des paupieres de l'oiseau.	67. a
		Enfleure des yeux de l'oiseau, & le remede.	ibid.
		Enteignemens pour conseruer tous oiseaux de proye en santé	10. b
		Epilepsie des oiseaux, la cause, signes & remede.	22. b. 75. b. 95. a
		Eschauffement de foye des oiseaux.	29. a
		quand l'oiseau est Esгарé, ou on ne peut ouir ses sonnettes, ce qu'il faut faire	71.
		Especies diuerses de Faucons.	1. a. 54. a
		Esperuier, oiseau propre à la volerie.	4. b
		Esperuier & de sa nature.	60. b
		de l'Esperuier, de sa bonne forme & bonté.	61. a
		comme il faut chiller l'Esperuier nouveau, & mettre en ordonnance	61. b
		comme on doit affaiter vn Esperuier & comme il doit estre mis en arroy.	62.
		la maniere de faire voler son Esperuier nouveau	

T A B L E

nouveau.	63. a	on cognoist qui sont les meilleurs.	122. a
de l'election de l'Esperuier.	88. a	comme on doit mettre en arroy, & porter le Faucon.	ibid b
de l'Esperuier femelle.	111. a	comme on doit affaiter vn Faucon, & mettre hors de sauuagine.	ipid.
pour faire eslemer Esperuiers, Autours ou Tiercelets, sans leur faire force	89. b	comme on doit leurrer vn Faucon nouveau affaité.	124. a
pour eslemer & faire les Faucons.	90. a	des Faucons.	107. b. 112. b.
Eslemer vn Faucon, c'est luy bailler la cure.	126. b	Faucons Gentils differens des autres	7. b
Essement de Faucon comme se doit faire.	là mesme.	Faucons comment se doiuent perdre en l'aire ou au nid.	48 b
		du Fau perdrieux.	118. b
		du Feu qui se donne aux narilles des oiseaux pour les embellir.	19. b
F		Fieure des oiseaux, & le signe & le remede.	83. a
		Filandres de la gorge, leurs causes & remedes.	26. a
		Filandres des estraines & des reims, leurs signes, leurs causes & remedes	27. a
		Filandres des cuisses, leurs causes & remedes.	27. b 81. b.
		Filandres vulgairement appellees aiguilles.	27. b
		Filandres, les especes d'icelles, les signes, leur causes & le remede.	77. a
		Filandre dedans le corps de l'oyseau la cause, les signes & le remede.	81. b
		Flegme engendré au gosier de l'oyseau, le signe, la cause & le remede.	76. b
		Fontaine qui est au pied de l'oyseau, comment est medicamentee & guarie	84. b
		Foye de l'oyseau eschauffé, la cause, le signe & le remede.	26. a

80. a
pour les infirmités de Foye, & la medecine. 98. b

G

G Allés & clouds aux pieds des oiseaux, les causes, signes & remedes. 24. b. 85. a
Gentil Faucon, & de sa nature. 1. b
113. b

Gentil en quoy different au Pelerin. 8. b

Gentils Faucons en quoy different les autres. 7. b

Gerfaut Faucon, & de sa nature. 3. a
108. a

Gerfaut de sa naissance, forme, condition & proye. 59. a

de la Goutte des reins. 97. b

Gratelle & demangeaison des pieds des oiseaux. 43. b

H

H Ayre le change à vn nouveau Faucon. 71. a. 25. b

pour faire l'oiseau Hardy à la proye, & voler grands oiseaux. 71. b

du Haut mal, dont les oiseaux tombent par fois. 22. b. 35. b

Herissonnement de l'oiseau, les causes, signes & le remede. 79. a

Heron à prendre par le Faucon. 126. a

du Hobreau. 116. b

Hobier, oiseau propre à la volerie. 4. b

I

I Ambe ou cuisse rompuë de l'oiseau, quels moyens faut tenir pour la

TABLE.

guarir.

pour rompre la Jambe à l'oiseau, quels moyens doit on tenir 39. b
45. a

quand l'oiseau Iette sa viande. 98. a

Instruction pour appriouiser oiseaux. 6. b

L

L anier Faucon, & de son naturel. 3. b

Lanier, de sa naissance, forme, past & proye. 57. b

pour faire le Lanier gruiet. 71. b

du Lanier femelle, & de son Laneret masse. 115. b

pour faire le Lardon. 101. b

pour bien faire l'oiseau au Leurte, & pour le bien faire voler au gibbier. 70. a

pour faire vn oyseau à la guise de Lom bardie. 90. a

Lumbriques qui sont petits vers dedans le corps de l'oiseau. 81. b

M

O isseau Maigre comme doit estre mis sus, & le signe de maigreur ou de maladie. 69. a. 35. b

Maladies & medecines qui sont dedans le corps des oiseaux. 80. a

Mal des aureilles venu aux oiseaux de rheume. 16. b

Mal des yeux des oiseaux, à cause de rheume ou distillation de cerneau. 14. b

Mal de l'ongle qui vient en l'œil des Faucons. 17. b

Mal des maichoieres, ses causes, signes, &

- Oeufs estans faicts par les Faucons en-
deuiennent malades & en danger de
mourir. 48. a 73. a
- Oiseau degousté, remedes pour luy fai-
re venir l'appetit. 35. a
- Oiseau trop maigre comme doit estre
remis sus. 35. b
- Oiseau alenty & paresseux, ce qu'il luy
faut faire. ibid.
- Oiseau qui a esté blessé de coup, quels
remedes sont propres pour le guarir.
40. a
- Oiseau se grattant & demangeant les
pieds, les moyens pour y obuier.
43. b
- Oiseau autres que Faucons de leurre
& de poing, & de leur nature.
4. b
- Oiseaux de riuere. 5. a
- pour tenir les Oiseaux sains & en bon
estat. 92. b
- de tous Oiseaux de proye, qui seruent
à la Fauconnerie. 119. a
- pour Oiseler toutes manieres d'oi-
seaux. 92. a
- l'Ongle mal qui vient en l'œil des Fau-
cons. 17. b
- pour Ongle rompu renoueller.
7. b
- les Ongles des oiseaux estans rompus
quels remedes sont propres pour les
guarir. 48. a
- quand les Ongles se descharnent, ou
viennent droicts & non crochus;
le signe, de ce, la cause, & le remede.
85.
- Oppilation, le signe, la cause & le reme-
de. 76. a
- Oserrompu, ou hors de son lieu, pour
le faire reprendre. 80. a
- Palais qui enste aux oiseaux par froidu-
re & rheume de teste. 21. a
- Pantais de la gorge, les causes & reme-
des. 30. a
- Pantais venant de froidure, les causes
& remedes. 30. b
- Pantais, qui tient aux reins & rongnons,
les signes, causes & remedes.
31. b
- Pantais, les signes, causes & remedes.
80. b
- Paupieres de l'oiseau, voyez Poupières
cy dessouz. 76. a
- Past & chair bonne & mauuaise pour
paistre oiseau. 64. b
- Pelerin Faucon, & de sa nature. 2. a
- Pelerin Faucon en quoy different au Fau-
con Gentil. 8. b
- election du Faucon Pelerin. 86. b
- du Faucon Pelerin. 113. b
- pour muer le Pennage de l'oiseau en
blanc. 73. b
- pour Penne froissée redresser, ou rom-
puë entrer, ou desioincte reserrer, ou
perduë renoueller. 64. a
- pour penne rompuë d'vn costé, & qui
tient de l'autre. ibid.
- Penne arrachee par force, ou tiree en
saing, le moyen de la faire reuenir.
50. b
- Pennes des ailes, rompues, par quels
moyens les doit on racouster. 49. b
- Pepie, maladie des oiseaux, de ses cau-
ses, les signes, & remedes. 20. b 76. b
- pour desaccoustumer oiseau de soy Per-
cher en arbre. 71. a
- quand l'oiseau se bat trop à la Perche.
73. b
- Pieds enflés de l'oiseau, quelles en sont
les causes & remedes. 41. b

TABLE.

Pierre, maladie des oiseaux, ses especes. causes & signes.	23. b. 8. 3b. 96. a	Remede pour faire aimer à son Faucon les autres.	126 a
Playe receue par l'oiseau en heurtant.	79 b	Remedes propres pour guarir le mal de teste des oiseaux.	13. b
des playes qui sont en l'oiseau.	99. a	Remedes pour guarir les oiseaux qui ont mal aux yeux.	14. b
Podagre autrement nommee clouds & galles, la cause & le remede.	84. b	Remedes pour le mal de rheume enraciné de long temps.	15. a
97. a		Remedes pour le mal des oreilles qui vient aux oiseaux.	16. b
aux Podagres oiseaux comment faut rompre la iambe.	45. a	Remedes pour mal de paupieres.	17. a
Porter & contregarder l'oiseau, & luy accoustumer les chiens	69. b	Remedes propres pour guarir le mal d'ongle.	17. b
maladie de poulmon de l'oiseau, & le remede.	80. b	Remedes pour guarir l'oiseau qui a coup en l'œil	17. b
Pouls comment se peuuent oster aux Faucons, ou faire mourir,	49. a 78. a	Remedes pour le mal de la taye en l'œil des oiseaux	18. a
101. b		Remedes pour le mal des narilles & du bec.	19. a
Paupieres d'oiseaux malades par froidure de rheume.	17. a	Remedes propres pour l'oiseau qui ne enduit & ne passe sa gorge.	33. b
Poupiers de l'oiseau enflés, & le remede.	76. a	Remedes pour guarir l'oiseau qui remet sa chair & ne peut enduire.	34. b
Purger l'oiseau en tout temps, luy faire bon appetit & bon ventre.	67. a	Remedes pour remettre l'oiseau desgouste.	35. a
		Remedes pour vn oiseau alenty & paresseux.	35. b
		Remedes pour remettre sus vn oiseau, quand il est trop maigre.	35. b
		Remettre sa chair, & ne pouuoit enduire.	34. b
		pour Bien faire reuenir l'oiseau quand il a volé, & la cause pourquoy ne reuenient.	70. b
		Rheumes, ausquels sont subiets les oiseaux, le remede.	12. b. 15. b. 16. a
		Rheume enraciné de long temps, & qui procede de froidure.	15. a
		Rheume de la teste comme doit estre deschargé del'oiseau.	16. a
		Rheume au cerueau de l'oiseau, la cause & le remede.	74. b

R

R Amage oiseau.	63. b
Raucité seiche de l'oiseau	77. b
Recepte pour garder les oiseaux en santé.	13. a
Remede pour le mal de rheume enraciné de long temps.	15. a
autre remede pour la maladie dessufdicte	16. a
Remede pour descharger l'oiseau du rheume de la teste.	16. a
Remede pour oster rheumes & eaux de la teste en lieu de tirer.	12. b
Remede contre le mal qui aduient à l'oiseau par trop hastiement manger.	65. a

T A B L E.

Rheume sec au cerueau de l'oiseau, les
signes, causes & remedes, 75. a
Rheume engendré au cerueau de l'oi-
seau par fumee, le signe & le remede.
75. a

S

Sacre Faucon, & de sa nature. 3. b
Sacre, & ses especes, condition &
proye. 58. a
du Sacre, & de son Sacret. 108. a
Saffie Faucon, & des autres Faucons
89. a
Sang assemblé & figé au ventre de l'oi-
seau, & le remede. 81. a
Sangfues qui entrent dedans la gorge
des oiseaux ou narilles. 21. b. 77. a
Santé de l'oiseau, comment doit estre
conseruee. 10. b. 14. b
les signes communs de Santé en l'oiseau
de proye. 18. a
pour entretenir l'oiseau en Santé, & le
preferuer de maladie. 66. a
pour cognoistre la Santé de tous oiseaux.
93. a
pour cognoistre la santé & la maladie
par la cure & par l'esmur, 94. a
Signes communs de la maladie en oi-
seau de proye. 74. b
les signes des infirmittez vniuersellemēt.
93. a
Soif de l'oiseau, la cause & le remede.
65. b.
Sor oiseau. 63. b
Surdité des oreilles signe, la cause & le
remede. 76. a

T

Taigne, qui vient aux ailes & queues
des oiseaux, & de ses especes.

36. b. 78. b
Taigne des oiseaux, premiere espece.
37. a
Taigne des oiseaux seconde espece.
ibid. b
Taigne des oiseaux, troisieme espece.
38. a
du Faucon Tartarot. ou de Tartarie, ou
Barbarie. 2. a. 11. 4. a
Taye en l'œil des oiseaux. qu'aucuns ap-
pellent verole. 18. a
Thraciens & les oiseaux de proye, gib-
boient ensemble aux oiseaux. 12. 2. a
du Tiercelet masse. 109. b. 114. b
de la Tignolle, & de sa medecine.
99. a
Tremblement de l'oiseau, & le remede.
79. a
du Faucon Tunicien. ou Punicien. 4. a
114. a

V


Vgrand Vautour cendré. 106. b
du moyen Vautour, brun & blan-
châtre. 107. a
Venes des iambes de l'oiseau estouppees,
pour le garentir des enflures 44. a
pour estancher les Venes de l'oiseau, le
remede. 79. b
pour eslargir le Ventre & le boyau de
l'oiseau. 67. b
Ventosité engendree au corps de l'oi-
seau, les signes & le remede. 83. a
98. b
Verole des oiseaux comment se guarist.
18. a
Vers ou filandres maladies des oiseaux,
de quatre especes. 26. 27. 28 &
36. b


TABLE.

Vessie enflée en la plante de l'oiseau & le remede.	85. b	Y eux malades des oiseaux, à cause de rheume, ou distillation du cerueau.	14. b
Vol pour le gros.	5. b	Yeux de l'oiseau enflés, & le remede.	76. a
Volerie des champs.	5. b		
quand l'oiseau n'a volonté de voler, le remede.	17. a		
Voler vn nouveau faucon.	125. a	contre le mal des Yeux de l'oiseau.	76. b

Fin de la Table de la Fauconnerie.







~~X~~ SK 25

D 85

1628

BW

1098395

1098397





